

শ্রী শ্রী নবোত্তম বিলাস

শ্রী নরহরি দাস বিরচিত ।

শ্রী রাখালদাস কবিরত্ন কর্তৃক
সংশোধিত ।

—*—

“যস্য ভক্তির্ভগবতি হরৌ নিঃশ্রেয়সেশ্বরে ।
বিক্রীড়তোহমৃতান্তোধৌ কিমন্তৈঃ পাতকোদকৈঃ ॥”

দ্বিতীয় সংস্করণ ।


১০৫ নং আপার চিৎপুর রোড কলিকাতা
“তারানালাইব্রেয়ারী” হইতে
শ্রী অধরচন্দ্র চক্রবর্তী কর্তৃক প্রকাশিত ।

—*—

অগ্রহায়ণ, ১৩৩১ সাল ।



মূল্য ১২ এক টাকা ।



সূচীপত্র ।


—*—

পৃষ্ঠা ।		পৃষ্ঠা ।	
প্রথম বিলাস ।	১	সপ্তম বিলাস ।	৫২
দ্বিতীয় বিলাস ।	৮	অষ্টম বিলাস ।	৭০
তৃতীয় বিলাস ।	২২	নবম বিলাস ।	৮৮
চতুর্থ বিলাস ।	৩০	দশম বিলাস ।	১০২
পঞ্চম বিলাস ।	৩৯	একাদশ বিলাস ।	১১৫
ষষ্ঠ বিলাস ।	৪৬	দ্বাদশ বিলাস ।	১৩০

প্রিন্টার—শ্রীপুলিনবিহারী দাস ঘোষ

“লীলাপানি প্রেস”

১৯ নং গোয়াবাগান স্ট্রীট, কলিকাতা ।



শ্রীশ্রীকৃষ্ণচৈতন্যচন্দ্রায় নমঃ

শ্রীমন্নরোত্তম-বিলাস ।

প্রথম বিলাস ।

শ্রীশপ্রপন্ন প্রিয় শ্রীনটেল্ল, স্বপ্রেমসম্পৎ প্রদানৈকদক্ষঃ ।

শ্রীগৌরবিশ্বস্তরপ্রাণবন্ধো, হে লোকনাথ প্রভো মাং প্রসীদ ॥ ১ ॥

বন্দে শ্রীমল্লোকনাথঃ শ্রীমচৈতন্যপার্বদম্ ।

শ্রীমদ্রাধাবিনোদৈকজীবনং জনজীবনম্ ॥ ২

শ্রীমকীরপ্রিয় লোকনাথপাদজাঘট পদম্ ।

রাধাকৃষ্ণরসোন্মত্তং বন্দে শ্রীমন্নরোত্তমম্ ॥ ৩

সর্বসদগুণসম্পন্নান্ সর্বানর্থনিবর্তকান্ ।

শ্রীমন্নরোত্তম প্রভোঃ শাখাবর্গানহং ভজে ॥ ৪

শ্রীবৈষ্ণবপ্রমোদায় নিজাভীষ্টার্থ সিদ্ধয়ে ।

নরোত্তমবিলাসার্থং গ্রন্থং সংক্ষিপ্ততোক্রতে ॥ ৫ ॥

জয় জয় শ্রীগৌরগোবিন্দ সর্বেশ্বর ।

ভুবনমোহন প্রেমায় কলেবর ॥

জয় শচী জগন্নাথমিশ্রের নন্দন ।

জয় জয় নিত্যানন্দাধৈতের জীবন ॥

জয় গদাধর পণ্ডিতের প্রাণনাথ ।

জয় শ্রীবাসের প্রভু জগৎ বিখ্যাত ॥

জয় হরিদাস বক্রেশ্বর প্রেমাধীন ।

জয় মুরারির মোদবর্ধনে প্রবীণ ॥

জয় গৌরীদাস গদাধরের বান্ধব ।

জয় নরহরি প্রেষ্ঠ পরম বৈভব ॥

জয় স্বরূপের প্রিয় গুণের নিধান ।

জয় সনাতন রূপ গোপালের প্রাণ ॥

জয় জয় প্রভু ভক্ত-গোষ্ঠির সহিত ।

ফুরাহ স্বাভীষ্ট ভক্তবিলাস কিঞ্চিৎ ॥

মো হেন মূর্খের বাক্য শুন শ্রোতাগণ ।

সভে অনুগ্রহ কর দেখি আকিঞ্চন ।

ভালমন্দ নাহি জানি নাহি কোন জ্ঞান ।
 যে কিছু কহিয়ে সাধু আজ্ঞা বলবান্ ॥
 নরোত্তম বিলাস এ গ্রন্থ মনোহর ।
 করি পরিশোধন আশ্বাদ নিরন্তর ॥
 পূর্বপাশ্বে কৈল যৈছে মঙ্গলাচরণ ।
 সেই ক্রম কহি এবে শুন দিয়া মন ।

জয় জয় শ্রীচৈতন্য প্রিয় লোকনাথ ।
 বিপ্রবংশ-প্রদীপঃ যে সর্বাংশে বিখ্যাত ॥
 ত্রিহাঙ্গ চরিত্র এথা কহি যে কিঞ্চিৎ ।
 করহ শ্রবণ ইহা জগতে বিদিত ॥
 যশোর দেশেতে তালগড়ি নামে গ্রাম ॥
 তথাতে প্রকট সর্বমতে অনুপম ॥
 মাতা সীতা পিতা পদ্মনাভ চক্রবর্তী ।
 কহিতে কি জানি সে দৌহার যৈছে কীর্তি
 পদ্মনাভ চক্রবর্তী বিদিত সংসারে ।
 প্রভু অদ্বৈতের অতি অনুগ্রহ যাঁরে ॥
 পরম বৈষ্ণব অলৌকিক সর্বকাজ ।
 সর্বগুণে পরিপূর্ণ রাঢ়ী বিপ্ররাজ ॥
 দিবানিশি সংকীর্তনে মত্ত অতিশয় ।
 দেখি সে নেত্রের ধারা কেবা ধৈর্য্য হয় ॥
 শ্রীঅদ্বৈত-কৃপায় সে মহাহর্ষ মনে ।
 নদীয়া আইসে সদা গৌরানন্দদর্শনে ॥
 দেশে গেলে পদ্মনাভে কিছুই না ভায় ।
 পত্নী সহ সদা গৌরচন্দ্র-গুণ গায় ॥
 যৈছে পদ্মনাভ তৈছে তাঁর পত্নী সীতা ।
 পরম বৈষ্ণবী যেহো অতি পতিব্রতা ॥

লোকনাথ হেন পুত্রে পায়্যা পুণ্যবতী ।
 করয়ে পালন যৈছে কহি কি শকতি ॥
 পুত্রে সমর্পিয়া গৌরচন্দ্রের চরণে
 দেখয়ে পুত্রের চেষ্টা মহানন্দমনে ॥
 শ্রীলোকনাথের ভক্তিপথে মহা আর্তি ।
 সর্বদা সুন্দর যেন করণার মূর্তি ॥
 অল্প বয়সে বিগা সকল শাস্ত্রেতে ।
 অত্যন্ত নিপুণ বাপ মায়ের সেবাতে ॥
 নিরন্তর আরাধয়ে কৃষ্ণের চরণ ।
 ভক্তিবলে করে সর্ব চিত্ত আকর্ষণ ॥
 পিতা মাতা অদর্শন হৈলে কথো দিনে ।
 মনের বৃত্তান্ত জানাইলা বন্ধুগণে ॥
 বিষয় সংসার সুখ ত্যাগি মল প্রায় ।
 প্রভু-সন্দর্শনে যাত্রা কৈল নদীয়ায় ॥
 প্রভুপদে আত্মা সমর্পিয়া নবদ্বীপে ।
 প্রভু অনুগ্রহ করি রাখিলা সমীপে ।
 সন্ন্যাস করিব প্রভু উদ্দিগ্য অন্তরে ।
 শীঘ্র লোকনাথ পাঠায়েন ব্রজপুরে ।
 কে বুঝে প্রভুর চেষ্টা অত্যন্ত গভীর ।
 লোকনাথে বিদায় করিয়া নহে স্থির ॥
 লোকনাথে জানিলেন প্রভুর অন্তর ।
 দুই চারি দিবসেই ছাড়িবেন ঘর ॥
 স্বতন্ত্র ঈশ্বর প্রভু তাঁর ইচ্ছামতে ।
 লোকনাথ যাত্রা যৈছে না পারি বর্ণিতে ॥
 নিস্তর অশ্রুধারা বহে ছনয়ানে ।
 দিবসের পথ চলে চারি পাঁচ দিনে ॥

কথো দূরে শুনে প্রভু সন্ন্যাস করিয়া ।
 নীলাচলে গেলা প্রিয়ভক্তে প্রবোধিয়া ॥
 প্রভুর মস্তকে শ্রীকেশের অদর্শন ।
 সোঙরিয়া উচ্চৈশ্বরে করয়ে রোদন ॥
 মৃতপ্রায় হইয়া প্রভুর আঙ্কামতে ।
 বৃন্দাবনে প্রবেশিলা কথোক দিনেতে ॥
 বৃন্দাবন-শোভা দেখি রহে কথো দিন ।
 তথা শুনিলেন প্রভু গেলেন দক্ষিণ ॥
 লোকনাথ হইয়া অতি উদ্বিগ্ন অন্তর ।
 চলয়ে দক্ষিণ যথা শ্রীগৌরসুন্দর ।
 কথো দূরে শুনিলেন বৃত্তান্ত সকল ।
 দক্ষিণ হইতে প্রভু আইলা নীলাচল ॥
 বৃন্দাবন যাত্রা করিলেন গৌড়পথে ।
 গৌড় হৈতে ক্ষেত্র গেলা ভক্ত ইচ্ছামতে ॥
 পুনঃ শুনিলেন প্রভু আইলা বৃন্দাবন ।
 লোকনাথ ব্রজে যাত্রা কৈলা সেইক্ষণ ॥
 বৃন্দাবনে আসি সর্ব সংবাদ শুনিল ।
 এই কথো দিনে প্রভু প্রয়াগে চলিলা ॥
 লোকনাথ দুঃখী হইয়া দাঁড়াইলা মনে ।
 প্রয়াগে চলিব প্রাতে প্রভুর দর্শনে ॥
 প্রভুগুণ সোঙরিয়া করয়ে ক্রন্দন ।
 ধরণী লোটার অঙ্গ না যায় ধরণ ॥
 রাত্রি শেষে নিদ্রা হৈল প্রভুর ইচ্ছায় ॥
 স্বপ্নস্থলে গৌরচন্দ্রে দেখে নদীয়ায় ॥
 চন্দনে চর্চিত তনু জিনি কাঁচা সোণা ॥
 সূচাক চাঁচর কেশে পুষ্পের রচনা ॥

কপালে তিলক দিব্য যজ্ঞসূত্র গলে ।
 নেত্র ক্রম ভঙ্গিমাতে কেবা নাহি ভুলে ।
 কি মধুর মুখে মন্দ হাসিয়া হাসিয়া ।
 চান্দের গরব নাশে বরিষে অমিয়া ॥
 কিবা সে অজানু বাহু বক্ষ পরিসর ।
 পরিধেয় ত্রিকচ্ছ বসন মনোহর ॥
 নানা রত্ন ভূষণে ভূষিত প্রতি অঙ্গ ।
 কিশোর বয়স তাহে রসের করঙ্গ ॥
 মধুর বচনে কহে লোকনাথ প্রতি ।
 তো সভা সহিত মোর সদা এথা স্থিতি ॥
 এই নবদ্বীপে মোর অশেষ বিহার ।
 ব্রহ্মাদিক কেহ অন্ত নারে করিবার ॥
 ঐছে কত কহি লোকনাথে আলিঙ্গিতে ।
 নিদ্রাভঙ্গ হৈল দুঃখ না পারে সহিতে ॥
 প্রভু ইচ্ছা মতে পুনঃ নিদ্রা আকর্ষিল ।
 পুনঃ লোকনাথ আগে প্রত্যক্ষ হইল ॥
 শ্রীকৃষ্ণচৈতন্য সন্ন্যাসীর শিরোমণি ।
 লোকনাথ প্রতি কহে সুমধুর বাণী ॥
 প্রয়াগে যাইবা তুমি করিয়াছ চিতে ।
 কি লাগি যাইবা মোরে দেখহ সাক্ষাতে ॥
 গুহে লোকনাথ বড় সাধ ছিল মনে ।
 তোমা সহ একত্র রহিব বৃন্দাবনে ॥
 তেঞি তোমা শীঘ্র পাঠাইয়া বৃন্দাবন ।
 ভারতীর স্থানে কৈল সন্ন্যাস গ্রহণ ॥
 হইলুঁ উদ্বিগ্ন বৃন্দাবিন পিন দেখিতে ।
 তাহা না হইল গেলুঁ অদ্বৈত গৃহেতে ॥

সন্তে মহা দুঃখী হৈলা আমার সন্ন্যাসে ।
 সভা প্রবোধিলুঁ রহি অষ্টমতের বাসে ॥
 সভা মনোবৃত্তি জানি নীলাচলে গেলুঁ ।
 তাঁহা কথো দিন রহি দক্ষিণ ভ্রমি লুঁ ।
 মোর লাগি তুমিহ দক্ষিণ যাত্রা কৈলা ।
 ব্রজে আমি আইলুঁ শুনি তুমি ব্রজে আইলা
 দৈবযোগে আমা সহ না হইল দেখা ।
 পাইলে যতেক দুঃখ নাহি তার লেখা ॥
 প্রয়াগে গমন মোর শুনি লোক স্থানে ।
 প্রভাতে যাইবা তথা করিয়াছ মনে ॥
 তোমার নিকটে নিরন্তর আছি আমি ।
 বৃন্দাবন হৈতে কোথা না যাইহ তুমি ।
 প্রয়াগ হইতে আমি যাব নীলাচল ।
 শুনিতে পাইবে মোর বৃত্তান্ত সকল ।
 সনাতন রূপ আদি মোর প্রিয়গণে ।
 দেখিতে পাইবে এথা অতি অল্পদিনে ॥
 তাঁ সভার দ্বারে মনোবৃত্তি প্রকাশিব ।
 বৃন্দাবনে সুখের সমুদ্র উথলিব ॥
 সে সুখ তরঙ্গে তুমি সতত ভাসিবে ।
 তোমার মনেতে যাহা সর্বসিদ্ধি হবে ।
 কথোদিন পরে এক নৃপতি নন্দন ।
 হইব তোমার শিষ্য নাম নরোত্তম ।
 তেঁহো প্রেমভক্তি রসে ভাসিব সদায় ।
 জীবের কলুষ নাশ করিব হেলায় ।
 প্রকাশিব পরম মধুর উচ্চ গান ।
 যাহার শ্রবণে হবে এ দারু পাষণ ॥

ঐছে কহি লোকনাথে কৈলা আলিঙ্গন ।
 লোকনাথ ভূমে পড়ি বন্দিলা চরণ ॥
 হেনকালে নিদ্রাভঙ্গ প্রভু অন্তর্দ্বান ।
 লোকনাথ ব্যাকুল ধরিতে নারে প্রাণ ॥
 গৌরঙ্গ চান্দ্রের গুণ সঙরি সঙরি ।
 দীর্ঘশ্বাস ছাড়ি কান্দে গুমরি গুমরি ॥
 আপনা প্রবোধি স্থির হৈলা কতক্ষণে ।
 তথাপিহ প্রেমধারা বহে ছনয়ানে ॥
 হইল প্রভাত দেখি করি প্রাতক্রিয়া ।
 শ্রীনাম কীর্তন করে নিভূতে বসিয়া ॥
 ব্রজবাসী বিপ্র অমুরোধে যথাকালে ।
 ফলাদি ভক্ষণ করি রহে বৃক্ষতলে ॥
 একস্থানে স্থির হইয়া কভু নাহি রয় ।
 বৃন্দাবন প্রদেশেতে ভ্রমণ করয় ॥
 অপূর্ব বনের শোভা দেখি কোন স্থানে ।
 কথোদিন রহে তথা অতি সঙ্গোপনে ॥
 অকস্মাৎ কার মুখে করয়ে শ্রবণ ।
 শ্রীশুবুদ্ধিমিশ্র আইলেন বৃন্দাবন ॥
 শ্রীরূপ গোস্বামী আইলেন তারপর ।
 পুনঃ তিহো গেলা যথা শ্রীগৌরসুন্দর ॥
 সনাতন আসিয়া গেলেন নীলাচল ।
 এসব শুনিতে নেত্রে বহে প্রেমজল ॥
 সনাতন রূপ বলি ছাড়ে দীর্ঘশ্বাস ।
 আর কথোদিনে হবে একত্র নিবাস ॥
 ঐছে কহি অত্যন্ত ব্যাকুল হেনকালে ।
 হইল আকাশবাণী আসিব সকালে

শ্রীনরোত্তম-বিলাস ।

কিছু দিনে আইলা যৈছে রূপ সনাতন ।
সে সকল অন্ত গ্রন্থে বিস্তার বর্ণন ॥
শ্রীগোপাল ভট্ট আদি আইলা বৃন্দাবনে ।
লোকনাথ গোস্বামী মিলিলা সভাসনে ॥
পরস্পর মিলনে যে আনন্দ হইল ।
মুঞি মূৰ্ত্তার লেশ বর্ণিতে নারিল ॥

শ্রীরূপ:গোস্বামী লোকনাথ গোস্বামীরে
সদা সৰ্ব্বপ্রকারে তোষয়ে সমাদরে ॥
সনাতন গোস্বামীর যৈছে ব্যবহার ।
তাহা তেঁহো নিজ গ্রন্থে করিলা প্রচার ॥

তথাহি শ্রীবৈষ্ণবতোষণ্যাং ।

বৃন্দাবন প্রিয়ান্ বন্দে শ্রীগোবিন্দ-প্রদাশ্রিতান্ ।
শ্রীমৎ কশীশ্বরং লোকনাথঃ শ্রীকৃষ্ণদাসকম্ ॥

শ্রীগোপাল ভট্ট:রঘুনাথ ভট্ট আদি ।
লোকনাথ প্রেমেতে বিহ্বল নিরবধি ॥
লোকনাথ তাঁ সভা সহিত প্রেমাবেশে ।
বিলসয়ে বৃন্দাবনে মনের উল্লাসে ॥
কহিতে না পারি তাঁর অদ্ভুত চরিত ।
ভূগৰ্ভ গোস্বামী সহ সখ্যতা বিদিত ॥
তনু মন এক ইথে ভিন্ন কিছু নয় ।
পরম অদ্ভুত এই দৌহার প্রণয় ॥
প্রণয় প্রসঙ্গ এথা নারি বিস্তারিতে ।
লোকনাথ মনোহিত হৈল সৰ্ব্বমতে ॥
কি কহিব গোস্বামীর বৈরাগ্য শুনিয়া ।
বিদরয়ে পাষণ সমান যার হিয়া ।
সদা নিরপেক্ষ ভক্তিশাস্ত্র-সুসম্মত ।
শ্রীবিগ্রহ শ্রীরাধাবিনোদ সেবারত ॥
শ্রীরাধাবিনোদ-প্রাপ্তি যে রূপে হইল ।
তাহা ভক্তি রত্নাকরগ্রন্থে জানাইল ॥

শ্রীরাধাবিনোদ-রূপ মাধুর্য্য-দেখিতে ।
গৌররূপ-মাধুর্য্য দেখয়ে আচম্বিতে ॥
প্রভু স্বপ্নাদেশ স্মৃতি হইল তখন ।
প্রেমেতে বিহ্বল অশ্রু নহে নিবারণ ॥
গৌরাঙ্গ চান্দেৰ চাকু চরিত্র কহিতে ।
আউলিয়া পড়ে অঙ্গ লোটার ভূমেতে ॥
নিরন্তর আপনাকে মানয়ে ধিকার ।
না দেখিয়া গৌরাঙ্গের অদ্ভুত বিহার ॥
যব কৃষ্ণদাস কবিরাজ গোস্বামীরে ।
আজ্ঞা মাগিলেন গ্রন্থ বর্ণিবার তরে ॥
গোস্বামী হইয়া হৃষ্ট তাঁরে আজ্ঞা দিলা ।
তাহে নিজ প্রসঙ্গ বর্ণেতে নিবেধিলা ॥
শ্রীগোপাল ভট্ট গোস্বামীর আজ্ঞা লইতে ।
ঐছে নিবেধিলা তেঁহো অতি খেদ মতে ॥
শুনিলুঁ প্রাচীন মুখে এসব আখ্যান ।
কিঞ্চিৎ বর্ণিলুঁ এ আশ্বাদে ভাগ্যবান্ ॥

লোকনাথ গোস্বামী পরম দয়াময় ।
শ্রীচৈতন্য কৃপাপাত্র প্রেম-রত্নময় ॥

বৃন্দাবনে বাস নিত্য কে বুঝে আশয় ।
নরোত্তম কৈলা কৃপা প্রসন্ন হৃদয় ।

তথাহি শ্লোকাঃ ।

যঃ কৃষ্ণ চৈতন্য কৃপৈকবিভূ স্তং প্রেমহেমাভরণাঢ্যচিত্তঃ ।
নিপত্যভূমৌ সততং নমাম, স্তং লোকনাথং প্রভুমাশ্রয়ামি ॥ ১
যোলক বৃন্দাবননিত্যবাসঃ পরিশুরং কৃষ্ণবিলাস-রাসঃ ।
স্বাচারচর্যা সততং বিরাম, স্তং লোকনাথং প্রভুমাশ্রয়ামি ॥ ২
কৃপাবলং যস্য বিবেক কশ্চিন্নরোত্তমো নাম মহান্বিপশ্চিৎ ।
যস্য পৃথীয়ান বিষয়োপরাম স্তং লোকনাথং প্রভুমাশ্রয়ামি । ৩

জয় শ্রীঠাকুর মহাশয় নরোত্তম ।
লোকনাথ গোস্বামীর শিষ্য প্রিয়তম ॥
শ্রীপুরুষোত্তমাগ্রজ কৃষ্ণানন্দ দত্ত ।
ঠাঁর পুত্র নরোত্তম বিদিত সর্বত্র ॥
নরোত্তম ঠাঁর গৃহে যে রূপে জন্মিল ।
সে কথা বিস্তারি এথা বর্ণিতে নারিল ॥
তথাপি বর্ণি যে কিছু শুন সাবধানে ।
পরম আনন্দ হয় যাহার শ্রবণে ॥
গোড়ে রামকেলি গ্রাম অপূর্ব বসতি ।
তথা রূপ সনাতন গোস্বামীর স্থিতি ॥
মহারাজ মন্ত্রী সর্বশাস্ত্রে বিচক্ষণ ।
সদা শাস্ত্রচর্চা লৈয়া অধ্যাপকগণ ॥
মহারাজ্ঞি কর্ণাটক দ্রাবিড় তৈলঙ্গ ।
উৎকল মিথিলা গোড় গুজরাট বঙ্গ ।
কাশী কাশ্মীরাদি স্থিত মহাবিহাবান ।
যাঁহার সমাজে হয় সত্ভার সম্মান ॥

পরম অদ্ভুত যশে জগৎ ব্যাপিল ।
ভক্তি-রত্নাকরগ্রন্থে কিছু বিস্তারিল ।
সনাতন রূপ গোড়রাজ-প্রিয় অতি ।
ঈশ্বর্যের সীমা সে আশ্চর্য্য সব রীতি ॥
নবদ্বীপে বিহরয়ে শ্রীগৌরসুন্দর ।
লোকমুখে শুনি মহা আনন্দ অন্তর ॥
দৈন্ত্য পত্নী প্রভুকে পাঠান বারবার ।
চৈতন্যচরিতামৃতগ্রন্থে এ প্রচার ॥
প্রভুপদে আত্ম সমর্পিয়া সাবহিত ।
প্রভু-সন্দর্শন লাগি সদা উৎকণ্ঠিত ॥
ভক্তাধীন শ্রীকৃষ্ণ চৈতন্য সর্বেশ্বর ।
সনাতন রূপ লাগি উদ্বিগ্ন অন্তর ॥
সন্ন্যাস করিয়া প্রভু নীলাচলে গিয়া ।
বৃন্দাবন চলে প্রিয় ভক্তে প্রবোধিয়া ॥
গোড়দেশ পথে হৈল প্রভুর গমন ।
না ছাড়ে প্রভুর সঙ্গ প্রিয় ভক্তগণ ॥

প্রভুর দর্শনে লক্ষ লক্ষ লোক ধায় ।
 ঐছে রামকেলি আইলা প্রভু গৌররায় ॥
 এথা সনাতন রূপ প্রভু আগমনে ।
 মহাসুখ-সমুদ্রে ভাসয়ে গোষ্ঠী সনে ॥
 কেশব ছত্রীন আদি যত প্রিয়গণ ।
 সভাকার হৈল মহা উল্লাসিত মন ॥
 রাজমন্ত্রী সনাতন রূপ সঙ্গোপনে ।
 প্রথমে মিলিলা প্রভু প্রিয়বর্গ সনে ॥
 নিত্যানন্দ প্রভু মহা অনুগ্রহ কৈলা ।
 শ্রীকৃষ্ণচৈতন্যচন্দ্রে দৌহে মিলাইলা ॥
 দৌহে মিলি শ্রীগৌরমুন্দর হর্ষ মনে ।
 সিঞ্চিলা অমৃত কত মধুর বচনে ॥
 নিত্যানন্দ প্রভু হরিদাস বক্রেশ্বর ।
 মুকুন্দাদি সাত সুখ পাইলা বিস্তর ॥
 সনাতন রূপ প্রভু অনুগ্রহ মতে ।
 যে আনন্দে নয় তাহা কে পারে বর্ণিতে ॥
 অল্পদিন মহাপ্রভু রহেন তথাই ।
 ইথে লোক ভিড় যত তার অন্ত নাই ॥
 প্রভু-সন্দর্শনে লোক স্থির হৈতে নারে ।
 নিরন্তর প্রেমানন্দ সমুদ্রে সাঁতারে ॥
 প্রভুর অদ্ভুত লীলা বুঝি কোন জন ।
 অন্তের কি কথা প্রেমে ভাসয়ে যবন ॥
 একদিন প্রভু নিজ প্রিয়গণ লৈয়া ।
 নাচে সংকীর্ণনে মহাপ্রেমে মত্ত হৈয়া ॥
 নিরখিয়া শ্রীখেতরি গ্রাম দিশা পানে ।
 অদ্ভুত আনন্দধারা বহে ছনয়নে ॥

নরোত্তম বলিয়া ডাকয়ে বারে বারে ।
 ভক্ত বাৎসল্যেতে স্থির হইতে নারে ॥
 করুণাসমুদ্র প্রভু নিত্যানন্দ রায় ।
 করয়ে ছকার মহা আনন্দ হিয়ায় ॥
 হরিদাস বক্রেশ্বর আদি প্রেমময় ।
 তাঁ সভার চিত্তে হৈল মহাহর্ষোদয় ॥
 প্রভুর অদ্ভুত ভাব দেখি সর্বজনে ।
 কেহ কার প্রতি কহে অতি সঙ্গোপনে ॥
 নরোত্তম নাম প্রভু লন বারবার ।
 ইথে বুঝিলাম কিছু কারণ ইহার ॥
 প্রভু-প্রেমপাত্র কেহো নরোত্তম নামে ।
 ত্রিয়ার প্রকট এই দেশে কোন গ্রামে ।
 না জানি যে কোন ভাগ্যবন্ত মহাশয় ।
 পাইব এ হেন পুত্র প্রভু প্রেমময় ॥
 হেন নরোত্তমে যেহো ধরিব উদরে ।
 তাঁর সম ভাগ্যবতী নাহিক সংসারে ॥
 নরোত্তম দ্বারা কার্য সাধিব অনেক ।
 প্রভু ভাবাবেশে কিছু হইল পরতেক ॥
 ঐছে নীলাচলে প্রভু ভুবনমোহন ।
 শ্রীনিবাস নাম লৈয়া করিলা ক্রন্দন ॥
 শ্রীনিবাস প্রকট হইব যার ঘরে ।
 তাহা মহাপ্রভু ব্যক্ত করিলা সংসারে ॥
 শ্রীচৈতন্যদাস পিতা মাতা লক্ষ্মীপ্রিয়া ।
 প্রভুকে দেখিলা দৌহে নীলাচল গিয়া ॥
 দৌহে গৌড়দেশ আইলা প্রভুর আজ্ঞায়
 মু অতি উল্লাসে তথা দেখিল দৌহার ॥

প্রভু-ভক্তগণ এই কহে পরম্পরে ।
 মাধিব অনেক কার্যা শ্রীনিবাস দ্বারে ॥
 প্রেমময় মূর্তি প্রকাশিব গৌরহরি ।
 হেন শ্রীনিবাস কি দেখিল নেত্রভরি ॥
 ঐছে কত কহে তাহা শুনিলু শ্রবণে ।
 প্রভুর যে লীলা বা বৃষিব কোন জনে ॥
 নীলাচলে প্রভু শ্রীনিবাসে জানাইলা ।
 রামকেলি আসি নরোত্তমে আকর্ষিলা ॥
 শ্রীনিবাস নরোত্তম প্রভুর কিঙ্কর ।
 এ দৌহে হইব কি এ নয়ন গোচর ॥
 ঐছে কত কহি মহা আনন্দ অন্তরে ।
 ভক্তগোষ্ঠী মধ্যে দেখি গৌরঙ্গমুন্দরে ॥

ঐছে প্রভু ভাবাবেশে বিহ্বল হইয়া ।
 নাচে কান্দে ভবিষ্য ভক্তের নাম লৈয়া ॥
 ওহে ভাই কি অদ্ভুত চৈতন্য-চরিত্র ।
 রামকেলি গ্রাম কৈলা সকল পবিত্র ॥
 সনাতন রূপের প্রেমেতে বন্ধি হৈলা ।
 কানাই নাট্যশালা দেখি নীলাচলে গেলা ॥
 এ সব প্রসঙ্গ হৈল সর্বত্র প্রচার ।
 নরোত্তম প্রকটিতে উৎকর্ষা সভার ॥
 নিরন্তর এ সব শুনহ যত্ন করি ।
 নরোত্তম-বিলাস কহয়ে নরহরি ॥

ইতি শ্রীনরোত্তমবিলাসে প্রথমোবিলাসঃ ।

দ্বিতীয় বিলাস ।

জয় গৌর নিত্যানন্দাঙ্কিত গণ সহ ।
 এ দীন ছুখীয়ে প্রভু কর অনুগ্রহ ॥
 জয় জয় কুপার সমুদ্র শ্রোতাগণ ।
 এবে যে কহিয়ে তাহা করহ শ্রবণ ।
 এথা কথোদিন পরে প্রভু ইচ্ছামতে ।
 জন্মিলেন নরোত্তম ভক্তি প্রকাশিতে ॥

কিবা মাঘ-পূর্ণিমা দিবস দণ্ড ছয় ।
 সর্ব সুলক্ষণ হৈল প্রকট সময় ॥
 বাড়িল মায়ের শোভা অতি চমৎকার ।
 পুত্রে দেখি নেত্রে বহে আনন্দাশ্রুধার ।
 বলমল করে দিব্য স্মৃতিকামন্দির ॥
 তথা যে ছিলেন সে আনন্দে নহে স্থির ॥

শ্রীশেতরি গ্রামে হৈল পরম মঙ্গল ।
 যুচিল হুবুঁদ্বি লোক আনন্দে বিহ্বল ।
 হরিহরি ধ্বনি বিনা মুখে নাহি আর ।
 পুলকে পূর্ণিত দেহ নেত্র অশ্রুধার ॥
 ভক্তিদেবী প্রবেশিলা সভার অন্তরে ।
 সন্তে ধাওয়া ধাই করে কৃষ্ণানন্দ ঘরে ॥
 বিবিধ সামগ্রী ভেট দেন সর্বজন ।
 সভারে সম্মানে দত্ত মহাবিচক্ষণ ॥
 পুত্রমুখ দেখি আঁখি নারে ফিরাইতে ।
 কি অদ্ভুত সুখ হইল কৃষ্ণানন্দ চিতে ॥
 শ্রীকৃষ্ণানন্দের পিতা পরম মহান্ ।
 পৌত্রের কল্যাণে কৈলা বহু অর্থদান ॥
 গায়ক বাদক স্মৃত মাগধ বন্দিরে ।
 মৈছে তুষ্ট কৈলা তাহা কে বর্ণিতে পারে ॥
 প্রকটের কালে যে হইল চমৎকার ।
 বাহুল্যের ভয়ে হেথা নারি বর্ণিবার ॥
 গৌর নিত্যানন্দাদৈবত গণের সহিতে ।
 নৃত্য কৈলা নারায়ণী দেখিল সাক্ষাতে ॥
 মৈছে ভাগ্যবতী নাহি নারায়ণী সম ।
 মার গর্ভে জন্মিলা ঠাকুর নরোত্তম ॥
 দিনে দিনে বাড়ে নরোত্তম চন্দ্রপ্রায় ।
 পুত্রমুখ দেখি মাতা বিহ্বল সদায় ॥
 ভাগ্যবন্ত কৃষ্ণানন্দ পাই পুত্র যত্ন ।
 প্রতিদিন বিপ্রে ভুঞ্জায়েন করি যত্ন ॥
 পুত্রমুখ দেখিয়া যুড়ায় নেত্র-প্রাণ ।
 শুভদিনে কৈলা অন্নপ্রাশন বিধান ॥

যে কৌতুক হৈল অন্নপ্রাশন সময় ।
 তাহা এক মুখে কি কহিতে সাধ্য হয় ॥
 তথা এক দৈবজ্ঞ পরম ভাগ্যবান্ ।
 শিশু সন্দর্শনেতে নির্মল হৈল জ্ঞান ॥
 রাজ আজ্ঞামতে দেখি সর্ব সুলক্ষণ ।
 কহিল ঐহ্যার যোগ্য নাম নরোত্তম ॥
 শুনি বিপ্রগণ কহে এই হয় হয় ।
 মনুষ্যের মধ্যে ঐহ্যে উত্তম নিশ্চয় ॥
 অল্প স্ত্রী পুরুষ নামকরণ-কালেতে ।
 যে যাহা কহিল তাহা নারি বিস্তারিতে ॥
 অন্নপ্রাশনের কালে হৈল যে প্রকার ।
 তাহা কহি যাতে হয় লোকে চমৎকার ॥
 পুত্রমুখে অন্ন দেন যতন করিয়া ।
 নাহি খায় অন্ন রহে মুখ ফিরাইয়া ॥
 অনেক প্রকার কৈল না হৈল গ্রহণ ।
 হইল সভার মহা চিন্তাযুক্ত মন ॥
 দৈবজ্ঞ কহেন ইথে চিন্তা না করিবে ।
 বিনা বিষ্ণু নৈবেদ্য এ কভু না ভুঞ্জিবে ॥
 সেইক্ষণে বিষ্ণুর প্রসাদ অন্ন লৈয়া ।
 পুত্রমুখে দিতে তেঁহো খাইলা হর্ষ হৈয়া ॥
 সেইদিন হৈতে রাজা কহিল সভারে ।
 কৃষ্ণের প্রসাদ বিনা না দিহ ইহারে ॥
 কৃষ্ণানন্দ দত্ত সেই দিবস হইতে ।
 বিষ্ণুপ্রসাদান্ন শ্রেষ্ঠ বিচারিলা চিতে ॥
 ছিলেন পূর্বের সেবা শ্রীকৃষ্ণ বিগ্রহ ।
 তাঁর সেবা প্রতি অতি বাড়িল আগ্রহ ॥

এইরূপে হইলেক শ্রীঅন্নপ্রাশন ।
 ইহার শ্রবণে হয় বাঞ্ছিত-পূরণ ॥
 কথো দিন পরে কৈলা শ্রীচূড়াकरण ।
 ব্যাকরণ আদি করাইলা অধ্যাপন ॥
 নরোত্তমে যেই বিদ্যা যে জনে পড়ায় ।
 তাঁহার সন্দেহ ঘুচে ত্রিহোর কুপায় ॥
 শ্রীনরোত্তমের চেষ্টা দেখি বিজ্ঞজন ।
 পরস্পর নিভূতে করয়ে গুণগান ॥
 কেহো কহে ত্রিহো দেব অংশে অবতরে ।
 নছিলে কি মনুষ্যে এমন শক্তি ধরে ॥
 এ নব বয়সে সর্বকার্যে সুশিক্ষিত ।
 সর্বমতে করে সভাকার মনোহিত ॥
 কেহো কহে ত্রিহোরে ক্ষণেক মাত্র দেখি ।
 ভুলিয়ে সকল দুঃখ জুড়াই এ আঁখি ॥
 কেহো কহে রাজপুত্র অতি সুকুমার ।
 সর্বত্র সুন্দর হেন না দেখিয়ে আর ॥
 এছে কত কহি প্রশংসয়ে কৃষ্ণানন্দে ।
 কৃষ্ণানন্দ মগ্ন পুত্র-পালন-আনন্দে ॥
 সর্ব প্রকারেতে যোগ্য দেখিয়া পুত্রে ।
 বিচারয়ে সদা মহা আনন্দ অন্তরে ॥
 বিভা করাইয়া আমি পুত্রে রাজ্য দিব ।
 মোর পিতা সম মুঞি নিশ্চিত হইব ॥
 এছে বিচারিয়া বিজ্ঞ কাশ্যবর্গেরে ।
 কহে বিবাহের কল্পা চেষ্টা করিবারে ॥
 এথা নরোত্তম প্রেমাবেশে সঙ্গোপনে ।
 কৃষ্ণ আরাধয়ে অশ্রুধারা ছনয়নে ॥

নিরন্তর পরম বৈরাগ্য ভাব চিতে ।
 রাজ-ভোগাদিক বার্জনা না পারে সহিতে ॥
 পুত্রের বৈরাগ্য ক্রিয়া দেখি ক্ষণে ক্ষণে ।
 কৃষ্ণানন্দ রায় মহা চিন্তাযুক্ত মনে ॥
 নরোত্তম বিনা কিছু নাহি ভয় মনে ।
 তৈছে মাতা নারায়ণী পুত্রগত প্রাণে ॥
 সতত রক্ষক রাখিলেন পুত্র পাশে ।
 তথাপিহ নিরন্তর চিন্তে শঙ্কা বাসে ॥
 নরোত্তম বন্দি প্রায় চিন্তে মনে মনে ।
 না দেখি উপায় গৃহ ছাড়িব কেমনে ॥
 এছে চিন্তি চিন্তবৃত্তি না করে প্রকাশ ।
 কি হবে গৌরাঙ্গ বলি ছাড়ে দীর্ঘশ্বাস ॥
 নিতাই অধৈত বলি চারিদিকে ধায়ঃ ।
 ধূলায় ধূসর অঙ্গ ধরণী লোটায় ॥
 উর্দ্ধ বাহু করিয়া ডাকয়ে বারেবার ।
 প্রভুগণ সহ মোরে করহ উদ্ধার ॥
 এছে প্রতিদিন অতি নিভূত পাইয়া ।
 ফুকরি কান্দয়ে মহাব্যাকুল হইয়া ॥
 জগতে ব্যাপিল গৌরচন্দ্রের চরিত ।
 শুনিতে না পায় তবু শুনে সাবহিত ॥
 শ্রীখেতরি গ্রামে এক প্রাচীন ব্রাহ্মণ ।
 নাম তার কৃষ্ণদাস কৃষ্ণ-পরায়ণ ॥
 অতি জিতেন্দ্রিয় তাঁরে সভে করে ভয় ।
 তাঁর আজ্ঞা লঙ্ঘিতে কাহার সাধ্য নয় ॥
 তেঁহো নরোত্তম বিনা নারে স্থির হৈতে ।
 কৃষ্ণসেবা সারি যান দেখিতে নিভূতে ॥

নরোত্তম তাঁরে অতি আদর করিয়া ।
 আসনে বসান ভূমে পড়ি প্রণমিয়া ॥
 প্রভু-ভক্তগণের বৃত্তান্ত জিজ্ঞাসয় ।
 তেঁহো সব পৃথক পৃথক করি কয় ॥
 চৈতন্যের আদি মধ্য অন্ত্যলীলামৃত ।
 ক্রমে শুনাইলা কিছু হৈয়া সাবহিত ॥
 নিত্যানন্দ অদ্বৈতচন্দ্রের ঐছে লীলা ।
 প্রেমাবেশে কহে শুনি দ্রবে দারু শিলা ॥
 পণ্ডিত শ্রীগদাধর পণ্ডিত শ্রীবাস ।
 বক্রেশ্বর স্বরূপ মুরারি হরিদাস ॥
 নরহরিদাস গৌরীদাস গদাধর ।
 বাসুঘোষ মুকুন্দ সঞ্জয় দামোদর ॥
 কাশীশ্বর শ্রীপরমানন্দ ভট্টাচার্য্য ।
 কৃষ্ণদাস ব্রহ্মচারী লোকনাথ বর্ষ্য ॥

সনাতন রূপ শ্রীগোপাল রঘুনাথ ।
 রঘুনাথ ভট্টজীব জগত বিখ্যাত ॥
 শুবুদ্ধি মিশ্ররাঘব কৃষ্ণ পণ্ডিতাদি ।
 এ সভার বৃত্তান্ত কহিলা যথাবিধি ॥
 প্রসঙ্গে কহয়ে শ্রীনিবাসাচার্য্য কথা ॥
 যেরূপে হইল জন্ম জন্মিলেন তথা ॥
 কহিতে কহিতে ছই নেত্রে ধারা বয়ে ।
 নরোত্তম করে ধরি বিপ্র সঙ্ঘোধয়ে ॥
 ওহে নরোত্তম তাঁর অদ্বৃত চরিত ।
 অল্পে সর্বশাস্ত্রে তেঁহো হইলা পণ্ডিত ॥
 প্রেমভক্তিময়-মূর্তি অতি উৎকর্ষাতে ।
 নীলাচলে চলে শ্রীচৈতন্য-দর্শনেতে ॥
 কথো দূরে শুনি শ্রীপ্রভুর সঙ্গোপন ।
 হৈল মুচ্ছাঁ সে ইচ্ছায় রহিল জীবন ॥

তথাহি শ্রীকর্ণপুর কবিরাজ-কৃত তন্ত্র গুণলেশসূচকে ।

আবিভূ ষকুলে দ্বিজেন্দ্রভবনে নাটীয় ঘণ্টেশ্বরৌ,
 নানাশাস্ত্র সুবিজ্ঞ নিৰ্ম্মলধিরা বালো বিজেতাবিধাং ।
 নীলাদ্রৌ প্রকটং শচীসুতপদং শ্রদ্ধাত্যজন্ সর্বকং,
 সোহয়ং মে করুণানিধির্বিজয়তে শ্রীশ্রীনিবাসঃ প্রভুঃ ॥ ১
 গচ্ছন্ শ্রীপুরুবোত্তমং পথিশ্রুতশৈতন্য-সংগোপনং,
 মুচ্ছাঁভূয়ঃ কচানলুনন্ স্বশিরসোঘাতং দধন্ধিকৃ তঃ ।
 তৎপাদং হৃদি সং নিধায়গতবান্নীলাচলং বঃ স্বয়ং,
 সোহয়ং মে করুণানিধির্বিজয়তে শ্রীশ্রীনিবাসঃ প্রভুঃ ॥ ২

প্রভু স্বপ্নে প্রবোধি নিলেন নীলাচলে ।
 শ্রীনিবাসে দেখি সতে ভাসে প্রেমজলে ॥
 গদাধর বক্রেশ্বর পণ্ডিত আদি যত ।
 সতে শ্রীনিবাসে কৃপা কৈলা যথোচিত ॥
 বৃন্দাবন যাইবারে সতে আজ্ঞা দিলা ।
 ত্রিহো জগন্নাথ দেখি গোড়ে যাত্রা কৈলা ॥
 শ্রীখণ্ড আসিয়া পুনঃ নীলাচল যাইতে ।
 পণ্ডিত গোস্বামী সঙ্গোপন শুনে পথে ॥
 মৃত প্রায় হইয়া আইসে গোড়দেশে ।
 স্বপ্নচ্ছলে শ্রীপণ্ডিত প্রবোধে অশেষে ॥

প্রভাতে ব্যাকুল হৈয়া চলে গোড় পথে ।
 তথা ভেট হৈল গোড়দেশী লোক সাথে ॥
 প্রভু নিত্যানন্দ অদ্বৈতের সঙ্গোপন ।
 তা সভার মুখে শুনি হৈলা অচেতন ॥
 চেতন পাইয়া অগ্নি জ্বলে পুড়িবারে ।
 ছুই প্রভু স্বপ্নচ্ছলে প্রবোধিলা তাঁরে ॥
 গোড় হৈয়া বৃন্দাবন যাইতে আজ্ঞা দিলা ।
 ব্রজনী প্রভাতে ত্রিহো গোড়যাত্রা কৈলা ॥
 খণ্ডেগিয়া নরহরি শ্রীরঘুনন্দনে ।
 প্রণমি পাইয়া আজ্ঞা চলে সেইক্ষণে ॥

তথাহি তন্ত্র গুণলেশসূচকে ।

গচ্ছন্ যঃ পথিখণ্ড-সংজ্ঞ-নগরে চৈতন্যচন্দ্রপ্রিয়ঃ,
 নদ্রা শ্রীসরকারঠকুরবরং নীতাতদাজ্ঞাং তথা ।
 তৎপশ্চাত্ত্রবুন্দনস্য চরণং নদ্রা গতৌ যস্তুবন্,
 সোহয়ং মে করুণানিধির্বিজয়তে শ্রীশ্রীনিবাসঃ প্রভুঃ ॥

নবদ্বীপে আসিয়া দেখয়ে চমৎকার ।
 গণসহ গৌরাস্তের প্রকট বিহার ॥
 বিস্মৃত হইয়া পুনঃ ঐছে নিরিখয়ে ।
 নবদ্বীপে দুঃখের সমুদ্র উথলয়ে ॥
 বাগ্র হৈয়া শ্রীনিবাস প্রভু গৃহে গেলা ।
 তথা বিষ্ণুপ্রিয়া দেবী বহু কৃপা কৈলা ॥
 দাস গদাধর শ্রীবাসাদি শ্রীনিবাসে ।
 অল্পগ্রহ করি সতে প্রেমজলে ভাসে ॥
 তবে শান্তিপুত্র গিয়া দেখে সীতা মায় ।
 তাঁর যে বাৎসল্য তাহা কহা নাহি যায় ॥

তথা হৈতে প্রেমাবেশে গেলা খড়দহ ।
 তথা শ্রীজাহ্নবা বহু কৈলা অল্পগ্রহ ॥
 খানাকুল গেলেন শ্রীঅভিরাম পাশে ।
 মালিনী সহিত কৃপা কৈলা শ্রীনিবাসে ॥
 পুনঃ আইলা শ্রীখণ্ড শ্রীনরহরি তাঁরে ।
 অতি প্রীতে বিদায় করিলা ব্রজপুরে ॥
 শ্রীরঘুনন্দন স্নেহে ব্যাকুল হইয়া ।
 গমন বৃত্তান্ত সব দিলেন কহিয়া ॥
 শ্রীনিবাস জাজি গ্রামে প্রবোধি মায়েরে ।
 এই কথোদিনে একা গেলা ব্রজপুরে ॥

শ্রীনিবাসাচার্য্যের এ প্রসঙ্গ শুনিতে ।
 স্বাভাবিক প্রেমের উদয় হৈল চিতে ॥
 নরোত্তম ব্যগ্র হৈয়া চিন্তে মনে মনে ।
 না জানি ঐহ্যার সঙ্গ পাব কথো দিনে ॥
 ঐছে বিচারিতে নদী প্রবাহের পারা ।
 অতি সুমধুর নেত্রে বহে প্রেমধারা ॥
 কে বসিতে পারে নরোত্তমের এ রীত ।
 পুনঃ শুনে প্রভু ভক্তের চরিত ॥
 নিরন্তর আপনাকে মানয়ে ধিক্কার ।
 না দেখিয়া এ হেন প্রভুর অবতার ॥
 না ধরে ধৈর্য সদা উমড়য়ে তিয়া ।
 না ভায় ভোজন নিশি পোহায় জাগিয়া ॥
 একদিন নিদ্রা হৈলে প্রভুর ইচ্ছায় ।
 স্বপ্নচ্ছলে সাক্ষাৎ হইলা গৌররায় ॥
 ভুবনমোহন রূপ রসের পাথার ।
 তড়িৎ কুম্ভ তেম উপমা কি তার ॥
 চাঁচর কেশের বুটা পিঠেতে লোটার ।
 কুলবতী কুলটা হইল হেরি তায় ॥
 শ্রবণে কুণ্ডল গণ্ড বালমল করে ।
 কপালে তিলক তাহে কেবা প্রাণ ধরে ॥
 ভাঙধনু নয়ন কমল কাম কান্দ ।
 হাসি মিশা মুণ্ড জিনি পূর্ণিমার চান্দ ॥
 আজানুলম্বিত বাহু বক্ষ পরিসর ।
 কম্বুকণ্ঠে নানা মণিহার মনোহর ॥
 ত্রিবলি বলিত নাভি গভীর স্ফুঠাম ।
 সিংহ জিনি ক্ষীণ কটিদেশ নিরমাণ ॥

উলট কদলী জানু মুনি মোহনীয়া ।
 সুচারু চরণ তল কমল জিনিয়া ॥
 পরিধেয় ত্রিকচ্ছ বসন অনুপম ।
 এ হেন অদ্ভুত শোভা দেখি নরোত্তম ॥
 না হয় নিমিষ আখ্যে বহে প্রেমধারা ।
 কমল উপরে যেন মুকুতার হারা ॥
 অতি সুকোমল তনু ভরল পুলকে ।
 কদম্ব কেশর শোভা জিনি সে ঝলকে ॥
 উল্লাসে পড়িয়া ভূমে ধরে প্রভু পায় ।
 প্রভু পদ ধরে নরোত্তমের মাথায় ॥
 ছুই বাহু পসারি করেন আলিঙ্গন ।
 স্নেহে পরিপূর্ণ কহে মধুর বচন ॥
 'ওহে নরোত্তম এই দেখ বিচ্যুতানে ।
 ধরিতে নারিয়ে হিয়া তোমার ক্রন্দনে ॥
 চিন্তা না করিহ শীঘ্র বৃন্দাবন যাবে ।
 মোর প্রিয় লোকনাথ স্থানে শিষ্য হবে ॥
 তেঁহো মহাহৃষ্ট হৈয়া দীক্ষামস্ত দিব ।
 তোমার দ্বারেতে কার্য্য অনেক সাধিব ॥
 ঐছে বহু কহিতেই নিদ্রা হৈল ভঙ্গ ।
 প্রভু অদর্শনে বাড়ে ছঃখের তরঙ্গ ॥
 ব্যাকুল হইয়া ভূমে গড়াগড়ি যায় ।
 পুনঃ নিদ্রা আকর্ষিল প্রভুর ইচ্ছায় ॥
 স্বপ্নচ্ছলে দেখে নবদ্বীপে গঙ্গাতীরে ।
 গৌর নিত্যানন্দাঈবত আনন্দে বিহরে ॥
 গদাধর শ্রীবাস স্বরূপ নরহরি ।
 হরিদাস বক্রেশ্বর মুকুন্দ মুরারি ॥

গোবিন্দ মাধব বাসুঘোষ শুক্লাধর ।
 গোঁরীদাস শ্রীমান সঞ্জয় দামোদর ॥
 মহেশ শঙ্কর যদু আচার্য্য নন্দন ।
 প্রভু বেড়ি ভক্তগোষ্ঠী করে সংকীৰ্ত্তন ।
 নবদ্বীপবাসী লোক ধায় চারিভিতে ।
 না হয় কাহার সাধ সে শোভা দেখিতে ?
 ব্রহ্ম-শিব শেষ স্মৃথে মত্ত অতিশয় ।
 অনিমিত্ত নেত্রে রূপ নিরখিয়া রয় ॥
 সৰ্বদেব সহিত স্বর্গেতে পুরন্দর ।
 সে শোভা দেখিতে পুষ্প বর্ষে নিরন্তর ॥
 গন্ধৰ্ব্ব কিন্নর সব মনুষ্যে মিশাই ।
 প্রভুগুণ গায় নাচে করে ধাওয়া-ধাই ॥
 উথলে সে প্রেমসিন্ধু ভুবন ভাসায় ।
 পতিত অধম জড় কেহ না এড়ায় ॥
 লক্ষ লক্ষ পশু পক্ষ ভুলে শোভা দেখি ।
 জনমের অন্ধগণ ধায় পাঞা অঁাখি ॥
 এ হেন অদ্ভুত রঙ্গ দেখে নরোত্তম ।
 ঝরয়ে নয়ন নদী প্রবাহের সম ॥
 প্রভু গৌরচন্দ্র নরোত্তমে নেহারিয়া ।
 ধরি কোলে না ধরিতে পারে হিয়া ॥
 নরোত্তমে সিন্ধু করিলেন নেত্রজলে ।
 নরোত্তম পড়িয়া প্রভুর পদতলে ॥
 ভূমে হৈতে তুলি বাৎসল্যেতে গৌরহরি ।
 সমর্পিলা নিত্যানন্দাঙ্ঘ্রিত করে ধরি ॥
 প্রিয় ভক্তগণ অনুগ্রহ করাইয়া ।
 বৃন্দাবন যাইতে আজ্ঞা দিলা ব্যগ্র হৈয়া ॥

পুনঃ কহে কৃপা করু মোর প্রিয়গণ ।
 ঐছে কহি বিদায় করিলা বৃন্দাবন ॥
 নরোত্তম তিলার্দ্ধেক নারে স্থির হৈতে ।
 প্রভু নিত্যানন্দ শোভা বারেক চাহিতে ॥
 ভূমিতে পড়িয়া প্রভুপদে প্রণমিলা ।
 প্রভু শ্রীচরণ তাঁর মস্তকে ধরিলা ॥
 শ্রীভূজ পসারি করিলেন আলিঙ্গন ।
 দিলেন অমূল্য গৌরান্দের প্রেমধন ॥
 বৃন্দাবন যাইবারে অনুমতি দিলা ।
 দেখিয়া ব্যাকুল বহু প্রবোধ করিলা ॥
 প্রভু অদ্বৈতের মহা সৌন্দর্য্য দেখিয়া ।
 নরোত্তম সে পদে পড়িলা লোটাইয়া ॥
 প্রভু শ্রীঅদ্বৈত ধৈর্য্য ধরিতে না পারে ।
 হাতে ধরি তুলি কোলে করে বারে বারে ॥
 গৌরান্দের পাদপদ্মে করি সমর্পণ ।
 আজ্ঞা দিলা বৃন্দাবনে করহ গমন ॥
 গদাধর শ্রীবাসাদি প্রভু প্রিয়গণ ।
 তাঁ সভার শোভা দেখি প্রফুল্ল নয়ন ॥
 সভার চরণে প্রণময়ে পড়ি ভূমে ।
 সবে প্রেমাবেশে আলিঙ্গয়ে নরোত্তমে ॥
 নরোত্তম সভা নেত্রজলে কৈলা স্নান ।
 সভার চরণে সমর্পিলা মনঃপ্রাণ ॥
 প্রভু পরিকর নরোত্তমে প্রবোধিয়া ।
 দিলেন বিদায় প্রভুপদে সমর্পিয়া ॥
 নরোত্তম বৃন্দাবন গমন করিতে ।
 হেনকালে নিদ্রাভঙ্গ মহা চঃখচিত্তে ॥

জাগিয়া দেখে রাত্রি প্রভাত সময় ।
 প্রাতঃকৃত্য করি নিজ চিত্ত প্রবোধয় ॥
 বিবিধ মঙ্গল দৃষ্ট হৈল হেনকালে ।
 নরোত্তম উল্লাসে ভাসয়ে নেত্রজলে ॥
 এথা নরোত্তমের জনক অকস্মাৎ ।
 রাজকার্য্যে গোড়ে গেল বহু লোক সাথ ॥
 নরোত্তম জানি শুভক্ষণ সেইক্ষণে ।
 প্রকারে বিদায় হৈলা জননীর স্থানে ॥
 পরম-সুবুদ্ধি সর্ব্বমতে বিচারিলা ।
 রক্ষকে বঞ্চিয়া সঙ্গোপনে যাত্রা কৈলা ॥
 নবদ্বীপ আদি স্থান না করি ভ্রমণ ।
 লোকভয়ে বনপথে চলে বৃন্দাবন ॥
 ঐছে বেশ ধারণ করিলা মহাশয় ।
 না চিন্তয়ে যদি কার মনে দেখা হয় ॥
 পঞ্চদশ দিবসের পথ ছাড়াইয়া ।
 যুচিল উদ্বেগ কিছু চলে স্থির হৈয়া ॥
 এথা মাতা পিতা যৈছে নরোত্তম বিনে ।
 এক মুখে তাহা বা বর্ণিব কোন জনে ॥
 গোড়ে এই সর্ব্বত্র কহয়ে পরম্পরে ।
 রাজপুত্র নরোত্তম গেল ব্রজপুরে ।
 রামকৈলি গ্রামে প্রভু যাঁরে আকর্ষিল ।
 সেই এই নরোত্তম নিশ্চয় জানিল ।
 নহিলেকি এমন প্রভাব অস্ত্রে হয় ॥
 যে তাঁরে দেখিল তার গেল ভবভয় ॥
 ঐছে কত কহে লোক করিয়া ক্রন্দন ।
 নরোত্তম প্রসঙ্গে সভার বাগ্ন মন ॥

নিত্যানন্দাশ্রিত চৈতন্যের প্রিয় যত ।
 নরোত্তম মঙ্গল চিন্তয়ে অবিরত ॥
 নরোত্তম নিবিষ্টে চলয়ে রাজপথে ।
 যৈছে প্রেম চেষ্টা তাহা কে পারে কহিতে
 নরোত্তম গায়েন প্রভুর গুণগাণ ।
 দীর প্রবাহ প্রায় ঝরে ছনয়ান ॥
 যে জন বারেক নরোত্তম পানে চায় ।
 সে হেন সংসার দুঃখ হইতে এড়ায় ॥
 যে গ্রামেতে নরোত্তম করে রাত্রিবাস ।
 সে গ্রামী লোকের মনে বাড়য়ে উল্লাস ॥
 কিবা স্ত্রী পুরুষ রহি নরোত্তম পাশে ।
 পরম্পর নানা কথা কহে মৃদুভাষে ॥
 কেহ কহে কনক চম্পক বহু দূরে ।
 দেখ কি অপূর্ব্ব রূপ বলমল করে ॥
 কেহ কহে কিবা মুখ সুদীর্ঘ নয়ন ।
 কিবা নাঁসা গণ্ড ভুরু ললাট শ্রবণ ॥
 কেহ কহে কিবা বাহু বক্ষ পরিসর ।
 ত্রিবলি বলিত নাভী কিবা কুশোদর ॥
 কেহ কহে কিবা জাহ্নু কি শোভা চরণে ।
 কি দিয়া গড়িল কেবা কত না যতনে ॥
 কহ কহে সামান্ত মনুষ্য এহঁই নয় ।
 কিবা এ দেবতা কিবা রাজার তনয় ॥
 কেহ কহে আত্ম মরি অলপ বয়সে ।
 এহেন বৈরাগ্য করি ফিরে দেশে দেশে ॥
 কেহ কহে কি আর কহিব ইহা বিনে ।
 ইহার মা-বাপ প্রাণ ধরিবা কেমনে ॥

কেহ কহে মরু বিধি নির্দয় শরীর ।
 এ হেন বালকে কৈল ঘরের বাহির ॥
 এইরূপ নানা কথা কহি পরম্পর ।
 নরোত্তমে ছাড়িয়া যাইতে নারে ঘর ॥
 নানা দ্রব্য আনি যত্নে কিছু ভুঞ্জাইল ।
 শয়ন নিমিত্ত দিব্যাসন আনি দিল ॥
 নরোত্তমে ভোজন শয়ন নাহি ভায় ।
 নাম সংকীৰ্ত্তনে নিশি জাগিয়া পোহায় ।
 ধূলায় ধূসর অঙ্গ নেত্রে অশ্রুধার ।
 সে দশা দেখিতে প্রাণ কান্দয়ে সভার ॥
 প্রভাত সময়ে চলে সভা সম্বোধিরা ।
 পাছে পাছে ধায় লোক ব্যাকুল হইয়া ।
 যেজন দেখয় পথে এই দশা তার ।
 নরোত্তম চিন্তবৃত্তি হরয়ে সভায় ।
 সৰ্ব্বতীর্থ দেখি নরোত্তম অঙ্গদিনে ।
 মনের উল্লাসে প্রবেশয়ে বৃন্দাবনে ।
 প্রথমে শ্রীমথুরা বিশ্রামঘাট গেলা ।
 শ্রীমথুরা স্নান করি তথাই রহিলা ॥
 প্রহরেক রাত্রি গেল হইল নির্জজন ।
 প্রেমাবেশে করেন শ্রীনাম সংকীৰ্ত্তন ॥
 হেনই সময়ে এক বিপ্র মথুরার ।
 পরম বৈষ্ণব তেঁহো অতি শুদ্ধাচার ॥
 অপূৰ্ব সামগ্রী কৃষ্ণে ভোগ লাগাইয়া ।
 নরোত্তমে ভুঞ্জাইল স্নেহাবিষ্ট হৈয়া ॥
 বাৎসল্যে ব্যাকুল বিপ্র জিজ্ঞাসিলা যাহা ।
 স্নেহাধীন নরোত্তম নিবেদিলা তাহা ॥

ব্রজের বৃত্তান্ত নরোত্তম জিজ্ঞাসয় ।
 কাতর অন্তরে বিপ্র বিবরিয়া কয় ॥
 রঘুনাথ কাশীশ্বর রূপ সনাতন ।
 সঙ্গোপন হৈয়া শুনি করয়ে ক্রন্দন ॥
 শ্রীরূপ শ্রীসনাতন নাম উচ্চারিতে ।
 ধূলায় ধূসর অঙ্গ লোটার ভূমিতে ॥
 কাশীশ্বর পণ্ডিত শ্রীভট্ট রঘুনাথ ।
 এ নাম লইয়া শিরে করে করাঘাত ॥
 হায় হায় একি হৈল করে বারবার ।
 না পাইলুঁ দেখিতে শ্রীচরণ সভার ॥
 এঁছে কত কহি মূৰ্ছাগত নরোত্তম ।
 দুই নেত্রে ধারা বহে নদীধারা সম ॥
 হইলেন মৃতপ্রায় দেখি বিপ্রবর ।
 নরোত্তমে কোলে করি কান্দিলা বিস্তর ॥
 কতক্ষণে অতিবৃদ্ধ বিপ্র মহাধীর ।
 আপনা সম্বরি নরোত্তমে কৈলা স্থির ॥
 অনেক প্রসঙ্গে প্রায় রাত্রিশেষ হৈল ।
 প্রভু ইচ্ছামতে দৌহে নির্দা আকর্ষিল ॥
 স্বপ্নচ্ছলে দেখা দিলা রূপ সনাতন ।
 রঘুনাথ ভট্ট কাশীশ্বর চারিজন ॥
 নরোত্তম শোভা দেখি ভাসি নেত্রজলে ।
 লোটারিয়া পড়িলা সভার পদতলে ॥
 এবে নরোত্তমে মহামেহে আলিঙ্গিলা ।
 নরোত্তম অঙ্গ প্রেমজলে সিক্ত কৈলা ॥
 কহিলা অমৃতময় প্রবোধ বচন ।
 ভাগ্যবন্ত বিপ্র কিছু করিলা শ্রবণ ॥

নরোত্তম প্রতি সতে মহা হৃষ্ট হৈয়া ।
 অন্তর্দান হৈলা অনুগ্রহ প্রকাশিয়া ॥
 সে বিচ্ছেদে নরোত্তম অধৈর্য্য হিরায ।
 করয়ে বিলাপ জাগি চতুর্দিকে চায় ॥
 কোথা গেলা বলি নেত্রে বহে অশ্রুধার ।
 নরোত্তম চেষ্টা দেখি বিপ্রে চমৎকার ॥
 ব্যগ্র হৈয়া বিপ্র নরোত্তমে করি কোলে ।
 পবিত্র হইলুঁ বলি ভাসে নেত্রজলে ॥
 নরোত্তমে কহি কত মধুর বচন ।
 কতক্ষণ স্থির হৈলা প্রাচীন ব্রাহ্মণ ॥
 হইল প্রভাত নিশি দেখি বিপ্রবর ।
 নরোত্তমে লইতে চাহেন নিজ ঘর ॥
 নরোত্তম বিপ্রে কেরিয়া নমস্কার ।
 ব্যাকুল হইয়া আজ্ঞা মাগে বারবার ॥
 অনুগ্রহ কর মোরে করিয়ে গমন ।
 দেখি গিয়া শ্রীগোস্বামী সভার চরণ ॥
 এই কর যেন পূর্ণ হয় মোর সাধ ।
 বিপ্র স্নেহে করি কোলে কৈলা আশীর্বাদ ॥
 নরোত্তম সঙ্গেতে চলিলা কথোদূর ।
 না চলে চরণ শ্রম হইল প্রচুর ॥
 বৃন্দাবন-পথ নরোত্তমে দেখাইয়া ।
 দিলেন মনুষ্য সঙ্গে স্নেহাবিষ্ট হৈয়া ॥
 নরোত্তম চলে প্রশমিলা বিপ্রপায় ।
 বিচ্ছেদ ব্যাকুল বিপ্র পথপানে চায় ॥
 নরোত্তম চলিতে চিন্তয়ে মনে মনে ।
 গো হেন অযোগ্যে আনিলেন বৃন্দাবনে ॥

কৃপাময় প্রভু শ্রীগোস্বামী লোকনাথ ।
 মো হেন পতিতে কি করিব আশ্বসাথ ॥
 শ্রীগোপাল তট শ্রীভৃগুর্ভ মহাশয় ।
 শ্রীজীব গোস্বামী আদি প্রেমের আলায় ॥
 এ সভার পাদপদ্ম ধরিব কি মাথে ।
 সতে কি করিব কৃপা মো হেন অনাথে ॥
 শ্রীনিবাস আচার্য্য প্রেমের মূর্ত্তি বেঁহো ।
 মো হেন দীনে কি প্রীত করিবেন তেঁহো ॥
 এতো কহিতেই নেত্রে বহে প্রেমজল ।
 চলিতে নাড়য়ে অঙ্গ করে টলমল ॥
 এথা অকস্মাৎ গত্রাত্রে শ্রীনিবাস ।
 হইলা অধৈর্য্য চিত্ত ব্যপিলা উল্লাস ॥
 দেখি মহামঙ্গল চিন্তয়ে মনে মনে ।
 অবশ্য মিলিব কোন প্রাণবন্ধু-সনে ॥
 স্বাভাবিক প্রেমোদয়ে ঝরে ছু নয়ন ।
 বহু রাত্রি কৈলা স্মৃখে নাম সংকীর্ত্তন ॥
 অকস্মাৎ অল্প নিদ্রা হৈল রাত্রি শেষে ।
 স্বপ্নাচ্ছলে শ্রীরূপ কহেন শ্রীনিবাসে ॥
 শুঁহে শ্রীনিবাস এই রজনী প্রভাতে ।
 হইব তোমার দেখা নরোত্তম সাথে ॥
 ঐছে কহি গোস্বামী হইলা অন্তর্দান ।
 শ্রীনিবাস জাগি দেখে রজনী বিহান ॥
 অতিশীঘ্র শ্রীজীব গোস্বামী পাশে গিয়া ।
 রজনী-বৃত্তান্ত জানাইল প্রশমিয়া ॥
 শ্রীজীব গোস্বামী কহে শ্রীনিবাস প্রতি ।
 ঐছে প্রভু মোরে জানাইলা তাঁর গতি ॥

যাহার প্রসঙ্গ পূর্ব কহিল তোমার ।
 সেই এই নরোত্তম আইসে এথায় ॥
 তোমারে কহিতে স্বপ্ন উদ্ভিগ্ন আছিলুঁ ।
 শুনিয়া তোমার মুখে মহাস্বপ্ন পাইলুঁ ॥
 এত কহি শীঘ্র গেলো গোবিন্দ-দর্শনে ।
 শ্রীনিবাস মহাহর্ষে আইলা নিজস্থানে ॥
 অকস্মাৎ কেহ আসি দিল সমাচার ।
 গোড়ে হৈতে আইলা এক নৃপতিকুমার ॥
 অল্প বয়স মূর্তি অতি মনোহর ।
 নিজ নেত্রজলে সদা সিক্ত কলেবর ॥
 শ্রীগোবিন্দ দরশনে যে হৈল বিকার ।
 কে কহিতে পারে তাহা অতি চমৎকার ॥
 শ্রীজীব গোস্বামী তাঁরে ধরি করি কোলে ।
 সিঞ্চিলো তাঁহার অঙ্গ নিজ নেত্রজলে ॥
 অতি সুমধুর বাক্যে তাঁরে প্রবোধিলা ।
 তোমারে লইতে মোরে দিল পাঠাইয়া ॥
 এঁছে শুনি শ্রীনিবাস স্থির হৈতে নারে ।
 মনের উল্লাসে গেলো গোবিন্দের দ্বারে ॥
 নরোত্তম সঙ্গে তথা হইল মিলন ।
 দরিদ্র পাইল যেন অনূল্য রতন ॥
 শ্রীনিবাস যে কহিলো আলিঙ্গন করি ।
 সে অতি মধুর এথা বিস্তারিতে নারি ॥
 নরোত্তম হৈলা যৈছে আচার্য্য দর্শনে ।
 তাহা একমুখে বা বর্ণিব কোন জনে ॥
 কেহ কার প্রতি কহে হইয়া বিশ্বত ।
 দেখিলুঁ আশ্চর্য্য এই স্বাভাবিক প্রীত ॥

শ্রীনিবাস নরোত্তম একত্র দৌহারে ।
 দেখি কত বিতর্ক করয়ে পরস্পরে ॥
 নরোত্তম মনে অভিলাষ ছিল যাহা ।
 শ্রীগোবিন্দদেব পূর্ণ করিলেন তাহা ॥
 শ্রীকৃষ্ণ পণ্ডিত গোবিন্দের অধিকারী ।
 তেঁহো মালা প্রসাদ দিলেন যত্ন করি ॥
 প্রসঙ্গে কহিয়ে কৃষ্ণ পণ্ডিত আখ্যান ।
 চৈতন্য-পার্বদ য়েঁহো মহা বিগ্ধাবান ॥
 কাশীশ্বর গোস্বামী হইলে সঙ্গোপন ।
 শ্রীকৃষ্ণ পণ্ডিত সেবে গোবিন্দচরণ ॥
 সর্বত্র বিদিত এই নরোত্তম প্রতি ।
 শ্রীকৃষ্ণ পণ্ডিত গোস্বামীর প্রীত অতি ॥
 নরোত্তম শ্রীকৃষ্ণ পণ্ডিত প্রণমিয়া ।
 যৈছে দৈন্ত্য কৈলা শুনিতে কান্দে হিয়া ॥
 শ্রীজীব গোস্বামী শীঘ্র লৈয়া নরোত্তমে ।
 আইলেন লোকনাথ গোস্বামী আশ্রমে ॥
 অতি সে নির্জন একা আছেন বসিয়া ।
 সনাতন রূপের বিচ্ছেদে দগ্ধ হিয়া ॥
 শ্রীজীব গোস্বামী প্রণমিয়া ধীরে ধীরে ।
 নরোত্তম প্রসঙ্গ কহিলা গোস্বামীরে ॥
 শুনি নরোত্তমে দেখি ভাসে নেত্রজলে ।
 নরোত্তম পড়িলা গোস্বামী-পদতলে ॥
 পূর্ব সঙরি স্থির নহে বাৎসল্যেতে ।
 ধরিলেন শ্রীচরণ নরোত্তম মাথে ॥
 নরোত্তমে সিক্ত করি অমৃত বচনে ।
 জানাইলা দীক্ষা-বিধি হৈবে কিছু দিনে ।

শ্রীজীব গোস্বামী প্রতি কহে বীরবার ।
 এই কর ভক্তিগ্রন্থে হউক অধিকার ॥
 শ্রীনিবাস প্রতি কহে অতি বাৎসল্যেতে ।
 সদা সাবধান করাইবা ভক্তিপথে ॥
 ঐছে কহি রূপসনাতন নাম লৈয়া ।
 ছাড়ে দীর্ঘধাস মহা ব্যাকুল হইয়া ॥
 গোস্বামি চেষ্টা দেখি শ্রীজীব গোসাঞী ।
 যেরূপ হইলা তা কহিতে সাধ্য নাই ॥
 নিবারিতে নাহে নেত্রধারা নিরন্তর ।
 হইলেন বিদায় পাইয়া অবসর ॥

শ্রীরাধাবিনোদ পাদপদ্ম দরশনে ।
 যে হইল তাহা বা বর্ণিব কোন জনে ॥
 তথা শ্রীনিবাস নরোত্তমে যে কহিলা ।
 সে প্রেম-প্রসঙ্গ অন্তে বিস্তারি বর্ণিলা ॥
 নরোত্তমে স্থির করি শ্রীজীব গোসাঞী ।
 শীঘ্র হৈলা গেল ভট্ট গোস্বামীর ঠাঞি ॥
 তেঁহো বসি আছে একা পরম নির্জনে ।
 সদাই উদ্বিগ্ন রূপসনাতন বিনে ॥
 সনাতন প্রতি য়েছে ব্যবহার তার ।
 কহিতে কি জানি তাহা সর্বত্র প্রচার ॥

তথাহি শ্লোক ।

সনাতন প্রেমপরিপ্লুতান্তরং, শ্রীরূপ সপোনবিলক্ষিতাখিলং ॥

গোপাল ভট্টঃ ভক্ততামভীষ্টদং নমামি রাধারমণৈক জীবনম্ ॥

গোস্বামীর চেষ্টা দেখি শ্রীজীব গোসাই ।
 হইলেন যেরূপ কহিতে সাধ্য নাই ॥
 সর্বিনয় পূর্ব প্রণমিয়া নিবেদিলা ।
 সেই এই নরোত্তম শুনি হর্ষ হৈলা ॥
 নরোত্তম পড়িয়া গোস্বামী পদতলে ।
 তেঁহো আলিঙ্গিয়া সিক্ত কৈলা নেত্রজলে ॥
 জিজ্ঞাসি মঙ্গল মহামধুর বাক্যেতে ।
 কৈলা যে বাৎসল্য তাহা না পারি বর্ণিতে ॥
 শ্রীজীব গোস্বামী গোস্বামীরে প্রণমিয়া ।
 চলিলেন শ্রীনিবাস নরোত্তমে লৈয়া ॥
 শ্রীরাধারমণ শোভা দেখি নেত্রভরি ।
 যে আনন্দ হৈল তাহা কহিতে না পারি ॥

শ্রীগোবিন্দ গোপীনাথ মদনমোহন ।
 ক্রমে এতিনের মুখ বকঃ শ্রীচরণ ॥
 এক ঠাঞি তিনের দর্শন প্রাপ্ত হৈল ।
 শ্রীজীব গোস্বামী নরোত্তমে জানাইল ॥
 ঐছে কত প্রেমাবেশে কহিতে কহিতে ।
 প্রবেশিলা শ্রীগোপীনাথের মন্দিরেতে ॥
 শ্রীমধু পণ্ডিত গোস্বামীরে জানাইলা ।
 গোড় হইতে নরোত্তম অগ্ন এথা আইলা ॥
 নরোত্তম পড়িলা গোস্বামী-পদতলে ।
 তেঁহো মহাশঙ্ক হৈয়া করিলেন কোলে ॥
 নেত্রের ধারায় নরোত্তমে সিক্ত করি ।
 কহিলা যতক স্নেহে কহিতে না পারি ॥

রাধা গোপীনাথের দর্শন করাইলা
 শ্রীমালা প্রসাদ আনি নরোত্তমে দিলা ॥
 নরোত্তম করি গোপীনাথের দর্শন ।
 যে রূপ হইল তা বর্ণিবে কোন জন ॥
 শ্রীজীব গোস্বামী দৌহে লৈয়া তথা হইতে
 ভূগর্ভ গোস্বামী বাসা গেলেন হুরিতে ॥ ।
 তেঁহো প্রেমময় মহাপণ্ডিত গভীর ।
 লোকনাথ গোস্বামীর অভিন্ন শরীর ॥
 চিন্তয়ে প্রভুর লীলা নির্জনে বসিয়া ।
 শ্রীজীব গোস্বামী তথা মিলিলেন গিয়া ॥
 প্রিয় নরোত্তমের দিলেন পরিচয় ।
 গোস্বামীর হইল পরম হর্ষোদয় ॥
 নরোত্তম পড়িয়া শ্রীভূগর্ভ-চরণে ।
 তেঁহো মহান্নেহ প্রকাশিলা আলিঙ্গনে ॥
 নরোত্তমে কোলে করি না পারে ছাড়িতে ।
 কহিলা যে সব তাহা নারি বিস্তারিতে ॥
 শ্রীজীব গোস্বামী শ্রীভূগর্ভে প্রণমিয়া ।
 বাসা গেল শ্রীনিবাস নরোত্তমে লৈয়া ॥
 রাধা-দামোদরের দর্শন করাইলা ।
 নরোত্তম প্রেমাবেশে অধৈর্য্য হইলা ॥
 তথা রূপ গোস্বামীর সমাধি দর্শনে ।
 যে দশা হইল তা বর্ণিব কোন জনে ॥
 ভূমে পড়ি গড়াগড়ি যায় নরোত্তম ।
 নেত্রে ধারা বহে নদী প্রবাহের সম ॥
 হইল নিশ্চল দেহ না চলে নিঃশ্বাস ।
 আশ্রয় ব্যস্ত কোলে তুলি লৈলা শ্রীনিবাস ॥

শ্রীজীব গোস্বামী স্থির করি কতক্ষণে ।
 আপন কুটীরে লৈয়া গেল নরোত্তমে ॥
 হেনকালে কেহ জানাইলা গোস্বামীরে ।
 শীঘ্র আগমন কর গোবিন্দ মন্দিরে ॥
 শ্রবণ মাত্রেতে দৌহে লৈয়া শীঘ্র গেল ।
 গোবিন্দের রাজভোগ আরতি দেখিলা ॥
 তথায় হইল মহাপ্রসাদ সেবন ।
 পুনঃ নিজ বাসা আইলা সঙ্গে দুই জন ॥
 কতক্ষণ রহি কৃষ্ণ কথা আলাপনে ।
 চলিলেন শ্রীমদনমোহন দর্শনে ॥
 তথা গিয়া উত্থাপন আরতি দেখিলা ।
 নরোত্তম বৃত্তান্ত সকলে জানাইলা ॥
 কৃষ্ণদাস ব্রহ্মচারী গোস্বামী স্নেহেতে ।
 যে কৃপা করিলা তাহা নারি বিস্তারিতে ।
 নরোত্তম দেখিয়া শ্রীমদনমোহনে ।
 ধরিতে না পারে অঙ্গ ধারা ছনয়নে ॥
 শ্রীমালা প্রসাদ দিলা পূজারী গোস্বামী ।
 যে স্মৃথ হইল তা কহিতে সাধ্য নাই ॥
 সনাতন গোস্বামীর সমাধি যেখানে ।
 নরোত্তমে দেখাইলা শ্রীজীব আপনে ॥
 নরোত্তম হৈলা যৈছে সমাধি দর্শনে ।
 তাহা এক মুখে বা বর্ণিব কোন জনে ॥
 শ্রীজীব গোস্বামী স্নেহ কে বর্ণিতে পারে ।
 নরোত্তমে স্থির কৈলা অনেক প্রকারে ॥
 সভা লৈয়া শ্রীজীব গোস্বামী বাসা গেল ।
 প্রিয় শ্রীনিবাস নরোত্তমে সমর্পিলা ॥

মহান্মুখে শ্রীনিবাস নরোত্তমে লৈয়া ।
 চলিলেন বাসা গোস্বামীরে প্রণমিয়া ॥
 রাত্রি পোহাইলা দৌহে কৃষ্ণ-কথারসে ।
 প্রভাতে যমুনা স্নান কৈলা প্রেমাবেশে ॥
 দৌহে নিজ নিজাভীষ্ট চরণ বন্দিয়া ।
 শ্রীজীব গোস্বামী পাশে গেলা হৃষ্ট হৈয়া ॥
 তেঁহো রাধাকুণ্ডে পাঠাইলা শীঘ্র করি ।
 দেখিলেন গিয়া ছই কুণ্ডের মাধুরী ॥
 শ্রীনিবাস গিয়া দাস গোস্বামীর স্থানে ।
 নরোত্তম প্রসঙ্গ কহিলা সাবধানে ॥
 যতপি গোস্বামী মহাব্যাকুল হৃদয় ।
 তথাপিহ শুনি চিত্তে হৈল হর্ষোদয় ॥
 কোথা নরোত্তম বলি নেত্র প্রকাশিলা ।
 নরোত্তম গিয়া পাদপদ্মে প্রণমিলা ॥
 বাৎসল্যে বিহ্বল হৈয়া শ্রীদাস গোস্বামী ।
 যে কৃপা করিলা তা বর্ণিতে সাধ্য নাই ॥
 তথাতে যে ছিলেন পরম বিজ্ঞগণ ।
 সভাসহ হৈল নরোত্তমের মিলন ॥
 শ্রীরাঘব পণ্ডিত গোস্বামী গোবর্দ্ধনে ।
 পাইলা পরমানন্দ দেখি নরোত্তমে ॥
 শ্রীনিবাস নরোত্তম সর্বত্র ভ্রমিয়া ।
 শ্রীজীব গোস্বামী-স্থানে নিবেদিলা গিয়া ॥
 শ্রীজীব গোস্বামী সব শুনি হৃষ্ট হইলা ।
 নরোত্তমে শীঘ্র পাঠারম্ভ করাইলা ॥
 নরোত্তম করে ভক্তিগ্রন্থ অধ্যয়ন ।
 অর্থের কোশলে হরে সভাকার মন ।

কে বুঝিতে পারে নরোত্তমের অন্তর ।
 লোকনাথ গোস্বামীর সেবায় তৎপর ॥
 যৈছে সে করে তাহা কহনে না যায় ।
 গোস্বামী প্রসন্ন নরোত্তমের সেবায় ॥
 একদিন নরোত্তমে ব্যাকুল দেখিয়া ।
 মনোরথ পূর্ণ কৈলা দীক্ষামন্ত্র দিয়া ॥
 কিবা সে অপূর্ব মন্ত্র দীক্ষার বিধান ।
 বিস্তারিতে নারি ভক্তি শাস্ত্রে সে প্রমাণ ॥
 বৃন্দাবনে আনন্দ হইল সভাকার ।
 দেখি নরোত্তমের অদ্ভুত অধিকার ॥
 শ্রীজীব গোস্বামী বুঝি সভার আশয় ।
 দিলেন পদবী শ্রীঠাকুর মহাশয় ॥
 শ্রীঠাকুর মহাশয় খ্যাতি মনোহর ।
 শুনি সর্ব মহান্তের উল্লাস অন্তর ॥
 যৈছে নরোত্তম তৈছে পদবী গ্রহণার ।
 এই কথা সর্বত্রই হইল প্রচার ॥
 শ্রীঠাকুর মহাশয় গুণে কে না বুঝে ।
 সভার পরম স্নেহপাত্র ব্রজপুরে ॥
 বৃন্দাবনে মানসি সেবায় যৈছে রীত ।
 ভক্তিরত্নাকর গ্রন্থে সে সব বিদিত ॥
 বাহুল্যের ভয়ে এথা নারি বর্ণিবারে ।
 এবে কহি গোড়ে পুনঃ আইলা যে প্রকারে
 নিরন্তর এ সব শুনহ যত্ন করি ।
 নরোত্তম বিলাস কহয়ে নরহরি ॥

ইতি শ্রীনরোত্তম-বিলাসে দ্বিতীয়োবিলাসঃ ।

তৃতীয় বিলাস ।

জয় গৌর নিত্যানন্দাধৈতগণ সহ ।
এদীন দুঃখীরে প্রভু কর অনুগ্রহ ॥
জয় জয় কুপার সমুদ্র শ্রোতাগণ ।
এবে যে কহিয়ে তাহা করহ শ্রবণ ॥
শ্রীজীব গোস্বামী সর্ব মহাস্ত সহিতে ।
শুভদিন কৈলা গোড়ে গ্রন্থ পাঠাইতে ॥

শ্রীনিবাসাচার্য্যে সমর্পিলা গ্রন্থগণ ।
যাঁর দ্বারা প্রভু করাবেন বিতরণ ॥
শ্রীঠাকুর মহাশয় নিজ কৃতপ্লোকে ।
বর্ণিলেন একথা বিদিত সর্বলোকে ॥

তথাহি শ্লোক ।

শ্রীরূপ প্রমুখৈকশক্তিকতমেনাবিকরোতি প্রভুঃ,
গ্রন্থোহয়ং বিতনোতি শক্তি পরয়া শ্রীশ্রীনিবাসাখ্যয়া ।
দে শক্তি প্রকটীকৃতে করুণয়া ক্ষৌণীতলে যেন সঃ,
শ্রীচৈতন্যদয়ানিধি মর্মকদাদৃগ্গোচরং ব্যস্ততি ॥

শ্রীজীব গোস্বামী কোটা সমুদ্র গভীর ।
বিচ্ছেদে ব্যাকুল চিত্ত বাছে মহাধীর ॥
সর্বত্র বিদায় করাইয়া শ্রীনিবাসে ।
শুভক্ষণে যাত্রা করাইলা গোড়দেশে ॥
লোকনাথ গোস্বামী সে স্নেহাবিষ্ট হৈয়া ।
নরোত্তমে দিলা শ্রীনিবাসে সমর্পিয়া ॥
নরোত্তমে করিতে কহিলা বারবার ।
শ্রীবিগ্রহ-সেবা সংকীর্তন সদাচার ॥
ইছে বহু শুনি নরোত্তমের উল্লাস ।
কং বর্ণিবে যে সুখ পাইলা শ্রীনিবাস ॥
শ্রীজীব গোস্বামী শ্রীনিবাস নরোত্তমে ।
শ্রামানন্দে সমর্পি বিহ্বল মহাপ্রেমে ॥

শ্রীনিবাস প্রতি কহে এ ছই তোমার ।
সর্বমতে তোমারে সে এ দোহার ভার ॥
শ্রামানন্দে আঞ্জা দিলা গোড়দেশে গিয়া ।
যাইবে উৎকলে শ্রীঅম্বিকাপুরী হৈয়া ॥
এ সব প্রসঙ্গ এথা নারি বর্ণিবার ।
ভক্তি-রত্নাকরগ্রন্থে জানিবে বিস্তার ॥
সর্ব মহান্তের করি চরণ বন্দন ।
ভক্তিগ্রন্থ লৈয়া তিনে করয়ে গমন ॥
শ্রীজীব গোস্বামী আদি ব্যাকুল অগুর ।
মথুরা পর্য্যন্ত সভে চলিলা সত্বর ॥
আগে চালাইলা গ্রন্থরত্নগাড়ী ভারি ।
সঙ্গে একাদশ ব্রজবাসী অঙ্গধারী ॥

মথুরায় গিয়া সভে কৈলা রাত্রিবাস ।
 মথুরাবাসীর হৈল পরম উল্লাস ॥
 প্রাতঃকালে বিদায় সময়ে হৈল যাহা ।
 কোটি কোটি মুখেও বর্ণিতে নারি তাহা ।
 শ্রীনিবাস নরোত্তম শ্রামানন্দ তিনে ।
 শ্রীগোড়মগুল প্রাপ্ত হৈলা কথো দিনে ॥
 বনপথে বন-বিষ্ণুপুর সন্নিধানে ।
 বনমধ্যে এক গ্রাম আইলা সেই খানে ॥
 তথা সাবধানে বহু রাত্রি গোড়াইলা ।
 প্রভু ইচ্ছামতে সভে নিদ্রাগত হইলা ॥
 রাজা বীর হাষিরে কহিল কোন জন ।
 গাড়ী পূরি রত্ন লৈয়া আইলা মহাজন ॥
 শুনি রাজা দম্বা শীঘ্র প্রেরিয়া উল্লাসে ।
 গ্রন্থরত্নগণ আনাইলা অনায়াসে ॥
 সম্পূটের মধ্যে গ্রন্থ না করি বাহির ।
 সম্পূট দর্শনে রাজা হইলা অস্থির ॥
 বারবার প্রণময়ে ভূমেতে পড়িয়া ।
 রাজা এ বৃত্তিতে নারে যে করয়ে হিয়া ॥
 রাজা কহে একি হৈল আমার অন্তরে ।
 না জানি কি রত্ন আছে সম্পূট ভিতরে ॥
 ঐছে কত কহে রাজা নেত্রে বহে জল ।
 ভক্তিদেবী দেখাইলা নানা স্ময়ঙ্গল ॥
 রাজা বহু বিচার করিয়া মনে মনে ।
 গ্রন্থের সম্পূট শীঘ্র খুলিলা নির্জনে ॥
 সম্পূটের মধ্যে দেখে গ্রন্থরত্নগণ ।
 রাজা মহাখেদে কহে করিয়া ক্রন্দন ॥

হায় হায় কি হইল হৃদৈব আমার ।
 কোন মহাশয়ে ছুঃখ দিলুঁ মুঞি ছার ॥
 যদি মোর ভাগ্যে হয় তাঁর দর্শন ।
 তবে গ্রন্থ রত্ন দিয়া লইমু শরণ ॥
 ঐছে কত কহে রাজা বসিয়া বিরলে ।
 এথা গ্রন্থ চুরি হৈলে জাগিলা সকলে ॥
 গ্রন্থ অদর্শনে হৈল যে দশা সভার ।
 তাহা এক মুখে কি বর্ণিব মুঞি ছার ॥
 ভূমে আছাড়িয়া অঙ্গ কান্দে উচ্চৈঃস্বরে ।
 কেহ কোনরূপে স্থির হইতে না পারে ॥
 আচার্য্য ঠাকুর কিছু ধৈর্য্যাবলম্বিয়া ।
 কহয়ে মধুর বাঁকা সভা সম্বোধিয়া ॥
 সতর্কে দুর্গম পথ নিবিঃস্বে আইলুঁ ।
 এথা অকস্মাৎ সভে নিদ্রাগত হৈলুঁ ॥
 না জানিলুঁ গ্রন্থ কেবা হরিল কখন ।
 ইথে বঝি আছে কিছু গুঢ় প্রয়োজন ॥
 শ্রীঠাকুর মহাশয় কহয়ে নিভৃতে ।
 বঝি এই ছলে কৃপা হৈবে এদেশেতে ॥
 হেনকালে দৈববাণী হইল আকাশে ।
 চিন্তা নাহি গ্রন্থপ্রাপ্তি হৈবে অনায়াসে ।
 এথা কেহ আচার্য্যে কহয়ে ধীরে ধীরে ॥
 রাজার এ কার্য্য যাহ বন-বিষ্ণুপুরে ॥
 শুনি শ্রীনিবাসাচার্য্য সভা প্রবোধিয়া ।
 বৃন্দাবনে লোক পাঠাইলা পত্নী দিয়া ॥
 শ্রীঠাকুর মহাশয়ে মহাযত্ন করি ।
 পুনঃ পুনঃ কহে শীঘ্র যাইতে খেতরি ॥

শ্রামানন্দ প্রতি কহে প্রেমাষ্ট হৈয়া ।
 যাইবে উৎকলে শীঘ্র খেতরি যাইয়া ॥
 বন-বিষ্ণুপুরে আমি গ্রন্থ অধেষিব ।
 গ্রন্থপ্রাপ্তি সমাচার শীঘ্র পাঠাইব ॥
 এবে আর চিন্তা কিছু না করিও মনে ।
 এত কহি বিদায় করিলা দুইজনে ॥
 আচার্যের বাক্য দৌহে না করে লঙ্ঘন ।
 বিচ্ছেদে ব্যাকুল হৈয়া করিলা গমন ॥
 শ্রীখেতরি গিয়া শ্রীঠাকুর মহাশয় ।
 শ্রামানন্দে তিলাঙ্কেক ছাড়িতে নারব ॥
 এথা শ্রীনিবাসাচার্য্য বন-বিষ্ণুপুরে ।
 করিলেন অনুগ্রহ শ্রীবীর হাষিরে ॥
 গ্রন্থরত্ন দিয়া রাজা লইলা শরণ ।
 গাষ্ঠীসহ হৈলা মহাভক্তি পরায়ণ ॥
 এ সব প্রসঙ্গ এথা সংক্ষেপে কহিল ।
 চক্তি-রত্নাকরগ্রন্থে বিস্তারি বর্ণিল ॥
 বন-বিষ্ণুপুরের এ সব সমাচার ।
 সর্বত্র বিদিত সভে শুনি চমৎকার ॥
 শ্রীআচার্য্য ঠাকুর পরমানন্দ মনে ।
 গ্রন্থপ্রাপ্তি পত্রী পাঠাইলা বৃন্দাবনে ॥
 শ্রীঠাকুর মহাশয় শ্রামানন্দে যথা ।
 গ্রন্থ এ সংবাদ পত্রী পাঠাইলা তথা ॥
 শ্রীপাঠ মাত্রে শ্রীঠাকুর মহাশয় ।
 শ্রামানন্দে মগ্ন তাহা কহি সাধ্য নয় ॥
 শ্রামানন্দ আনন্দ আবেশে কথোক্ষণ ।
 সর্বত্র করি কৈলা কীর্ত্তন নর্ত্তন ॥

মহাশষ্ট পুরুষোত্তম দত্তের তনয় ।
 শ্রীসন্তোষদত্ত নাম গুণের আলয় ॥
 শ্রীনরোত্তমের তেঁহো পিতৃব্য কুমার ।
 কৃষ্ণানন্দ দত্ত যারে দিলা রাজ্যভার ॥
 উছে শ্রীসন্তোষ রাজা মঙ্গলবিধানে ।
 করেন অনেক দান ব্রাহ্মণ সজ্জনে ॥
 শ্রীঠাকুর মহাশয় তাঁরে তুষ্ট হৈলা ।
 বন-বিষ্ণুপুরে শীঘ্র পত্রী পাঠাইলা ।
 শ্রামানন্দ বিদায় হইলা তারপরে ।
 বিচ্ছেদে যে দুঃখ তাহা কে বর্ণিতে পারে ॥
 বিদায়ের কালে যৈছে কথোপকথন ।
 তাহা শুনি পশু পক্ষ করয়ে ক্রন্দন ॥
 শ্রীঠাকুর মহাশয় মহাব্যাগ্র চিন্তে ।
 দিলেন মনুষ্য সঙ্গে উৎকল যাইতে ॥
 চলিলেন শ্রামানন্দ কাতর অন্তরে ।
 নবদ্বীপ হৈয়া গেলা অধিকানগরে ॥
 শ্রীচৈতন্য নিত্যানন্দ মন্দির দর্শনে ।
 হৈলা প্রেমাষ্ট ধারা বহে দুনয়নে ॥
 শ্রামানন্দ চেষ্টা দেখি কোন মহাশয় ।
 শ্রীহৃদয় চৈতন্যের আগে নিবেদয় ॥
 আইলেন তোমার দুঃখিনী কৃষ্ণদাস ।
 দেখিলুঁ অদ্ভুত প্রেম ভক্তির প্রকাশ ॥
 শ্রীমন্দির দূরে দেখি ভূমেতে পড়িয়া ।
 করেন প্রণতি কত অতি দীন হৈয়া ॥
 কিবা হুই নয়নের জলে ভাসি যায় ।
 তেঁহো দূরে আইসে মুঞি আইলুঁ স্বরায় ॥

গুনিয়া ঠাকুর অতি আনন্দ অন্তরে ।
 কহে বারবার শীঘ্র আনহ তাহারে ॥
 তার লাগি সদা মোর উদ্বিগ্ন হৃদয় ।
 যৈছে ভক্তি চেষ্টা তাহা কহিলে না হয় ॥
 দীক্ষা-মন্ত্র লৈয়া এথা রহি কথো দিন ।
 নিতাই চৈতন্য চান্দে কৈল প্রেমাধীন ॥
 কত যত্ন করি পাঠাইলুঁ বৃন্দাবন ।
 তথা গিয়া ভক্তিশাস্ত্র কৈল অধ্যয়ন ॥
 নিজ মনোবৃত্তি মোরে লিখি পাঠাইল ।
 তার আর্তি দেখি তারে তৈছে আজ্ঞা দিল
 নিকুঞ্জ সেবায় রত হৈল অনিবার ।
 পাইল সুখ শ্রামানন্দ নাম হৈল তার ॥
 বৃন্দাবনে সকলেই অতি কৃপা কৈলা ।
 এথাতে আসিব পূর্বপত্নী পাঠাইলা ॥
 নিতাই চৈতন্য কৃপা করি তাঁর দ্বারে ।
 যে কার্য সাধিব তাহা ব্যাপিব সংসারে ।
 মোর প্রিয় শিষ্য সেই করিলুঁ তোমায় ।
 অনেক দিনের পরে দেখিব তাহার ॥
 এত কহিতেই শ্রামানন্দ উপনীত ।
 পড়িলা চরণতলে হৈয়া সাবহিত ॥
 শ্রীহৃদয়-চৈতন্য ঠাকুর বাৎসল্যেতে ।
 ধরিলেন শ্রীচরণ শ্রামানন্দ মাথে ॥
 আলিঙ্গন করিতেই দূরে গিয়া রয় ।
 ভাসে নেত্রজলে মহা উল্লাস হৃদয় ॥
 তথাপি ঠাকুর আলিঙ্গিয়া সেইক্ষণে ।
 প্রেমাবেশে লৈলা প্রভু মন্দির প্রাঙ্গণে ॥

নিত্যানন্দ চৈতন্য চরণে সমর্পিলা ।
 প্রভু দেখি শ্রামানন্দ অধৈর্য্য হইলা ॥
 যে ভাব বিকার তাহা কহিতে না পারি ।
 নিজস্থানে ঠাকুর আনিলা সঙ্গে করি ॥
 নিজ ভুক্ত শেষ সুখে দিলা শ্রামানন্দে ।
 ভুঞ্জিলেন শ্রামানন্দ পরম আনন্দে ॥
 তবে শ্রীঠাকুর সমাচার জিজ্ঞাসিলা ।
 আদ্যোপান্ত শ্রামানন্দ সকলি কহিলা ॥
 অতিপ্রিয় শিষ্য শ্রামানন্দের কথায় ।
 যে আনন্দ হৈল তাহা কহা নাহি যায় ॥
 কথোদিন শ্রামানন্দ রহি গুরু পাশে ।
 গুরুসেবা করে মহা মনের উল্লাসে ॥
 একদিন হৃদয়-চৈতন্য দয়াময় ।
 শ্রামানন্দে অতি সুমধুর বাক্যে কয় ॥
 না কর বিলম্ব এবে উৎকল যাইতে ।
 বহুকার্য্য সিদ্ধ হৈবে তোমার দ্বারাতে ॥
 এত কহি নিতাই চৈতন্য আগে লৈলা ।
 শ্রীমালা প্রসাদ শ্রামানন্দে আনি দিলা ॥
 মহাশক্তি সঞ্চারিয়া করিলা বিদায় ।
 শ্রামানন্দ ব্যাকুল কান্দয়ে উভরায় ॥
 যৈছে শ্রামানন্দ কৈলা উৎকল গমন ।
 এথা বিস্তারিয়া তাহা না হয় বর্ণন ॥
 উৎকলেতে ছিল যে পাষণ্ড ছুরাচার ।
 শ্রামানন্দ তা সভার করিল নিস্তার ॥
 শ্রীরসিকানন্দ আদি বহু শিষ্য কৈলা ।
 তাঁ সভার কৃপালেশে দেশ ধন্য হৈলা

এথা এ সকল কথা সংক্ষেপে কহিলুঁ ।
 ভক্তি-রত্নাকরগ্রন্থে ইহা বিস্তারিলুঁ ॥
 এবে কহি শ্রামানন্দ মনের উল্লাসে ।
 শ্রীখেতরি হৈতে আইলা শ্রীউৎকল দেশে ॥
 শ্রীখেতরি হৈতে যে মনুষ্য সঙ্গে আইলা ।
 সমাচার পত্রী দিয়া তাঁরে পাঠাইলা ॥
 এথা খেতরিতে শ্রীঠাকুর মহাশয় ।
 শ্রামানন্দ বিনা অতি উদ্বিগ্ন হৃদয় ॥
 তাঁর মহা-মঙ্গল সংবাদ পত্রী পাঞা ।
 বন-বিষ্ণুপুরে শীঘ্র দিলা পাঠাইয়া ॥
 পত্রী পাঠে ঠাকুর পরমানন্দ মনে ।
 নিজ পত্রী পাঠাইলা শ্রামানন্দ স্থানে ॥
 শ্রীঠাকুর মহাশয়ে পত্রী পাঠাইলা ।
 পত্রী পাঠে মহাশয় মহাহর্ষ হৈলা ॥
 পুনঃ মহাশয় পত্রী পাঠাইলা ত্বরিতে ।
 নবদ্বীপে যাত্রা কৈলা খেতরি হইতে ॥
 প্রেমাবেশে পথে চলে নতু হস্তীপ্রায় ।
 মুখ বক্ষঃ ভাসে ছুই নেত্রের ধারায় ॥
 যে দেখে বারেক শ্রীঠাকুর মহাশয়ে ।
 সে নির্মল প্রেমভক্তি সমুদ্রে ভাসয়ে ॥
 ছাড়িতে নারয় সঙ্গ শোভা নিরখিরা ।
 গ্রামে গেলে লোক সব আইসে ধাইয়া ॥
 নানাকথা কহি সভে করে নিরীক্ষণ ।
 গ্রাম হৈতে গেলে মহাভূখী সর্বজন ॥
 এছে কিছু দিনে নবদ্বীপ পাশে গিয়া ।
 করে মহাখেদ অতি ব্যাকুল হইয়া ॥

ওহে দয়াময় প্রভু দুঃখ ভুঞ্জাইতে ।
 এ হেন সময়ে জন্মাইতে পৃথিবীতে ॥
 দেখিতে না পাইলুঁ এই নদীয়া বিহার ।
 তথা কহিতেই নেত্রে বহে অশ্রুধার ॥
 ধীরে ধীরে চলে দুঃখে ক্রন্দন করিয়া ।
 দেখয়ে আশ্চর্যা নবদ্বীপে প্রবেশিয়া ॥
 প্রতি বরে ঘরে কিবা আনন্দমঙ্গল ।
 নিরন্তর হরি হরি ধ্বনি কোলাহল ॥
 কি নারী পুরুষ মহা মনের উল্লাসে ।
 চতুর্দিক হৈতে চলে প্রভুর আবাসে ॥
 পরিকর সহ বিহরয়ে গৌররায় ।
 সংকীর্তন সুখের পাথার নদীয়ায় ॥
 এছে কতক্ষণ দেখি দেখে তার পর ।
 দুঃখের সমুদ্রে ভাসে নদীয়া নগর ॥
 কি দেখিলুঁ কি দেখিলুঁ বলে বারবার ।
 চলিতে না পারে নেত্রে বহে অশ্রুধার ॥
 কতক্ষণে মনে বিচারিয়া মহাশয় ।
 কথো দূরে গিয়া পুছে প্রভুর আশয় ॥
 কেহ কেহ কান্দিয়া কহয়ে ছোট মাথে ।
 অই দেখ প্রভু বাটী যাই এই পথে ॥
 প্রভুর চলন দেখি কান্দে নরোত্তম ।
 ছুই নেত্রে ধারা বহে নদীধারা সম ॥
 সেই পথে আইসে ব্রহ্মচারী গুরুাধর ।
 নরোত্তমে দেখি হৈলা ব্যাকুল অন্তর ॥
 নরোত্তম প্রণমিলা পড়ি ভূমিতলে ।
 দেহ পরিচয় বলি তেঁহো কৈলা কোলে ।

নরোত্তম নিজ পরিচয় নিবেদিতে ।
 পরম বাৎসল্যে কহে কান্দিতে কান্দিতে ॥
 যবে গৌরচন্দ্র রামকেলি গ্রামে গেলা ।
 প্রেমে মহামত্ত হৈয়া তোমা আকর্ষিলা ॥
 কে বুঝিতে পারে সেই প্রভুর চরিত ।
 পূর্বেই তোমার নাম করিলা বিদিতি ॥
 ওহে বাপু নরোত্তম তোমারে দেখিতে ।
 বড় সাধ ছিল সর্ব মহাস্তুর চিতে ॥
 প্রভুর বিরহে স্থির নহে কার মন ।
 কেহ কেহ অল্পদিনে হৈলা তদর্শন ॥
 এত কহি নিজ পরিচয় জানাইলা ।
 প্রভুভক্তগণে নরোত্তম মিলাইলা ॥
 নরোত্তম বন্দিলেন সভার চরণ ।
 নরোত্তমে কৈলা সতে প্রেম আলিঙ্গন ॥
 যতপি ব্যাকুল মহাবিরহ ব্যাথায় ।
 তথাপিহ নরোত্তমে দেখি মুখ পায় ॥
 করি কত স্নেহ সমাচার জিজ্ঞাসিলা ।
 নরোত্তম আত্মোপাস্তু সব নিবেদিলা ॥
 নামোদর পণ্ডিতাদি প্রভু প্রিয়গণ ।
 নরোত্তম ছাড়িতে নায়ে একক্ষণ ॥
 কথো দিন নরোত্তম নদীয়া নগরে ।
 রহিলেন প্রভু-প্রিয় পার্শ্বদের ঘরে ॥
 নিরন্তর যত খেদ করে মহাশয় ।
 তাহা একমুখে বর্ণিবার সাধ্য নয় ॥
 যে যে ভক্তে না দেখিয়া করয়ে ক্রন্দন ।
 স্বপ্নছলে সে সকলে দিলা দর্শন ॥

যত অনুগ্রহ কৈলা নরোত্তম প্রতি ।
 তাহা বিস্তারিতে মোর নাহিক শক্তি ॥
 যে সকল মহাস্তু প্রকট নবদীপে ।
 মহা অনুগ্রহ কৈলা রাখিল সমীপে ॥
 কিছুদিন পরে অতি ব্যাকুল হইয়া ।
 করয়ে বিদায় সুমধুর বাক্য কৈয়া ॥
 তোমা সহ সাক্ষাৎ হইব একারণ ।
 এঁছে ক্লেশে প্রভু দেহে রাখিলা জীবন ॥
 শ্রীনিবাস সহ দেখা না হইল আর ।
 এঁছে কহি কণ্ঠরুদ্ধ নেত্রে অশ্রুধার ॥
 অতি স্নেহাবেশে নরোত্তম মুখ চাঞা ।
 কৈলা সতে বিদায় বিদীর্ণ হৈল হিয়া ॥
 নরোত্তম শিরে লৈয়া সভার চরণ ।
 চলিতে যে দশা তাহা না হয় বর্ণন ॥
 প্রভুর ভবনে গিয়া ব্যাকুল হিয়ায় ।
 দেখয়ে যে দাসদাসী সেহো মৃত্যুপ্রায় ॥
 নরোত্তম দেখি সতে ব্যাকুল অন্তরে ।
 কহিলেন বহুকার্য্য হৈবে তোমা দ্বারে ॥
 এত কহি কণ্ঠরুদ্ধ ধারা সে নয়নে ।
 নরোত্তম বিদায় করিলা হাত মানে ॥
 নরোত্তম ব্যগ্র হৈয়া কান্দে উচ্চরায় ।
 প্রভুর অঙ্গনে পড়ি ধূলায় দুটায় ॥
 কতক্ষণে ক্রন্দন করিয়া সম্বরণ ।
 শান্তিপূরে পথপানে করিলা গমন ॥
 গ্রামে প্রবেশিতে যে দেখিলা চমৎকার ।
 তাহা বর্ণিবার শক্তি নাহিক আমার ॥

প্রভু অধৈতের গৃহে করিয়ে গমন ।
 বন্দিলেন শ্রীঅচ্যুতানন্দের চরণ ॥
 নরোত্তমে আলিসিয়া বহু কৃপা কৈলা ।
 জিজ্ঞাসি সংবাদ প্রিয়গণে মিনাইলা ॥
 আজ্ঞা দিলা নীলাচল গিয়া শীঘ্র আসি ।
 প্রচারিবে সূচাকু কীর্তন রসরাশি ॥
 এত কহি নেত্রধারা বহে নিরন্তর ।
 বাতাসে হেলয়ে অতি শুষ্ক কলেবর ॥
 নরোত্তম সভার চরণ বন্দি শিরে ।
 বিদায় হইয়া চলিলেন ধীরে ধীরে ॥
 হরিনদী গ্রামে আসি গঙ্গাপার হৈয়া ।
 জিজ্ঞাসে পণ্ডিত গৃহ অধিকায় গিয়া ॥
 কেহ কেহ আইলে এই অতি ভল্ল দূর ।
 নরোত্তমে দেখি সুখ বাচয়ে প্রচুর ॥
 কোন মহাশয় অগ্রে অতি শীঘ্র গিয়া ।
 শ্রীহৃদয়-চৈতন্য কহয়ে প্রণমিয়া ॥
 দেখিলু আশ্চর্য্য এক পুরুষ সুন্দর ।
 গৌর-নিত্যানন্দ প্রেমে পূর্ণ কলেবর ॥
 আসিবেন এথা পথ জিজ্ঞাসা করিতে ।
 কত ধারা বহে নেত্রে না পারে চলিতে ॥
 শ্রীহৃদয়-চৈতন্য শুনিয়া এই কথা ।
 জানিলেন নরোত্তম আইসেন এথা ॥
 প্রেমের আবেশে শীঘ্র বহিছারে গিয়া ।
 আইসে নরোত্তম দেখি জুড়াইল হিয়া ॥
 নরোত্তম শ্রীহৃদয় চৈতন্য-দর্শনে ।
 ধরিতে না পারে অঙ্গ পড়িলা চরণে ॥

শ্রীহৃদয়-চৈতন্য ধরিয়া বাহুমূলে ।
 নরোত্তমে কোলে করি সিঞ্জে নেত্রজলে ॥
 প্রভুর মন্দিরে শীঘ্র লইয়া চলিলা ।
 নিত্যানন্দ চৈতন্য দর্শন করাইলা ॥
 নরোত্তম হুই প্রভু দর্শন করিয়া ।
 করয়ে ক্রন্দন ভূমে পড়ি প্রণমিয়া ॥
 হৃদয় চৈতন্য স্থির করিয়া যতনে ।
 শ্রীমালা প্রসাদ আনি দিলেন নির্জনে ॥
 পরম্পর যে প্রসঙ্গ হইল দৌহার ॥
 তাহা বিস্তারিতে শক্তি নাহিক আমার ।
 শ্রীহৃদয়-চৈতন্য ঠাকুর কৃপাকরি ।
 নরোত্তমে রাখিলেন দিন হুই চারি ॥
 নিত্যানন্দ চৈতন্য চরণে সমর্পিয়া ।
 নীলাচল যাইতে আজ্ঞা দিলা ব্যগ্র হৈয়া
 বিদায়ের কালে শ্রীঠাকুর মহাশয় ।
 হইলেন যেরূপ কহিতে সাধ্য নয় ॥
 যে যে মহাভাগবত ছিলেন সেখানে ।
 নরোত্তম দশা দেখি ব্যাকুল পরাগে ॥
 প্রভুভক্তগণ গুণে উথলয়ে হিয়া ।
 চলিতে অবশ অঙ্গ পড়ে আলাইয়া ॥
 প্রেমের আবেশে কিবা অপূর্ব গমন ।
 যে দেখে বারেক তার স্থির নহে মন ॥
 নরোত্তম চেষ্টা অন্তে বৃষ্টিতে না পারে ।
 অতি উৎকণ্ঠিত খড়দহ যাইবারে ॥
 খড়দহ যাইতে যে পথে ভক্তালয় ।
 সেথা রহি তাঁরে মিলি চলে মহাশয় ॥

খড়দহ প্রবেশিতে দেখিয়া আশ্চর্য্য ।
 মহাবীর নরোত্তম হইলা অধৈর্য্য ॥
 হেনকালে মহেশ পণ্ডিত আদি দূরে ।
 নরোত্তমে দেখিয়া কহয়ে ধীরে ধীরে ॥
 প্রভুর বিয়োগে হইয়াছি মৃত্যুপ্রায় ।
 ইহারে দেখিতে সুখ উপজে হিয়ায় ॥
 প্রভুশক্তি বিনা ইহা সম্ভব না হয় ।
 এঁছে কহি জিজ্ঞাসিতে পাইলা পরিচয় ॥
 নরোত্তম প্রতি সভে কহে বারে বারে ।
 পূর্বেই তোমার নাম বিদিত সংসারে ॥
 গৃহে হৈতে যৈছে তুমি গেলা বৃন্দাবন ।
 লোকমুখে তাহা সব করিলুঁ শ্রবণ ॥
 বনপথে আইলা সভে বৃন্দাবন হৈতে ।
 গ্রন্থ চুরি প্রাপ্ত মাত্র পাইলুঁ শুনিতে ॥
 নবদ্বীপে আইলে তুমি তাহাও শুনিলুঁ ।
 আছয়ে জীবন তেত্রিঃ নয়নে দেখিলুঁ ॥
 এঁছে কহি সভে নিজ পরিচয় দিয়া ।
 প্রকাশে বাৎসল্য মহাপ্রেমাবিষ্ট হৈয়া ॥
 নরোত্তম ভাসে দুই নয়নের জলে ।
 লোটাইয়া পড়ে ভক্ত বর্গ পদতলে ॥
 প্রভু-প্রিয়গণ নরোত্তমে আলিঙ্গিয়া ।
 সিঞ্জে নেত্রজলে অতি অধৈর্য্য হইয়া ॥
 নরোত্তমে লৈয়া স্থির হৈয়া কতক্ষণে ।
 সভে প্রবেশিলা শীঘ্র প্রভুর ভবনে ॥
 শ্রীকৃষ্ণজাহ্নবা নরোত্তম বিবরণ ।
 শুনি অন্তঃপুরে বোলাইলা সেইক্ষণ ॥

নরোত্তম আপনাকে ধন্য করি মানেনে ।
 প্রণমিলা গিয়া দুই ঈশ্বরী চরণে ॥
 শ্রীবীরভদ্রের পাদপদ্মে প্রণমিলা ।
 দর্শন করিতে প্রেমে বিহ্বল হইলা ॥
 শ্রীকৃষ্ণ জাহ্নবাদেবী দেখি নরোত্তমে ।
 হইলা অধৈর্য্য হিয়া উথলয়ে প্রেমে ॥
 মহাশয় নাম সে গ্রিহ্যর যোগ্য হয় ।
 এঁছে পরম্পর কত স্নেহে প্রশংসয় ॥
 নরোত্তম প্রতি অনুগ্রহ অতিশয় ।
 রাখিলেন দিন চারি ছাড়িতে নারয় ॥
 জিজ্ঞাসিলা ক্রমে ক্রমে সব সমাচার ।
 নরোত্তম নিবেদিলা করিয়া বিস্তার ॥
 শুনিতে সে সব যৈছে হইল অন্তরে ।
 তাহা একমুখে কে কহিতে শক্তি ধরে ॥
 শ্রীকৃষ্ণ জাহ্নবা বীরচন্দ্রের সহিতে ।
 নরোত্তম তিলান্ধক না পারে ছাড়িতে ॥
 খড়দহ প্রদেশেতে যে যে ভক্ত ছিল ।
 খড়দহ আসি নরোত্তমে দেখা দিলা ॥
 যতপি দুঃখিত তব হৈল হর্ষোদয় ।
 যে স্নেহ করিলা তা কহিতে মাধ্য নয় ॥
 সর্ব তত্ত্বজ্ঞাতা শ্রীজাহ্নবা গোস্বামিনী ।
 নরোত্তমে নিভূতে কহিলা কি না জানি ॥
 নীলাচলে যাইতে শীঘ্র অনুমতি দিলা ।
 সাক্ষাতে সকল ভক্তে পুনঃ মিলাইলা ॥
 মহেশ পণ্ডিত আদি প্রভু প্রিয়গণ ।
 নরোত্তমে পুনঃ পুনঃ কৈলা আলিঙ্গন ॥

নীলাচল যাইতে কহিলা সর্বজনে ।
 নরোত্তম প্রণমিলা সভার চরণে ॥
 বিদায় হইয়া চলে কান্দিতে কান্দিতে ।
 কান্দে সর্ব ভক্ত অতিব্যাকুল স্নেহেতে ॥
 কণো দূর গিয়া স্থির হৈলা সর্বজনে ।
 নরোত্তমে স্থির করি আইলা নিজস্থানে ॥

শ্রীনরোত্তমের এই শ্রীগোড় ভ্রমণ ।
 যে শুনে তাহার হয় বহুত পূরণ ॥
 নিরন্তর এ সব শুনহ যত্ন করি ।
 নরোত্তম-বিলাসঃ কহয়ে নরহরি ॥

ইতি শ্রীনরোত্তম-বিলাসে তৃতীয়ো বিলাসঃ ।

চতুর্থ বিলাস ।

জয় গৌর নিত্যানন্দাঙ্গৈতগণ সহ ।
 এ দীন দুঃখীয়ে প্রভু কর অনুগ্রহ ॥
 জয় জয় কৃপার সমুদ্র শ্রোতাগণ ।
 এবে যে কহিয়ে তাহা করহ শ্রবণ ॥
 নীলাচলে চলে শ্রীঠাকুরমহাশয় ।
 চিন্তিতে চৈতন্য নীলা ব্যাকুল হৃদয় ॥
 যে পথে চৈতন্যচন্দ্র গেলা নীলাচলে ।
 প্রশংসি পথের ভাগ্যা সেই পথে চলে ॥
 যথা প্রভু বিশ্রাম করিলা ভক্তসনে ।
 তথা রাত্রি রহে সেই কথা আলাপনে ॥
 পথস্থিত যে দেখিলা শ্রীচৈতন্যচান্দে ।
 তারে দেখিতেই চিন্তে ধৈর্য্য নাহি বান্ধে ॥
 তাঁ সভার ভাগ্য প্রশংসিয়া বারে বার ।
 চলয়ে সে সকলে করিয়া নমস্কার ॥
 নরোত্তমে দেখি সতে হয় অনুরক্ত ।
 সতে কহে ক্রিহো সেই চৈতন্যের ভক্ত ॥

শ্রীকৃষ্ণচৈতন্য প্রভু ভুবন-পাবন ।
 তার ভক্ত বিনা কেবা হইব এমন ॥
 আহা মরি কি সৌন্দর্য্য কি মধুর গতি ।
 দেখিতে জুড়ায় নেত্র কিবা প্রেমরীতি ॥
 এত কহি লোক সব পাছে পাছে ধায় ।
 নরোত্তমে প্রিয় বাক্যে করেন বিদায় ॥
 যে যে স্থানে কৈলা প্রভু যে রঙ্গ প্রকাশ ।
 তাহা লোকমুখে শুনি করি তথা বাস ॥
 প্রাতঃকালে চলে তৈছে লোক চলে সাথে
 বারিতে নারে অতি ভিড় হয় পথে ॥
 নিত্যানন্দ প্রভু যথা শ্রীদণ্ড ভাঙ্গিলা ।
 তথা গিয়া প্রেমে মহাবিহ্বল হইলা ॥
 যে প্রকারে হইল প্রভুর দণ্ডভঙ্গ ।
 লোকমুখে শুনিলেন সে সব প্রসঙ্গ ॥
 সে সকল লোকে করি অতি পুরস্কার ।
 চলয়ে অদ্ভুত গতি নেত্র অশ্রুধার ॥

সেই পথে আইসে এক প্রাচীন ব্রাহ্মণ ।
 পরম বৈষ্ণব সর্বশাস্ত্রে বিচক্ষণ ॥
 দেখি নরোত্তমের আশ্চর্য্য প্রেমরীত ।
 অকস্মাৎ মনে উপজিল মহাপ্রীত ॥
 ধীরে ধীরে নরোত্তম নিকটে আসিরা ।
 কহে মৃদু বাক্যে নরোত্তম মুখ চাঞা ॥
 কিনাম তোমার বাপু আইলা কোথা হৈতে
 শুনি নিবেদিল প্রণমিয়া সাবহিতে ॥
 নরোত্তম বাক্যে মহা বিহ্বল ব্রাহ্মণ ।
 নেত্রজলে সিক্ত করি কৈলা আলিঙ্গন ॥
 নরোত্তমে কোলে করি ছাড়িতে না পারে
 সুমধুর বাক্যে পুনঃ কহে ধীরে ধীরে ॥
 তোমার প্রসঙ্গ শুনি বহুদিন হৈতে ।
 বড় সাধ ছিল বাপুঃতোমারে দেখিতে ॥
 আজু সুপ্রসন্ন বিধি হইলা আমায় ।
 ক্ষেত্র হৈতে আইলু পথে দেখিলু তোমায
 প্রভুভক্তগণ যে প্রকট নীলাচলে ।
 অতি অনুগ্রহ মোরে করেন সকলে ॥
 অনুক্ষণ তোমা সভা প্রসঙ্গ তথায় ।
 শুনিয়া শ্রবণ ভরি পরাণ জুড়ায় ॥
 বৃন্দাবন হৈতে তোমা সভা আগমন ।
 পথে গ্রন্থচুরি প্রাপ্ত করিলু শ্রবণ ॥
 ক্ষেত্রেতে আসিবে তুমি তৎকাল শুনিলু ।
 তোমা লাগি উৎকণ্ঠিত সকলে দেখিলু ॥
 গোপীনাথচার্য্য আদি কাশীমিশ্র গৃহে ।
 কত দিন তোমার প্রসঙ্গ সভে কহে ॥

রামকেনি গ্রামে প্রভু তোমা আকষিল ।
 নিত্যানন্দ প্রভু চিন্তে আনন্দ বাড়িল ॥
 প্রভুভক্তগণের হইল চমৎকার ।
 সেই হইতে তোমা দেখে এ সাধ সভার ॥
 সে সভে তোমার পথ করে নিরীক্ষণ ।
 অণু মুঞি তথা হৈতে করিলু গমন ॥
 বিলম্বে নাহিক কাজ যাহ শীঘ্র তুমি ।
 বিলম্বেতে তথাই মিলিব গিয়া আমি ॥
 এত কহিতেই তার পুত্র তথা আইলা ।
 শ্রীঠাকুর মহাশয়ে তারে মিলাইলা ॥
 মেহাতুর বিপ্রপুত্র সর্ব কথা কৈলা ।
 নরোত্তম সঙ্গে দিল মহাচর্ষ হৈয়া ॥
 বিদায় লইয়া বিপ্র চলে ধীরে ধীরে ।
 নরোত্তম বিপ্রদম্বলি লৈলা শিরে ॥
 বিপ্রপুত্র সঙ্গে নরোত্তম ক্ষেত্রে গিয়া ।
 নরেন্দ্র শৌচের শোভা দেখে দাগুইয়া ॥
 প্রভু জনকেনি রঙ্গ করিয়া স্মরণ ।
 হইলা অধৈর্য্য নেত্রে ধারা অনুক্ষণ ॥
 শ্রীশিখি মাহাত্মি মঙ্গরাজ প্রতিঃকয় ।
 অকস্মাৎ চিন্তে কেন তৈল হর্ষোদয় ॥
 কানাঞি খুঁটিয়া কহে নাবুঝি কারণ ।
 যে মঙ্গল দেখি তাহে মিলে মহাধন ॥
 বাণীনাথ প্রতি গোপীনাথচার্য্য কয় ॥
 নরোত্তম এথা আজি আসিব নিশ্চয় ॥
 হেনকালে মহাযোগ্য সে বিপ্রকুমার ।
 আগে আসি দিলা নরোত্তম সমাচার ।

নরোত্তম সংবাদ শুনিয়া সর্বজন ।
 যে রূপ হইল তাহা না হয় বর্ণন ॥
 পুনঃ বিপ্রপুত্র নরোত্তম পাশে গেল ।
 দূরে হৈতে এ সভার পরিচয় দিল ।
 নরোত্তম তাঁ সভারে করিয়া দর্শন ।
 ধরিতে নায়ে অঙ্গ বারে ছনয়ন ॥
 ভূমিতে পড়িয়া প্রণময়ে বারবার ।
 সে দশা দেখিয়া প্রাণ কান্দয়ে সভার ॥
 গোপীনাথ আচার্যাদি অধৈর্য্য হইয়া ।
 ভাসে নেত্রজলে নরোত্তমে কোলে লৈয়া ।
 নরোত্তম মিলনেতে হৈল যে প্রকার ।
 লক্ষ লক্ষ মুখে তাহা নারি বর্ণিবার ॥
 নরোত্তমে স্থির করি অনেক প্রকারে ।
 লইয়া চলিল জগন্নাথ দেগিবারে ॥
 নরোত্তম সিংহদ্বারে প্রবেশ করিতে ।
 পতিত-পাবনে দেখি প্রণমে ভূমেতে ॥
 শ্রীসিংহদেবে দেখি নেত্রে ধারা বয় ।
 মনে যে উপজে সে কহিতে সাধ্য নয় ॥
 জগন্নাথ দর্শনেতে হইলা অধৈর্য্য ।
 নেত্রে ধারা বহে ভাব উপজে আশ্চর্য্য ॥
 সুভদ্রা সহিত জগন্নাথ বলরাম ।
 বিলসয়ে সিংহাসনে আনন্দের ধাম ॥
 শ্রীপদ্মলোচন মহাকরণার নিধি ।
 নরোত্তম প্রতি কেল কৃপার অবধি ॥
 জগন্নাথ সৌম্য প্রভুর ভঙ্গী জানি ।
 শ্রীমাদী প্রসাদ দিল নরোত্তমে আনি ॥

শ্রীজগন্নাথদেবের সেবক সকলে ।
 নরোত্তম চেষ্টা দেখি ভাসে নেত্রজলে ॥
 তিলে তিলে অধৈর্য্য হইলা নরোত্তম ।
 নিবারিতে নায়ে নেত্রে ধারা নদীসম ॥
 শ্রীমন্দির হৈতে নরোত্তমে প্রবোধিয়া ।
 গোপীনাথচার্য্য গেল নিজালয়ে লৈয়া ॥
 প্রবীণ মহুষ্য সঙ্গে দিয়া সেইক্ষণে ।
 পাঠাইলা গোপীনাথ সমাধি-দর্শনে ॥
 নরোত্তম গমন সর্বত্র জানাইলা ।
 নানাবিধ শ্রীমহাপ্রসাদ আনাইলা ॥
 এথা নরোত্তম কৈলা স্থরিতে গমন ।
 পথে যাইতেই দেখে আইসে কতজন ॥
 তারা পরম্পর অতি কাতর হিয়ায় ।
 কেহ কার প্রতি কহে কি হইল হায় ॥
 দেখিলাম এথা কিবা স্থখের অবধি ।
 এবে নীলাচলে বিপরীত কৈলা বিধি ॥
 শ্রীগোরচন্দ্রের ভক্ত ভুবন-পাবন ।
 ক্রমে ক্রমে সবে হতেছেন অদর্শন ॥
 গোপীনাথচার্য্য আদি পরমবৈষ্ণব ।
 দেখিলাম অতিজীর্ণ হৈয়াছেন সব ॥
 কেহ কহে আইলু মুণ্ডি গোপীনাথ হৈতে
 তথা যে দেখিলু তাহা না পারি কহিতে ॥
 সহিতে নায়ে দুঃখ শ্রীমামুগোসাধি ।
 মৃত প্রায় পড়িয়া আছেন এক ঠাণ্ডি ॥
 শুকাইল সে হেন সুন্দর কলেবর ।
 বুঝি অল্প দিনে হৈবে নেত্র অগোচর ॥

নরোত্তম শুনি এ প্রসঙ্গ ব্যগ্র চিতে ।
 করয়ে যত্নে ক খেদ না পারি বর্ণিতে ॥
 হইলা অধৈর্য্য অঙ্গ না যায় ধারণ ।
 টোটা গিয়া গোপীনাথে করিলা দর্শন ।
 বসিয়া আছেন কিবা মধুর ভঙ্গীতে ।
 কে ধরে ধৈর্য্য তাঁরে বারেক চাহিতে ॥
 নবধন-জিনি শ্রাম অঙ্গ সূচিকণ ।
 বদন মাধুরী কোটি কন্দর্পমোহন ॥
 পশিল সৌন্দর্য্য নরোত্তমের হিয়ায় ।
 হইলা অধৈর্য্য নেত্রজলে ভাসি যায় ॥
 করিলা প্রণাম বহু ভূমেতে পড়িয়া ।
 শ্রীমালা প্রসাদ দিলা পূজারী আনিয়া ॥
 শ্রীপণ্ডিত গোস্বামীর আসন যে স্থানে ।
 শঙ্কর মনুষ্য লৈয়া গেলা সেই স্থানে ॥
 আসন সমীপ ভূমিতলে লোটাইয়া ।
 করিলা প্রণাম বহু ব্যাকুল হইয়া ॥
 নিবারিতে নারে নেত্রে বহে অশ্রুধার ।
 উর্ধ্ববাহু করিয়া কহয়ে বারবার ॥
 হা হা প্রভু পণ্ডিত গোস্বামী গদাধর ।
 না হইলে মো পাপীর নয়ন গোচর ॥
 ঐছে কত কহিয়া কান্দয়ে উচ্চৈঃস্বরে ।
 সে ক্রন্দন শুনি দারু পাষণ বিদরে ॥
 শ্রীমামুগোসাঞি ছিল মুচ্ছাপন্ন হৈয়া ।
 দীর্ঘশ্বাস ছাড়ি উঠে ক্রন্দন করিয়া ॥
 জিজ্ঞাসে সভারে কহ কে করে ক্রন্দন ।
 সন্তে কহে গোড় হৈতে আইলা নরোত্তম ॥

নরোত্তম নাম শুনি কান্দিতে কান্দিতে ।
 নরোত্তমে কোলে করি নারে স্থির হৈতে
 অঙ্গ আছাড়িয়া পড়ে ধরনী উপরে ।
 উঠিল ক্রন্দন রোল গোপীনাথ ঘরে ॥
 প্রভু ইচ্ছামতে কত ক্ষণে স্থির হৈয়া ।
 জিজ্ঞাসে কুশল নরোত্তম মুখ চাঞা ॥
 যত্নপি দারুণ দুঃখে জীবন সংশয় ।
 তথাপিহ নরোত্তমে দেখি হর্ষোদয় ॥
 নরোত্তম বাক্য শুনি প্রেমাবিষ্ট হৈল ॥
 গোপীনাথ পদে নরোত্তমে সমর্পিল ॥
 আঞ্জা দিলা যাহ শীঘ্র সমাধি দর্শনে ।
 আচার্য্য আছেন তথা চাহি পথপানে ॥
 শুনি নরোত্তম ভূমে প্রণমি কাতরে ।
 চলিলেন সে মনুষ্য সঙ্গে সিন্ধুতীরে ॥
 হরিদাস ঠাকুরের সমাধি দেখিয়া ।
 করিলা ক্রন্দন বহু ভূমেতে পড়িয়া ॥
 অতি খেদযুক্ত হৈয়া কহে বারবার ।
 সে স্থখে বঞ্চিত হৈলুঁ ছুদৈব আমার ॥
 ঐছে কত কহে নেত্রে ধারা নিরন্তর ।
 দেখি সে দশা বা কার না দ্রবে অন্তর ।
 তথা যে বৈষ্ণব ছিলা সমাধি সেবনে ।
 নরোত্তমে স্থির কৈলা সে কত যতনে ॥
 গোপীনাথচার্য্য গৃহে দিলা পাঠাইয়া ।
 নরোত্তম বিহ্বল চলিলা প্রণমিয়া ॥
 ক্ষেত্রবাসী লোক নরোত্তমে দেখি পুথে ।
 ছাড়িয়া সকল কার্য্য চলে সাথে সাথে ॥

নরোত্তম তাঁ' সভারে করি সমাদর ।
 শীঘ্র গেলো গোপীনাথ আচার্যের ঘর ॥
 গোপীনাথ আচার্য পরম স্নেহময় ।
 নিজ পাশে বসাই মধুর বাক্যে কয় ॥
 তোমারে দেখিতে সাধ সভার অন্তরে ।
 ক্লণেক বিরমি যাহ তাঁ' সভার ঘরে ॥
 এথা নরোত্তম গতি শুনি সর্বজন ।
 দেখিতে সভার অতি উৎকণ্ঠিত মন ॥
 কি কব তাঁ' সভার যে দশা নীলাচলে ।
 প্রভু অদর্শনে স্পৃহা নাহি অন্ন-জলে ॥
 অতি কষ্ট মতে দেহ করয়ে ধারণ ।
 ভূমিতে লোটায় সদা বরয়ে নয়ন ॥
 মধনে নিশ্বাস দীর্ঘ অতি সে দুর্বল ।
 চলিতে নায়ে অঙ্গ করে টলমল ॥
 গোপীনাথগৃহে নরোত্তমে দেখিবারে ।
 আইসেন স্নেহে বল ব্যাপিল শরীরে ॥
 হেনকালে নরোত্তম সে মনুষ্য সাথে ।
 যাইতে দেখিলা সভে আইসেন পথে ॥
 সঙ্গের মনুষ্যে নরোত্তম জিজ্ঞাসিলা ।
 কি নাম কাহার তেঁহো সব জানাইলা ॥
 নরোত্তম তাঁ' সভার বন্দিল চরণ ।
 নরোত্তমে সভাই করিলা আলিঙ্গন ॥
 কোলে করি ভবন ভিতরে প্রবেশিলা ।
 নরোত্তম অঙ্গ নেত্রজলে সিক্ত কৈলা ॥
 নরোত্তম তাঁ' সভার দর্শন স্পর্শনে ।
 ধ্বস্ত নারয়ে অঙ্গ ধারা ছনয়নে ॥

গোপীনাথ আচার্য সে পরম যত্নেতে ।
 সভে বসাইলা স্থির করি ভালমতে ॥
 নরোত্তম প্রতি সভে জিজ্ঞাসে কুশল ।
 আছোপান্ত নরোত্তম কহিলা সকল ॥
 শুনি তাঁ' সভার চেষ্টা যেরূপ হইলা ।
 কহিব কি তাহা ভাগ্যবস্ত সে দেখিলা ॥
 গোপীনাথ আচার্য সভে কহে ব্যগ্র হৈয়া ।
 শ্রীমহাপ্রসাদ ভুঞ্জ নরোত্তমে লৈয়া ॥
 শুনি নরোত্তমে লৈয়া মহাস্নেহ মনে ।
 বসিলেন সভে মহাপ্রসাদ সেবনে ॥
 প্রভু ইচ্ছামতে কিছু প্রসাদ ভুঞ্জিলা ।
 অতি স্নেহবাক্যে নরোত্তমে ভুঞ্জাইলা ॥
 আচমন করি সভে গেলেন বাসাতে ।
 নরোত্তমে আঞ্জা কৈলা বিশ্রাম করিতে ॥
 বিশ্রাম করিয়া শ্রীঠাকুর মহাশয় ।
 স্বানাদি করিলা জানি দর্শন সময় ॥
 কানাগ্রিখুটিয়া শ্রীঠাকুর মহাশয়ে ।
 লইয়া গেলেন জগন্নাথের আলায়ে ॥
 সন্ধ্যা আরাত্রিক আর শয়ন পর্য্যন্ত ।
 দেখিলেন নরোত্তম বসিয়া একান্ত ॥
 কানাগ্রিখুটিয়া আদি বহুজন মনে ।
 আইলেন গোপীনাথ আচার্য ভবনে ॥
 নরোত্তমে ছাড়িয়া যাইতে কেহ নারে ।
 আচার্য আদেশে গেলো নিজ নিজ ঘরে ॥
 আচার্য কহেন নরোত্তমে এ নির্জন ।
 এখন এখানে তুমি করহ শয়ন ॥

আচার্যের বাৎসল্য কহিতে সাধ্য নহে ।
 নরোত্তম শুইলে চলিল নিজ গৃহে ॥
 নরোত্তমে নিদ্রা না করয়ে আকর্ষণ ।
 অতি সে উদ্বিগ্ন খেদ নহে সম্বরণ ॥
 প্রভুর ইচ্ছায় কিছু নিদ্রা আকর্ষিতে ।
 স্বপ্নহলে দেখে নিজাভীষ্ট রথাগ্রেতে ॥
 ভুবনমোহন কৃষ্ণ চৈতন্য নিতাই ।
 শ্রীঅদ্বৈত গদাধর পণ্ডিত গোসাঞি ॥
 শ্রীবাস পণ্ডিত গুপ্ত মুরারি গোবিন্দ ।
 হরিদাস কাশীমিশ্র রায় রামানন্দ ॥
 বাসুদেব সার্বভৌম ভট্টাচার্য আর ।
 কাশীধর জগদীশ পণ্ডিত উদার ॥
 বাসুঘোষ মুকুন্দ মাধব বক্রেশ্বর ।
 গৌরীদাস মহেশ পণ্ডিত দামোদর ॥
 স্বরূপ গোসাঞি শুক্লাধর ব্রহ্মচারী ।
 দাস গদাধর যত্ন শ্রীধর কংসারি ॥
 সূর্য্যদাস রামাইসুন্দর ধনঞ্জয় ।
 রামানন্দ বাসুঘোষ শঙ্কর সঞ্জয় ॥
 লোকনাথ ভূগর্ভ শ্রীকৃষ্ণ সনাতন ।
 শ্রীজীব গোপাল ভট্ট আচার্য্য নন্দন ॥
 কৃষ্ণদাস ব্রহ্মচারী পণ্ডিত রাঘব ।
 পরমানন্দ ভট্টাচার্য্য আচার্য্য মাধব ॥
 রঘুনাথ ২ ভট্ট শ্রীপতন ।
 শ্রীমুকুন্দ, নরহরি শ্রীরঘুনন্দন ॥
 শ্রীপ্রতাপরত্ন রাজাচার্য্য গোপীনাথ ।
 শ্রীশিপি মহাতি আদি ভুবনে বিখ্যাত ॥

গোড় ব্রজ উৎকল দক্ষিণ আদি স্থানে ।
 যে যে ভক্ত মতে বিলসয়ে প্রভুসনে ॥
 কি আশ্চর্য্য জগন্নাথ রথাগ্রে নর্তন ।
 মধ্যে গৌরচন্দ্র চারিপাশে প্রিয়গণ ॥
 কি অদ্ভুত শোভা গৌরগণের সহিতে ।
 উপমা দিবার ঠাঞি নাই ত্রিজগতে ॥
 প্রভুর ইচ্ছিত মাত্রে প্রিয় পারকর ।
 করিলেন গানের আরম্ভ মনোহর ॥
 বাজায় মর্দল আদি অতি রসায়ন ।
 চতুর্দিকে জয় জয় ধ্বনি অনুরূপ ॥
 গুরুকর্ক কিল্পর যত মনুষ্যের-বেশে ।
 নাচে গায় নানা যন্ত্র বায়েন উল্লাসে ॥
 সংকীর্ত্তন স্থখের সমুদ্র উথলিল ।
 স্বর্গ মর্ত্ত্য পাতাল এ সর্বত্র ব্যাপিল ।
 শ্রীকৃষ্ণচৈতন্য নৃত্য করে সংকীর্ত্তনে ।
 দেখিতে কাহার সাধ নাহি ত্রিভুবনে ॥
 ধায় নারী পুরুষ অসংখ্য চারিভিতে ।
 পুষ্পবৃষ্টি করে দেব পত্নীর সহিতে ॥
 পঙ্গুগণ লক্ষ দিয়া ফিরে দর্প করি ।
 জনমের অন্ধ দেখে গৌরান্ন মাধুরী ॥
 যাহার বদনে কিছু বাক্য নাহি সরে ।
 সেই গৌরচন্দ্র বলি ডাকে বারে বারে ॥
 ফাটিলেও যার নেত্রে জল না আইসে ।
 সেই গৌর-শুণ শুনি নেত্রজলে ভাসে ॥
 ভুবন-পাবন চাক্র কীর্ত্তন শুনিতে ।
 কিবা পশু পক্ষ কেহ নায়ে স্থির হৈতে ॥

নরোত্তম একভিতে দেখে দাণ্ডাইয়া ।
 আনন্দে বিহ্বল ধারা বহে নেত্র বাঞ্ছা ॥
 নরোত্তম চেষ্টা দেখি প্রভু প্রেমাবেশে ।
 ছুটি হাত ধরি কিছু কহে মৃদু ভাষে ॥
 অলৌকিক গীত বাণ্য করিবে প্রকাশ ।
 যাহার শ্রবণে হৈবে সভার উল্লাস ॥
 দেখিতে পাইবে যবে করিবে কীর্তন ।
 ঐছে সভাসহ মুঞি করিব নর্তন ॥
 মোর মনোবৃত্তি গীত বাদ্য ব্যক্ত হৈবে ।
 পরম রসিক সাধু সদা আস্থাদিবে ॥
 কখন কোনহ চিন্তা না করিহ তুমি ।
 হৈব মনোরথ সিদ্ধ কহিলাম আমি ॥
 না কর বিলম্ব শীঘ্র যাহ গোড়দেশে ।
 করহ প্রকাশ ভক্তি অশেষ বিশেষে ॥
 যে জন লইবে আসি তোমার শরণ ।
 অচিরে পাইব সে অমূল্য প্রেমধন ॥
 রামচন্দ্র চিরঞ্জীব সেনের তনয় ।
 তাঁ সহ তোমার হৈবে অদ্ভুত প্রণয় ॥
 আর কি কহিব নরোত্তম তোর আগে ।
 তোর ভাল মন্দ সে আমারে সব লাগে ॥
 নরোত্তমে দেখি অনুগ্রহের অবধি ।
 উথলিল সভাকার আনন্দ জলধি ॥
 নিত্যানন্দাঙ্কিত গঙ্গাধর হরিদাস ।
 সার্বভৌম রায় রামানন্দ শ্রীনিবাস ॥
 ষক্রেস্বর আদি সব প্রভু-প্রিয়গণ ।
 নরোত্তমে কৈলা সভে দৃঢ় আনিমন ॥

নরোত্তম ভাসে দুই নয়নের জলে ।
 আপনা মানয়ে ধন্য পড়ি পদতলে ॥
 প্রভু পরিকর নরোত্তমে স্থির করি ।
 কহে কত কথা বাৎসল্যেতে কর ধরি ॥
 গোড়ে পাঠাইতে সভে হৈলা অনুকূল ।
 হেনকালে নিদ্রাভঙ্গ বিচ্ছেদে ব্যাকুল ॥
 কতক্ষণে নরোত্তম সুস্থির হইয়া ।
 অতি শীঘ্র করি সারিলেন প্রাতঃক্রিয়া ॥
 গোপীনাথার্চ্য শিখি মাহাতির সনে ।
 শীঘ্র পাঠাইলা জগন্নাথ দরশনে ॥
 শ্রীমঙ্গল আরাত্রিক দর্শন করিয়া ।
 ধরিতে নারয়ে অঙ্গ উমড়য়ে হিয়া ॥
 কিরূপে যাইব গোড় করিতেই মনে ।
 জগন্নাথ আঞ্জামালা দিলা সেইক্ষণে ॥
 শ্রীমালা প্রসাদ পাঞা মনে বিচারয় ।
 করিলা বিদায় প্রভু ইথে না সংশয় ॥
 রহি কতক্ষণ প্রণমিঞা জগন্নাথে ।
 চলিলেন গোপীনাথ আচার্য্য গৃহেতে ॥
 প্রভু পরিকর যে যে রহেন যথায় ।
 সভার চরণ বন্দি আইলা সভায় ॥
 স্বপ্নচ্ছলে প্রভু গোপীনাথে যে কহিলা ।
 তাহা নরোত্তমে জানাইতে ব্যগ্র হৈলা ॥
 স্থির হইয়া নরোত্তমে কহে ধীরে ধীরে ।
 প্রভু আদেশিলা শীঘ্র গোড়ে যাইবারে ॥
 ঐছে বহু কহি একদিন স্থির হৈলা ।
 ক্ষেত্রস্থ মহাস্তম্ভ একত্র হইলা ॥

নরোত্তমে সভে পাঠাইতে গৌড়দেশে ।
 কহয়ে যতক তাহা কহিতে না আইসে ॥
 বিদায়ের কালে নরোত্তম করে ধরি ।
 কহয়ে মধুর বাক্য অতিশ্লেষ করি ॥
 পূরিল মনের সাধ দেখিলুঁ তোমাতে ।
 শ্রীনিবাসে পুনঃ না দেখিব নেত্রদ্বারে ॥
 শুনিলুঁ দেখিলুঁ কৃষ্ণদাস যোগ্য অতি ।
 শ্রামানন্দ নাম তাঁর হইল সম্প্রতি ॥
 তাহারে দেখিতে বড় মনে সাধ ছিল ।
 এত কহি সবে নেত্রজলে সিক্ত হৈল ॥
 নরোত্তম তাঁ সভার চেষ্টা নিরক্ষিয়া ।
 ভূমে পড়ি প্রণময়ে কান্দিয়া কান্দিয়া ॥
 সভে স্থির হৈয়া নরোত্তমে স্থির করি ।
 যাত্রা করাইলা কৃষ্ণ-চৈতন্য সঙরি ॥
 সঙ্গের যে লোক সে পরম অকুরাগে ।
 শ্রীমহাপ্রসাদ লৈয়া চলিলেন আগে ॥
 নরোত্তম বিদায় করিয়া সর্বজন ।
 হইলেন যৈছে তাহা না হয় বর্ণন ॥
 নরোত্তম চলিলেন মৃতপ্রায় হৈয়া ।
 করিলা ক্রন্দন বহু নরেন্দ্রেতে গিয়া ॥
 ক্ষেত্র আসিবার কালে দেখে যে ব্রাহ্মণে ।
 সেই পথে দেখে তাঁরে তাঁর পুত্র মনে ।
 ব্রাহ্মণের পদধূলি লইতেই শিরে ।
 বিপ্র আলিঙ্গন করি কহে ধীরে ধীরে ॥
 ওহে নরোত্তম মোর প্রাণাধিক তুমি ।
 অল্প গৌড়দেশে যাবে শুনিয়াছি আমি ॥

সাধিয়া বিশেষ কার্য আইলুঁ ত্বরিতে ।
 জগন্নাথ ইচ্ছায় সে দেখা হৈল পথে ॥
 নহিলে মনের দুঃখে মরিতুঁ পুড়িয়া ।
 এত কহি কোলে হৈতে না দেয় ছাড়িয়া
 কতক্ষণে বৃদ্ধ বিপ্র ব্যাকুল হিয়ায় ।
 করি বহু আশীর্ব্বাদ দিলেন বিনায় ॥
 নরোত্তম সঙ্গে বিপ্র চলে কথো দূর ।
 ছাড়িতে না পারে দুঃখ বাড়য়ে প্রচুর ॥
 নরোত্তম তাঁরে কত যত্নে ফিরাইয়া ।
 চলিলেন শীঘ্র অতি ব্যাকুল হইয়া ॥
 দুইদিন জাজপুরে করিয়া বিশ্রাম ।
 কথো দিনে আইলা নৃসিংহপুর গ্রাম ॥
 দূরে হৈতে গিয়া তেহ শ্রামানন্দে কয় ।
 ক্ষেত্র হৈতে আইলা শ্রীঠাকুর মহাশয় ॥
 শুনিতেই শ্রামানন্দ বিহ্বল হইলা ।
 নিজ গণ সহ শীঘ্র আগুসরি গেলা ॥
 দৌহে দৌহা দেখি অতি অধৈর্য্য হইয়া ।
 ভাসে নেত্রজলে ছ'ছ দৌহে প্রণমিয়া ॥
 নরোত্তম শ্রামানন্দে ধরিলেন কোলে ।
 ছাড়িতে নারয়ে হিয়া আনন্দ উথলে ॥
 দেখিয়া সকল লোক অদ্ভুত মিলন ।
 নিবারিতে নারে নেত্রধারা অক্ষুক্ষণ ॥
 কেহ কহে অহে ভাই কি অদ্ভুত রীত ।
 জনমিঞা কভু না দেখিলুঁ হেন প্রীত ॥
 কেহ কহে যে শুনিলুঁ দেখিলু তাহাই ।
 মনে অভিলাষ যত কব কার ঠাঞি ॥

কেহ বলে ওহে ভাই শুনিলুঁ যে হৈতে ।
 মনে বড় ছিল সাধ বারেক দেখিতে ॥
 কেহ কহে মো সভার ভাগ্য অতিশয় ।
 তেঁই এথা প্রাপ্ত শ্রীঠাকুর মহাশয় ॥
 কেহ কহে হেন ভাগ্য হৈব মো সভার ।
 আশ্চর্য্য ঠাকুর কি দেখিব একবার ॥
 কেহ কহে অহে পূর্ণ হৈব অভিলাষ ।
 দিলেন দর্শন শ্রীআচার্য্য শ্রীনিবাস ॥
 ব্রহ্মে কত কহে কার স্থির নহে মন ।
 ধাওয়া ধাই করে গ্রামবাসী লোকগণ ॥
 শ্রামানন্দ আনন্দে ঠাকুর মহাশয়ে ।
 দিলেন নির্জনে বাসা লোক ভিড় ভয়ে ॥
 তথাপিহ নরোত্তমে করিতে দর্শন ।
 আইসে অনেক লোক নহে নিবারণ ॥
 লোকের স্কন্ধে কিছু কথা নাহি যায় ।
 হেন রত্ন পাইল শ্রামানন্দের কুপায় ॥
 শ্রামানন্দ কুপায় এ দেশ ধন্য দেখি ।
 শ্রীঠাকুর মহাশয় হৈল মহাসুখী ॥
 স্নানাদিক ক্রিয়া করি স্থির হইয়া ।
 বসিলেন নরোত্তম শ্রামানন্দে লৈয়া ॥
 সময় পাইয়া শ্রামানন্দে যত্ন করি ।
 শ্রীঠাকুর মহাশয়ে কহে ধীরি ধীরি ॥
 আচার্য্য ঠাকুর বন-বিষ্ণুপুর হৈতে ।
 জাজিগ্রাম গেলা এই কথোক দিনেতে ॥
 গতদিন প্রহরেক দিবস সময় ।
 আইল তাঁর কুলাপত্নী দেখ মহাশয় ॥

পত্রিকা দর্শনে অতি আনন্দ উথলে ।
 পঠিতেই পত্নী নেত্র ভাসে অশ্রুজলে ॥
 অতিযত্নে পত্নীপাঠ কৈলা মহাশয় ।
 পুনঃ শ্যামানন্দ প্রেমাবেশে নিবেদয় ॥
 শ্রীঅধিকা হৈতে প্রভু করি অনুগ্রহ ।
 পাঠাইলা শ্রীমহাপ্রসাদ পত্নী সহ ॥
 নরোত্তম পত্নী পঠি নেত্রজলে ভাসে ।
 শ্রামানন্দ ভাগ্য-প্রশংসয়ে প্রেমাবেশে ॥
 শ্রীমহাপ্রসাদে প্রণমিয়া বারবার ।
 ভক্ষণ করিতে হৈলে আনন্দ অপার ॥
 শ্রীঠাকুর মহাশয় নিজ সঙ্গীজনে ।
 কহিলেন আনন্দ প্রসাদ এইস্থানে ।
 শ্রীজগন্নাথের মহাপ্রসাদ লইয়া ।
 শ্রামানন্দ মুখে দিলা মহাহর্ষ হৈয়া ॥
 শ্রীমহাপ্রসাদ মহাযত্নে সেবা করি ।
 শ্রামানন্দে নরোত্তম কহে ধীরি ধীরি ॥
 নীলাচলে যে আছেন প্রভু পরিকর ।
 তাঁ সভারে বিচ্ছেদাগ্নি দন্ধে নিরস্তর ॥
 তাঁ সভার যে দশা তা না হয় বর্ণন ।
 প্রভু ইচ্ছামতে মাত্র আছেয়ে জীবন ॥
 তোমারে দেখিতে সাধ করেন সকলে ।
 বিলম্ব না কর শীঘ্র যাহ নীলাচলে ॥
 তথা তাঁ সভার করি চরণ দর্শন ।
 বিতরহ উৎকলে অমূল্য প্রেমধন ॥
 কিছুদিন পরে পত্নী দিব পাঠাইয়া ।
 যাইবে খেতরি গ্রামে নিজগণ লৈয়া ॥

ব্রহ্মে কত কহি দিন ছই স্থিতি কৈলা ।
 এ সকল কথা সর্বত্রই ব্যক্ত হৈলা ॥
 বিদায়ের কালে যৈছে হৈলা ছই জন ।
 তাহা একমুখে কিছু না হয় বর্ণন ॥
 শ্রীশ্রামানন্দের শিষ্য রসিক মুরারি ।
 একভিতে রহি কান্দে নেত্রে বহে বারি ।
 শ্রীঠাকুর মহাশয় অতিস্নেহ-ভরে ।
 আলিঙ্গন করি বহু কৃপা কৈলা তাঁরে ॥
 শ্রীশ্রামানন্দের পদে যে লৈলা শরণ ।
 তাঁ সভারে যৈছে স্নেহ না হয় বর্ণন ॥
 শ্রীঠাকুর মহাশয় পানে চাঞা২ ।
 সকলে ব্যাকুল ভূমে পড়ে লোটাইয়া ॥
 লইয়া মস্তকে ছই চরণের ধূলি ।
 মাথে হাত দিয়া সভে কান্দে ফুলি২ ॥

গোড়দেশে চলিলা ঠাকুর মহাশয় ।
 স্থির হৈতে নারে ছই নেত্রে ধারা ষয় ॥
 এথা শ্রামানন্দ কান্দে পড়িয়া ভূমিতে ।
 করয়ে যতন কত নারে স্থির হৈতে ॥
 কি অদ্ভুত চেষ্টা কিছু বুঝনে না যায় ।
 নীলাচলে যাত্রা কৈলা ব্যাকুল হিয়ায় ॥
 নীলাচলে চলে শ্রামানন্দ প্রেমাবেশে ।
 শ্রীঠাকুর মহাশয় আইলা গোড়দেশে ।
 নীলাচলে যাইতে শ্রামানন্দের যে রীতি ।
 ভক্তিরহস্যকর গ্রন্থে দেখ বিস্তারিত ॥
 নিরন্তর এসব গুনহ যত্ন করি ।
 নরোত্তম-বিলাস কহয়ে নরহরি ॥

ইতি শ্রীনরোত্তম-বিলাসে চতুর্থোবিলাসঃ ।

পঞ্চম বিলাস ।

জয় গৌর নিত্যানন্দাষ্টৈতগণ সহ ।
 এ দীন দুঃখীয়ে প্রভু কর অনুগ্রহ ॥
 জয় জয় কৃপার সমুদ্র শ্রোতাগণ ।
 এবে যে কহিয়ে তাহা করহ শ্রবণ ॥
 গোড়দেশে প্রসিদ্ধ শ্রীখণ্ড নামে গ্রাম ।
 তথা আইলেন নরোত্তম গুণধাম ॥

শ্রীসরকার ঠাকুরের আনয় যাইতে ।
 নরোত্তমে দেখিয়া গেলেন কেহ পথে ॥
 ঠাকুরের আগে গিয়া কহে ধীরি ধীরি ।
 আইসে পুরুষ এক অপূর্ব মাধুরী ॥
 কিবা সে প্রেমের গতি চলে বা না চলে ।
 চাহিয়া শ্রীখণ্ড পানে ভাসে নেত্রজলে ॥

বুঝি নীলাচল হৈতে কৈলা আগমন ।
 সঙ্গেতে আছয়ে তাঁর লোক চারিজন ॥
 শুনিয়া ঠাকুর কহে কি আর কহিতে ।
 নরোত্তম আইলেন নীলাচল হৈতে ॥
 শ্রীরঘুনন্দন শুনি আগুসারি গেলা ।
 দূরে হৈতে নরোত্তমে দেখি হর্ষ হৈলা ॥
 নরোত্তম লোকমুখে পাঞা পরিচয় ।
 যে আনন্দ হৈল তাহা কহনে না যায় ॥
 ভূমে পড়ি শ্রীরঘুনন্দনে প্রণমিতে ।
 ধাইয়া করিলা কোলে না পারে ছাড়িতে
 হইল গদগদ কণ্ঠ ধারা ছ'নয়নে ।
 কহিতে নারয়ে কিছু যত উঠে মনে ॥
 কতক্ষণে স্থির হৈয়া শ্রীরঘুনন্দন ।
 নরোত্তমে লৈয়া শীঘ্র করিলা গমন ॥
 শ্রীসরকার ঠাকুরের সমীপেতে গিয়া ।
 প্রণময়ে নরোত্তম ভূমে লোটাইয়া ॥
 যন্তপি ঠাকুর দক্ষ বিচ্ছেদ অগিতে ।
 তথাপিহ নরোত্তমে দেখি হর্ষ চিতে ॥
 আইস আইস বলি বাহু পাসরিয়া ।
 নেত্রজলে ভাসে নরোত্তমে কোলে লৈয়া ॥
 কি অদ্ভুত স্নেহে কসাইয়া নিজপাশে ।
 নরোত্তম মুখ চাঞা কহে মৃদুভাসে ॥
 তোমায়ে দেখিতে বড় সাধ ছিল মনে ।
 ভাল কৈলে আইলে শীঘ্র দেখিলা নয়নে
 তোমা দ্বারা প্রভু বিলাইব ভক্তিবন ।
 লইব অনেক লোক তোমার শরণ ॥

প্রভু ভাবাবেশ প্রকাশিবে উচ্চগানে ।
 কেবা না হইব মত্ত তোমার কীৰ্ত্তনে ॥
 সর্ব মনোরথ সিদ্ধি করিবেন প্রভু ।
 কোনই বিষয়ে চিন্তা না করিবা কভু ॥
 খেতরি যাইবা শীঘ্র জাজিগ্রাম দিয়া ।
 শ্রীনিবাস আচার্য্য আছেন পথ চাঞা ॥
 এই কথো দিনে আইলা বিষ্ণুপুর হৈতে ।
 সদাই করেন চিন্তা তোমার নিমিত্তে ॥
 তোমায়ে দেখিলে তাঁর চিত্ত স্থির হয় ।
 কালি এথা আসিয়া গেলেন নিজালয় ॥
 এছে ক'তি পুছে শ্রীক্ষেত্রের সমাচার ।
 নরোত্তম নিবেদিল যে দশা সভার ॥
 শুনি শ্রীসরকার ঠাকুরের হৈল যাহা ।
 সহস্রেক মুখে না কহিতে পারি তাহা ॥
 স্থির হৈয়া আজ্ঞা দিলা শ্রীরঘুনন্দনে ।
 নরোত্তমে লৈয়া যাত গৌরঙ্গ প্রাঙ্গণে ॥
 শ্রীরঘুনন্দন নরোত্তম করে ধরি ।
 লৈয়া গেল গৌরঙ্গ প্রাঙ্গণে স্থির করি ॥
 নরোত্তম গৌর-কৃষ্ণ বিগ্রহ দর্শনে ।
 ধরিতে নারয়ে হিয়া ধারা ছ'নয়নে ॥
 ভূমিতে পড়িয়া প্রণময়ে বারবার ।
 কে ধরে ধৈর্য দেখি সে প্রেম-বিকার ॥
 কতক্ষণে স্থির হৈয়া দেখে নেত্রভরি ।
 শ্রীমালা প্রসাদ আনি দিলেন পূজারী ॥
 নরোত্তম আইলা শুনি শ্রীখণ্ডনিবাসী ।
 গৌরঙ্গের প্রাঙ্গণে মিলিলা সত্তে আসি ॥

পরস্পর মিলনেতে হৈল যে প্রকার ।
 শত শত মুখেও তা নারি বর্ণিবার ॥
 নরোত্তম প্রতি সভে মধুর ভাষায় ।
 কহি কত স্থির করি লইলা বাসায় ॥
 নরোত্তম বাসাতে বসিয়া সেইক্ষণে ।
 শ্রীমহাপ্রসাদ দিলা শ্রীরঘুনন্দনে ॥
 শ্রীজগন্নাথের মহাপ্রসাদ লইয়া ।
 শ্রীসরকার ঠাকুরে দিলেন শীঘ্র গিয়া ॥
 শ্রীমহাপ্রসাদ যত্নে ভুঞ্জিলা ঠাকুর ।
 পূৰ্ব সঙরিতে খেদ উপজে প্রচুর ॥
 তুই নেত্রে ধারা না ধরিতে পারে হিয়া ।
 ছাড়ে দীর্ঘশ্বাস গৌরচন্দ্র গুণ-কৈয়া ॥
 কতক্ষণে স্থির হৈয়া শ্রীরঘুনন্দনে ।
 কহিলেন শ্রীপ্রসাদ দেহ সৰ্ব্বজনে ॥
 সভে শ্রীপ্রসাদ দিলা শ্রীরঘুনন্দন ।
 প্রসাদ সেবনে স্থির নহে কার মন ॥
 নীলাচলে প্রভুর যে অদ্ভুত বিহার ।
 সঙরি সভার নেত্রে ধারা অনিবার ॥
 অনেক যত্নেতে স্থির হৈলা সৰ্ব্বজন ।
 নরোত্তমে ছাড়িতে নারয়ে একক্ষণ ॥
 কৃষ্ণ-কথা রসে দিবানিশি গোড়াইয়া ।
 নরোত্তম প্রাতঃকালে কৈল প্রাতঃক্রিয়া ॥
 স্নানাদি করিয়া করি গৌরঙ্গ দর্শন ।
 ঠাকুর সমীপে শীঘ্র করিলা গমন ॥
 সরকার ঠাকুর নরোত্তম মুখ দেখি ।
 অতি স্নেহ করি কহে জুড়াইল আঁখি ॥

পুনঃ আর না দেখিব কহিলা বচন ।
 হইলা ব্যাকুল যৈছে না হয় বর্ণন ॥
 নরোত্তম ভূমেতে পড়িয়া বারবার ।
 লহিতে চরণ-ধূলি নেত্রে অশ্রুধার ॥
 নরোত্তমে ঠাকুর করিয়া আলিঙ্গন ।
 দিলেন বিদায় করি গৌরঙ্গ স্মরণ ॥
 চলিলেন নরোত্তম বিদায় হইয়া ।
 খণ্ডবাসী পরিকরগণে প্রণমিয়া ॥
 শ্রীরঘুনন্দন সঙ্গে গেলা কত দূর ।
 ছাড়িতে নারয়ে হুঃখ বাঢ়য়ে প্রচুর ॥
 জাজিগ্রাম যাইতে: এক লোক সঙ্গে দিলা
 নরোত্তমে বিবিধ প্রকারে প্রবোধিলা ॥
 বিদায় করিতে হিয়া বিদরিয়া যায় ।
 ঘন ঘন নরোত্তম মুখপানে চায় ॥
 আলিঙ্গন করি রহিলেন স্থির হৈয়া ।
 নরোত্তম নেত্রজলে ভাসে প্রণমিয়া ॥
 ব্যাকুল হইয়া জাজিগ্রাম পথে চলে ।
 যে দেখে সে দশা সে ভাসয়ে প্রেমজলে ॥
 খণ্ড হৈতে আইলা যে মনুষ্য বিজ্ঞবর ।
 দূরে হৈতে দেখাইলা আচার্যের ঘর ॥
 "এথা শ্রীনিবাসাচার্য আপন ভবনে ।
 শাস্ত্র অধ্যয়ন করায়েন শিষ্যগণে ॥
 হেনকালে কেহ গিয়া কহয়ে তুরিতে ।
 শ্রীঠাকুর মহাশয় আইলা ক্ষেত্র হৈতে ॥
 কেহ কহে কি আশ্চর্য দেখিলুঁ নয়নে ।
 হয়েন অধৈর্য চাহি জাজিগ্রাম পানে ॥

শুনি শ্রীনিবাসাচার্য্য আশুসরি যাইতে ।
 নরোত্তম আসি প্রবেশিলা ভবনেতে ॥
 দৌহে দৌহা দেখি দৌহে ভাসে নেত্রজলে
 দৌহার হৃদয়ে প্রেম সমুদ্র উথলে ॥
 শ্রীনিবাস বাহু পসারিয়া কোলে লৈতে ।
 নরোত্তম প্রণময়ে পড়িয়া ভূমিতে ॥
 কে বুঝিব এ দৌহার অদ্ভুত চরিত ।
 দেহ মাত্র ভিন্ন ইহা সর্বত্র বিদিত ॥
 কতক্ষণে দৌহে স্থির হইয়া বসিলা ।
 পরস্পর সকল বৃত্তান্ত জানাইলা ॥
 ক্ষেত্রস্থিত ভক্ত চেষ্টা শুনিলেন যাহা ।
 নরোত্তমে পুনঃ পুনঃ জিজ্ঞাসেন তাহা ॥
 হেনকালে এক বিপ্র আইলা ক্ষেত্র হৈতে
 পরম বৈষ্ণব বিষ্ঠা সকল শাস্ত্রেতে ॥
 গোস্বামীর গ্রন্থ পড়িবেন এই আশে ।
 আশ্বনিবেদন কৈলা আচার্য্যের পাশে ॥
 আচার্য্য ঠাকুর তাঁরে করি শিষ্টাচার ।
 জিজ্ঞাসিলা শ্রীনীলাচলের সমাচার ॥
 ছাড়ি দীর্ঘশ্বাস বিপ্র ভাসি নেত্রজলে ।
 কহেন হইল রত্ন শূন্য নীলাচলে ॥
 যে দিন আইলা শ্রীঠাকুর নরোত্তম ।
 পরদিন হৈতে হইল বিষম বিভ্রম ॥
 ক্রমে ক্রমে প্রায় সতে সংগোপন হৈলা ।
 শ্রামানন্দ গিয়া তুংখ সমুদ্রে পড়িলা ॥
 যে দশা হইল তাঁর না হয় বর্ণন ।
 প্রভু ইচ্ছামতে মাত্র রহিল জীবন ॥

যে কেহ ছিলেন শ্রামানন্দে প্রবোধিয়া ।
 করিলা বিদায় দেশে আইলুঁ দেখিয়া ॥
 রহিতে নারিলুঁ ক্ষেত্রে কি কব বিশেষ ।
 দিবা রাত্রি চলিলুঁ আসিতে গৌড়দেশ ॥
 কহিতে কহিতে বিপ্র অধৈর্য্য হইয়া ।
 কান্দয়ে ক্ষেত্রস্থ ভক্তগণ নাম লৈয়া ॥
 আচার্য্য ঠাকুর সেই বিপ্রে করি কোলে ।
 কান্দিয়া বিহ্বল ভাসে নয়নের জলে ॥
 কান্দে নরোত্তম অতি ব্যাকুল হিয়ায় ।
 করয়ে যতেক খেদ কহা নাহি যায় ॥
 ব্যাস চক্রবর্তী কৃষ্ণবল্লাভাদি যত ।
 যে দশা সভার তাহা কহিব বা কত ॥
 কতক্ষণে আচার্য্য ঠাকুর স্থির হৈয়া ।
 বিপ্রে বাসা দিলা স্থির করি প্রবোধিয়া ॥
 আচার্য্য ঠাকুর তাঁর হৈয়া প্রেমাধীন ।
 পাঠের আরম্ভ করাইলা সেই দিন ॥
 শ্রীঠাকুর মহাশয়ে লইয়া নিভতে ।
 কহিলা যতেক তাহা কে পারে বুঝিতে ॥
 রজনী প্রভাত কৈলা প্রভুর কথায় ।
 প্রাতঃকালে নরোত্তমে করয়ে বিদায় ॥
 বিদায়ের কালে হৈল যে দশা দৌহার ।
 তাহা দেখি নারে কেহ ধৈর্য্য ধরিবার ॥
 আচার্য্য চাহিয়া নরোত্তম পথপানে ।
 হইলেন জড় প্রায় ধারা ছ'নয়নে ॥
 ব্যাস চক্রবর্তী আদি কথো দূর গেলা ।
 নরোত্তম তাঁ সভারে যত্নে ফিরাইলা ॥

নরোত্তম চলে নেত্রজলে করি মান ।
 কণ্টক নগরে গেলা ভারতীর স্থান ॥
 দাস গদাধরের গৌরঙ্গ দরশনে ।
 যে হইলা তাহা বা বর্ণিব কোন জনে ॥
 শ্রীগদাধরের শিষ্য শ্রীযত্ননন্দন ।
 চক্রবর্তী খ্যাতি সর্বশাস্ত্রে বিচক্ষণ ॥
 নরোত্তম চেপ্তা দেগি অত্যন্ত অস্থির ।
 প্রভুর মন্দির হৈতে হইলা বাহির ॥
 প্রভুর গলার মালা নরোত্তমে দিয়া ।
 নেত্রজলে ভাসে নরোত্তমে আলিঙ্গিয়া ॥
 হইল গদগদ কণ্ঠ কহে ধীরে ধীরে ।
 ভালো হৈল আইলে শীঘ্র কণ্টকনগরে ॥
 তোমার লাগিয়া মোর প্রভু গদাধর ।
 হইলা ব্যাকুল যৈছে কে বুঝে অন্তর ॥
 ক্ষণে আশ্চর্যম্বিত কহেন বারে বারে ।
 দেখ দেখ নরোত্তম আইলা কত-দূরে ॥
 ওহে ভাই যে হইল কহিতে কি আর ।
 দিনে দিনে বাড়ে ছুঃখ সমুদ্র পাথার ॥
 বিষ্ণু প্রিয়া ঈশ্বরী জীউর অদর্শনে ।
 নবদ্বীপ হৈতে আসি আছেন নির্জনে ॥
 না ভায় ভোজন পান খেদ নিরন্তর ।
 হইল মলিন ক্ষীণ হেম কলেবর ॥
 নরোত্তম প্রতি ঐছে কহি কত কথা ।
 লইয়া গেলেন দাস গদাধর যথা ॥
 বসে আছে তেঁহো ধূলি ধূসরিত হৈয়া ।
 মুদিত নয়নে ধারা বহে বুক বাঞা ॥

শ্রীগৌরচন্দ্রের চাকু চরিত্র সঙরি ।
 ছাড়ি দীর্ঘ নিশ্বাস বোলয়ে হরি হরি ॥
 সময় পাইয়া যত্ননন্দন কহয় ।
 ক্ষেত্র হৈতে নরোত্তম আইলা এথায় ॥
 শুনি নরোত্তম নাম নেত্র প্রকাশিয়া ।
 দেখে নরোত্তম কান্দে অধৈর্য হইয়া ॥
 বাহু প্রসারিয়া নরোত্তম করি কোলে ।
 নরোত্তম-অঙ্গ ধৌত কৈলা নেত্রজলে ॥
 বিচ্ছেদাগ্নি দগ্ধ তথাপিহ হর্ষ হৈয়া ।
 ছাড়িতে না পারে নরোত্তমে কোলে লৈয়া
 নরোত্তম পড়ি গদাধর পদতলে ।
 ধুইলা ছুঁখানি পদ নয়নের জলে ॥
 নরোত্তমে স্থির করি যাহা জিজ্ঞাসিলা ।
 নরোত্তম ক্রমে সে সকল নিবেদিলা ॥
 শুনিতো সে সব যৈছে হইল অন্তরে ।
 তাহা একমুখে কে বর্ণিতে শক্তি ধরে ॥
 নরোত্তমে কৃপাকরি কহে বারবার ।
 সর্ব মনোরঞ্জন সিদ্ধি হইব তোমার ॥
 অবশ্য নাচিব প্রভু তোমার কীর্তনে ।
 করিবেন প্রেমবৃষ্টি দেখিবে নয়নে ॥
 খেতরি গ্রামেতে শীঘ্র করিয়া গমন ।
 বিতরহ শ্রীগৌরচন্দ্রের প্রেমধন ॥
 ঐছে কথা কহি মহাবাৎসল্যে বিভোর ।
 নিবারিতে নারে নেত্র বহে প্রেমলোর ॥
 শ্রীযত্ননন্দন আদি যত্নে জানাইয়া ।
 ভারতীর স্থানে গেলা নরোত্তমে লৈয়া ॥

নরোত্তম প্রতি কহে মধুর বচনে ।
 শ্রীকেশব ভারতী ছিলেন এইস্থানে ॥
 এই ঠাণ্ডি কৈলা প্রভু মস্তক মুগুন ।
 ভারতীর স্থানে কৈলা সন্ন্যাসগ্রহণ ॥
 এত কহিতেই কঠকঙ্ক তাঁ সভার ।
 নদীর প্রবাহ প্রায় নেত্রে অশ্রুধার ॥
 নরোত্তম ভাসে দুই নয়নের জলে ।
 মূর্ছা প্রায় গড়াগড়ি যায় ভূমিতলে ॥
 ধূলায় ধূসর অঙ্গ সে দশা দেখিয়া ।
 কে আছে এমন যে ধরিতে পারে হিয়া ॥
 কতক্ষণে বাহুজ্ঞান হইল সভার ।
 দেখয়ে মন্দিরে গৌরচন্দ্রে চমৎকার ॥
 প্রভু নিজ প্রিয় দুঃখ না পারে সহিতে ।
 করিলা সভারে স্থির নিজাঙ্গ ভঙ্গিতে ॥
 নরোত্তম সে দিবস রহিলা তথাই ।
 হৈলা যে প্রকার তা কহিতে সাধ্য নাই ।
 প্রভাতে বিদায় হইলেন যে প্রকারে ।
 কে ধরি ধৈর্য তাহা বর্ণিবারে পারে ॥
 সঘনে সঙরি নিত্যানন্দ বলরাম ।
 চলিলেন রাঢ়দেশে একচক্রা গ্রাম ॥
 গ্রামে প্রবেশিতে নিত্যানন্দ দয়াময় ।
 বৃদ্ধ বিপ্ররূপে নরোত্তমে জিজ্ঞাসয় ॥
 কি নাম তোমার আইলে কোথা হৈতে ।
 কি কার্যে যাইবে কোথা স্থিতি কোথাতে
 নরোত্তম কহে মোর নরোত্তম নাম ।
 কেত্র হৈতে আইলু এই গ্রামে আছে কাম

এথা নিত্যানন্দ অবতীর্ণ সে বিদিত ।
 যার মাতা পিতা পদ্মা হাড়াই পণ্ডিত ॥
 তাঁর জন্মস্থান যথা লীলা যে যে স্থানে ।
 সে সব দেখিতে সাধ করিয়াছি মনে ॥
 পদ্মাবতী পার গ্রাম খেতরি নামেতে ।
 তথাই নিবাস তথা যাব এথা হৈতে ॥
 শুনি নরোত্তমের মধুর মৃদুভাষ ।
 শুনিয়া হাসে কিছু না করে প্রকাশ ॥
 নরোত্তম প্রতি কহে সব জানি আমি ।
 করাব দর্শন মোর সঙ্গে আইস তুমি ॥
 এই দেখ এথা নিত্যানন্দ সখা সঙ্গে ।
 ধরি গোপবেশ গোচারণ কৈলা রঙ্গে ॥
 এথা নিত্যানন্দ হল মুষল লইয়া ।
 ভ্রমিলেন সভারে অভয় বর দিয়া ॥
 এই খানে নিত্যানন্দ কৈলা রামলীলা ।
 সেতুবন্ধ করি এথা লক্ষা প্রবেশিলা ॥
 বধিয়া রাবণ সীতা করিলা উদ্ধার ।
 এই দেখ অযোধ্যায় অশেষ বিহার ॥
 যৈছে খেতদীপে বলরাম বিসলয় ।
 তৈছে নিত্যানন্দ এই স্থানে বিহরয় ॥
 হাড়ো পণ্ডিতের ঘর দেখহ এথায় ।
 এই স্থানে জন্মিলেন নিত্যানন্দ রায় ॥
 হামাগুড়ি বেড়াইয়া বাহির প্রাঙ্গণে ।
 ধরিয়া সর্পের ফণা খেলে এইখানে ॥
 দেখ এইখানে তাঁর শ্রীচূড়াকরণ ।
 ধরিলেন যজ্ঞহৃত্ত ভুবনমোহন ॥

এথা বিষ্ণু আরাধিলা করিয়া যতন ।
 বিষ্ণুর মন্দির এই করহ দর্শন ॥ :
 এথাই পরমানন্দে সন্ন্যাসী ভুঞ্জিলা ।
 হাড়ো ওঝা স্থানে নিত্যানন্দে মাগি লৈলা ॥
 নিত্যানন্দে লৈয়া সন্ন্যাসী গেল এই পথে ।
 ধাইলা গ্রামের লোক নিতাই দেখিতে ॥
 এথা উচ্চৈঃস্বরে সভে করয়ে ক্রন্দন ।
 নিত্যানন্দে লৈয়া শীঘ্র সন্ন্যাসীর গমন ॥
 এই খানে নিত্যানন্দচন্দ্রের জননী ।
 হা পুত্র হা পুত্র বলি লোচায় ধরণী ॥
 পুত্রগত প্রাণ হাড়ো পশ্চিত এথায় ।
 কান্দিয়া বিহ্বল ভূমে গড়াগড়িঃযায় ॥
 এথা পদ্মাবতী দেবী মূর্ছাপন্ন ছিল ।
 হাড়াই পশ্চিত স্থির হই প্রবোধিলা ॥
 ওহে নরোত্তম দেখাইলুঁ যে যেস্থান ।
 দেবের ছলভ ইহা জানিবে কে আন ॥
 এই একচক্রা গ্রামে নিত্যানন্দ রায় ।
 অগ্গাপি বিহরে ভাগ্যবান দেখে তার ॥
 ঐছে কহি বিপ্র তথা হৈলা অদর্শন ।
 না দেখি ব্যাকুল চিন্তে চিন্তে নরোত্তম ॥
 নরোত্তম কহে মোরে হৈল বজ্রাঘাত ।
 এইখানে ছিল কোথা গেল অকস্মাৎ ॥
 যদি পুনঃ সে বিপ্রের না পাই দর্শন ।
 তবে অগ্নি জালিঁ তাহে ত্যজিব জীবন ॥
 হাহা বিপ্র মোরে ছাড়ি কোথা গেল বলি
 নরোত্তম ক্রন্দন করয়ে বাহু তুলি ॥

দয়ার সমুদ্র নিত্যানন্দ হৃদয় ।
 সেই বিপ্ররূপে হৈলা নয়নগোচর ॥
 বিপ্র হৈলা রামরূপ মাধুর্য্য অশেষ ।
 শিক্ষা বেত্রহাতে মাথে চূড়া চাকুবেশ ॥
 বলরাম নিত্যানন্দ হৈলা সেই ক্ষণে ।
 রূপের উপমা নাই এতিন ভুবনে ॥
 হাসি নরোত্তম প্রতি কহে ধীরে ধীরে ।
 তুমি মোর প্রিয় তোমা নারি ভাঁড়িবারে
 হইব অচিরে পূর্ণ যত অভিলাষ ।
 মোরে যে দেখিলে এথা না কর প্রকাশ ॥
 এত কহি প্রভু তথা হৈল অদর্শন ।
 চিত্রের পুস্তলি প্রায় রহে নরোত্তম ॥
 যে প্রকার হইলা সে দর্শন আবেশে ।
 সে সব কহিতে মোর মুখে না আইসে ॥
 সে দিবস একচক্রা গ্রামেতে রহিয়া ।
 প্রভাতে চলিলা কত কোতুক দেখিয়া ।
 জয় একচক্রানাম রোহিণী নন্দন ।
 জয় নিত্যানন্দ দীন দুঃখীর জীবন ॥
 ঐছে প্রভু নাম লৈয়া পথে চলি যায় ।
 মুখ বক্ষঃ ভাসে দুই নেত্রের ধারায় ॥
 খেতরি যাইতে হৈলা পদ্মাবতী পার ।
 যে আনন্দ হৈল লোকে না হয় বিস্তার ॥
 নিরন্তর এসব শুনহ যত্ন করি ।
 নরোত্তম-বিলাস কহয়ে নরহরি ॥

ইতি শ্রীনরোত্তম-বিলাসে পঞ্চমোবিলাসঃ ।

ষষ্ঠ বিলাস ।

জয় গৌর নিত্যানন্দাবৈতগণ সহ ।
 এদীন দুঃখীরে প্রভু কর অনুগ্রহ ॥
 জয় জয় কুপার সমুদ্র শ্রোতাগণ ।
 এবে যে কহিয়ে তাহা করহ শ্রবণ ॥
 পদ্মাবতী নদী পার হৈয়া মহাশয় ।
 শুভক্ষণে শ্রীখেতরি গ্রামে প্রবেশয় ॥
 চতুর্দিকে আসি লোক দেখে নেত্র ভরি ।
 আনন্দ সমুদ্রে মগ্ন হইলা খেতরি ॥
 শ্রীসন্তোষ আদি শ্রীঠাকুর মহাশয়ে ।
 যত্নে লই গেল অতি নিৰ্জ্জন আলয়ে ॥
 তথাপিহ লোক গতাগতি নাহি অন্ত ।
 লোক ভিড় দিবারাত্রি প্রহর পর্য্যন্ত ॥
 শ্রীঠাকুর মহাশয় নিশায় নিৰ্জ্জনে ।
 কৈছে সেবা প্রকাশিব এই চিন্তে মনে ॥
 নিশাবসনাতে নিদ্রা কৈলা আকর্ষণ ।
 স্বপ্নচ্ছলে কহে কিছু শচীর নন্দন ॥
 ওহে নরোত্তম তুয়া পথ নিরখিয়া ।
 পূর্বেই আছিয়ে ধাতু বিগ্রহ হইয়া ।
 তোমার রাজ্যেতে এক গৃহস্থ প্রধান ।
 সকলেই জানে তারে অতি অর্থবান ॥
 তার ঘরে ধাত্তাদির গোলা বহু হয় ।
 তাহা কেহ যাইতে নারে মহা সর্পভয় ॥

তার মধ্যে বৃহৎ গোলায় আছি আমি ।
 মোচন করিয়া দ্বার শীঘ্র আন তুমি ॥
 পুনঃ আর বিগ্রহ নির্মাণ কথা কৈয়া ।
 হৈলা অদর্শন নরোত্তমে আলিঙ্গিয়া ॥
 স্বপ্নের বিচ্ছেদে শ্রীঠাকুর মহাশয় ।
 ব্যগ্র হৈয়া জাগি দেখে রাত্রি দণ্ডায় ॥
 শ্রীনাম কীর্তনে রাত্রি প্রভাত করিয়া ।
 কৈলা শীঘ্র দন্তধাবনাদি স্নান ক্রিয়া ॥
 অতির্ষ হৈয়া কহেন সর্বজনে ॥
 বহুগোষ্ঠী গৃহস্থ কে আছে কোন্ খানে ॥
 ধাত্তাদির গোলা বহু হয় তার ঘরে ।
 সর্পভয়ে তথা কেহ যাইতে না পারে ॥
 সকলেই কহে তারে জানিয়া আমরা ।
 ঠাকুর কহেন তবে চলহ তোমরা ॥
 তথা মোর আছে অতি গুঢ় প্রয়োজন ।
 এতকহি মহাশয় করিলা গমন ॥
 অতিশীঘ্র সেই গৃহস্থের ঘর গেল ।
 গোষ্ঠী সহ সে আপনা কৃতার্থ মানিলা ॥
 শ্রীঠাকুর মহাশয় চলে গোলাপানে ।
 সে গৃহস্থ ব্যগ্র হৈয়া পড়িলা চরণে ॥
 ছুই হাত যুড়ি কহে করিয়া ক্রন্দন ।
 মহাসর্পভয় তথা জানে সর্বজন ॥

আইল অনেক ওঝা সর্প খেদাইতে ।
 সর্পের গর্জনে কেহ নায়ে স্থির হৈতে ॥
 বহুদিন হৈল মোরা দিলুঁ পরিচ্ছেদ ।
 অনেক অর্থের দ্রব্য ইতে পাই খেদ ॥
 যে হউ সে হউ তথা যাইতে না দিব ।
 যে কার্য থাকয়ে মোরা এথাই সাধিব ॥
 হাসিয়া কহয়ে শ্রীঠাকুর মহাশয় ।
 কিছু চিন্তা নাই দূরে যাবে সর্পভয় ॥
 তোমার গোলাতে আছে অতি প্রয়োজন
 দেখিবে সাক্ষাৎ হৈব সফল নয়ন ॥
 এতকহি চলিলা ঠাকুর মহাশয় ।
 এথা সর্বলোক ভয়ে হৈলা কম্পময় ॥
 দেখি শ্রীঠাকুর মহাশয়ের গমন ।
 অন্তর্দ্বান হইলেন মহাসর্পগণ ॥
 প্রেমাবেশে নরোত্তম দ্বার ঘুচাইতে ।
 দেখে নবদ্বীপ চন্দ্র প্রিয়ার সহিতে ॥
 ঝলমল করে অঙ্গ ভূষিত ভূষণে ।
 উপমার স্থান না দেখয়ে কোনখানে ॥
 হস্ত প্রসারিয়া কোলে লৈতে হেন কালে ।
 চমকি বিহ্বৎপ্রায় সামাইলা কোলে ॥
 দেখি সর্বলোকের হৈল চমৎকার ।
 জয় জয় ধ্বনি করে নেত্রে অশ্রুধার ॥

কেহ কার প্রতি কহে দেখিলুঁ আশ্চর্য্য ।
 মনুষ্যে সম্ভব কভু নহে হেন কার্য্য ॥
 কেহ কহে ঐহারে চিনিতে নায়ে অশ্রু ।
 ঐহার কৃপাতে দেশ হইবেক ধনু ॥
 কেহ কহে মো সভার ভাগ্য যদি হয় ।
 অবশ্য হইব তবে এ পদ আশ্রয় ॥
 জয় জয় প্রভু নরোত্তম বলি বলি ।
 নাচিয়া বেড়ায় সে সকলে বাহু তুলি ॥
 প্রভু লৈয়া মহাশয় বাসায় যাইতে ।
 চতুর্দিকে ধায় লোক মহাভীড় পথে ॥
 বাসায় যাইয়া অতি অপূর্ব আসনে ।
 যত্নে বসাইলা গৌরচন্দ্রে প্রিয়াসনে ॥
 অনিমিত্ত নেত্রে শোভা করি নিরীক্ষণ ।
 হইলা বিহ্বল অশ্রু নহে সধরণ ॥
 অকস্মাৎ হৃদয়েতে হইল উদয় ।
 নৃত্য গীত বাদ্য যে সঙ্গীত শাস্ত্রে কয় ॥
 সেইক্ষণে মহাশয় হস্তে তালি দিয়া ।
 গায় গৌরচন্দ্র-গুণ নিজ গণে লৈয়া ॥
 কি অদ্ভুত গান সৃষ্টি কৈলা মহাশয় ।
 দেখিতে সে নৃত্য গন্ধর্কের গর্ব কয় ॥

তথাহি শ্রীকৃতবায়ুতলহর্য্যাং ॥

গন্ধর্ক গন্ধর্কগণ স্বলাস্ত, বিন্দ্যাপিতাশেষ কলিপ্রজার ।

বহুইগান প্রথিতার তপৈ, নমোনমঃ শ্রীল নরোত্তমার ॥

যার পানে বারেক করয়ে রূপাদৃষ্টি ।
 সে হয় গায়ক গানে করে প্রেমবৃষ্টি ।
 অভিনীচ যবন বর্কর ছুরাচার ।
 সেহ মত্ত হৈয়া গায় গৌরান্ধ-বিহার ॥
 উঠিল কীর্তনধ্বনি বাপিল ভুবন ।
 স্বর্গে রহি পুষ্পবৃষ্টি করে দেবগণ ॥
 শুনিতে সে উচ্চগান কেবা খৈয়া ধরে ।
 আনের কা কথা দারু পাষণ বিদরে ॥
 গন্ধর্ব কিনুর কহে একি চমৎকার ।
 অকস্মাৎ এঁছে গীত কে কৈল প্রচার ॥
 দেবলোকে ছল্লভ এ গীতের বিধান ।
 নৃত্য গীত বাদ্য কি হইল মূর্ত্তিমান ॥
 কেহ কহে চৈতন্তভক্তের কি অসাধ্য ।
 চৈতন্তভক্ত সর্বদেবের আরাধ্য ॥
 এঁছে কহি মনুষ্যের বেশেতে আসিয়া ।
 নরোত্তম চরণে পড়য়ে লোটাঁইয়া ॥
 হৈল যে প্রকার তাহা কে পারে বর্ণিতে ।
 কতক্ষণে সবে স্থির হইলা যত্নেতে ॥
 সেই দিন বলরাম আদি কত জন ।
 ঠাকুরের স্থানে কৈলা শ্রীমন্ত গ্রহণ ॥
 কীর্তনের শুভারম্ভ সেই দিন হৈতে ।
 আর যে যে রঙ্গ তাহা না পারি বর্ণিতে ॥
 শ্রীঠাকুর মহাশয় মনের আনন্দে ।
 লক্ষী বিষ্ণুপ্রিয়া সহ দেখে গৌরচন্দ্রে ॥
 বলরাম বিপ্র আদি শিষ্য কত জনে ।
 নিযুক্ত করিলা গৌর বিগ্রহ সেবনে ॥

স্বপ্নাদেশে আর পঞ্চ সেবা প্রকাশিয়া ।
 চিন্তাযুক্ত আচার্যের সংবাদ না পাঞা ॥
 মহাশয় বিচার করয়ে মনে মনে ।
 তাঁর আজ্ঞা নাই লোক পাঠাব কেমনে ॥
 এবে কি উপায় করি বহুদিন হৈল ।
 জাজিগ্রাম হৈতে এথা কেহ না আইল ॥
 এইরূপ বিচারিতে উদ্বিগ্ন হইলা ।
 হেনকালে জাজিগ্রাম হৈতে লোক আইল
 তাঁরে দেখি হর্ষ শ্রীঠাকুর মহাশয় ।
 বসাইয়া আসনে কুশল জিজ্ঞাসয় ॥
 তেঁহো কহে সকল মঙ্গল কহি ক্রমে ।
 তোমা লাগি সতত ব্যাকুল জাজিগ্রামে ॥
 শ্রীখণ্ড কণ্টক নগরেতে প্রায় স্থিতি ।
 মধ্যে মধ্যে নবদ্বীপাঞ্চলে গতাগতি ॥
 একদিন আচার্য ঠাকুর খণ্ডে গেলা ।
 শ্রীসরকার ঠাকুর অনেক প্রবোধিলা ॥
 পুনঃ করে ধরি আজ্ঞা দেই বারেবারে ।
 বিবাহ করিতে বাপু হইব তোমাতে ॥
 পুন পুনর্বার আজ্ঞা লঙ্ঘন না হয় ।
 করিলা বিবাহ শুনি হৈলা হর্ষোদয় ॥
 করিলা বিবাহ এঁহি শ্রীজাজি গ্রামেতে ।
 তথা আইসে বহু বিদ্যাবন্ত শিষ্য হৈতে ॥
 খণ্ডবাসী চিরঞ্জীব সেনের নন্দন ।
 রামচন্দ্র নাম সর্বশাস্ত্রে বিচক্ষণ ॥
 তাঁরে শিষ্য করিলেন একথা শুনিতে ।
 স্বাভাবিক প্রেমের উদয় হৈল চিতে ॥

পুন কহে ঐছে বহু-জনে শিষ্য কৈলা ।
 গোস্বামীর গ্রন্থ সর্বত্রই প্রচারিলা ॥
 শ্রীবৃন্দাবনেতে পাঠাইলা সমাচার ।
 পত্নী লৈয়া মনুষ্য আইলা তথাকার ॥
 শ্রীজীব গোস্বামী পুনঃ গ্রন্থ পাঠাইলা ।
 তাহা শীঘ্র সর্বত্রই প্রচার করিলা ।
 আইল সংবাদপত্নী নবদ্বীপ হৈতে ।
 দর্শন হৈলা বহু ভক্ত নদীয়াতে ।
 শান্তিপুর আদি যে যে স্থানে প্রভুগণ ॥
 বিচ্ছেদাগ্নি দাহে প্রায় হৈলা অদর্শন ॥
 শ্রীসরকার ঠাকুর শ্রীদাস গদাধর ।
 অদর্শন হৈতে দগ্ধ আচার্য্য অস্তর ॥
 আচার্য্যের যে দশা তা কহনে না যায় ।
 হইল আচার্য্য দেহ ধারণ সংশয় ।
 পশু পাখী কান্দয়ে সে ক্রন্দন শুনিতে ।
 তিলান্ধক আচার্য্য না পারে সম্বরণিতে ।
 কারে কিছু না কহিয়া প্রভাতে চলিলা ।
 অতি অল্পদিনে বৃন্দাবনে প্রবেশিলা ॥
 আচার্য্যে দেখিয়া হর্ষ গোস্বামী সকল ।
 নির্জনে বসিয়া জিজ্ঞাসিলেন কুশল ॥
 গ্রন্থ লৈয়া গেলা যৈছে যৈছে প্রচারিলা ।
 আন্তোপাস্ত আচার্য্য সকল নিবেদিলা ॥
 প্রভু পরিকরের কহিতে অদর্শন ।
 ব্যাকুল হইয়া সভে করিলা ক্রন্দন ॥
 সভে স্থির হৈয়া বুঝি আচার্য্য অস্তর ।
 আচার্য্যে প্রবোধ বাক্য কহিলা বিস্তর ॥

এইরূপ দিন চারি পাঁচ গোড়াইতে ।
 রামচন্দ্র সেন গিয়া মিলিলা তথাতে ॥
 পাইলেন সভে রামচন্দ্র পরিচয় ।
 যাঁহার দৌহিত্র হন যাঁহার তনয় ॥
 মহানৈয়ায়িক কবি ব্রজে ব্যক্ত হৈলা ।
 কবিরাজ খ্যাতি শ্রীগোস্বামী সভে দিলা ॥
 আচার্য্যের বিবাহ হইল যে প্রকারে ।
 তাহা শুনিলেন সভে কবিরাজ দ্বারে ॥
 শ্রীজীব গোস্বামী আদি অতি যত্ন পাঞা ।
 করিলা বিদায় কিছু গ্রন্থ সমর্পিয়া ॥
 দিলেন সঙ্গেতে ব্রজবাসী চারিজন ।
 আচার্য্য চলিলা করি অনেক ক্রন্দন ॥
 শ্রীগোপাল ভট্ট লোকনাথ আদি করি ।
 হইলা ব্যাকুল আচার্য্যের পথ হেরি ॥
 অতি শীঘ্র গৌড়দেশ আইলা ঠাকুর ।
 রাজারে স্থস্থির কৈলা গিয়া বিষ্ণুপুর ।
 জাজিগ্রাম আসিবেন এসবঃশুনিঞা ।
 আইলুঁ একাকী সর্ব সংবাদ লইয়া ॥
 এত কহিতেই আসি আর একজন ।
 দিলেন আচার্য্যের স্বহস্ত লিখন ।
 পত্নীপাঠ করিতে ঠাকুর মহাশয় ।
 হইলা অস্থির তবু পত্রিকার্থ কয় ॥
 শ্রীআচার্য্য গৃহ হৈতে নিজগণ লৈয়া ।
 দুই শিষ্য কৈলা আসি কাঞ্চনগড়িয়া ॥
 দ্বিজ হরিদাস প্রভু পার্শ্বদ প্রধান ।
 শ্রীদাস গোকুলানন্দ দুই পুত্র তান্ ॥

ছুই ভাই শিষ্য হৈলা পিতার নিদেশে ।
 পরম পণ্ডিত মত্ত সঙ্কীৰ্ত্তন-রসে ।
 তথা হৈতে দৌড়ে আইলা আনন্দ অন্তরে ।
 আচার্য্য ঠাকুর কালি আইলা ভূধরে ॥
 আজু মোর সুপ্রভাত এতক কহিয়া ।
 শ্রীগৌরমন্দিরে গেলা ছুইজনে লৈয়া ॥
 বলরাম পূজারী প্রভৃতি যে যে তথা ।
 সভারে কহিলা সংক্ষেপেতে সব কথা ॥
 বলরাম পূজারী পরমানন্দ মনে ॥
 শ্রীমহাপ্রসাদ ভুঞ্জাইলা ছুইজনে ॥
 এথা মহাশয় চলিলেন দেখিবার ।
 মহা-মহোৎসব আয়োজনের ভাণ্ডার ॥
 দেখিয়া প্রস্তুত অতি উল্লাস হিয়ায় ।
 যার যেই কার্য্য তাহা নিয়োজিলা তায় ॥
 দেবীদাস গোকুল গৌরাঙ্গে লৈয়া সাথে ।
 চলিলা বৃধি গ্রামে রজনী প্রভাতে ।
 গ্রামে প্রবেশিতে লোক দেখি হৃষ্ট হৈয়া ।
 শ্রীআচার্য্য ঠাকুরে কহিলা শীঘ্র গিয়া ॥
 আচার্য্য ঠাকুর মহা আনন্দ হৃদয় ।
 বাটীর বাহিরে দেখে আইলা মহাশয় ॥
 মহাশয় ভূমে পড়ি প্রণাম করিতে ।
 কোলে লৈয়া আচার্য্য নারয়ে স্থির হৈতে ॥
 উখলিল প্রেমের সমুদ্র অতিশয় ।
 দেখিতেই হৈল সৰ্বলোকের বিশ্বয় ॥
 শ্রীঠাকুর মহাশয়ে আচার্য্য আপনে ।
 মিলাইল রামচন্দ্রদিক সৰ্ব্বজনে ॥

হইল মিলন কৈছে প্রেমেন্দু ভরে ।
 কিছু বিস্তারিলুঁ গ্রন্থ ভক্তি-রসাকরে ॥
 আচার্য্য ঠাকুর শ্রীঠাকুর মহাশয়ে ।
 কহেন বৃত্তান্ত সব নিৰ্জ্জন আনয়ে ॥
 রামচন্দ্র দিকে শিষ্য কৈলা যে প্রকারে ।
 বিবাহ করিয়া যৈছে গেলা ব্রজপুরে ।
 রামচন্দ্রাদিক যৈছে গেলা বৃন্দাবনে ।
 কবিরাজ খ্যাতি তাঁর হইল যেমনে ॥
 যেরূপে আইলা গৌড়দেশে বিষ্ণুপুরে ।
 জাজিগ্রাম হৈতে যৈছে আইলা বৃধরে ॥
 কবিরাজ খ্যাতি যৈছে দিলেন গোবিন্দে
 কহিলা এসব কথা মনের আনন্দে ॥
 শ্রীঠাকুর মহাশয়ে জিজ্ঞাসে মঙ্গল ।
 ক্রমে ক্রমে মহাশয় কহেন সকল ॥
 শ্রীসন্তোষ রায় আদি শিষ্য যে প্রকারে ।
 ভক্তিদেবী রূপা যৈছে করিলা সভারে ॥
 শ্রীগৌর বিগ্রহ প্রাপ্তে যে রঙ্গ হইল ।
 আর পঞ্চ বিগ্রহ নিৰ্ম্মাণ যৈছে কৈল ॥
 শ্রীমহোৎসবের যৈছে হৈল আয়োজন ।
 শ্রীমন্দির যৈছে সিংহাসনের গঠন ॥
 এত কহি কহে পত্নী পাইলুঁ যেইক্ষণে
 ফাল্গুনী পূর্ণিমায় উৎসব কৈলুঁ মনে
 আচার্য্য কহেন সেই দিন স্থির হৈল ।
 এত কহি নিমন্ত্রণ-পত্ৰী লেখাইল ॥
 শ্রীগৌরমণ্ডলে ভক্তালয় যথা যথা ।
 নিমন্ত্রণ-পত্ৰী পাঠাইলা তথা তথা ॥

উৎকলে মনুষ্য শীঘ্র পাঠাইয়া দিলা ।
 শ্রামানন্দে এ সকল বৃত্তান্ত লিখিলা ॥
 সর্বত্র লিখন পাঠাইলা হর্ষমনে ।
 না জানি কি মহাশয়ে কহিলা নির্জনে ॥
 কৃষ্ণ-কথা-রসে অতি বিহ্বল হৈয়া ।
 নরোত্তমে দিলা রামচন্দ্রে সমর্পিয়া ॥
 এ দুইজনের তনু প্রাণ মন এক ।
 দেখিতেই ভিন্ন প্রেমমূর্তি পরতেক ॥
 শ্রীআচার্য্য নরোত্তম রামচন্দ্র রীত ।
 দুই এক দিবসেই হইল বিদিত ॥
 কেহ কহে এ তিন মনুষ্য কভু নয় ।
 জীবের নিস্তার হেতু তিনের উদয় ॥
 কেহ কহে অহে ভাই তিনের দর্শনে ।
 এক বস্তু তিন এই হয় মোর মনে ॥
 কেহ কহে মোর মনে উপজয়ে যাহা ।
 ব্যক্ত করি কাছকে নারি তাহা ॥
 ঐছে কত কথা লোক কহে পরম্পরে ।
 বিস্তারিতে নারি গ্রন্থ বাছল্যের ডরে ॥
 আচার্য্য শ্রীমহাশয়ে রাখি দিন চারি ।
 বিদায় করিলা আগে যাইতে খেতরি ॥
 রামচন্দ্র আদি প্রিয়গণ সঙ্গে দিলা ।
 খেতরি যাইয়া সভে গৌরাস্ত্রে দেখিলা ॥
 শ্রীদাস গোকুলানন্দ গুণের নিধান ।
 ব্যাস আচার্য্যাদি সভে মহা বিত্তাবান ॥
 সকলের হৈল মহা আনন্দ হৃদয় ।
 দেখি প্রভু সেবার সম্পত্তি অতিশয় ॥

শ্রীঠাকুর মহাশয় রামচন্দ্রে লৈয়া ।
 দিলেন সভারে বাসা নির্জুন দেখিয়া ॥
 নরোত্তম রামচন্দ্র আদি সর্বজন ।
 আচার্য্যের পথপানে করে নিরীক্ষণ ॥
 এথা শ্রীআচার্য্য কত জনে শিষ্য করি ।
 গোবিন্দাদি সঙ্গে শীঘ্র গেলেন খেতরি ॥
 কি অদ্ভুত শোভা হৈল গ্রামে প্রবেশিতে
 আইলা বৈষ্ণব সব আশুসরি লৈতে ॥
 উত্থলিল প্রেমানন্দ সভার হিয়ায় ।
 আচার্য্য লইয়া আইলা অপূর্ব বাসায় ॥
 বাসা হৈতে আচার্য্য ঠাকুরগণ মনে ।
 অতি শীঘ্র গেল শ্রীগৌরাস্ত্র দরশনে ॥
 লক্ষ্মী বিষ্ণুপ্রিয়া সহ দেখি গৌররায় ।
 হইলা বিহ্বল নেত্রজলে ভাসি যায় ॥
 আর পঞ্চ বিগ্রহ করিয়া দরশন ।
 হৈল প্রেমাবেশে যৈছে না হয় বর্ণন ॥
 কতক্ষণে স্থির হৈয়া প্রিয়গণ মনে ।
 দেখিলাম সামগ্রী সব প্রস্তুত ভবনে ॥
 গণসহ বাসা আসি চিন্তে অনুক্ষণ ।
 শ্রামানন্দ গমনে বিলম্ব কি কারণ ॥
 হেনকালে কেহ আসি কহে আচাষিতে ।
 শ্রামানন্দ আইলেন উৎকল হৈতে ॥
 শুনি আচার্য্যের হৈল আনন্দ হৃদয় ।
 গণসহ আশুসরি গেল মহাশয় ॥
 হেনকালে শ্রামানন্দ নিজগণ মনে ।
 আসি প্রবেশিলা শীঘ্র আচার্য্য ভবনে ॥

শ্রামানন্দ আচার্যের করিয়া দর্শন ।
 ধরিতে নারয়ে অঙ্গ করে ছ'নয়ন ॥
 আচার্য ঠাকুর স্নেহে নারে স্থির হৈতে ।
 ধরি কৈলা কোলে শ্রামানন্দ প্রণমিতে ॥
 নয়নের জল শ্রামানন্দে সিক্ত কৈলা ।
 দেখি প্রেমাবেশে সতে অধৈর্য্য হৈলা ॥
 আচার্য্য চাহিয়া শ্রামানন্দ মুখ পানে ।
 জিজ্ঞাসি কুশল স্থির হৈলা কতক্ষণে ॥
 নরোত্তম শ্রামানন্দ দৌছে প্রেমাবেশে ।
 হৈলা যে রূপ তাহা কহিতে না আইসে !
 শ্রীশ্রামানন্দেরে শ্রীঠাকুর মহাশয় ।
 করাইলা সর্ব বৈষণ্ণবেরে পরিচয় ॥
 শ্রীদাস গোকুলানন্দ ব্যাস চক্রবর্তী ।
 রামচন্দ্র গোবিন্দাদি কবিরাজ খ্যাতি ॥
 চট্টরাজ রাজকৃষ্ণ মুকুন্দাদিসনে ।
 মিলনে যে আনন্দ বর্ণিব কোন জনে ॥
 শ্রীশ্রামানন্দের শিষ্য রসিকানন্দাদি ।
 সতে মিলাইলা নরোত্তম গুণনিধি ॥
 পরস্পর মিলনে যে স্নেহ ভক্তিরীতি ।
 যে দেখিলা সে আপনা মানয়ে সুকৃতি ॥
 রামচন্দ্র সহ নরোত্তম মহাশয় ।
 শ্রামানন্দে লৈয়া গেলা অপূর্ব্ব আনয় ॥
 তথা বাসা দিয়া অতি মনের উল্লাসে ।
 রসিকানন্দের প্রতি কহে প্রেমাবেশে ।
 গুহে বাপু সকল করিবে সমাধান ।
 কোনমতে কার যেন নহে অসুখান ॥

শুনিয়া রসিকানন্দ করযোড় করি ।
 আপনা কৃতার্থ মানি রহে মৌন ধরি ॥
 রসিকানন্দের চেষ্টা দেখি মহাশয় ।
 হইলেন হৃষ্ট যৈছে কহিলে না হয় ॥
 শ্রীঠাকুর মহাশয় রামচন্দ্র মনে ।
 গেলেন শ্রীআচার্য্য ঠাকুর যেই স্থানে ॥
 শ্রীগোবিন্দ কবিরাজে দিলা পাঠাইয়া ।
 তেঁহো আইলা শ্রামানন্দ পাশে হৃষ্ট হৈয়া
 শ্রামানন্দ মহান্ত পরমানন্দ মনে ।
 চলিলেন শ্রীগৌরসুন্দর দরশনে ॥
 দেখিয়া মধুর মূর্ত্তি নেত্রে ধারা বয় ।
 বারবার ভূমিতে পড়িয়া প্রণময় ॥
 সর্বাঙ্গে পুলক শোভা অতি মনোহর ।
 প্রেমের আবেশেতে অবস কলেবর ॥
 কতক্ষণে স্থির হৈয়া শ্রীগোবিন্দে কন ।
 আর পঞ্চ বিগ্রহ করাহ দরশন ॥
 শ্রীগোবিন্দ কবিরাজ তাহা দেখাইতে ।
 শ্রামানন্দ হৈলা যৈছে না পারি বর্ণিতে ॥
 উৎসবের সামগ্রী আছয়ে যে যে স্থানে ।
 তাহা দেখাইলা দেখি মহাহৃষ্ট মনে ॥
 এথা শ্রীরসিকানন্দ শ্রীপুরুষোত্তম ।
 শ্রীকিশোর আদি সতে সর্বাংশে উত্তম ॥
 যে সব সামগ্রী আনিলেন দেশে হৈতে ।
 তাহা রাখাইলা গৌরানন্দের ভাণ্ডারেতে ॥
 সবে বহু লোক তাঁর সন্তানে বহু সাংগে ।
 দিলা সে উচিত ক্রমে বাসা মিয়োজিয়া ॥

এইরূপে নানা স্থানে করে সমাধান ।
 শ্যামানন্দ শিষ্য সভে বৈষ্ণবের প্রাণ ॥
 এথা শ্যামানন্দ গেলা আচার্য্য যথায় ।
 হইলেন যথ গৌর-কৃষ্ণের কথায় ॥
 সে দিবস পরম আনন্দে গোড়াইয়া ।
 প্রাতঃকালে সভে সারিলেন প্রাতঃক্রিয়া ॥
 স্নানাদি করিয়া সভে চিন্তে মনে মনে ।
 শ্রীজাহ্নবদেবীর বিলম্ব হৈল কেনে ॥
 হেনকালে এক বিপ্র কহে যত করি ।
 পদ্মাবতী পার হৈলা জাহ্নবা ঈশ্বরী ॥
 শুনিতেনই সভে প্রেমানন্দে পূর্ণ হৈলা ।
 পদ্মাবতী তীর পথে আশুসরি গেলা ॥
 চতুর্দিকে লোক সব করে ধাওয়া ধাই ।
 সবে কহে আইলা শ্রীজাহ্নবা প্রেমময়ী ॥
 শ্রীজাহ্নবা ঈশ্বরী সঙ্গের একজন ।
 তেঁহো আইসে জানাইতে ঈশ্বরী গমন ॥
 দেখি আচার্য্যের গতি অতি হর্ষচিত্তে ।
 ঈশ্বরী গমন কহে প্রণমি ভূমেতে ॥
 তাঁরে প্রণমিয়া শ্রীআচার্য্য মহাশয় ।
 জিজ্ঞাসে বিশেষ তেঁহো বিবরিয়া কয় ॥
 এথাকার সমাচার পাঞ পত্রদ্বারে ।
 হৈলা উৎকণ্ঠিত সভে এথা আসিবারে ॥
 তথায় ছিলেন কৃষ্ণদাস অভ্যুদার ।
 সূর্য্যদাস সরখেল জ্যেষ্ঠ ভ্রাতা যাঁর ।
 শ্রীল রঘুপতি উপাধ্যায় মহীধর ॥
 মুরারি চৈতন্য জ্ঞানদাস মনোহর ॥

কমলাকর পিপলাই শ্রীজীব পণ্ডিত ।
 মাধব আচার্য্য যাঁর চেষ্ঠা সুবিদিত ॥
 নৃসিংহ চৈতন্য দাস কানাঞি শঙ্কর ।
 শ্রীগৌরাঙ্গ দাস বৃন্দাবন বিজয়বর ॥
 শ্রীমীনকেতন রামদাস মহাশয় ।
 নকড়ি শ্রীবলরাম আদি প্রেমময় ॥
 সভে নিবেদিলে ছই ঈশ্বরী চরণে ।
 খেতরি যাইতে কৈছে ইচ্ছা হয় মনে ॥
 শুনি হর্ষ হৈয়া কহে জাহ্নবী ঈশ্বরী ।
 বিলম্ব কি কার্য্য তথা চল শীঘ্র করি ॥
 ঈশ্বরী আজ্ঞায় শ্রীপরমেশ্বর দাস ।
 করিলা গমন সজ্জা হইয়া উল্লাস ॥
 খড়দহ হৈতে ঈশ্বরীর যাত্রা দিনে ।
 দূর হৈতে বৈষ্ণব আইলা দরশনে ।
 কহিলা ঈশ্বরী এথা যাত্রা সমাচার ।
 শুনিতেনই উৎকণ্ঠা জন্মিল সভাকার ॥
 সভে নিজ নিজ বাসা গিয়া শীঘ্র আইলা ।
 এ হেতু বিলম্ব হৈল পুনঃ যাত্রা কৈলা ॥
 হইল আকাশবাণী যাত্রার সময় ।
 সে অতি আশ্চর্য্য তাহা শুন মহাশয় ॥
 পরম গভীর নাদে কহে বারবার ।
 শ্রীনিবাস নরোত্তম প্রিয় যে আমার ॥
 নিজগণ সহ ভক্তি দানেতে প্রবীণ ।
 নিরন্তর আমি সে দৌহার প্রেমধীন ॥
 খেতরি গ্রামেতে গণসহ সঙ্কীর্ণনে ।
 করিব নর্ত্তন দেখিবেক সর্ব্বজনে ॥

যোর প্রেম প্রভাবে মাতিব সর্বলোক ।
 না রহিব কাহার কোনই দুঃখ শোক ॥
 সর্বসিদ্ধি হৈব তথা তোমার গমনে ।
 সভে চাহি আছয়ে তোমার পথপানে ॥
 খেতরি হইতে তুমি যাবে বৃন্দাবন ।
 তথা হইতে আসি বিতরিবে ভক্তিদান ॥
 গুনি ঈশ্বরী চিত্তে হৈল চমৎকার ।
 স্থির হৈতে নারে নেত্রে বহে অশ্রুধার ॥
 খড়দহ গ্রামেতে যতেক বিজ্ঞগণ !
 অন্ত্র হৈতে যে যে কৈলা আগমন ॥
 সভে গুনি মত্ত হৈলা মনের উল্লাসে ।
 নিবারিতে নারে নেত্র অশ্রুজলে ভাসে ॥
 শ্রীজাহ্নবা গৌর নিত্যানন্দে সঙরিয়া ।
 সেইক্ষণে গমন করয়ে সভা লৈয়া ॥
 শ্রীবন্দুদেবীকে কথা কহিয়া নির্জনে ।
 গঙ্গা বীরচন্দ্রে স্থির করিলা যতনে ।
 সভে সর্বপ্রকার করিয়া সাবধান ।
 কথোদূর নৌকাপথে করিলা পয়ান ॥
 চলিতেই এই ধ্বনি হৈল দেশ ভরি ।
 খেতরি হইয়া ব্রজে যাবেন ঈশ্বরী ॥
 কথোদূরে গিয়া নৌকা হইতে নাবিলা ।
 ভাগ্যবন্ত প্রিয় বণিকের ঘর গেলা ।
 দিবানিশি মত্ত তাঁরা নিত্যানন্দ গুণে ।
 উখলিল প্রেমানন্দ ঈশ্বরী দর্শনে ॥
 শ্রীঈশ্বরী করি সভা প্রতি অনুগ্রহ ।
 সে দিক, তথাই রহিল গণসহ ॥

রঘুনাথ খঞ্জ ভগবানের নন্দন ।
 জগদীশ পণ্ডিতের শিষ্য প্রিয়তম ॥
 তেঁহো আসি ঈশ্বরীকে তথাই মিলিলা ।
 অতি প্রাতে উঠি সভে অধিকা আইলা ॥
 শ্রীহৃদয়-চৈতন্য যাইয়া কথোদূরে ।
 সভা সহ ঈশ্বরীকে আনিলেন ঘরে ॥
 নিতাই চৈতন্য চান্দে করিয়া দর্শন ।
 হৈল যে প্রকার তাহা না হয় বর্ণন ॥
 ধৈর্য্যাবলম্বন করিলেন কতক্ষণে ।
 ভক্ষণাদি ক্রিয়া সারিলেন সেইখানে ॥
 শ্রীজাহ্নবা ঈশ্বরী হৃদয়-চৈতন্যে ।
 কহিলেন সকল প্রসঙ্গ ধীরে ধীরে ॥
 গুনি শ্রীহৃদয়ানন্দ আনন্দিত হৈলা ।
 যাইতে খেতরি গ্রাম মনঃস্থির কৈলা ॥
 শ্রীবংশীবদন পুত্র শ্রীচৈতন্যদাস ।
 হেনকালে গণসহ আইলা প্রভুপাশ ॥
 শ্রীজাহ্নবা ঈশ্বরীর চরণ দর্শনে ।
 আপনা মানয়ে ধন্য ধারা ছনয়নে ॥
 বারে বারে ভূমিতে পড়িয়া প্রণমিলা ।
 ঈশ্বরী আজ্ঞায় স্থির হইয়া বসিলা ॥
 মনের উল্লাসে তাঁরে কহিলা সকল ।
 গুনিতেই হৈলা অঁথি আনন্দে বিহ্বল ॥
 শ্রীচৈতন্য দাস আদি স্থির কৈলা মনে ।
 খেতরি যাইব শ্রীউৎসব দর্শনে ॥
 মনের উল্লাসে সভে প্রস্তুত হইলা ।
 শ্রীহৃদয় চৈতন্য ঠাকুরে জানাইলা ॥

শান্তিপুত্র হইতে আইলা একজন ।
 তেঁহো নিবদয়ে তথাকার বিবরণ ॥
 শ্রীঅচ্যুতানন্দ প্রভু অদ্বৈত তনয় ।
 বিচ্ছেদে জর্জর দেহ ধারণ সংশয় ॥
 শ্রীসীতামাতার আজ্ঞা করিতে পালন ।
 খেতরি যাইতে হৈবে প্রভাতে গমন ॥
 শুনি ঈশ্বরীর অতি আনন্দ বাড়িল ।
 তাঁর দ্বারে শীঘ্র সব কহি পাঠাইল ॥
 সভাসহ শ্রীজাহ্নবা পণ্ডিত আবাসে ।
 গোষ্ঠাইলা রাত্রি অতি মনের উল্লাসে ॥
 প্রভাতেই শ্রীমঙ্গল আরতি দেখিলা ।
 নিতাই চৈতন্যপদে আশ্রয় সমর্পিলা ।
 শ্রীসেবা নিযুক্ত সভে সাবধানে করি ।
 সভাসহ নবদ্বীপে চলিলা ঈশ্বরী ॥
 দূরে হৈতে শ্রীনবদ্বীপের পানে চাঞা ।
 তুই নেত্রে অশ্রুধারা বহে বুক বাঞা ।
 সঙরি সে সব নবদ্বীপের নিবাস ।
 অনলের শিখা প্রায় ছাড়ে দীর্ঘশ্বাস ॥
 হইল অবশ অঙ্গ ব্যাকুল হিয়ায় ।
 কতক্ষণে স্থির হৈলা প্রভুর ইচ্ছায় ॥
 নবদ্বীপে যে যে ছিল প্রভু প্রিয়গণ ।
 শুনিলা শ্রীজাহ্নবা ঈশ্বরী আগমন ॥
 মনের উল্লাসে সভে আইলা আগুসরি ।
 দূরে দেখি দোলা হৈতে নামিলা ঈশ্বরী ॥
 ঈশ্বরীর দর্শন করিয়া সর্বজনে ।
 আপনার ভাগ্য-স্বাধা করয়ে আপনে ॥

আজি সুপ্রভাত বিধি কৈলা মো সভার ।
 ত্রিছে কহি নিকটে প্রণমে বারবার ॥
 শ্রীজাহ্নবা দেবী কৈলা যে হইল মনে ।
 আশ্চর্য্য প্রেমের গতি বুঝে কোন্ জনে ॥
 শ্রীঈশ্বরী সঙ্গে যে আইলা প্রিয়গণ ।
 যথা যোগ্য সভাসহ হইল মিলন ॥
 মিলনের কালে ধৈর্য্য গেল সভাকার ।
 কেহ কার পদধূলি লয়ে বারবার ॥
 প্রেমাবেশে কেহ কার ধরিয়া গলায় ।
 সঙরি প্রভুর লীলা কান্দে উচরায় ॥
 কি অদ্ভুত প্রেমের মহিমা কেবা জানে ।
 প্রভু প্রিয়গণ স্থির হৈলা কতক্ষণে ॥
 শ্রীবাস পণ্ডিত ভ্রাতা পণ্ডিত শ্রীপতি ।
 যত্নে কহে শ্রীমাধব আচার্য্যাদি প্রতি ॥
 এথা গঙ্গাস্নান হয় এই মোর মনে ।
 শুনি এই বাক্য হর্ষ হৈলা সর্বজনে ॥
 সকলেই গঙ্গাস্নান করেন তথাই ।
 নবদ্বীপে শ্রীপতি গেলেন ধাওয়া-ধাই ॥
 বিবিধ সামগ্রী শীঘ্র লইয়া আইলা ।
 এথা সবে স্নানাদিক ক্রিয়া সমাধিলা ॥
 শ্রীজাহ্নবা ঈশ্বরী পরমানন্দ মনে ।
 সভে ভুঞ্জাইলা কিছু ভুঞ্জিলা আপনে ॥
 নবদ্বীপ মধ্যে প্রবেশিলা শীঘ্র করি ।
 শ্রীবাস পণ্ডিত গৃহে আইলা ঈশ্বরী ॥
 তথাতে আইলা প্রভু অদ্বৈত নন্দন ।
 শ্রীঅচ্যুতানন্দ নাম ভুবন পাবন ॥

অচ্যুতের ভ্রাতা শ্রীগোপাল প্রেমময় ।
 শ্রীকানু পণ্ডিত বিষ্ণুদাস মহাশয় ॥
 বনমালীদাস আদি অতি বিজ্ঞগণ ।
 পরস্পর হৈল মহা আশ্চর্য মিলন ॥
 উখলিল প্রেমের সমুদ্র অতিশয় ।
 একমুখে সে সব কহিতে সাধা নয় ॥
 শ্রীমতী ঈশ্বরী অতি নির্জনে আনন্দে ।
 জানাইলা সব কথা শ্রীঅচ্যুতানন্দে ॥
 শুনি প্রেমাবেশে প্রভু অদ্বৈত কুমার ।
 হই অতি অধৈর্য্য গর্জয় অনিবার ॥
 শ্রীপতি শ্রীনিধি আদি সভে জানাইতে ।
 হইল সভার মন উৎসব দেখিতে ॥
 খেতরি গমন কথা সর্বত্র ব্যাপিলা ।
 শ্রীবাস-ভবনে সভে একত্র হইলা ॥
 সে দিবস সেইখানে সভার ভোজন ।
 যে আনন্দ হৈল তাহা না হল বর্ণন ॥
 নবদ্বীপবাসী লোক ধায় চারিপাশে ।
 হইল অত্যন্ত ভীড় শ্রীবাস আবাসে ॥
 প্রভু পার্শ্বদের শুভ-দর্শন পাইয়া ।
 জুড়াইল দারুণ হুঃখাগ্নি দগ্ধ হিয়া ॥
 কথো রাজি রহি সব লোক গৃহে গেলা ।
 এথা প্রভুগণ সভে শয়ন করিলা ॥
 প্রভাতে উঠিয়া সভে চলিলা সত্বরে ।
 আইলা আকাই হাটে কৃষ্ণদাস ঘরে ॥
 পরম গায়ক কৃষ্ণদাস প্রেমাবেশে ।
 আপনা মানয়ে ধনু আনি নিজাবাসে ॥

ভক্ষণ সামগ্রী অতি শীঘ্রতে করিয়া ।
 খেতরি যাইতে রহে প্রস্তুত হইয়া ॥
 প্রভাতে উঠিয়া সভে আনন্দ অন্তরে ।
 অতিশীঘ্র আইলেন কণ্টকনগরে ॥
 প্রথমেই কৃষ্ণদাস ঠাকুর আসিয়া ।
 শ্রীযত্ননন্দনে সব কহে বিবরিয়া ॥
 শ্রবণ মাত্রতে মহা উল্লাস অন্তরে ।
 আশুসরি গিয়া শীঘ্র আনিলেন ঘরে ॥
 তথা আইলা শ্রীরঘুনন্দন গণ সাথ ।
 শিবানন্দ সহ আইলা বিপ্র বাণীনাথ ॥
 বল্লভ চৈতন্যদাস ভাগবতাচার্য্য ।
 নর্তক গোপাল জিতা মিশ্র বিপ্রচার্য্য ॥
 রঘুমিশ্র কাশীনাথ পণ্ডিত উদ্ধব ।
 শ্রীনয়নানন্দ মিশ্র মঙ্গল বৈষ্ণব ॥
 আইলেন এঁছে বহু প্রভু প্রিয়গণ ।
 পরস্পর হৈল অতি অদ্ভুত মিলন ॥
 দাস গদাধরের গৌরাজ শোভা দেখি ।
 হইয়া বিহ্বল সভে জুড়াইলা আঁখি ॥
 গৌরচন্দ্র সন্ন্যাস গ্রহণ কৈলা যথা ।
 কান্দিতে কান্দিতে সভে চলিলেন তথা ॥
 স্থান দৃষ্টি মাত্র হৈলা যে দশা সভার ।
 সে সব কহিতে মুখে না আইসে আমার ॥
 কতক্ষণে স্থির হইলেন সর্বজন ।
 করিলেন শীঘ্র সভে গঙ্গাবগাহন ।
 এথা যত্ননন্দনাদি অতি যত্ন করি ।
 বিবিধ ঘিষ্টান্ন সাজাইলা পাত্র ভরি ॥

শ্রীগৌরাজ চন্দ্রে সমর্পিয়া ধরে ধরে ।
 পৃথক পৃথক ধুইলেন বাসা ঘরে ॥
 এথা স্বানাদিক ক্রিয়া সম্ভে সমাধিলা ।
 শ্রীমহাপ্রসাদ অতি যত্নেতে ভুঞ্জিলা ॥
 সে দিবস শ্রীজাহ্নবা ঈশ্বরী আপনে ।
 মনের আনন্দে শীঘ্র চলিলা রন্ধনে ॥
 করিলা রন্ধন শীঘ্র বিবিধ প্রকার ।
 শুনিতে সভার মনে হৈল চমৎকার ॥
 শ্রীগৌরাজ চন্দ্রে ভোগ কৈলা সমর্পণ ।
 পরম আনন্দে প্রভু করিলা ভোজন ॥
 কতক্ষণ পরে যত্নে ভোগ সরাইয়া ।
 ভুঞ্জাইলা সভারে পরম যত্ন পাঞা ॥
 অমৃত সমান সব দিতে কি তুলনা ।
 যে ভুঞ্জিল সে আনন্দে পাসরে আপনা ॥
 শ্রীঈশ্বরী করিলেন প্রসাদ সেবন ।
 সর্ব মহাত্মের হৈল আনন্দিত মন ॥
 শ্রীঘটনন্দন চক্রবর্তী আদি যত ।
 ভুঞ্জিলেন পশ্চাতে করিয়া যত্ন কত ॥
 শ্রীমহাপ্রসাদাশ্বাদে যে লইল মনে ।
 কহিতে নারয়ে অশ্রুধারা ছ'নয়নে ॥
 নিজ ইষ্টদাস গদাধরে সঙরিয়া ।
 কতক্ষণে স্থির হৈলা নিভূতে বসিয়া ॥
 খেতরি যাইতে অতি উৎকণ্ঠিত মন ।
 করিলেন তথা যাইবার আয়োজন ॥
 শ্রীগৌরচন্দ্রের সেবা পরিচারকেরে ।
 করিলেন সাবধান সকল প্রকারে ॥

হইল সন্ধ্যা সময় সকল সাধিতে ।
 আইলা সর্ব মহাত্ম গৌরাজ প্রাঙ্গণেতে ॥
 শ্রীগৌরচন্দ্রের করি আরতি দর্শন ।
 করিলেন কতক্ষণ শ্রীনাম কীর্তন ॥
 গোড়াইল রাত্রি সবে কৃষ্ণকথা-রসে ।
 হইল কিঞ্চিৎ নির্দ্রা মনের উল্লাসে ॥
 রজনী প্রভাতে গৌরচন্দ্রে প্রণমিঞা ।
 আইলেন ঐছে পথে সভা সম্বোধিয়া ॥
 অণু শীঘ্র পদ্মাবতী হইলেন পার ।
 আমা পাঠাইলা শীঘ্র দিতে সমাচার ॥
 শুনি এ প্রসঙ্গ সব আচার্য্য ঠাকুর ।
 হইলেন যৈছে তাহা বচনের দূর ॥
 শ্রীঠাকুর মহাশয় শ্রীমানন্দ আদি ।
 হইল সভার মনে আনন্দ অবধি ॥
 যাইতে দেখয়ে নেত্র আগে বিগ্ৰহমান ।
 আইসেন সম্ভে তেজ সূর্য্যের সমান ॥
 নিরখিতে নেত্রের নিমিখ গেল দূরে ।
 হইল অবশ অঙ্গ চলিতে না পারে ॥
 এ সভার দশা দেখি জাহ্নবা ঈশ্বরী ।
 নাবিলেন দোলা হৈতে প্রভুরে সঙরি ॥
 শ্রীঅচ্যুত আদি কথোজন যানে ছিলা ।
 মনের উল্লাসে শীঘ্র ভূমেতে নাঝিলা ॥
 শ্রীনিবাস আচার্য্যাদি ভাসি প্রেমজলে ।
 লোটাইয়া পড়ে ঈশ্বরীর পদতলে ॥
 শ্রীজাহ্নবা ঈশ্বরী নারয়ে স্থির হৈতে ।
 যৈছে অঙ্গুগ্রহ কৈলা কে পারে কহিতে ॥

শ্রীঅচ্যুতানন্দ আদি প্রভু-প্রিয়গণ ।
 ক্রমে ক্রমে তাঁ সভার বন্দিতা চরণ ॥
 শ্রীনিবাসাচার্য্য আদি পানে নিরখিয়া ।
 শ্রীঅচ্যুতানন্দাদি ধরিতে নারে হিয়া ॥
 কেহ শ্রীনিবাসে কোলে করিয়া কান্দয়ে ।
 কেহ নরোত্তমে বারবার আলিঙ্গয়ে ॥
 কেহ না ছাড়য়ে রামচন্দ্রে করি কোলে ।
 কেহ শ্রীগোকুলানন্দে সিঞ্জে নেত্রজলে ॥
 কেহ বাহু পসারিয়া ধরয়ে শ্রীদাসে ।
 কেহ শ্রামানন্দ মহাবাসলা প্রকাশে ॥
 কেহ শ্রীগোবিন্দ কবিরাজ মুখ চাঞা ।
 আলিঙ্গিতে নেত্রধারা বহে বৃক বাঞা ॥
 ইছে প্রেমগতি অতি অদ্ভুত মিলন ।
 দেখিতে আপনা ধন্য মানে দেবগণ ॥
 গ্রামে প্রবেশিতে লোক চতুর্দিকে ধায় ।
 ডুবিল খেতরি গ্রাম আনন্দ বন্যায় ॥
 আচার্য্য ঠাকুর যত্নে নিবেদি সভারে ।
 লৈয়া গেলা পৃথক পৃথক বাসাঘরে ॥
 গণসহ ঈশ্বরীর বাসা হৈল যথা ।
 রামচন্দ্র কবিরাজে সমর্পিতা তথা ॥
 রঘুনাথ আচার্য্য আদির বাসাঘরে ।
 করিলা নিযুক্ত কবিরাজ কর্ণপুরে ॥
 শ্রীহৃদয় চৈতন্তের বাসা যেইখানে ।
 তথা শ্রামানন্দে সমর্পিতা সাবধানে ॥

শ্রীচৈতন্তদাস আদি যথা উত্তরিল ।
 শ্রীনৃসিংহ কবিরাজে তথা নিয়োজিতা ॥
 শ্রীপতি শ্রীনিধি পণ্ডিতাদি বাসাঘরে ।
 করিলেন নিযুক্ত শ্রীব্যাস আচার্য্যেরে ॥
 আকাই হাটের কৃষ্ণদাসাদি বাসায় ।
 হইলা নিযুক্ত শ্রীবল্লবীকান্ত তায় ॥
 শ্রীরঘুনন্দনগণ সহ যে বাসাতে ।
 শ্রীগোবিন্দ কবিরাজ নিযুক্ত তাহাতে ॥
 বিপ্র বাণীনাথ জিতামিত্রাদিক ঘরে ।
 সমর্পিতা রামকৃষ্ণ কুমুদ আদিরে ॥
 শ্রীযত্ননন্দন চক্রবর্তী বাসাহানে ।
 নিয়োজিতা যত্নে কবিরাজ ভগবানে ॥
 আর যে যে বৈষ্ণবগণের বাসা যথা ।
 সমর্পিতা শ্রীগোপীরমণ আদি তথা ॥
 সর্বত্র যাইয়া সভে করি পরিহার ।
 পৃথক পৃথক করি দিলেন ভাণ্ডার ॥
 তথা বহু দ্রব্য তার লেখা নাই দিতে ।
 সদা পরিপূর্ণ কৃষ্ণ-চৈতন্ত ইচ্ছাতে ॥
 শ্রীআচার্য্য ঠাকুর ঠাকুর মহাশয় ।
 প্রেমাবেশে পুনঃ পুনঃ সর্বত্র ভ্রময় ॥
 শ্রীখেতরি গ্রামে মহান্তের আগমন ।
 ইহার শ্রবণে হয় বাঞ্ছিত পূরণ ॥
 নিরন্তর এসব শুনহ যত্ন করি ।
 নরোত্তম-বিলাস কহয়ে নরহরি-॥

ইতি শ্রীনরোত্তম-বিলাসে ষষ্ঠা-বিলাসঃ ।

সপ্তম বিলাস ।

জয় গৌর নিত্যানন্দাষ্টৈতগণ সহ ।
 এদীন দুঃখিরে প্রভু কর অক্ষুণ্ণ ॥
 জয় জয় কুপার সমুদ্র শ্রোতাগণ ।
 এবে যে কহিয়ে তাহা করহ শ্রবণ ॥
 শ্রীখেতরি গ্রামে মহামহোৎসব প্রথা ।
 সর্বদেশ সর্বত্র ব্যাপিল এই কথা ॥
 কেহ কার প্রতি কহে মহানন্দ মনে ।
 ওহে ভাই কি আশ্চর্য্য দেখিলু' নয়নে ॥
 ধরণী মণ্ডলে ধনু শ্রীখেতরি গ্রাম ।
 কি অদ্ভুত শোভা যেন আনন্দের ধাম ॥
 কি নারী পুরুষ বাল-বৃদ্ধ তথাকার ।
 বৈষ্ণব দর্শনে নেত্রে ধারা অনিবার ॥
 অগ্নি বহু বৈষ্ণব আছিল খেতরিতে ।
 আপনা পাসরি তারা ধায় চারিভিতে ॥
 কেহ কহে সে মাধুরী করিয়া দর্শন ।
 বিধাতার প্রতি মাগে অসংখ্য নয়ন ॥
 কেহ কহে তাঁ সভার তেজ সূর্য্য সম ।
 বিনাশয়ে জীবের দারুণ তাপ তম ॥
 কেহ কহে তাঁ সভার দর্শন কুপায় ।
 যে না কহে কৃষ্ণ সেহ কৃষ্ণগুণ গায় ॥
 কেহ কহে তাঁ সভার অদ্ভুত রীত ।
 পতিত দুঃখীর প্রতি অতিশয় প্রীত ॥

কেহ কহে শ্রীসন্তোষরাজা ভাগ্যান্ ।
 কি অপূর্ব তাঁ সভার কৈলা বাসস্থান ॥
 কেহ কহে মহা-মহোৎসব আয়োজনে ।
 সদাই উল্লাসে রাজা নিজগণ সনে ॥
 কেহ কহে করিলেন যে সব সস্তার ।
 তাহা কহিবারে সাধ্য না হয় আমার ॥
 কেহ কহে লোকরীত মঙ্গলবিধান ।
 সে সব করেন রাজা হৈয়া সাবধান ॥
 কেহ কহে ফাল্গুনের শুক্লাপঞ্চমীতে ।
 কহিলা বাদকগণে বাণ্ড আরম্ভিতে ॥
 কেহ কহে বাণ্ডধ্বনি ভেদিল গগন ।
 গায়ক্কেতে গান করে নর্তকে নর্তন ॥
 কেহ কহে রাজা আজ্ঞা দিলা মালীগণে ।
 নানা পুষ্প আনি হার করিতে যতনে ॥
 কেহ কহে রাজা বহু লোকে সাবহিতে ।
 আজ্ঞা করিলেন চারুচন্দন ঘষিতে ॥
 কেহ কহে সে মহাশয়ের আজ্ঞা পাঞা ।
 অভিষেক দ্রব্য সজ্জা কৈলা হর্ষ হৈয়া ॥
 কালি শ্রীপূর্ণিমা দিবা অপূর্ব সময় ।
 শ্রীবিগ্রহ শ্রীমন্দিরে করিব বিজয় ॥
 কেহ কহে ওহে ভাই কহিতে না পারি ।
 সকল ছাড়িয়া শীঘ্র যাইব খেতরি ॥

কেহ মৌন ধরিয়া কহয়ে এই হৈল ।
 শ্রীঠাকুর মহাশয় দেশ ধন্ত কৈল ॥
 এদেশের লোক দস্যু কর্মে বিচক্ষণ ।
 না জানয়ে ধর্ম কিবা ধর্ম বা কেমন ।
 করয়ে কুক্ৰিয়া যত কে কহিতে পারে ।
 ছাগ মেষ মহিষ শোণিত ঘর দ্বারে ॥
 কেহ কেহ মনুষ্যের কাটা মুণ্ড লৈয়া ।
 খড়গ করে করয়ে নর্ভন মত্ত হৈয়া ॥
 সে যময়ে যদি কেহ সেই পথে যায় ।
 হইলেও বিপ্র তার হাতে না এড়ায় ॥
 সভে স্ত্রী লম্পট জাতি বিচার রহিত ।
 মগ্নমাৎস বিনা না ভুঞ্জয়ে কদাচিত ॥
 ওহে ভাই কৈল ইথে সুদৃঢ় বিচার ।
 নরোত্তম করিব এসভার উদ্ধার ॥
 জয় নরোত্তম জয় নরোত্তম বলি ।
 নেত্রে ধারা বহে নৃত্য করে বাহু তুলি ॥
 লইয়া বিবিধ দ্রব্য মহাকুতূহলে ।
 শ্রীখেতরি গ্রামে শীঘ্র আইসে সকলে ॥
 ইছে বহু গ্রাম হৈতে আইসে বহু লোক ।
 খেতরি প্রবেশ মাত্রে ভুলে সব শোক ॥
 এথা সর্বলোকে শ্রীঠাকুর মহাশয় ।
 সুমধুর বাক্যে সব দুঃখ বিনাশয় ॥
 ইছে সভে সমাধিয়া মনের উল্লাসে ।
 সন্ধ্যাকালে কহে কিছু আচার্য্যের পাশে ॥
 বহু খোল করতাল নির্মাণ হৈয়া ।
 আসিয়াছে বারেক দেখুন তথা গিয়া ॥

শ্রীআচার্য্য চলিলেন অতির্ষ হৈয়া ।
 গৌরাজ গোকুল দেবীদাসে সঙ্গে লৈয়া ॥
 তথা গিয়া দেখি সব খোল করতাল ।
 প্রেমাবেশে আচার্য্য কহেন ভাল ভাল ॥
 গৌর নিত্যানন্দবৈত করিয়া সঙরণ ।
 খোল করতাল পূজা কৈলা সেইক্ষণ ।
 সভাসহ চলিলেন শ্রীঈশ্বরী যথা ।
 ক্রমে নিবেদিলা সব অভিষেক কথা ॥
 তাঁর আজ্ঞা লৈয়া কৈলা সর্বত্র গমন ।
 অভিষেক কথা সভে কৈলা নিবেদন ॥
 গুনিয়া সভার মনে আনন্দ বাড়িল ।
 শ্রীচৈতন্য কথা-রসে রাত্রি গোড়াইল ॥
 কিছু নিদ্রা গেলে হৈল রজনীবিহীন ॥
 সভে প্রাতঃক্রিয়া করি সারিলেন স্নান ॥
 এথা শ্রীআচার্য্য শ্রীঠাকুর মহাশয় ।
 লইয়া অপূর্ব বস্ত্র গেলা সর্বালয় ॥
 সকল মহাস্ত মহাস্তের সঙ্গে যত ।
 সভে বস্ত্র পরান আগ্রহ করি কত ॥
 এথা শ্রীসন্তোষ রায় মহার্ষ মনে ।
 দেখে চন্দ্রাতপ কৈছে শোভয়ে প্রাঙ্গণে ॥
 শ্রীমন্দির অঙ্গন অত্যন্ত বিস্তারিত ।
 হইয়াছে সর্বপ্রকারেতে সুশোভিত ।
 চন্দ্রাতপ-তলে অতি অপূর্ব আসন ।
 যাহাতে বসিলা আসি শ্রীমহাস্তগণ ॥
 বসিবেন শ্রীজাহ্নবী ঈশ্বরী যেখানে ।
 সে অতি গোপন স্থান সভা সম্মিথানে ॥

স্থানে স্থানে কদলী বৃক্ষের নাহি লেখা ।
নারিকেল ফলাদি পুষ্প আশ্রয়নাথ ।
জলে পূর্ণ কলস শোভয়ে স্থানে স্থানে ॥
এসব দেখিয়া গেল আচার্য্য যেখানে ।
নিবেদিতা সকল সুসজ্জ হৈল তথা ।
শুনিয়া আচার্য্য গেল শ্রীঈশ্বরী যথা ॥
তাঁরে নিবেদিতে তেঁহো করিলা গমন ।
বসিলেন গিয়া যথা স্থান সঙ্কোচন ।
শ্রীআচার্য্য সৰ্ব্ব মহান্তরে নিবেদিতে ।
সভে গিয়া বসিলা প্রাক্ষণে আসনেতে ॥
হইল অপূৰ্ব্ব শোভা জিনি চন্দ্রগণ ।
পরস্পর বাক্য-সুধা করে বরিষণ ॥
সভে অনুমতি দিলা আচার্য্য ঠাকুরে ।
শ্রীবিগ্রহ গণাভিবেকাদি করিবারে ।
শ্রীআচার্য্য ঈশ্বরী আদির আঞ্জা পাঞা ।
চলিলেন অতি দীন প্রায় প্রণমিঞা ॥
শ্রীমন্দিরে শ্রীবিগ্রহগণ আনাইলা ।
দেখিয়া আচার্য্য শোভা বিহ্বল হইলা ॥
লক্ষ্মী বিষ্ণু প্রিয়া সহ নবদ্বীপ চান্দে ।
ধরিতা হিয়ার গুণ সঙরিতা কান্দে ॥
কে বুঝিতে পারে এই আচার্য্য অন্তর ।
কতক্ষণে স্থির হইলেন বিজ্ঞবর ॥
শ্রীরূপ গোস্বামী কৃত গ্রন্থাদি বিধানে ।
করিলা সকল ক্রিয়া অতি সাবধানে ॥
স্বপ্নচ্ছলে প্রভু যে যে নাম জানাইল ।
অভিষেক কালে সব নাম স্পষ্ট হৈল ॥

গৌরাঙ্গ বল্লবীকান্ত শ্রীব্রজমোহন ।
শ্রীকৃষ্ণ শ্রীরাধাকান্ত শ্রীরাধারমণ ॥
বসিলেন ঐছে শ্রীবিগ্রহ সিংহাসনে ।
হইল আশ্চর্য্য শোভা প্রাণপ্রিয়া সনে ॥
বিবিধ ভূষণেতে ভূষিত কলেবর ।
দেখিয়া আচার্য্য মহা আনন্দ অন্তর ॥
পূজা সমাধিয়া শীঘ্র আরতি করিলা ।
পৃথক পৃথক করি ভোগ সমর্পিলা ॥
সে সকল সামগ্রী পরম চমৎকার ।
চৰ্ব্ব চোষ্য লেহ পেয় বিবিধ প্রকার ॥
পরম আনন্দে ভুঞ্জিলেন প্রভুগণ ।
ভোগ সরাইলা যত্নে রহি কতক্ষণ ॥
ভোগের প্রসাদিহান ধুই শীঘ্র করি ।
শ্রীমালাচন্দন সমর্পয়ে পাত্র ভরি ॥
চন্দন সহিত মালা প্রভুগলে দিলা ।
করিয়া বিভাগ কথো পৃথক রাখিলা ॥
পৃথক পৃথক পাত্রে শ্রীমালা চন্দন ।
সৰ্ব্ব মহান্তের আগে কৈলা সমর্পণ ॥
সভে পরস্পর প্রেমাবেশে উল্লাসিত ।
শ্রীমালা চন্দনে সভে হৈলা বিভূষিত ॥
শ্রীবিগ্রহ ছয় করি একত্রে দর্শন ।
জয় জয় ধ্বনি করিলেন সৰ্ব্ব জন ॥
বাজয়ে বিবিধ বাস্ত হৈল কোলাহল ।
যেন জগতের দূরে গেল অমঙ্গল ॥
এথা শ্রীঠাকুর মহাশয় সৰ্ব্ব জন ।
অনুমতি দিলা আরন্তিতে সৰ্ব্ব জন ॥

শ্রীঠাকুর মহাশয় মনের উল্লাসে ।
 সুসজ্জ হইতে আজ্ঞা দিলা দেবীদাসে ॥
 দেবীদাস গায়ক বাদকগণ লৈয়া ।
 আইসেন গৌরাঙ্গ-প্রাঙ্গণে হৃষ হৈয়া ॥
 বল্লভ গৌরাঙ্গ গোকুলাদি প্রিয়গণ ।
 তাঁ সভার শোভা সভার হরে মন ॥
 এ সভা লইয়া ঠাকুর মহাশয় ।
 দাঁড়াইলা প্রাঙ্গণে পরম তেজোময় ॥
 পুলকে বেষ্টিত অঙ্গ লাবনী সুন্দর ।
 কনক কেতকী জিনি কান্তি মনোহর ॥
 উন্নত নাসিকা দীর্ঘ কমল নয়ন ।
 কন্দর্পের দর্প দূরে দেখি সে বদন ॥
 জিনিয়া কুঞ্জর কর মঞ্জু ভূজবয় ।
 দেখি বৃক্ষের শোভা কেবা ধৈর্য্য হয় ॥

বলকে তিলক কিবা সুচারু কপালে ।
 বলমল করে কণ্ঠ তুলসীর মালে ।
 কুচির চরণ জালু মধ্য কি মধুর ।
 নিরখিতে নয়নের তাপ যায় দূর ॥
 পরম আশ্চর্য্য শোভা कहনে না যায় ।
 সঙ্কীর্্তন আরম্ভে কি উল্লাস হিয়ায় ॥
 গণসহ নিতাই অদ্বৈত গোরাচান্দে ।
 সঙরি উথলে প্রেম ধৈর্য্য নাহি বান্ধে ॥
 সর্ব মহান্তের ভ্রমে পড়ি প্রণমিঞা ।
 করয়ে আলাপ করে করতাল লৈয়া ॥
 মন্দ মন্দ হাশ্বে দন্তুহ্যতি মনোহর ।
 শ্বেদাশ্রু পূর্ণিত অতি আনন্দ অন্তর ॥

হথাহি শ্রীশ্রবামৃতলহর্যাং ।

সংকীর্্তনানন্দজ মন্দহাস্য, দন্তুহ্যতিদ্যো তিতদিঘুখায় ।

শ্বেদাশ্রুধার স্পিতায় তথৈ, নমো নমঃ শ্রীলনরোত্তমায় ॥

দেবীদাসাদিকে পূর্বে শক্তি সঞ্চারিলা ।
 এবে নিদেশিতে গীত বাদ্যে মত্ত হৈলা ॥
 করয়ে মর্দল বাণ্ড অতি রসায়ন ।
 করতাললাপ বাণ্ডে হৈল সশ্মিলন ॥
 শ্রীরঘুনন্দন ধৈর্য্য ধরিতে না পারে ।
 মত্ত সিংহপ্রায় গর্জি গৌরাঙ্গ সঙরে ॥
 আচার্য্য আনিয়া দিতে শ্রীমালা চন্দন ।
 খোল করতাল স্পর্শাইলা সেইক্ষণ ॥

শ্রীরঘুনন্দন আত্ম-বিস্মরিত প্রেমে ।
 স্বহস্তে চন্দন মাখায়েন নরোত্তমে ॥
 মালা পরাইয়া কৈল দৃঢ় আলিঙ্গন ।
 ঐছে সবাকারে দিলা শ্রীমালাচন্দন ॥
 প্রণমিরা সভে রঘুনন্দনের পায় ।
 আপনা মানয়ে ধনু মনের ইচ্ছায় ॥
 শ্রীগৌরাঙ্গ দাসু তালপাট আরম্ভয়ে ।
 প্রথমেই মন্দ মন্দ বাদ্য প্রকাশয়ে ॥

তদুপরি নব্য নব্য বৃদ্ধি ক্ষণে ক্ষণে ।
 অমৃত অক্ষর যৈছে বাড়ে ঘনে ঘনে ॥
 অশ্রুত অদ্ভুত বাণ্ড শুনি দেবগণ ।
 গন্ধৰ্ব কিম্বর সহ ব্যাপিলা গগন ॥
 পুষ্পবৃষ্টি করে অতি অধৈর্য্য হইয়া ।
 অভিলাষ সাধয়ে মনুষ্যে মিশাইয়া ॥
 এথা সৰ্বমহান্তু কহয়ে পরস্পরে ।
 প্রভুর অদ্ভুত সৃষ্টি নরোত্তম দ্বারে ॥
 হেন প্রেমময় বাণ্ড কভু না শুনিলু ।
 এ হেন গানের প্রথা কভু না দেখিলু ॥
 নরোত্তম কণ্ঠধ্বনি অমৃতের ধার ।
 যে পিয়ে তাহার তৃষ্ণা বাড়ে অনিবার ॥
 কি অদ্ভুত ভঙ্গী সব প্রকাশিলে গানে ।
 গন্ধৰ্ব কিম্বর কি ইহার ভেদ জানে ॥
 নবদ্বীপচন্দ্র প্রভু শ্রীশচীনন্দন ।
 এই হেতু পূর্বে বুঝি কৈলা আকর্ষণ ॥
 হইয়া অধীন প্রভু নরোত্তম-প্রেমে ।
 গীতবাণ্ড ভাঙার সাঁপিলা নরোত্তমে ॥
 এতকহি নরোত্তমে করি আলিঙ্গন ।
 উন্নত হইয়া সবে করেন নর্তন ॥
 কি অদ্ভুত আনন্দাশ্রু সভার নয়নে ।
 ঝলমল করে অঙ্গ শ্রীমালাচন্দনে ॥
 নরোত্তম মত্ত হৈয়া গোর গুণগায় ।
 গণসহ অধৈর্য্য হইলা গৌররায় ॥
 নিত্যানন্দ অদ্বৈত শ্রীবাস গদাধর ।
 মুরারি স্বরূপ হরিদাস বক্রেশ্বর ॥

জগদীশ গৌরীদাস আদি সভা লৈয়া ।
 হৈলা সৰ্ব নয়ন গোচর হর্ষ হৈয়া ॥ *
 সভে আত্ম-বিস্মরিত হৈলা সেই কালে ।
 যেন নবদ্বীপে বিলসয়ে কুতূহলে ॥
 শ্রীঅচ্যুতানন্দ আদি করয়ে নর্তন ।
 তাঁ সভা লইয়া নাচে শচীর নন্দন ॥
 নিত্যানন্দ প্রভু মহা মনের উল্লাসে ।
 করেন নর্তন প্রিয় নরোত্তম পাশে ॥
 প্রভু শ্রীঅদ্বৈত নাচে মহামত্ত হৈয়া ।
 রামচন্দ্র গ্রামানন্দ আদি সভে লৈয়া ॥
 নাচয়ে পণ্ডিত গদাধর প্রেমোল্লাসে ।
 শ্রীনিবাস আচার্য্য লৈয়া প্রভু পাশে ॥
 ব্রহ্মে মহারঙ্গে নাচে পণ্ডিত শ্রীবাস ।
 শ্রীগুপ্তমুরারি শ্রীস্বরূপ হরিদাস ॥
 শ্রীমান পণ্ডিত ব্রহ্মচারী গুরুেশ্বর ।
 বাসুদেব দত্ত শ্রীপণ্ডিত বক্রেশ্বর ॥
 গদাধর দাস শ্রীমকুন্দ নরহরি ।
 গৌরীদাস পণ্ডিত নকুল ব্রহ্মচারী ॥
 জগদীশ সূর্য্যদাস আচার্য্য নন্দন ।
 শ্রীনাথ মহেশ যত্ন শ্রীমধুসূদন ॥
 গোবিন্দ মাধব বাসুরায় রামানন্দ ।
 শ্রীবিজয় ধনঞ্জয় দত্ত শ্রীমুকুন্দ ॥
 সনাতন রূপ রঘুনাথ কানীশ্বর ।
 নাচয়ে অসংখ্য শ্রীপ্রভুর পরিকর ॥
 নৃত্যভঙ্গী ভুবন মাদকমোদ ভরে ।
 চরণ চালনে মহী টলমল করে ॥

প্রকটাপ্রকট ছই হৈলা এক ঠাঞি ।
 কি অদ্ভুত নৃত্যাবেশে দেহ স্মৃতি নাই ॥
 পরম মাদক বাণ্ডে উল্লাসয়ে হিয়া ।
 করয়ে ছকার সভে করতালি দিয়া ॥
 গীত-সুধাপানে কে ধরিতে পারে অঙ্গ ।
 ক্ষণে ক্ষণে উঠে নানা ভাবের তরঙ্গ ॥
 নবদ্বীপচন্দ্র চতুর্দিকে করি দৃষ্টি ।
 দেবের ছল্লভ প্রেমামৃত করে বৃষ্টি ॥
 মাতিল অসংখ্য লোক ধৈর্য্য নাহি বাক্কে ।
 শ্রীকৃষ্ণচৈতন্য বলি চতুর্দিকে কান্দে ॥
 প্রভু যে কহিলা নরোত্তমে স্বপ্নচ্ছলে ।
 তাহা প্রবেশিলা সভে হৈয়া কুতূহলে ॥
 কে বুঝে প্রভুর এই অলৌকিক লীলা ।
 যৈছে প্রকটিল তৈছে অন্তর্দান হৈলা ॥
 প্রভু অন্তর্দান হৈতে হৈল চমৎকার ।
 সে আবেশে অন্তর্দান হৈল সভাকর ॥
 যত্বপি এসব বিজ্ঞ ভুলিলা সকল ।
 করয়ে বিলাপ হৈয়া বিচ্ছেদে বিহ্বল ॥
 হায় হায় কি আশ্চর্য্য দেখিলুঁ এখনি ।
 কোথা গেল গৌর নিত্যানন্দ গুণমণি ॥
 কোথা গেল অদ্বৈত শ্রীবাস গদাধর ।
 কোথা মুরারি হরিদাস বক্রেশ্বর ॥
 কোথা নরহরি গৌরীদাস প্রভুগণ ।
 এঁছে নাম লৈয়া সবে করেন ক্রন্দন ॥
 শ্রীজাহ্নবা ঈশ্বরী ধৈর্য্য নাহি বাক্কে ।
 দেখা দিয়া কোথা গেল ইহা বলি কান্দে ॥

শ্রীঅচ্যুতানন্দ আদি যত প্রিয়গণ ।
 কান্দিয়া কহয়ে একি দেখিলুঁ স্বপন ॥
 শ্রীনিবাস নরোত্তম প্রভু অদর্শনে ।
 অঙ্গ আছাড়িয়া ভূমে পড়ে সেইক্ষণে ॥
 হায় হায় কি হইল বলিয়া কান্দয় ।
 সে ক্রন্দন শুনি দারু পাষণ গলয় ॥
 রামচন্দ্র শ্রীশ্রামানন্দ আদি চারিভিতে ।
 কে ধরে ধৈর্য্য এ সভার ক্রন্দনেতে ॥
 কান্দে লক্ষ লক্ষ লোক লোচনের জলে ।
 নদীর প্রবাহ প্রায় ধারা মহীতলে ॥
 পরিহাস হেতু যে পাষণ্ডীগণ আইলা ।
 ফিরিল সভার মন কান্দি ব্যগ্র হৈলা ॥
 ছাড়িতে পারি কেহ গৌরঙ্গ প্রাঙ্গণ ।
 সে দশা সভার তাহা না হয় বর্ণন ॥
 বিপ্র বাণীনাথ আদি মূর্ছাপন্ন ছিল ।
 কতক্ষণে চেতন পাইয়া স্থির হৈলা ॥
 এঁছে সভে স্থির হৈয়া প্রভু ইচ্ছামতে ।
 দেখি শ্রীনিবাসাচার্য্য লোটায় ভূমেতে ॥
 নরোত্তম রামচন্দ্র শ্রীগোকুলানন্দ ।
 শ্রীদাস শ্রীশ্রামানন্দ গোকুল গোবিন্দ ॥
 শ্রীরসিকানন্দ দেবীদাসাদি সকলে ।
 মূর্ছাপন্ন হই পড়ি আছেন ভূতলে ॥
 সর্ব মহান্তের চেষ্টামতে এ সভার ।
 হইল চেতন ধৈর্য্য নারে ধরিবার ॥
 কতক্ষণে স্থির হৈয়া সধরি ক্রন্দন ।
 করে কত খেদ শ্রীআচার্য্য নরোত্তম ॥

শ্রীজাহ্নবা ঈশ্বরী মধুর মৃদুভাষে ।
 কহয়ে নিৰ্জনে নরোত্তম শ্রীনিবাসে ॥
 শুনিতে এ খেদ বিদরয়ে মোর হিয়া ।
 সম্বরহ খেদ প্রভু আজ্ঞা সঙরিয়া ॥
 ফাগুখেলা আরম্ভের এইত সময় ।
 শুনি স্মৃতি হৈতে হৈলা আনন্দ হৃদয় ॥
 প্রণমিঞা শ্রীজাহ্নবী ঈশ্বরী চরণে ।
 সভাসহ গেলা সৰ্ব মহান্তের স্থানে ॥
 গণসহ আচার্য্য ঠাকুর মহাশয়ে ।
 শ্রীঅচ্যুতানন্দ আদি সতে প্রবোধয়ে ॥
 নিত্যানন্দাঙ্কিত গৌরগণের সঙ্ঘিতে ।
 তোমা সভাকার প্রেমাধীন সৰ্বমতে ॥
 জন্মে জন্মে তোমরা সে প্রভুর কিঙ্কর ।
 সদা তোমাদের তেঁহো নয়ন গোচর ॥
 যে আনন্দ পাইলুঁ তোমা সভার কীর্তনে ।
 জন্মে জন্মে মোর সভার রহে যেন মনে ॥
 ইহা বলি আলিঙ্গন করয়ে সভারে ।
 ভাসে নেত্রজলে ধৈর্য্য ধরিতে না পারে ॥
 শ্রীনিবাস নরোত্তম আদি যত জন ।
 প্রেমাবেশে বন্দিলেন সভার চরণ ॥
 পরস্পর যে আনন্দ হৈল সে সময় ।
 তাহা একমুখে কি কহিতে সাধ্য হয় ॥
 শ্রীনিবাস আচার্য্য ঠাকুর মহাশয় ।
 সকল মহাস্তু প্রতি যত্নে নিবেদয় ॥
 প্রভুর শ্রীঅঙ্গে ফাগু করি সমর্পণ ।
 ফাগুকীড়া করহ লইয়া সৰ্বজন ॥

শুনিতেই সভার হইল হর্ষ হিয়া ।
 হেনকালে শ্রীসন্তোষ আইলা ফাগু লৈয়া ॥
 বিবিধ প্রকার ফাগু সুগন্ধি সুন্দর ।
 পৃথক পৃথক পাত্রে শোভে মনোহর ॥
 আইল যতক ফাগু লেখা নাহি তার ।
 ফাগুময় সৰ্বত্র দেখিতে চমৎকার ॥
 শ্রীঠাকুর মহাশয় রামচন্দ্রে লৈয়া ।
 শ্রীঈশ্বরী আগে ফাগু দিলা সাজাইয়া ॥
 ফাগু লৈয়া শ্রীমন্দিরে গেলেন ঈশ্বরী ।
 প্রভু অঙ্গে ফাগু দিয়া দেখে নেত্র ভরি ॥
 হইয়া অধৈর্য্য পুনঃ আসিয়া নিৰ্জনে ।
 নিবারিতে নারে অশ্রু ধারা ছনয়নে ॥
 এথা শ্রীঅচ্যুত রঘুনন্দন শ্রীনিধি ।
 কাশীনাথ হৃদয় চৈতন্য যত্ন আদি ॥
 সকল মহাস্তু ফাগু লইয়া উল্লাসে ।
 গৌরাঙ্গ অঙ্গেতে দিয়া হাসে প্রেমাবেশে ॥
 কেহ রাধাকান্তে শ্রীবল্লবী কান্তে দিয়া ।
 ব্রজের বিলাস কহে মহাহর্ষ হৈয়া ॥
 কেহ রাধা সহ কৃষ্ণে ফাগু দেই রঙ্গে ।
 কেহ ফাগু দেন ব্রজমোহনের অঙ্গে ॥
 কেহ রাধারমণের অঙ্গে ফাগু দিতে ।
 হইলা অধৈর্য্য চাকু শোভা নিরখিতে ॥
 এইরূপে ফাগু প্রভুগণে সমর্পিয়া ।
 পরস্পর খেলে ফাগু বিহ্বল হইয়া ॥
 কেহ হোলি যাত্রা পণ্ড পড়য়ে উচ্ছায় ।
 কেহ নবদ্বীপ বৃন্দাবন লীলা গায় ॥

কেহ ডঙ্ক বাজাইয়া ফিরে কেহ নাচে ।
 কেহ হস্তে লৈয়া ফাগু ধায় কার পাছে ॥
 আশ্ব বিস্ময়িত সভে হৈয়া মত্ত প্রায় ।
 কেহ কারে ধরি ফাগু দেন সৰ্ব গায় ॥
 লক্ষ লক্ষ লোক ফাগু খেলে চারি পাশ ।
 উড়য়ে উর্দ্ধেতে ফাগু ঝাঁপায়ে আকাশ ॥
 দেবতা মনুষ্যাগণে হৈল এক মেলা ।
 জগতে উপমা নাই ঐছে ফাগু খেলা ॥
 শ্রীনিবাস আচার্য্যাদি মনের উল্লাসে ।
 ফাগুতে ভূষিত হৈয়া ফিরে চারি পাশে ॥
 হইল অদ্ভুত ফাগু খেলা কতক্ষণ ।
 কাহার শক্তি ইহা করিতে বর্ণন ॥
 সকল মহাস্তু স্থির হৈতে সন্ধ্যা হৈল ।
 প্রভুর আরতি দেখি নেত্র জুড়াইল ॥
 কতক্ষণ মত্ত হৈয়া শ্রীনাম কীর্তনে ।
 সভে পুনঃ বসিলেন প্রভুর প্রাঙ্গণে ॥
 প্রভু জন্মতিথি অভিষেকাদি বিধান ।
 করিলেন আচার্য্য হইয়া সাবধান ॥
 সকল মহাস্তু অতি আনন্দ অন্তরে ।
 গৌরাস্তের জন্ম-গীত গায় মুহূৰ্ত্তরে ॥
 বাজে ঝাঁজ মুদঙ্গ পরম রসায়ন ।
 কেহ কেহ করে নৃত্য ভুবন-মোহন ॥
 গীত নৃত্য বাস্তব উপমা নাহি দিতে ।
 যে আনন্দ হৈল তাহা কে পারে বর্ণিতে ॥
 ঐছে প্রেমাবেশে সভে রাত্রি গোড়াইলা ।
 রজনী প্রভাতে সভে প্রাতঃক্রিয়া কৈলা ॥

এথা শ্রীজাহ্নবী দেবী অতি উষাকালে ।
 প্রাতঃক্রিয়া সারি স্নান কৈলা উষ্মজলে ॥
 করিয়া আঙ্গিক ক্রিয়া মনের উল্লাসে ।
 গেলেন রন্ধন ঘরে লৈয়া শ্রীনিবাসে ॥
 রন্ধন সামগ্রী সব প্রস্তুত দেখিয়া ।
 আচার্য্যের প্রতি কহে ঈষৎ হাসিয়া ॥
 কহিব তোমারে নানা দ্রব্য আনাইতে ।
 এ হেতু তোমারে লৈয়া আইলুঁ এখাতে ॥
 এত শীঘ্র এথা সব প্রস্তুত করিলা ।
 করিব রন্ধন ঐছে কি রূপে জানিলা ॥
 এত কহি পাদপীঠে বসিয়া ঈশ্বরী ।
 করয়ে রন্ধন সৰ্বমতে যত্ন করি ॥
 পরিচারকের চাকু চাতুর্যা দেখিয়া ।
 প্রশংসয়ে সভারে পরম হর্ষ হৈয়া ॥
 ঈশ্বরীর পাকক্রিয়া অলৌকিক হয় ।
 লিখিতে নাহয়ে কেহ কৈছে সমাধয় ॥
 বিবিধ ব্যঞ্জন অন্ন শীঘ্র পাক কৈলা ।
 অপূৰ্ব খালিতে অন্ন যত্নে নামাইলা ॥
 নানা ব্যঞ্জনাদি বহু পাত্রে পূর্ণ করি ।
 ভোগ লাগাইতে ত্বর হইলা ঈশ্বরী ॥
 পৃথক পৃথক ভোগ শোভা নিরখিয়া ।
 প্রভুরে অর্পণ ভোগ মহাহর্ষ হৈয়া ॥
 গৌরঙ্গ বল্লবীকান্ত শ্রীরাধামোহন ।
 রাধাকান্ত রাধাকৃষ্ণ শ্রীব্রজমোহন ॥
 বিবিধ কৌতুকে সভে ভূঞ্জে হর্ষ হৈয়া ।
 অপূৰ্ব সুস্বাদু সব দ্রব্য প্রশংসিয়া ॥

শ্রীজাহ্নবা ঈশ্বরী সে কোতুক দেখিতে ।
 হইলা বিহ্বল প্রেমে নারে স্থির হৈতে ॥
 লোকরীত প্রায় শীঘ্র আবরণ করি ।
 মন্দির হইতে বাহির হইলা ঈশ্বরী ॥
 ভোজন কোতুক এথা সমাধান হৈতে ।
 লোকরীত প্রায় গেলা ভোগ সরাইতে ॥
 আচমন দিয়া কৈল তাশুল অর্পণ ।
 হৈল যে কোতুক তাহা না হয় বর্ণন ॥
 এথা সর্ব মহাস্তু মনাদি ক্রিয়া কৈলা ।
 প্রসাদি সামগ্রী লৈয়া আচার্য্য আইলা ॥
 মিষ্টান্ন পকান্ন আদি অতি রসায়ন ।
 পরম আনন্দে ভুঞ্জিলেন সর্বজন ॥
 আচার্য্য ঠাকুর সর্বত্রই নিবেদিল ।
 রাজভোগ আরতির সময় হইল ॥
 শুনি সভে চলিলেন প্রভুর প্রাঙ্গণে ।
 হইল পরমামন্দ আরতি দর্শনে ॥
 পূজারী আরতি করি আনন্দ অন্তরে ।
 দিলেন প্রসাদি মালা তুলসী সভারে ॥
 অপূর্ব পুষ্পের মালা সভার গলায় ।
 দেখিয়া সকল লোক নয়ন জুড়ায় ॥
 এথা চাকু শয্যা সজ্জ করি স্থানে স্থানে ।
 পূজারী শয়ন করাইলা প্রভুগণে ॥
 অপূর্ব বসন যত্নে ওড়াইয়া গায় ।
 চাপিয়া চরণ চাকু চামর তুলায় ॥
 ঐছে সেবা করি শীঘ্র বাহিরে আসিয়া ।
 প্রশমিলা ভূমিতে কপাট ধারে দিয়া ॥

করিয়া প্রার্থনা কত চলিলা পূজারী ।
 সেবা পরিপাটি যৈছে বর্ণিতে না পারি ॥
 এথা শ্রীনিবাসাচার্য্য কহে সর্বজনে ।
 করিব ভোজন এই প্রভুর প্রাঙ্গণে ॥
 শ্রীনিবাস অঙ্গনের ধূলি নিবারিলা ।
 মণ্ডলী বন্ধনে সর্ব মহাস্তু বসিলা ॥
 কদলীর পত্র সভে কহে আনাইতে ।
 আইল অপূর্ব পত্র সভার ইচ্ছাতে ॥
 কেহ পরিবেশে পত্র অতি যত্ন করি ।
 কেহ সুবাসিত জল দেন পাত্র ভরি ॥
 কেহ স্নাত দধি ছুঙ্ক পাত্র লৈয়া আইসে ।
 কেহ পত্র খণ্ডে লবণ পরিবেশে ॥
 শ্রীজাহ্নবা ঈশ্বরী সে মণ্ডলী দেখিতে ।
 যে হইল মনে তাহা কে পারে কহিতে ॥
 শীঘ্র অন্ন ব্যঞ্জনাদি দেন ধরে ধরে ।
 অন্ন-ব্যঞ্জনাদি সৌগন্ধিতে চিত্ত হরে ॥
 শাকাদি ব্যঞ্জন ভাজা লেখা নাই তার ।
 সুপ অম্বলাদি ক্ষীর অনেক প্রকার ॥
 করয়ে ভোজন সভে উল্লাস হিয়ায় ।
 সে শোভা দেখিতে প্রাণ নয়ন জুড়ায় ॥
 ভুঞ্জিয়া আনন্দ সভে করি আচমন ।
 পরস্পর কহে হৈল অত্যন্ত ভোজন ॥
 অচ্যুতানন্দ আদি কহে ধীরি ধীরি ।
 কিরূপে ভুঞ্জিলুঁ এত বুঝিতে না পারি ॥
 শ্রীপতি শ্রীনিধি বাণীনাথ আদি কয় ।
 ঈশ্বরী প্রভাবে এত ভুঞ্জিলুঁ নিশ্চয় ॥

শ্রীরঘুনন্দন আদি কহে বারবার ।
 যে স্থখে ভুঞ্জিলা এছোনা, হইবে আর ॥
 এত কহিতেই সভে ভাসে নেত্রজলে ।
 অনেক যত্নেতে ধৈর্য্য করিলা সকলে ॥
 আচার্য্য ঠাকুর শ্রীঠাকুর মহাশয় ।
 ঈশ্বরী নিকটে গিয়া যত্নে নিবেদয় ॥
 হৈল বহু শ্রম এবে বসিয়া নির্জনে ।
 ভুঞ্জন প্রসাদ এই মো সভার মনে ॥
 ঈশ্বরী কহেন মোর বড় সাধ আছে ।
 তোমা সভা ভুঞ্জাই ভুঞ্জিব তব পাছে ॥
 সকলে লইয়া শীঘ্র প্রাঙ্গণে বৈসহ ।
 আঁমার শপথ ইথে যদি কিছু কহ ॥
 শুনিয়া আচার্য্য শীঘ্র লৈল সর্বজনে ।
 মণ্ডলীবন্ধনে বৈসে প্রভুর প্রাঙ্গণে ॥
 পূর্বমত পত্রাদি দেখিয়া হর্ষচিত্তে ।
 ঈশ্বরী করেন পরিবেশন ক্রমেতে ॥
 ভুঞ্জায়েন সভারে পরম স্নেহ করি ।
 ভুঞ্জে সভে স্থখে প্রভু চরিত্র সঙরি ॥
 পাইয়া পরম স্বাদু মনের উল্লাসে ।
 কেহ কার প্রতি কহে স্তম্ভুর ভাষে ॥
 দেবের ছল্লভ এই শ্রীহস্তের পাক ।
 জনমিয়া কতু না খাইলুঁ এছে শাক ॥
 এছে নানা ব্যঞ্জন ভুঞ্জয়ে প্রসংশিয়া ।
 আপনা মানয়ে ধন্য মহাহর্ষ হৈয়া ॥
 এথা রঘুনন্দনাদি বিহ্বল স্নেহেতে ।
 দেখিয়া ভোজন শোভা গেলেন বাসাতে ॥

ভোজন সমাধি উঠিলেন শ্রীনিবাস ।
 নরোত্তম রামচন্দ্র গোবিন্দ উদাস ॥
 রামকৃষ্ণ কুমুদ গোকুলানন্দ ব্যাস ।
 শ্রামানন্দ শ্রীকৃষ্ণ বল্লভ দেবীদাস ॥
 ভগবান নৃসিংহ গোকুল কর্ণপুর ।
 কিশোর রসিকানন্দ গৌরাঙ্গ ঠাকুর ॥
 শ্রীগোপীরমণ আদি করি আচমন ।
 প্রসাদি তাহুল সভে করিলা ভক্ষণ ॥
 শ্রীঈশ্বরী সমীপে আচার্য্য শীঘ্র গিয়া ।
 নির্জনে ভোজন স্থান কৈল যত্ন পাঞা ॥
 শ্রীজাহ্নবা ঈশ্বরী পরমানন্দ মনে ।
 লইয়া সকল দ্রব্য বসিলা ভোজনে ॥
 শ্রীআচার্য্য ঠাকুর শ্রীশ্রামানন্দে লৈয়া ।
 ভুঞ্জায়েন অনেক লোকেরে যত্ন পাঞা ॥
 পূজারী শ্রীবলরাম আদি কত জন ।
 সর্বশেষে এ সভার হইল ভোজন ॥
 শ্রীজাহ্নবা ঈশ্বরী ভোজন সমাধিয়া ।
 কৈলা উষ্ণজলে স্নান নিভূতে আসিয়া ॥
 ঈশ্বরীর পরিচারিকা যে বিপ্র নারী ।
 স্তম্ভ বসনেতে অঙ্গ পোছে ধীরি ধীরি ॥
 প্রভু বিচ্ছেদাগিতেই দগ্ধ নিরন্তর ।
 তাহে অতি ক্ষীণ সে হেনাজ কলেবর ॥
 এছে অঙ্গ পোছাইলা অতি সাবধানে ।
 পরিধেয় বস্ত্র আনি দিলা অন্ত জনে ॥
 শুকধৌত বস্ত্র পরি আসনে বসিয়া ।
 হরীতকী খণ্ড খাই মুখ প্রক্ষালিয়া ॥

নরোত্তম প্রতি কহে স্নেহ বচন ।
 এতদিনে হইল আজি সম্পূর্ণ ভোজন ॥
 নরোত্তম নিত্যানন্দ চৈতন্য সঙরি ।
 দুই নেত্রে ধারা বহে রহে মৌন ধরি ॥
 শ্রীজাহ্নবা ঈশ্বরী সে প্রেমের আবেশে ।
 নরোত্তম স্থির কৈলা সুমধুর ভাষে ।
 শ্রীনিবাসা আচার্য্য শ্রীশ্রামানন্দে লৈয়া ।
 শ্রীঈশ্বরী পাশে আইলা উল্লসিত হৈয়া ॥
 শ্রীজাহ্নবা ঈশ্বরী পরমানন্দ মনে ।
 আচার্য্যের প্রতি কহে মধুর বচনে ॥
 বৃন্দাবন যাইতে বিলম্ব ভাল নয় ।
 কালি প্রাতে যাত্রা কর এই মনে হয় ॥
 আচার্য্য কহেন কিছু না পারি করিতে ।
 অন্তর বিদীর্ণ হয় একথা শুনিতে ॥
 যে ইচ্ছা হৈল তাহা অন্তথা না হয় ।
 বৃন্দাবন যাইতেই হইবে নিশ্চয় ॥
 গমনোপযুক্ত এথা সব সমাধিয়া ।
 এতশুনি রহিলেন ঈষৎ হাসিয়া ॥
 আচার্য্য কহেন পুনঃ করিয়া বিনয় ।
 কিছুকাল শয়ন করিলে ভাল হয় ॥
 শুনি সেই আসনেতে অঙ্গ গড়াইলা ।
 এথা তিনজনে শীঘ্র অন্তত্র আইলা ॥
 কতক্ষণ বিশ্রাম করিয়া তিন জনে ।
 চলিলেন শ্রীঅচ্যুতানন্দের ভবনে ॥
 সকল মহান্ত বসি আছেন তথাতে ।
 হইয়া বিহ্বল কৃষ্ণকথা আলাপেতে ॥

এ তিনের গমনে অধিক সুখ হৈল ।
 সে সব প্রসঙ্গ এথা বর্ণিতে নারিল ॥
 কতক্ষণ পরে সভে কহে আচার্য্যেরে ।
 বিদায় মাগিতে প্রাণ না জানি কি করে
 সকল জানহ তুমি কহিব কি আর ।
 কালি প্রাতে গমনের ইচ্ছা সভাকার ॥
 আচার্য্য কহেন ইচ্ছা হইয়াছে যাহা ।
 কাহার শক্তি অন্তমত করে তাহা ॥
 মো সভার মনে কালি অত্যন্ত সকাল ।
 নিজ নিজ বাসায় রক্ষন হৈল ভাল ॥
 স্বানাস্থিক ক্রিয়া শীঘ্র করি সমাধান ।
 ভুক্তিবেন আনন্দে দেখি ভাগ্যবান ॥
 আচার্য্যের কথা শুনি কোতুক সভার ।
 হাসিয়া কহেন সবে যে ইচ্ছা তোমার ॥
 ইচ্ছা কহি তথাই রহিয়া কতক্ষণ ।
 নিজ নিজ বাসা সভে করিলা গমন ॥
 আচার্য্য ঠাকুর শ্রীঠাকুর মহাশয় ।
 শ্রামানন্দ সহ আইলা প্রভুর আলয় ॥
 শ্রীসন্তোষ রায় আদি আইলেন তথা ।
 তাঁ সভারে আচার্য্য কহিল সর্বকথা ॥
 এ সব প্রসঙ্গ শুনি যাহার উল্লাস ।
 অবশ্য তাহার পূর্ণ হর অভিলাষ ॥
 নিরন্তর এসব শুনহ যত্ন করি ।
 নরোত্তম-বিলাস কহয়ে নরহরি ॥

ইতি শ্রীনরোত্তম-বিলাসে সপ্তমোবিলাসঃ ।

অষ্টম বিলাস ।

জয় গৌর নিত্যানন্দাষ্টৈতগণ সহ ।
 এ দীন দুঃখীরে প্রভু কর অঙ্গগ্রহ ॥
 জয় জয় কৃপার সমুদ্র :শ্রোতাগণ ।
 এবে যে कहিয়ে তাহা করহ শ্রবণ ॥
 শ্রীগৌরচন্দ্রের সন্ধ্যা আরতি সময়ে ।
 সকল মহান্ত আইলা গৌরাঙ্গ আলয়ে ॥
 আরতি দেখিয়া সবে মহাহৃষ্ট হৈলা ।
 পূজারি তুলসী পত্র মালা সতে দিলা ॥
 সতে আরস্তিলা কৃষ্ণনাম সংকীৰ্ত্তন ।
 যাহার শ্রবণে তৃপ্ত হয় কর্ণ মন ॥
 শ্রাম সংকীৰ্ত্তন সমাধিয়া কতক্ষণে ।
 পরম আনন্দে বাসা গেলা সৰ্ব্বজনে ॥
 এথা নানা সামগ্রী প্রভুরে ভোগ দিয়া ।
 ভোগ সরাইলেন পূজারি হর্ষ হৈয়া ॥
 সামগ্রী লইতে বহুজন সঙ্গে লৈয়া ।
 চলিলা আচার্য্য ঈশ্বরীর বাসা হৈয়া ॥
 সৰ্ব্বত্রই পৃথক পৃথক করি দিলা ।
 দেখি সে সামগ্রী সৌগন্ধিতে হর্ষ হৈলা ॥
 সুখা মাত্র নাহি তথাপিহ প্রসংশিয়া ।
 ভক্ষণ করিতে প্রেমে উমড়য়ে হিয়া ॥
 প্রসাদ পাইয়া সতে সুস্থির হইতে ।
 নিবেদয়ে আচার্য্য সৰ্ব্বত্র যত্ন মতে ॥

এই যে সন্তোষ রায় ভৃত্য সবাচার ।
 করিবেন পূর্ণ অভিলাষ যে ঐহ্যার ॥
 শুনি সতে कहয়ে করিয়া কত স্নেহ ।
 অভিলাষ পূর্ণ হইবে ইথে কি সন্দেহ ॥
 মহাহৃষ্ট হৈয়া শ্রীআচার্য্য মহাশয় ।
 গণসহ আইলা শীঘ্র প্রভুর আলয় ॥
 পূজারি প্রভুর সব সেবা সমাধিয়া ।
 সভারে তুলসী মালা দিলা হর্ষ হৈয়া ॥
 শ্রীআচার্য্য মহাশয় শ্রামানন্দ তিনে ।
 ভূঞ্জিলা প্রসাদ কিছু লৈয়া সৰ্ব্বজনে ॥
 শ্রীআচার্য্য পূর্বে যারে যথা নিয়োজিলা ।
 তা সভারে সৰ্ব্বমতে সাবধান কৈলা ॥
 সৰ্ব্বসমাধিতে রাত্রি অনেক হইল ।
 সতে নিজ নিজ স্থানে শয়ন করিল ॥
 রজনী প্রভাতকালে প্রাতঃক্রিয়া সারি ।
 করিলেক স্নানাদিক সতে শীঘ্র করি ॥
 এথা মহাস্তের যত পাক কর্তাদিক ।
 প্রথমেই স্নান করি করিলা আঙ্কিক ॥
 শ্রীতুলসী পরিক্রমা প্রণামাদি কৈলা ।
 রন্ধনশালেতে সতে সুসজ্জ হইলা ॥
 রামচন্দ্র কবিরাজ আদি গেলা তথা ।
 নিজ নিজ ভাণ্ডারে নিযুক্ত যথা যথা ॥

সর্বত্রই ভাণ্ডারের পরিচারকেরে ।
 পাকের সামগ্রী সব দিলা তাঁ সভারে ॥
 যথা যে নিযুক্ত সে সকল দ্রব্য লৈয়া ।
 মহাস্তম্ভের বাসা গেলা হৃষ্ট হৈয়া ॥
 যে যে মহাস্তম্ভের যে যে পাক কর্তীগণ ।
 সভাকারে সকল করিলা সমর্পণ ॥
 দেখি নানা সামগ্রী সকলে হৃষ্ট হৈলা ।
 রন্ধনের পরিচারকেরে সমর্পিলা ॥
 সে সভে করিলা সজ্জা শাকাদি ব্যঞ্জন ।
 পাককর্তা শীঘ্র গেলা করিতে রন্ধন ॥
 রামচন্দ্র কবিরাজ আদি স্থানে স্থানে ।
 রহিলেন নিযুক্ত অত্যন্ত সাবধানে ॥
 এথা শ্রীসন্তোষ রায় কৈলা আয়োজন ।
 তাহুলাদি সহ বাটা অতি বিলক্ষণ ॥
 খাল বাটা ঝারি আদি অপূর্ব গঠন ।
 স্বর্ণ রৌপ্য মুদ্রা পটু বস্ত্রাদি আসন ॥
 এ সকল প্রত্যেক দিবেন মহাস্তম্ভেরে ।
 এই হেতু পৃথক পৃথক সজ্জা করে ॥
 শ্রীসন্তোষ রায় শ্রীঈশ্বরী পাশ গিয়া ।
 কহিলা সংবাদ আইলা অমুমতি লৈয়া ॥
 সকল মহাস্তম্ভ সুখে যথা স্নান কৈলা ।
 এ সব লইয়া শ্রীসন্তোষ তথা গেলা ॥
 সর্ব মহাস্তম্ভেরে করিতেই সমর্পণ ।
 স্নেহাবেশে পটুবস্ত্র পরে সেইক্ষণ ॥
 শ্রীসন্তোষে তুষিলেন মধুর বচনে ।
 আনন্দ করিতে বসিলেন সে আসনে ॥

মহাস্তম্ভের সঙ্গে যত লোক ছিল ।
 প্রত্যেকে অপূর্ব বস্ত্র মুদ্রাদিক দিলা ॥
 সন্তোষের হৈল মহা আনন্দ হৃদয় ।
 আইলেন যথা শ্রীআচার্য্য মহাশয় ॥
 নিবেদি যেই সভে অমুগ্রহ কৈলা ॥
 শ্রীআচার্য্য মহাশয় শুনি হর্ষ হৈলা ॥
 প্রভুর পূজারী কহে ভোগ সরাইলু ।
 পৃথক পৃথক করি সব সাজাইলু ॥
 শুনি শ্রীআচার্য্য চলিলেন হর্ষ হৈয়া ।
 নবনীত ছেনা নানা মিষ্টান্নাদি লৈয়া ॥
 শ্রীঈশ্বরী পাশে গিয়া গেলা সর্ব ঠাঞি ।
 ভুঞ্জিলা প্রসাদ সভে মহাসুখ পাই ॥
 তথা সব মহাস্তম্ভের পাক কর্তীগণ ।
 দিলেন প্রভুরে ভোগ করিয়া রন্ধন ॥
 কতক্ষণ পরে সভে ভোগ সরাইলা ।
 ভোজন নিমিত্তে শ্রীমহাস্তম্ভে নিবেদিলা ॥
 নিজ নিজ বাসায় সকল বিজ্ঞগণ ।
 মণ্ডলীবন্ধনে বৈসে করিতে ভোজন ॥
 কেহ নব্য ঝারি ভরি বারি সুবাসিত ।
 দিলেন আনিয়া শীঘ্র হৈয়া উল্লসিত ॥
 করিয়া রন্ধন যেহ তেঁহ হর্ষ হৈয়া ।
 নব্য খালে দিলা অন্নাদিক সাজাইয়া ॥
 নব্য বাটি ভরি ছপ্তাদিক যত্নে দিলা ।
 মহাসুখে সকলে ভোজন আরম্ভিলা ॥
 ঐছে ভোজনের পরিপাটী সব স্থানে ।
 শ্রীআচার্য্য আদি মহাহর্ষ সে দর্শনে ॥

শ্রীজাহ্নবা ঈশ্বরীর ভবন অগ্নে ।
 নাম মাত্র কহি যে যে বসিলা ভোজনে ॥
 কৃষ্ণদাস সরখেল মাধব আচার্য্য ।
 রঘুপতি উপাধ্যায় কৃষ্ণভক্ত বর্ষা ॥
 শ্রীমীনকেতন রামদাস মহীধর ।
 মুরারি চৈতন্য জ্ঞানদাস মনোহর ॥
 কমলাকর পিপলাই নৃসিংহ চৈতন্য ।
 শ্রীজীব পণ্ডিত যে পতিতে কৈলা ধন্য ॥
 শ্রীগোরাঙ্গ দাস বৃন্দাবন শ্রীশঙ্কর ।
 কানাঞি নকড়ি কৃষ্ণদাস বিজবর ॥
 পরমেশ্বর দাস বলরাম দামোদর ।
 মুকুন্দাদি এ সভার শোভা মনোহর ॥
 শ্রীঅচ্যুতানন্দ যথা বসিলা ভোজনে ।
 নামমাত্র কহি যে বসিলা তাঁর সনে ॥
 শ্রীঅচ্যুতানন্দের অনুজ শ্রীগোপাল ।
 প্রেমভক্তিময় য়েঁহো পরম দয়াল ॥
 শ্রীকানু পণ্ডিত বিষ্ণুদাস নারায়ণ ।
 বনমালী দাস শ্রীঅনন্ত জনার্দন ॥
 শ্রীমাধব লোকনাথ ভাগবতাচার্য্য ।
 এ সভার শোভা দেখি কেবা ধরে ধৈর্য্য ॥
 রঘুনাথচার্য্য নিজ সঙ্গীগণ সনে ।
 করয়ে ভোজন মহা আনন্দিত মনে ॥
 শ্রীবংশীবদন পুত্র শ্রীচৈতন্য দাস ।
 দ্বিজগণ লৈয়া ভুঞ্জে হইয়া উল্লাস ॥
 কিবা সে অপূর্ব বাসা বালমল করে ।
 সে মগুলা শোভা দেখি কেবা ধৈর্য্য ধরে ॥

শ্রীহৃদয় চৈতন্য লইয়া সর্বজন ।
 আপন বাসায় রঞ্জে করেন ভোজন ॥
 কিবা সে মগুলা চাকু অগ্নি ঘেরিয়া ।
 জুড়ায় নয়ন প্রাণ সে শোভা হেরিয়া ॥
 শ্রীপতি শ্রীনিধি কৃষ্ণদাস শ্রীসঙ্কয় ।
 কাশীনাথ মুকুন্দ পরমানন্দময় ॥
 শেখর পণ্ডিত কৃষ্ণদাস বৈদ্য আর ।
 শুভানন্দ শ্রীগোপাল আচার্য্য উদার ॥
 কবিচন্দ্র কীর্ত্তনিয়া ষষ্ঠাবর আদি ।
 ভুঞ্জে এক বাসায় সে শোভার অবধি ॥
 আকাই হাটের কৃষ্ণদাস সঙ্গীসহ ।
 ভুঞ্জে নিজ বাসায় সে আনন্দ বিগ্রহ ।
 বাণীনাথ শিবানন্দ বল্লভ চৈতন্য ।
 নর্তক গোপাল যার নৃত্যে মহী ধন্য ॥
 ভাগবতাচার্য্য জিতামিশ্র রঘু আর ।
 শ্রীউদ্ধব কাশীনাথ পণ্ডিত উদার ॥
 শ্রীনয়ন মিশ্র শ্রীমঙ্গল এক ঠাঞি ।
 এ সভে ভুঞ্জয়ে সে শোভার সীমা নাই ॥
 শ্রীরঘুনন্দন স্থলোচন আদি নঞ্জে ।
 ভুঞ্জে নিজ বাসায় পরম প্রেমরঞ্জে ॥
 সে মগুলা দেখিতে দেবের সাধ হয় ।
 কি দিব উপমা অতি অদ্ভুত শোভয় ॥
 গণসহ শ্রীযত্ননন্দন চক্রবর্তী ।
 ভুঞ্জে নিজ বাসায় সে আনন্দের মূর্ত্তি ॥
 গণসহ আচার্য্য ঠাকুর মহাশয় ।
 দেখিতে ভোজন রঙ্গ সর্বত্র ভ্রময় ॥

আপনা মানিয়া ধন্য কহে বারবার ।
 এ হেন দর্শন কি হইবে পুনঃ আর ॥
 এথা সর্ব মহাস্ত ভোজন রঙ্গ সমাধিলা ।
 করি আচমন আদি আসনে বসিলা ॥
 প্রসাদি তাষুল নব্য বাটাতে হৈতে ।
 করিলা ভক্ষণ সবে উল্লাসিত চিতে ॥
 সর্বত্র ভুঞ্জিতে পাছে ছিলা যত জন ।
 ক্রমে ক্রমে তা সভার হইল ভোজন ॥
 রামচন্দ্র শ্যামানন্দ আদি যে যথায় ।
 ভুঞ্জিলেন সবে সর্ব মহাস্ত আজ্ঞায় ॥
 আর বত বৈষ্ণব মণ্ডলী ঠাঞি ঠাঞি ।
 তথা যে ভুঞ্জিলা লোক তার অন্ত নাই ॥
 এথা প্রভু প্রসাদার ভুবন-পাবন ।
 পরিবেশে পুজারী ভুঞ্জয়ে সর্ব জন ॥
 উল্লাসে অসংখ্য লোক ভোজন করিয়া ।
 জয় জয় ধ্বনি করে মহামত্ত হৈয়া ॥
 চণ্ডালাদি পাইলেন পরম সম্মান ।
 সর্বমতে সর্বত্রে হৈল সমাধান ॥
 আচার্য ঠাকুর মহাশয় হুইজনে ।
 সর্বশেষে ভুঞ্জিলা পরমানন্দ মনে ॥
 হৈল মহা-মহোৎসব প্রতি ঘরে ঘরে ।
 সহস্র বদন হৈলে নারি বর্ণিবারে ॥
 এ হেন আনন্দ যে দেখিলা নেত্র ভরি ।
 জন্মে জন্মে তাঁহার বালাই লৈয়া মরি ॥
 স্থানে স্থানে লোক সব মনের উল্লাসে ।
 কেহ কার প্রতি কহে প্রেমের আবেশে ॥

ওহে ভাই যে দেখি এ মহামহোৎসব ।
 দেবের দুর্লভ একি মনুষ্যে সম্ভব ॥
 কেহ কহে মনুষ্য কহয়ে কোনজন ।
 দেবতার পূজ্য এই চৈতন্তের গণ ॥
 কে কহে কি আর কহিব ওহে ভাই ।
 শ্রীচৈতন্তগণের অসাধ্য কিছু নাই ॥
 কেহ কহে ওহে ভাই দেখিলুঁ সাক্ষাতে ।
 মাতাইলা পাষণ্ডীরে কৃষ্ণের কথাতে ॥
 কেহ কহে ওহে সেই পাষণ্ডী সকল ।
 বৈষ্ণব উচ্ছিষ্ট খায় হইয়া বিহ্বল ॥
 কেহ কহে পাষণ্ডী কহয়ে ঠাঞি ঠাঞি ।
 অনুগ্রহ কর মোরে বৈষ্ণব গোসাঞি ॥
 কেহ কহে পাষণ্ডী সে ধূলায় লোটায়ে ।
 উচ্চৈঃস্বরে কান্দি ফিরে গোরা-গুণ গায় ॥
 কেহ কহে পাষণ্ডীর হৈল পরিত্রাণ ।
 এ সভার সম কেহ নাহি ভাগ্যবান্ ॥
 কেহ কহে যে পাষণ্ডী না আইল এথা ।
 তা সভার কি হইবে ইথে পাই ব্যথা ॥
 কেহ কহে পাষণ্ডী না রহিবেক আর ।
 নরোত্তম কৃপালেশে হইবে উদ্ধার ॥
 কেহ কহে ওহে ভাই তখনি কহিল ।
 নরোত্তম হৈতে এই দেশ ধন্য হৈল ॥
 জয় জয় নরোত্তম অদ্ভুত বৈভব ।
 যে কৃপায় দেখিলুঁ এ মহামহোৎসব ॥
 ঐছে কত কহে লোক উল্লাস হৃদয়ে ।
 তাহা না বর্ণিয়ে গ্রন্থ বাহুল্যের ভয়ে ॥

এথা শ্রীনিবাসাচার্য্য নির্জনে আনয়ে ।
 কণ্ঠে বিপ্রাম করি কহে মহাশয়ে ॥
 চলিবেন কালি সভে রজনী বিহান ।
 পদ্মাবতী পার হৈয়া করিবেন স্নান ॥
 প্রসাদ পক্কান্ন সঙ্গে গেলে ভাল হয় ।
 পদ্মাবতী তীরে যেন সকলে ভুঞ্জয় ॥
 শ্রীঠাকুর মহাশয় শুনিয়া ছরিতে ।
 করাইলা বিবিধ পক্কান্ন যত্ন মতে ॥
 প্রভুকে সমর্পি তাহা পৃথক করিয়া ।
 সঙ্গে যে দিবেন তা রাখিল সাজাইয়া ॥
 শ্রীআচার্য্য পাশে আসি সব নিবেদিল ।
 এ কার্য্য সাধিতে সন্ধ্যা সময় হইল ॥
 এথা সর্ব মহাস্তুর মন নহে স্থির ।
 নিজ নিজ বাসা হৈতে হইলা বাহির ॥
 প্রভুর আরতি পূর্বে উৎকণ্ঠিত হৈয়া ।
 দাড়াইলা সভে প্রভু প্রাক্ষণে আসিয়া ॥
 পূজার তুলসী পুষ্প মালা সভে দিয়া ।
 প্রভুর আরতি করে উল্লাসিত হৈয়া ॥
 আরতি দর্শন করি সকল মহাস্তু ।
 করে নাম কীর্তন সুখের নাহি অন্ত ॥
 শুনিতে দ্রবয়ে দারু পাষণ হৃদয় ।
 অমৃতের নদী যেন চতুর্দিকে বয় ॥
 সকল মহাস্তু প্রেম সমুদ্রে সাঁতারে ।
 ধূলায় লোটায় ধৈর্য্য ধরিতে না পারে ॥
 একে সে সভার অঙ্গ অতি মনোহর ।
 তাহাতে হইল চাক ধূলায় ধুসর ॥

যে দেখে সে শোভা তার তাপ যায় দূরে ।
 প্রেমভক্তি অনুগ্রহ করে তাঁ সভারে ॥
 ঐছে প্রহরেক করি নাম সংকীর্তন ।
 শয়ন আরতি দেখিলেন সর্বজন ॥
 পুনঃ মালা তুলসী পূজারী আনি দিলা ।
 বিদায় হইয়া সভে বাসায় চলিলা ॥
 আচার্য্য অধৈর্য্য বাছে ধৈর্য্য প্রকাশিয়া ।
 নরোত্তমে কৈলা স্থির যত্নে প্রবোধিয়া ॥
 প্রসাদি পক্কান্ন সব লৈয়া ধরে ধরে ।
 অতি শীঘ্র গেলেন সভার বাসা ঘরে ॥
 সকল মহাস্তু প্রতি কহে বারবার ।
 কালি এ খেতরি গ্রাম হৈবে অক্ষকার ।
 পদ্মাবতী পার হৈয়া পদ্মাবতী তীরে ।
 করিবেন স্নান সভে প্রসন্ন অন্তরে ॥
 তথা ভুঞ্জিবেন এই প্রসাদি পক্কান্ন ।
 বৃধরি গ্রামেতে গিয়া হইবে মধ্যাহ্ন ॥
 আগে যাইবেন গোবিন্দাদি কথোজন ।
 সেই সঙ্গে পাককর্ত্তা করিবে গমন ॥
 রামচন্দ্রাদি এ সঙ্গে যাইবেন তথা ।
 বৃধরি হইতে তাঁরা আসিবেন এথা ॥
 তবে শ্রীঈশ্বরী যাইবেন বৃন্দাশন ।
 ঐছে কত কহি পুনঃ করে নিবেদন ॥
 এই মহাপ্রসাদ ভুঞ্জহ এইক্ষণে ।
 এ তোমা সভার ভৃত্য দেখুক নয়নে ॥
 শ্রীনিবাস আগে সভে প্রসাদ ভুঞ্জয় ।
 হইবে বিচ্ছেদ এতে ব্যাকুল হৃদয় ॥

শ্রীমহাপ্রসাদ সেবা কৈলা সর্বজন ।
 এ সভে করিলা নিজ বাঞ্ছিত পূরণ ॥
 সকল মহাস্ত অতি অধৈর্য্য হইয়া ।
 রহিলেন মৌন অবলম্বন করিয়া ॥
 আচার্য্য ঠাকুর গিয়া ঈশ্বরীর পাশে ।
 সকল বৃত্তান্ত কহিলেন যত্নভাষে ॥
 শ্রীঈশ্বরী আচার্য্যেরে ব্যাকুল দেখিয়া ।
 করিলেন স্থির অতি যত্নে প্রবোধিয়া ॥
 শ্রীজাহ্নবা ঈশ্বরী পরম বাৎসল্যেতে ।
 নিজ ভুক্ত শেষ দিলা আচার্য্যে ভুঞ্জিতে ॥
 ভুঞ্জিয়া আনন্দে কিছু লৈয়া চলিলা ।
 নরোত্তম আদি প্রিয়গণে ভুঞ্জাইলা ॥
 শ্রীজাহ্নবা ঈশ্বরীর প্রসাদ ভক্ষণে ।
 না জানয়ে কত বা আনন্দ হৈল মনে ॥
 আচার্য্য ঠাকুর সন্তোষের প্রতি কয় ।
 নৌকার সঙ্গতি যেন অতি শীঘ্র হয় ॥
 সন্তোষ কহয়ে পূর্বে পাঠাইলুঁ দূত ।
 পদ্মাবতী তীরে নৌকা হইল প্রস্তুত ॥
 শুনি শ্রীআচার্য্য হর্ষ হৈয়া বাসা গেলা ।
 নিজ নিজ স্থানে সভে বিশ্রাম করিলা ॥
 হইতে কিঞ্চিৎ নিদ্রা রাত্রি শেষ হৈলা ।
 গাত্রোত্থান করি সভে প্রাতঃপ্রিয়া কৈলা ॥
 শ্রীমঙ্গল আরাত্রিক করিয়া দর্শন ।
 একত্র হইল সর্ব পাককর্ত্তীগণ ॥
 শ্রীগোবিন্দ কবিরাজ আদি কথোজন ।
 তাঁ সভারে লৈয়া শীঘ্র করিলা গমন ॥

পদ্মাবতী পার হইলেন শীঘ্র করি ।
 করিলা স্নানাদি ক্রিয়া যাইয়া বৃষ্ণি ॥
 এথাতে মহাস্তগণ রজনী প্রভাস্তে ।
 ঈশ্বরীর বাসা গেলা বিদায় হইতে ॥
 শ্রীঅচ্যুতানন্দ কহে করিয়া ক্রন্দন ।
 পুনঃ না দেখিব ঐছে লয় মোর মন ॥
 শ্রীগোপাল আদি যত ব্যাকুল হইয়া ।
 কহিলেন যত তা শুনিলে দ্রবে হিয়া ॥
 শ্রীপতি শ্রীনিধি আদি কিছু নিবেদিতে ।
 হইলা অধৈর্য্য ধারা বহয়ে নেত্রিতে ॥
 বিপ্র বাণীনাথ আদি যত্নে নিবেদয় ।
 শুনিতো তা দ্রবে দারু পাষণ হৃদয় ॥
 রঘুনাথ আচার্য্যাদি কাতর অন্তরে ।
 যাহা নিবেদিলা তাহা বর্ণিতে কে পারে ॥
 শ্রীহৃদয় চৈতন্য করয়ে নিবেদন ।
 এই কর শীঘ্র যেন দেখি শ্রীচরণ ॥
 শ্রীচাঁদ হালদার মিতু হালদার সকলে ।
 নিবেদিত্তে নারে পড়ি কান্দে ভূমিতলে ॥
 শ্রীচৈতন্য দাসাদি কহিতে কিছু চায় ।
 মুখে না নিঃসরে বাক্য ব্যাকুল হিয়ায়ু ॥
 অতি ব্যাগ্র হৈয়া কহে শ্রীরঘুনন্দন ।
 অনুগ্রহ করি শীঘ্র দিবেন দর্শন ॥
 শ্রীযত্ননন্দন কহে বৃন্দাবন হৈতে ।
 আসিবেন শীঘ্র এই পামরে শোধিতে ॥
 ঐছে মহাব্যাকুল মহাস্ত জনে জনে ।
 বিদায় হইয়া গেলা প্রভুর প্রাঙ্গণে ॥

শ্রীমীনকেতন রামদাস বৃন্দাবন ।
 কমলাকর পিপলাই আদি কথোজন ॥
 এ সভে ঈশ্বরী আজ্ঞা খড়দহ যাইতে ।
 হইয়া বিদায় কেহ নাহি স্থির হৈতে ॥
 বিদায় হইয়া সভে করিতে গমন ।
 ঈশ্বরী হইলা যৈছে না হয় বর্ণন ॥
 সকলে একত্র হৈয়া প্রভুর প্রাঙ্গণে ।
 হইলেন প্রেমে মত্ত প্রভুর দর্শনে ॥
 ভূমিতে পড়িয়া প্রণময়ে বারবার ।
 ধূলায় ধূসর অঙ্গ হইল সভার ॥
 আচার্য্যাদি মঙ্গল চিন্তয়ে প্রভু আগে ।
 সভে শ্রীআচার্য্য নরোত্তম সঙ্গ মাগে ॥
 সভে কহে ওহে প্রভু কমললোচন ।
 জন্মে জন্মে শুনি যেন ঐছে সংকীৰ্ত্তন ॥
 এইরূপ সভে কত প্রার্থনা করিয়া ।
 চলয়ে প্রভুর স্থানে বিদায় হইয়া ॥
 হৈয়া মহা-বাকুল পূজারী সেইক্ষণে ।
 প্রভুর প্রসাদি বস্তু দিলা সর্বজনে ॥
 লইয়া প্রসাদি বস্তু মস্তকে ধরিয়া ।
 চলিলেন সভে অতি অধৈর্য্য হইয়া ॥
 শ্রীহৃদয় চৈতন্য আচার্য্যো কোলে করি ।
 প্রেমের আবাণে কিছু কহে ধীরি ধীরি ॥
 মধো মধো অধিকা যাইয়া দেখা দিবে ।
 শ্রামানন্দে আপনার করিয়া জানিবে ॥
 আচার্য্য কহেন শ্রামানন্দ মোর প্রাণ ।
 শ্রামানন্দ প্রতি মোর নাহি অন্য জ্ঞান ॥

নরোত্তম রামচন্দ্র আদি যত জন ।
 গণ সহ শ্রামানন্দ সভার জীবন ॥
 হৃদয় চৈতন্য অতি স্নেহের আবেশে ।
 শ্রামানন্দে সমর্পিয়া দিলা শ্রীনিবাসে ॥
 শ্রীহৃদয়-চৈতন্যের শ্রামানন্দ প্রতি ।
 যৈছে অনুগ্রহ তা বর্ণিতে কি শক্তি ॥
 সকল মহাস্ত নরোত্তম শ্রীনিবাসে ।
 ঐছে কত কহিলেন সুমধুর ভাষে ॥
 খেতরি ছাড়িয়া সভে কথোদূর যাইতে ।
 উঠিল ক্রন্দন রোল খেতরি গ্রামেতে ॥
 কিবা বাল বৃদ্ধ সভে করে হায় হায় ।
 এমন করিয়া কহ কেবা কোথা যায় ॥
 সকল মহাস্ত সে সভার কথা শুনি ।
 হইলেন যৈছে তাহা কহিতে কি জানি ॥
 পদ্মাবতী তীরে সভে আসি কতক্ষণে ।
 আচার্য্যাদি সভারে প্রবোধে জনে জনে ॥
 সভে দৃঢ় আলিঙ্গন করিয়া সভায় ।
 রামচন্দ্রাদিক সহ চড়িলা নৌকার ॥
 কর্ণধার শীঘ্র নৌকা দিলেন বাহিয়া ।
 আচার্য্যাদি কান্দে সভে ভূমে লোটাইয়া ॥
 এ সভার দশা দেখি মহাস্ত সকল ।
 নিবারিতে নাহে কেহ নয়নের জল ॥
 প্রভু ইচ্ছামতে স্থির হৈলা সর্বজনে ।
 পদ্মাবতী পার হইলেন কতক্ষণে ॥
 পদ্মাবতী তীরে সভে স্নানাদি করিয়া ।
 চলিলা বুধরি গ্রামে প্রসাদ ভুঞ্জিয়া ॥

এথা প্রভু ইচ্ছামতে সন্তে ধৈর্য্য ধরি ।
 পদ্মাবতী তাঁর হৈতে গেলেন খেতরি ॥
 আচার্য্য ঠাকুর শ্রীঠাকুর মহাশয় ।
 শ্রামানন্দ আদি গেল প্রভুর আনয় ॥
 আচার্য্য ঠাকুরে আসি কহেন পূজারী ।
 এই কতক্ষণে স্নান করিলা ঈশ্বরী ॥
 বিদায় হইয়া শ্রীমহাভাগ গেল ।
 নির্জনে ছিলেন সিন্ধু হৈয়া নেত্রজলে ॥
 মাধব আচার্য্য আদি ধৈর্য্যাবলম্বিয়া ।
 এতক্ষণে কৈলা স্নান আইলুঁ দেখিয়া ॥
 গুনিয়া আচার্য্য ধৈর্য্য ধরিতে না পারে ।
 গেলেন ঈশ্বরী আগে ব্যাকুল অন্তরে ॥
 ঈশ্বরী হইয়া অতি অধৈর্য্য হৃদয় ।
 জিজ্ঞাসিতে আচার্য্য সংক্ষেপে নিবেদয় ॥
 পদ্মাপার হৈয়া সন্তে গেলেন বুধরি ।
 আইলুঁ আমরা পদ্মাবতী স্নান করি ॥
 গুনি সে ঈশ্বরী আচার্য্যের পানে চায় ।
 দেখয়ে আচার্য্য দেহ হৈল শুষ্ক প্রায় ॥
 এতেক বিচ্ছেদ দুঃখ না যায় সহন ।
 তাহে কালি হৈতে প্রায় নাহিক ভোজন ॥
 অথ এ সভার ভক্ষণের চেষ্টা নাই ।
 না জানি কি হয় পাছে ইথে ভয় পাই ॥
 আমি না ভুঞ্জাই তবে না হৈব ভোজন ।
 ঐছে মনে করি কহে মধুর বচন ॥
 স্নান করি আইলা অপরাহ্ন হৈল আসি ।
 নাহিক ভোজন চেষ্টা ইথে দুঃখ বাসি ॥

হইয়া সভারে করি ধৈর্য্যাবলম্বন ।
 আমার অঙ্গনে আজি করহ ভোজন ॥
 ইহা শুনি আচার্য্য কৃতার্থ হেন মানে ।
 আনাইলা নরোত্তম আদি সর্ব্বজনে ॥
 সভাকার চেষ্টা দেখি ব্যাকুল ঈশ্বরী ।
 কহিলা বাৎসল্যে যাহা কহিতে না পারি ॥
 নৃসিংহ চৈতন্তে কহে মধুর বচনে ।
 এ সভারে লৈয়া শীঘ্র বৈসহ অঙ্গনে ॥
 বসিলেন সন্তে চারু মণ্ডলীবন্ধনে ।
 পত্র পরিবেশন করিলা কোন জনে ॥
 কেহ আনি দিলা জল জলপাত্র ভরি ।
 বিবিধ পক্ষার সন্তে দিলেন ঈশ্বরী ॥
 ঈশ্বরীর আজ্ঞাতে ভুঞ্জয়ে সর্ব্বজন ।
 ঈশ্বরীর হৈল মহা উল্লাসিত মন ॥
 ছেনা পান্য নবনীত আদি সুমধুর ।
 বারেবারে দেন সন্তে করিয়া প্রচুর ॥
 ভুঞ্জয়ে সকলে প্রেম উথলে হিয়ায় ।
 না জানে আনন্দে কিছু কেবা কত খায় ॥
 ভোজন করিয়া সন্তে কৈলা আচমন ।
 পত্র উঠাইলা আচার্য্যের ভৃত্যগণ ॥
 পত্রাদি লইয়া সন্তে গেল অঙ্গস্থানে ।
 পত্র শেষ ভুঞ্জি তৃপ্ত হৈলা সর্ব্বজনে ॥
 আচার্য্যাদি সন্তে ঈশ্বরীর আজ্ঞা লৈয়া ।
 প্রভুর প্রাক্ষণে গেল উল্লাসিত হৈয়া ॥
 প্রসাদি তাম্বুল কেহ যত্নে আনি দিলা ।
 করিয়া ভক্ষণ সন্তে অন্য গৃহে গেল ॥

তথাতে দেখিলা লোক অসংখ্য বসিয়া ।
 শ্রীমহাপ্রসাদ ভুঞ্জে উল্লাসিত হৈয়া ॥
 হইল সভার মহাপ্রসাদ সেবন ।
 হরিশ্বনি করি উঠিলেন সৰ্বজন ॥
 এছে সভে প্রসাদ ভুঞ্জয়ে ঠাঞি ঠাঞি ।
 বৈষ্ণবমণ্ডলী যত তার অন্ত নাই ॥
 প্রভুগণ গমন বিচ্ছেদে ছিলা দুঃখী ।
 ঈশ্বরী ইচ্ছাতে সভে হৈলা মহাসুখী ॥
 ঈশ্বরীর ইচ্ছা কেবা বুঝিবারে পারে ।
 সেই সে বুঝয়ে অক্ষুণ্ণ হয় যারে ॥
 এছে মহাসুখে হৈলা দিবা অবসান ।
 শ্রীঈশ্বরী কৈলা প্রভু-মন্দিরে পয়ান ॥
 প্রভুরূপ মাধুর্য্য দেখিলা নেত্র ভরি ।
 শ্রীমালা প্রসাদ আনি দিলেন পূজারী ॥
 হৈল সন্ধ্যা সময় আরতি দরশনে ।
 আইলা অসংখ্য লোক প্রভুর প্রাক্ষণে ॥
 করিয়া প্রভুর চাকু আরতি দর্শন ।
 সভে মেলি আরতিলা নাম সংকীৰ্ত্তন ॥
 শ্রীনাম কীৰ্ত্তনধ্বনি ভুবন ব্যাপিল ।
 কিবা বাল-বৃদ্ধ সভে উন্নত হইল ॥
 দেবতা মনুষ্যে মিশাইয়া নাম গায় ।
 সভেই মনের সাধে ধুলায় লোটায় ॥
 কেহ উৰ্দ্ধ বাহু করি করয়ে নর্ত্তন ।
 কেহ বীর দর্পে করে ছুকার গর্জন ॥
 লক্ষ লক্ষ ফিরে কেহ হাততালি দিয়া ।
 নেত্রধলে ভাসে কেহ কারে আলিঙ্গিয়া ॥

এছে নানা ভাবের বিকার ক্ষণে ক্ষণে ।
 কে বর্ণিবে যৈছে সুখ শ্রীনামকীৰ্ত্তনে ॥
 শ্রীনামকীৰ্ত্তন-সুখা যে করিলা পান ।
 তার সম জগতে কে আছে ভাগ্যবান ॥
 হইল সভার এছে শ্রীনামে আবেশ ।
 কেহ বা জানিলা কৈছে রাত্রি হৈল শেষ
 প্রভু ইচ্ছামতে সভে স্থগিত হইলা ।
 শ্রীজাহ্নবা ঈশ্বরী উল্লাসে বাসা গেলা ॥
 রজনী প্রভাতকালে প্রাতঃক্রিয়া সারি ।
 করিলেন স্নান উষ্ণ জলে শীঘ্র করি ॥
 নিজ নিয়মিত কৰ্ম্ম করি হর্ষচিত্তে ।
 রন্ধনের আয়োজন করিলা বাসাতে ॥
 এথা আচার্য্যাদি সভে প্রাতঃক্রিয়া সারি ।
 নিয়মিত কৰ্ম্ম করিলেন স্নান করি ॥
 শ্রীমন্দিরে রাজভোগ আরতি দেখিয়া ।
 আইলা শ্রীঈশ্বরী-সমীপে হর্ষ হৈয়া ॥
 ঈশ্বরী করিয়া পাক সমর্পি প্রভুরে ।
 ভোগ সরাইয়া আসি বসিলা বাহিরে ॥
 আচার্য্যাদি প্রতি কহে মধুর বচন ।
 রামচন্দ্রাদিক না আইলা এতক্ষণ ॥
 এত কহি উদ্বেগে চাহয়ে চারিভিতে ।
 হেনকালে আইলা সভে বুধরি হইতে ॥
 রামচন্দ্র গোবিন্দাদি প্রভু প্রণমিগণ ।
 জিজ্ঞাসিতে সংবাদ কহয়ে ব্যগ্র হৈয়া ॥
 পদ্মপার হৈয়া সভে স্নানাহিক করি ।
 ভূঞ্জিয়া প্রসাদ শীঘ্র গেলেন বুধরি ॥

তথা পাককর্তা শীঘ্র করিয়া রন্ধন ।
 যত্ন করি করিলা প্রভুরে সমর্পণ ॥
 প্রভুর ভোজন হৈলে ভোগ সরাইলা ।
 হেনকালে সকল মহাস্ত তথা গেল ॥
 কতক্ষণ বিশ্রাম করিয়া সর্বজন ।
 এথাকার কথা শ্রুথে করিলা ভোজন ॥
 ভক্ষণাদি সমাধিতে সন্ধ্যাকাল হৈল ।
 কতক্ষণ সভে নাম সংকীর্তন কৈল ॥
 কিঞ্চিৎ প্রসাদ রাত্রে করিলা ভক্ষণ ।
 মনের উদ্বেগে সভে করিলা শয়ন ॥
 প্রভাতে উঠিয়া প্রাতঃক্রিয়া সমাধিলা ।
 নিজ ভৃত্য জানি অতি অনুগ্রহ কৈলা ॥
 গমনের কালে যৈছে হৈল সভাকার ।
 তাহা নিবেদিতে মুখে না আইসে আমার ॥
 পাষণ সমান এই মো সভার হিয়া ।
 স্বচ্ছন্দে আইলুঁ পদ্মাবতী পার হৈয়া ॥
 ঐছে কহি পুনঃ আর নারে কহিবারে ।
 ঈশ্বরী পরম স্নেহে প্রবোধে সভারে ॥
 সভে সিন্ধু হৈলা ঈশ্বরী বাক্যামৃতে ।
 অকস্মাৎ আনন্দ উদয় হৈল চিতে ॥
 সভার হৃদয়ে হর্ষ প্রকাশি ঈশ্বরী ।
 ভুঞ্জাইলা অন্ন ব্যঞ্জনাদি যত্ন করি ॥
 ঈশ্বরী ভুঞ্জিলে সে পত্র শেষ লৈয়া ।
 সভাসহ আচার্য্য চলিলা হর্ষ হৈয়া ॥
 দেখয়ে অনেক লোক প্রভুর প্রাঙ্গণে ।
 করয়ে ভোজন ঐছে ভুঞ্জে স্থানে স্থানে ॥

করি সভা সন্মান আচার্য্য মহাশয় ।
 সন্তোষাদি সভারে প্রবোধ বাক্য কয় ॥
 ঈশ্বরী-কৃপায় সর্ব হৈল সমাধান ।
 সর্বত্রৈ ব্যাপিল যৈছে অনুগ্রহ তান ॥
 হইলেন উদ্বিগ্ন শ্রীবৃন্দাবন যাইতে ।
 এবে প্রোঢ় করি এথা না পারি রাখিতে ॥
 বৃন্দাবন হৈতে যবে হৈব আগমন ।
 স্বচ্ছন্দে করিবে তবে শ্রীপাদ দর্শন ॥
 এখন এসব কিছু না করিহ চিতে ।
 ঈশ্বরীর যাত্রা কালি হইবে প্রভাতে ॥
 শুনিয়া সন্তোষ রায় কতক্ষণ পরে ।
 গেলেন ঈশ্বরী পাশে ব্যাকুল অন্তরে ॥
 সন্তোষের অন্তর জানিয়া ঈশ্বরী ।
 কহিলা প্রবোধ বাক্য অতি স্নেহ করি ॥
 শ্রীসন্তোষ কহে এই পতিত নিমিত্তে ।
 শীঘ্র আগমন করিবেন ব্রজে হৈতে ॥
 মনে যে উপজে তাহা কহিতে না পারি ।
 শুনি মূঢ়বাক্যে সন্তোষিলেন ঈশ্বরী ॥
 শ্রীসন্তোষ রায় মহা সন্তোষ হইলা ।
 সঙ্গে যে দিবেন তাহা শীঘ্র আনাইলা ॥
 অতি সূক্ষ্ম পটু আদি বিচিত্র বসন ।
 নানা রত্ন জড়িত স্বর্ণাদি বিভূষণ ॥
 শ্রীগোবিন্দ গোপীনাথ মদনমোহনে ।
 শ্রীরাধাবিনোদ আর শ্রীরাধারমণে ॥
 রাধাদামোদরে দিতে সুসজ্জ করিয়া ।
 রাখিলেন ঈশ্বরী সম্মুখে যত্ন পাঞা ॥

বর্ণ রৌপ্য মুদ্রা বহু বস্ত্র পুনঃ দিলা ।
 গমনোপযুক্ত কার্য্য সব সমাধিলা ॥
 শ্রীসন্তোষ রায়ের ভাগ্যের নাই পার ।
 লক্ষ্মী হৈয়া যার অর্থ কৈলা অঙ্গীকার ॥
 সকল প্রস্তুত কিছু অপেক্ষা না দেখি ।
 শ্রীজাহ্নবা ঈশ্বরী হইলা মহাসুখী ॥
 শ্রীমন্দিরে সন্ধ্যা আরাত্রিক দরশনে ।
 চলিলেন ঈশ্বরী পরমানন্দ মনে ॥
 করিয়া প্রভুর আরাত্রিক দরশন ।
 মনে যে হইল তাহা কৈলা নিবেদন ॥
 প্রভুর গলার মালা উছলি পড়িতে ।
 পূজারী আনিয়া দিলা ঈশ্বরীর হাতে ॥
 ঈশ্বরী সে মালা কৈলা মস্তকে ধারণ ।
 ঈশ্বরীর মনোবৃত্তি বুঝে কোন জন ॥
 প্রভু আগে নাম কীর্ত্তনাদি হৈল তৈছে ।
 কি বলিব শ্রীঈশ্বরী বাসা গেলা যৈছে ॥
 করিলা শয়ন হৈল প্রভাত সময় ।
 সভে প্রাতঃক্রিয়া কৈল ব্যাকুল হৃদয় ॥
 শ্রীঈশ্বরী প্রভু আগে বিদায় হইলা ।
 পূজারী প্রসাদি মালা বহু আনি দিলা ॥
 শ্রীঈশ্বরী সঙ্গে যে যে করয়ে গমন ।
 তাঁ সভার নাম কিছু করিয়ে গণন ॥
 সূর্য্যদাসামুজ শ্রীপণ্ডিত কৃষ্ণদাস ।
 মাধব আচার্য্য যার অদ্ভুত বিলাস ॥
 মুরারি চৈতন্য কৃষ্ণদাস বিজবর ।
 নৃসিংহ চৈতন্য বলরাম মহীধর ॥

কানাঞি নকড়ি দাস গৌরাক্ষ শঙ্কর ।
 শ্রীপরমেশ্বর দাস দাস দামোদর ॥
 রঘুপতি বৈষ্ণব উপাধ্যায় মনোহর ।
 জ্ঞানদাস মুকুন্দাদি গুণের সাগর ॥
 এ সভার প্রভাব বর্ণিব কোন জনে ।
 পরম প্রবীণ ছষ্ট পাষণ্ডী দমনে ॥
 এই সব সঙ্গী আর ঈশ্বরী আজ্ঞাতে ।
 চলিলেন কথোজন খেতরি হইতে ॥
 শ্রীগোবিন্দ শ্রীগোপীরমণ ভগবান ।
 গোকুল নৃসিংহ বাসুদেবাদি প্রধান ॥
 এ সভা সহিত শ্রীজাহ্নবা শুভরূপে ।
 খেতরি হইতে যাত্রা করিলা বিহানে ॥
 শ্রীখেতরি গ্রামের লোকের ধৈর্য্য নাই ।
 ঈশ্বরী গমনে সভে কান্দে ঠাঞি ঠাঞি ॥
 শ্রীনরোত্তমাদি সহ আচার্য্য ঠাকুর ।
 কান্দিতে কান্দিতে সঙ্গে চলে কষোদূর ॥
 স্নেহ মূর্ত্তিমতী শ্রীজাহ্নবা এ সভারে ।
 করয়ে প্রবোধ বাহ্যে অধৈর্য্য অন্তরে ॥
 স্নমধুর বাক্যে সভে করিয়া বিদায় ।
 চলিলেন অগ্রে শীঘ্র চড়িয়া দোলায় ॥
 কৃষ্ণদাস মাধব আচার্য্য আদি যত ।
 নিবারিতে নারে নেত্রধার অবিরত ॥
 শ্রীআচার্য্য মহাশয় শ্যামানন্দ আদি ।
 এ সভার হৈল মহাত্তঃখের অবধি ॥
 পরস্পর কহি কত হইলা বিদায় ।
 সে সব শুনিতে ধৈর্য্য কে ধরে হিয়ায় ॥

শ্রীগোবিন্দ আদি সভে বিদায় হইতে ।
 আচার্য্য শ্রীমরোত্তম নারে স্থির হৈতে ॥
 করিলা বিদায় কত কহিয়া সকলে ।
 চলিলেন সভে সিঙ্ক হৈয়া নেত্রজলে ॥
 আচার্য্যাদি সভে সে গমন পথ চাঞা ।
 আইলা খেতরি গ্রামে ব্যাকুল হইয়া ॥
 খেতরি গ্রামের লোক হইয়া মৃত্যুপ্রায় ।
 বিরলে বসিয়া শ্রীজাহ্নবা-গুণ গায় ॥
 কেহ কার প্রতি কহে যত্নে ধর্যা ধরি ।
 বৃন্দাবন হৈতে শীঘ্র আসিব ঈশ্বরী ॥
 কেহ কহে দেশে যাইবেন অন্তপথে ।
 কি কার্য্য আছে পুনঃ আসিব এথাতে ॥
 কেহ কহে এই শ্রীআচার্য্য মহাশয় ।
 ভক্তিবলে তাঁরে বশ করিলা নিশ্চয় ॥
 কেহ কহে তেঁহ এ সভার প্রেমাধীন ।
 দেখিবে সাঙ্গাতে এই গেল কথোদিন ॥
 এছে পরস্পর কত কহি ধৈর্যা ধরে ।
 অকস্মাৎ হৈল সুখ সভার অন্তরে ॥
 এথা শ্রীআচার্য্য শ্রীঠাকুর মহাশয় ।
 শ্রামানন্দ আদি আইলা প্রভুর আশয় ॥
 ধরিলেন ধৈর্যা সভে ঈশ্বরী ইচ্ছায় ।
 আনন্দ উদয় হৈল সভার হিয়ায় ॥
 স্নানাহ্নিক ক্রিয়া সুখে সারি সর্বজন ।
 রাজভোগ আরাত্রিক করিলা দর্শন ॥
 স্থানে স্থানে বৈষ্ণবের বাসধর গিয়া ।
 আচার্য্য ঠাকুর সভে আইলা সম্বোধিয়া ॥

শ্রীমহাপ্রসাদ ভুঞ্জাইয়া সর্বজনে ।
 নিজগোষ্ঠী লৈয়া বসে প্রভুর প্রাঙ্গণে ॥
 কিবা অপূৰ্ণ শোভা দেখিতে সুন্দর ।
 প্রেমভক্তিময় সে সভার কলেবর ॥
 প্রভু পাককর্ত্তাগণ মনের উল্লাসে ।
 অন্ত-বাজনাদি অতি যত্নে পরিবেশে ॥
 আচার্য্য ঠাকুর রামচন্দ্র মহাশয় ।
 শ্রীদাস গোকুলানন্দ গুণের আশয় ॥
 শ্রামানন্দ ব্যাস রামকৃষ্ণাদি কোতুকে ।
 ভুঞ্জ শাক সুপাদি প্রশংসি মহাসুখে ॥
 করিয়া ভোজন সুখে করি আচমন ।
 প্রসাদি তাহুল যত্নে করিলা ভক্ষণ ॥
 সভা লৈয়া বসিলা আচার্য্য মহাশয় ।
 কৃষ্ণকথা-রসে মগ্ন সভার হৃদয় ॥
 ভাগবন্ত জন তাহা করিলা শ্রবণ ।
 গ্রন্থের বাহুল্য ভয়ে না হয় বর্ণন ॥
 দিবা অবসান সভে সারি নিজ ক্রিয়া ।
 প্রভুর প্রাঙ্গণে আইলা মহাহর্ষ হৈয়া ॥
 যে সকল বৈষ্ণব ছিলেন স্থানে স্থানে ।
 সভে আগমন কৈলা প্রভুর প্রাঙ্গণে ॥
 তাঁ সভার মনোবৃত্তি বিদায় হৈতে ।
 বুঝিয়া আচার্য্য সভে কহেন নিহতে ॥
 তোমাদের স্থান এই কহিতে কি আর ।
 মধো মধ্য হয় যেন গমন সভার ॥
 অল্প দেখ দিবস হৈল অবসান ।
 কালি প্রাতে নিজ গৃহে করিবে প্রয়াণ ॥

সন্তোষ রায়ের মনে অভিলাষ যাহা ।
 আপনার জানিয়া করিবে পূর্ণ তাহা ॥
 আচার্য্যের বাক্যামৃতে সন্তে সিক্ত হৈলা ।
 উত্থাপন আরতি দেখিয়া বাসা আইলা ॥
 শ্রীসন্তোষ রায় গিয়া তাঁ' সভার পাশে ।
 করিলা বিনয় বহু সুমধুর ভাষে ॥
 সন্তোষ বায়ের চেষ্টা দেখি সর্বজন ।
 হইল সভার মহা আনন্দিত মন ॥
 শ্রীসন্তোষ তাঁ' সভার অনুমতি মতে ।
 প্রত্যেকে দিলেন বস্ত্র মুদ্রাদি যত্নেতে ॥
 এথা সন্ধ্যা আরতির হইল সময় ।
 আইলেন সন্তে পুনঃ প্রভুর আলয় ॥
 করিলেন সন্ধ্যা আরাত্রিক দর্শন ।
 হইল আরম্ভ চাক্র শ্রীনামকীর্তন ॥
 নামামৃত পানে অতি উল্লাসিত হৈলা ।
 শয়ন আরতি দেখি সন্তে বাসা গেলা ॥
 শ্রীনিবাস আচার্য্যাদি প্রভুর প্রাক্গণে ।
 রহিলেন কতক্ষণ নিজ গোষ্ঠীমনে ॥
 প্রভুর প্রসঙ্গে কথো রাত্রি গোড়াইয়া ।
 শয়ন করিলা নিজ নিজ বাসা গিয়া ॥
 রজনী প্রভাতে আচার্য্যাদি সর্বজনে ।
 আইলেন শ্রীমঙ্গল আরতি দর্শনে ॥
 যে সব বৈষ্ণব দেশে করিব গমন ।
 তাহারাও আসি কৈলা আরতি দর্শন ॥
 স সন্তে প্রভুর আগে হইলা বিদায় ।
 সুজারী দিলেন মালা প্রসাদ সভায় ॥

পরম্পর হৈল যৈছে বিদায় সময় ।
 তাহা দেখি দ্রব্যে কাষ্ঠ সমান হৃদয় ॥
 চলিলেন সন্তে মহা অধৈর্য্য হইয়া ।
 আচার্য্যাদি রহিলেন পথপানে চা এগা ॥
 এঁছে নানা দেশী লোক ব্যাকুল অন্তরে ।
 চলয়ে খেতরি হৈতে চলিতে না পারে ॥
 বিশিষ্ট ব্রাহ্মণগণ গেলা নিজঘরে ।
 মহোৎসব মহিমা কহিয়া পরম্পরে ॥
 আনন্দে বিদায় হইলেন বন্দীগণ ।
 কৈলা কত মহা মহোৎসবের বর্ণন ॥
 নানা বাণ্য বাদক গায়ক নর্ত্তকাদি ।
 হৈলা বিদায় হৈল সুখের অবধি ॥
 সহস্র সহস্র লোক যায় এক মেলে ।
 কহিতে কীর্ত্তনানন্দ ভাসে নেত্রজলে ॥
 দরিদ্র দুঃখিত সুখী হৈল সর্বমতে ।
 মহামহোৎসব কীর্ত্তি ব্যাপিল জগতে ॥
 লোকযাত্রা দেখি কেহ কহে কার প্রতি
 লোকসংখ্যা করে এঁছে কাহার শক্তি ॥
 কেহ কহে দেখিলুঁ লোকের অন্ত নাই ।
 খেতরি গ্রামেতে কৈছে হইল সামাই ॥
 হাসিয়া কহয়ে কেহ অসম্ভব নয় ।
 নরোত্তম প্রভাবেতে কিবা নাহি হয় ॥
 কেহ কহে নরোত্তম-প্রভাব প্রমাণ ।
 নহিলে কি এ লোকের হয় সমাধান ॥
 এঁছে কত কহে লোক সুমধুর ভাষে ।
 নরোত্তম-গুণ গায় মনের উল্লাসে ॥

এথা নরোত্তম শ্রীআচার্য্যে নিবেদিতে ।
 করিলেন স্বান নরোত্তমাদি সহিতে ॥
 নিজ নিজ নিয়মিত কৰ্ম্ম সভে সারি ।
 ভূঞ্জিলেন কিছু মিষ্টান্নাদি যত্ন করি ॥
 নরোত্তম শ্রীনিবাসাচার্য্য হই জনে ।
 না জানি কি প্রসঙ্গেতে ছিলেন নিৰ্জ্জনে ॥
 দোহে নি ঞ্জ নিজ নেত্রজলে সিক্ত হৈয়া ।
 করিলেন প্রভুর দর্শন সভা লৈয়া ॥
 রাজভোগ আরাত্রিক করিয়া দর্শন ।
 প্রভু প্রসাদান্ন আদি করিলা ভোজন ॥
 আচমন করি সভে বসিলা আসনে ।
 প্রসাদি তাশুল ভূঞ্জিলেন সৰ্ব্বজনে ॥
 শ্রীঠাকুর মহাশয় কবিরাজ প্রতি ।
 কহেন আচার্য্য অতি যত্নে ধরি ধৃতি ॥
 গ্রামানন্দ সহ যাত্রা করিব প্রভাতে ।
 পদ্মাপার হৈয়া যাব বৃধরি গ্রামেতে ॥
 জাজিগ্রাম গিয়া অতি শীঘ্র তথা হৈতে ।
 বন-বিষ্ণুপুরে হৈয়া আসিব ত্বরিতে ॥
 গ্রামানন্দ নবদ্বীপ অধিকা হইয়া ।
 রহিব ধাবেন্দ বাহাদুর পুর গিয়া ॥
 সে সকল দেশে করি ভক্তির প্রচার ।
 পত্নীদ্বারে শীঘ্র পাঠাবেন সমাচার ॥
 জাজিগ্রাম হৈতে সৰ্ব্ব সংবাদ লিখিয়া ।
 লোকদ্বারে শীঘ্র করি দিব পাঠাইয়া ॥
 এথা আসিবেন যবে শ্রীমতী ঈশ্বরী ।
 জাজিগ্রামে পত্নী পাঠাইবা শীঘ্রকরি ॥

ঈশ্বরীর সেই পথে হইবে গমন ।
 এথা হৈতে সেই সঙ্গে যাবে সৰ্ব্বজন ॥
 ঈশ্বরীর গমন হইলে তথা হৈতে ।
 সকলে আসিব শীঘ্র খেতরি গ্রামেতে ॥
 ঐছে কত কহিলেন আচার্য্য ঠাকুর ।
 শুনিতেই সভার ধৈর্য গেল দূর ॥
 তথাপিহ ধৈর্য্য করিলেন সৰ্ব্ব জন ।
 করিলেন সন্তোষ গমন আয়োজন ॥
 বৃধরি গ্রামেতে শীঘ্র পত্নী পাঠাইলা ।
 পদ্মাতীরে নৌকাদি প্রস্তুত করাইলা ॥
 শ্রীগ্রামানন্দের সঙ্গে যাইবেক যাহা ।
 শ্রীরসিকানন্দে সমর্পণ কৈল তাহা ॥
 শ্রীআচার্য্য ঠাকুরের সঙ্গে যাহা চাই ।
 তাহা দিলা কর্ণপুর কবিরাজ ঠাঞি ॥
 ঐছে শ্রীসন্তোষ সৰ্ব্বকার্য্য সমাধিলা ।
 ঠাকুরের আগে আসি সব নিবেদিলা ॥
 শুনিয়া আচার্য্য অতি প্রসন্ন অন্তরে ।
 সভা লৈয়া চলিলেন প্রভুর ভাণ্ডারে ॥
 দেখিলেন সকল সামগ্রী পূর্ণ তথা ।
 ঐছে দৃষ্টি করিলা ভাণ্ডার যথা যথা ॥
 বারবার কহয়ে সন্তোষ ভাগ্যবান ।
 করিল সামগ্রী ঐছে হৈল অফুরাণ ॥
 ঐছে কত কহি আইলা প্রভুর অঙ্গনে ।
 হইল আনন্দ সন্ধ্যা আরতি দর্শনে ॥
 পূজারী দিলেন মালাপ্রসাদ সভায় ।
 হইল অপূৰ্ব্ব শোভা সভার গলায় ॥

প্রভুরূপ মাধুর্য্য দেখিতে সৰ্বজন ।
 হইল নিমিত্ত হীন সভার নয়ন ॥
 আচার্য্য ঠাকুর ধৈর্য্য ধরিতে না পারে ।
 শ্রীনরোত্তমের পানে চায় বারে বারে ॥
 আচার্য্যের মনোবৃত্তি জানি মহাশয় ।
 আরম্ভয়ে সংকীৰ্ত্তন সুখের আলয় ॥

গায়ক বাদকগণ প্রভুর প্রাঙ্গণে ।
 খোল করতাল লৈয়া আইলা তৎক্ষণে ॥
 দেবীবাস গোকুল গৌরাঙ্গ আদি যত ।
 খোল করতাল বার পরম অদ্ভুত ॥
 শ্রীঠাকুর মহাশয় মনের উল্লাসে ।
 আলাপয়ে গীত যে রচিলা বাসুঘোষে ॥

তথাহি গীতম্ ।

“সখি হে ওই দেখ গোরা কলেবর ।
 কতচন্দ্র জিনি মুখ সুন্দর অধর ॥
 করীবর কর জিনি বাহু সুবলনি ।
 খঞ্জন জিনিয়া গোরা নয়ন নাচনি ॥
 চন্দন তিলক শোভে সুচারু কপালে ।
 আজানু লম্বিত বাহু বনমালা গলে ॥
 কম্বুকণ্ঠ পীন পরিসর হিয়া মাঝে ।
 চন্দনে শোভিত কত রত্নহার সাজে ॥
 রাম রস্তা জিনি উরু অরুণ বসন ।
 নখমণি জিনি পূর্ণ ইন্দু দরপণ ॥
 বাসুঘোষ বলে গোরা কোথা ন আছিল ।
 যুবতী বধিতে রূপ বিবি সিরজিল” ॥
 গীতের আলাপ বৈছে কহিলে না হয় ।
 বাজে মর্দলাদি সৰ্বচিত্ত আকর্ষণ ॥
 মৃদঙ্গের শব্দ-সুধা আলাপ মধুর ।
 শুনি প্রেমে মত্ত হৈলা আচার্য্য ঠাকুর ॥
 করিতে নর্ত্তন দাঁড়াইলা ভঙ্গী করি ।
 কে ধরে ধৈর্য্য সে মুর ভঙ্গী হেরি ॥

কিবা সে পুনক অঙ্গে বলমল করে ।
 রূপে কত কনক-দর্পণ-দর্প হরে ॥
 কিবা চন্দ্র বদনে মিলিত বৃহৎহাস ।
 অরুণ অধর কুন্দ দশন প্রকাশ ॥
 আকর্ণ পর্য্যন্ত পদ্যনেত্র মনোরম ।
 ভুরু ভঙ্গ পাতি নাসা শুক চকু সম ॥
 শ্রবণযুগল গণ্ড ছটা মনোহর ।
 আজানুলম্বিত বাহু বক্ষ পরিসর ॥
 সুমধুর নাভী মধ্য দেশ অক্ষুপম ।
 সুগঠন জানুচারু চরণ ললাম ॥
 কিবা সে অশ্রু শোভা ভাবের আবেশে
 করয়ে নর্ত্তন লোক দেখে চারি পাশে ॥
 যতপি গেরি হৈতে বহু লোক গেলা ।
 তথাপিহ অনেক বিশিষ্ট লোক ছিলা ॥
 গেরি নিবাসী যত একত্র হইয়া ।
 প্রভুর প্রাঙ্গণে সভে আইলা ধাইয়া ॥
 কত শত দীপ জ্বলে উজ্জ্বল তবনী ।
 মধ্যে মধ্যে লোক সব করে জয়ধ্বনি ॥

শ্রীনিবাস আচার্যের নৃত্য দরশনে ।
 আইলা দেবতাগণ চড়িয়া বিমানে ॥
 গন্ধর্ব কিন্নরগণ পরস্পর কয় ।
 এছে নৃত্য মনুষ্যো সম্ভব কভু নয় ॥
 কেহ কহে এছে নৃত্য নাহি দেবপুরে ।
 এ নৃত্য সম্ভব মাত্র চৈতন্য কিকরে ॥
 কেহ কহে নিরুপম গীত-বাণ্ড য়েছে ।
 ভুবনমঙ্গল নিরুপম নৃত্য তৈছে ॥
 এইরূপ কহে কত অধৈর্য্য হইয়া ।
 দেখয়ে অদ্ভুত নৃত্য মনুষ্যো মিশাঞ ॥
 বিবিধ প্রকার নৃত্য ভঙ্গী নিরখিয়া ।
 দেবগণ পুষ্পবৃষ্টি করে হৃষ্ট হৈয়া ॥
 গীত-নৃত্য বাণ্ডের মহিমা সতে গায় ।
 চাড়িয়া বিমান আসি মনুষ্যো নিশায় ॥
 দেবতা মনুষ্য কেহ নারে স্থির হৈতে ।
 সৰ্ব চিত্ত হরে গীত-বাণ্ড-নর্তনেতে ॥
 নাচয়ে আচার্য্য আশ্চ-বিস্মরিত হৈয়া ।
 নেত্রজলে ভাসে দেবীদাসে আলিঙ্গিয়া ॥
 দেবীদাস খোল বায় বিবিধ প্রকারে ।
 করে তাল পাট শুনি কেবা ধৈর্য্য ধরে ॥
 শ্রীগোকুল গায় বর্ণ-বিন্যাস মধুর ।
 হস্তাদি ভঙ্গীতে ভাব প্রকাশে প্রচুর ॥
 শ্রীঠাকুর মহাশয় তাঁরে করি কোলে ।
 বোল বোল বলিয়া ভাসয়ে নেত্রজলে ॥
 শ্রামানন্দ ভাবাবেশে অধৈর্য্য হিয়ার ।
 হইলেন সিকু দুই নেত্রের ধারায় ॥

রামচন্দ্র কবিরাজ আদি প্রেমাবেশে ।
 সরধুলায় ধু হৈয়া ফিরে চারি পাশে ॥
 সংকীৰ্তনে সুখের সমুদ্র উথলিল ।
 বর্ণিতে নারিয়ে বে যে চমৎকার হৈল ॥
 বাহুজ্ঞান নাহি করি কীর্তন আবেশে ।
 প্রভু ইচ্ছামতে স্থির হৈলা রাত্রি শেষে ॥
 সংকীৰ্তন সমাধিয়া প্রভুর প্রাঙ্গণে ।
 ধুলায় লোটার অশ্রু সভার নয়নে ॥
 পরস্পর করি সতে দৃঢ় আলিঙ্গন ।
 যথাযোগ্য প্রণময়ে সতে সৰ্ব জন ॥
 নিজ নিজ বাসায় সকলে শীঘ্র গিয়া ।
 করিয়া বিশ্রাম সারিলেন প্রাতঃক্রিয়া ॥
 শ্রীআচার্য্য ঠাকুর লইয়া কথোজনে ।
 গমন সজ্জায় আইলা প্রভুর প্রাঙ্গণে ॥
 শ্রামানন্দ গণসহ সুসজ্জ হইয়া ।
 আইলেন প্রভুর অঙ্গনে সভা লৈয়া ॥
 নরোত্তম রামচন্দ্র ব্যাকুল হৃদয় ।
 সন্তোষাদি সহ আইলা প্রভুর আনয় ॥
 আচার্য্য গমন শুনি ব্যাকুল হইয়া ।
 খেতরি গ্রামের লোক আইলা ধাইয়া ॥
 প্রভুর প্রাঙ্গণে ভিড় হৈল অতিশয় ।
 কি নারী পুরুষ সতে অধৈর্য্য হৃদয় ॥
 আচার্য্য ঠাকুর প্রভু পানেতে চাড়িয়া ।
 হইতে বিদায় বিদরিয়া যায় হিয়া ॥
 শ্রামানন্দ ভূমে এগনিয়া প্রভু আগে ।
 হইলা বিদায় কত কহি অনুরাগে ॥

পূজারী আসিয়া মালা প্রসাদি বসন ।
 আচার্য্য ঠাকুর আগে কৈলা সমর্পণ ॥
 আচার্য্য দিলেন মালা বসন সভারে ।
 আপনে লইলা যত্নে মস্তক উপরে ॥
 বাহে ধৈর্য্য প্রকাশি প্রবোধি সর্ব্বজনে ।
 খেতরি হইতে যাত্রা কৈলা শুভক্ষণে ॥
 শ্রীঠাকুর মহাশয় ব্যাকুল হইলা ।
 রামচন্দ্র কবিরাজ যত্নে প্রবোধিলা ॥
 পদ্মাবতী তীরে গিয়া আচার্য্য ঠাকুর ।
 নৌকায় চড়িলা শীঘ্র ধৈর্য্য গেল দূর ॥
 শ্রীঠাকুর মহাশয় শ্রামানন্দ প্রতি ।
 কহিলা যতেক তাহা কহি কি শকতি ॥
 শ্রামানন্দ ভাসে ছুটি নয়নের জলে ।
 নরোত্তম কান্দে শ্রামানন্দে করি কোলে ॥
 পরস্পর ঐছে সভে করয়ে ক্রন্দন ।
 সে ক্রন্দন শুনি ধৈর্য্য ধরে কে এমন ॥
 কতক্ষণে সভে প্রবোধিলা রামচন্দ্র ।
 গণ সহ নৌকায় চড়িলা শ্রামানন্দ ॥
 কর্ণধার নৌকা চালাইলা শীঘ্র করি ।
 পদ্মাপার হৈয়া শীঘ্র গেলেন বুধরি ॥
 এথা সভাসহ স্নান করি মহাশয় ।
 আইলা খেতরি অতি ব্যাকুল হৃদয় ॥
 প্রভুর প্রাঙ্গণে সভে উপনীত হৈতে ।
 অকস্মাৎ আনন্দ উদয় হৈল চিত্তে ॥
 জয় জয় প্রেমানন্দময় শ্রীঅঙ্গন ।
 যথা গণ সহ নাচে শ্রীশচীনন্দন ॥

যে দেখিলা এ হেন অঙ্গন মনোহর ।
 যে হইলা অঙ্গনের ধূলায় ধুসর ॥
 যে জন করয়ে এই অঙ্গন ধেরান ।
 তাঁর সম জগতে নাহিক ভাগ্যবান ॥
 প্রভুর অঙ্গনে শ্রীঠাকুর মহাশয়ে ।
 পূজারী আসিয়া অতি যত্নে নিবেদয়ে ॥
 রাজভোগ আরাত্রিক হৈল অনেকক্ষণ ।
 সভা লৈয়া করুণ শ্রীপ্রসাদ সেবন ॥
 শুনি শ্রীঠাকুর মহাশয় হর্ষ হৈয়া ।
 শ্রীমহাপ্রসাদ ভুঞ্জিলেন সভে লৈয়া ॥
 খেতরি গ্রামীয় লোক প্রসাদ ভক্ষণে ।
 না জানয়ে কত বা আনন্দ হৈল মনে ॥
 সে দিবস আইলা বহু পাষণ্ডীর গণ ।
 তাহারাও করিলেক প্রসাদ সেবন ॥
 প্রসাদ সেবনে হৈল ভক্তির উদয় ।
 অশ্রুযুক্ত হৈলা কেহ কার প্রতি কয় ॥
 ওহে ভাই মো সভার বিফল জীবন ।
 করিলুঁ কুক্রিয়া যত না হয় গণন ॥
 কেহ কহে এবে কি উপায় মো সভার ।
 যমদণ্ড হইতে কে করিব উদ্ধার ॥
 কহ কহে এই যে ঠাকুর নরোত্তম ।
 করিব উদ্ধার দেখি পতিত অধম ॥
 কেহ কহে তাঁর আগে যাইতে অস হানে ।
 কেহ কহে যাইয়া পড়িব পদতলে ॥
 ঐছে কত কহি সভে কান্দিয়া কান্দিয়া ।
 নরোত্তম আগে পড়ে ভূমে লোটাইয়া ॥

দয়ার সমুদ্র শ্রীঠাকুর মহাশয় ।
 সুমধুর বাকে, তা সভার প্রতি কয় ॥
 সম্বরহ ক্রন্দন তোমরা সতে ধন্য ।
 তোমা সভা উদ্ধারিব শ্রীকৃষ্ণ চৈতন্য ॥
 শ্রীমহাশয়ের বাক্য শুনিয়া উল্লাসে ।
 কর যোড় করি নিবেদয়ে যুতভাবে ॥
 ওহে প্রভু যতক কুক্তিয়া লোকে কয় ।
 সে সব করিতে কিছু না করিলুঁ ভয় ॥
 দেশে না আছিলুঁ গিয়াছিলুঁ দেশান্তরে ।
 দন্যাকর্ম্ম করিয়া আইলুঁ কালি ঘরে ॥
 মো সভারে দেখি মো সভার সঙ্গীগণ ।
 কহিব কি তারা যত করিলা উৎসন ॥
 মহা ছুরাচার ছুটে ছিলেন সে সব ।
 প্রভুর করুণা হৈতে হইলা বৈষ্ণব ॥
 ওহে প্রভু করুণা করহ মো সভারে ।
 তোমার নির্মল যশঃ ঘুঘুক সংসারে ॥
 ঐছে বাক্য শুনি হৈল করুণা অশেষ ।
 তা সভারে ঠাকুর করেন উপদেশ ॥
 নিরন্তর সাধুসঙ্গ কর সর্বজন ।
 অতি দীন হৈয়া কর শ্রবণ কীর্তন ॥
 বৈষ্ণব স্থানে সদা হৈবে সাবধান ।
 যেন কোনমতে কার নহে অসম্মান ॥

ঐছে কত কহি পুনঃ কহে বারবার ।
 এই হরিনাম মন্ত্র কর সতে সার ॥
 এত কহি বাহু পসারিয়া প্রেমাবেশে ।
 আইস আইস কোলে করি কহে যুতভাবে ॥
 দেখিয়া করুণা সতে পড়ি ক্রিতিতলে ।
 চরণ পরশি শিরে ভাসে নেত্রজলে ॥
 এ সভার ভাগ্য যৈছে কহিলে না হয় ।
 অনায়াসে হৈল প্রেমভক্তির উদয় ॥
 দেবের দুর্লভ ধন পাঞা সে সকলে ।
 না ধরে ধৈর্য হিয়া আনন্দে উথলে ॥
 ঐছে সব পাষণ্ডীর নাশয়ে হৃষ্টি ।
 ইহার শ্রবণে মিলে নির্মল ভক্তি ॥
 প্রেমভক্তি দাতা শ্রীঠাকুর মহাশয় ।
 আচার্য্য সংবাদ বিনা উদ্বিগ্ন হৃদয় ॥
 লোক পাঠাইতে রামচন্দ্র বাসা চলে ।
 পরম মঙ্গল দৃষ্টি হৈল হেনকালে ॥
 আচার্য্যের পত্নী আইলা জাজিগ্রাম হৈতে
 পত্নীপাঠে পরম আনন্দ হৈল চিতে ॥
 মহাশয় সমাচার পত্নী পাঠাইয়া ।
 রামচন্দ্র সহ বিলসয়ে হর্ষ হৈয়া ॥
 পরম্পর কহে আচার্য্যের গুণগণ ।
 যাহার শ্রবণে হয় হৃৎখ বিমোচন ॥
 নিরন্তর এসব শুনহ যত্ন করি ।
 নরোত্তম-বিলাস কহয়ে নরহরি ॥

ইতি শ্রীনরোত্তম-বিলাসে অষ্টমোবিলাসঃ ।

নবম বিলাস ।

জয় গৌর নিত্যানন্দাধৈত গণসহ ।
 এ দীন দুঃখিরে প্রভু কর অনুগ্রহ ॥
 জয় জয় রূপার সমুদ্র শ্রোতাগণ ।
 এবে যে কহিয়ে তাহা করহ শ্রবণ ॥
 শ্রীজাহ্নবা ঈশ্বরী পেতরি গ্রাম হৈতে ।
 কৈলা অলৌকিক কার্য্য বৃন্দাবন যাইতে ॥
 তাহা কি কহিব ছুই পাষণ্ডী যবন ।
 অনায়াসে পাইল ছল্ল ভ ভক্তিবন ॥
 সে সব লোকের সঙ্গ করিলেন যারা ।
 শ্রীকৃষ্ণ-চৈতন্য গুণে মত্ত হৈলা তাঁরা ॥
 সভাসহ ঈশ্বরীর গমন যে পথে ।
 সে সব দেশীয় লোক ধার সাথে সাথে ॥
 যে গ্রামেতে গিয়া যে দিবস স্থিতি হয় ।
 সে গ্রামীয় লোকের আনন্দ অতিশয় ॥
 উছে কত জীবের কলুষ নাশ করি ।
 প্রয়াগ হইয়া শীঘ্র গেলা মধুপুরী ॥
 সভাসহ শ্রীবিশ্রামঘাটে করি স্নান ।
 শ্রীমাথুর ব্রাহ্মণের করিলা সন্মান ॥
 সে দিবস রতি নিশি প্রাতে স্নান করি ।
 তথা হৈতে চলিলেন উল্লাসে ঈশ্বরী ॥
 ঈশ্বরীর হৈল মথুরাতে আগমন ।
 একথা সর্বত্র শুনিলেন সর্বজন ॥

গোস্বামী সকল শীঘ্র বৃন্দাবন হৈতে ।
 মনের উল্লাসে আইসে আগুসরি লৈতে ॥
 এথা দূর হৈতে সভা সহিত ঈশ্বরী ।
 বিহ্বল হইয়া দেখে বনের মাধুরী ॥
 নহে নিবারণ নেত্রজলে সিক্ত হইয়া ।
 পদব্রজ চলে দোলা হইতে নাগিয়া ॥
 ঈশ্বরীর আগে শ্রীপরমেশ্বর দাস ।
 ধীরে ধীরে কহে অতি সুমধুর ভাষ ॥
 শ্রীগোপাল ভট্ট শ্রীভূগভ লোকনাথ ।
 শ্রীজীব শ্রীকৃষ্ণ পণ্ডিতাদি এক সাথ ॥
 এ সকলে আটিলেন আগুসরি লৈতে ।
 এত কহি সভারে দেখান দূরে হৈতে ॥
 তা সভারে দেখিয়া শ্রীজাহ্নবা ঈশ্বরী ।
 হইলেন যৈছে তাহা কহিতে না পারি ॥
 গোস্বামী সকল ঈশ্বরীর দর্শনেতে ।
 হইলা অধৈর্য্য তক্ষ নায়ে নিবারিতে ॥
 ভূমি পড়ি প্রশমিঞা ঈশ্বরী চরণে ।
 কহিতে নায়ে কিছু যত উঠে মনে ॥
 কৃষ্ণদাস সরবেল নাচার্য্যাদি ।
 সভাসহ মিলন হইল যথাবিধি ॥
 শ্রীপরমেশ্বর দাস গোবিন্দাদি লৈয়া ।
 মিনাইলা সকলের পরিচয় দিয়া ॥

শ্রীগোবিন্দ কবিবাজ আদি সর্বজন ।
 ভূমে পড়ি বন্দিলেন গোস্বামী চরণ ॥
 সভে অতি অন্তর্গত করি তা সভারে ।
 করিলেন আলিঙ্গন উল্লাস অন্তরে ॥
 পরস্পর মিলনেতে হৈল যে প্রকার ।
 গ্রন্থের বাহুল্য ভরে না কৈল বিস্তার ॥
 শ্রীজীব গোস্বামী কত কহি সাবধানে ।
 ঈশ্বরীয়ে চড়াইলা মনুষ্যের যানে ॥
 শীঘ্র সভা লৈয়া গেলা নিভৃত বাসায় ।
 ঈশ্বরী দর্শনে লোক চতুর্দিকে ধায় ॥
 শ্রীগোবিন্দ গোপীনাথ মদনমোহন ।
 তথা হৈতে আইলা তাঁর পরিকরণ ॥
 কেবা কি করয়ে কার স্মৃতি নাহি মনে ।
 হইল কি অদ্ভুত আনন্দ বৃন্দাবনে ॥
 সভাসহ হৈল স্থির ঈশ্বরী বাসায় ।
 ভক্ষণ সামগ্রী সব আইল তথায় ॥
 নানা ভাতি প্রসাদি পঞ্চান্ন শীঘ্র করি ।
 ভুঞ্জাইয়া সভে কিছু ভুঞ্জিলা ঈশ্বরী ॥
 শ্রীগোপাল ভট্ট আদি উল্লাস হিয়ায় ।
 নিজ নিজ বাসা গেলা হইয়া বিদায় ॥
 গোবিন্দের রাজভোগ আরতি দর্শনে ।
 শ্রীজীব গোস্বামী গেলা সর্বজনে ॥
 শ্রীজাহ্নবা ঈশ্বরী মন্দিরে প্রবেশিয়া ।
 হইলা অধৈর্য্য রাধা-গোবিন্দ দেখিয়া ॥
 শ্রীমাধবাচার্য্য আদি গোবিন্দ দর্শনে ।
 হইলা বিহ্বল অশ্রু বারয়ে নয়নে ॥

শ্রীগোবিন্দ আরাত্রিক করিলা দর্শন ।
 মহাহর্ষে কৈল মহাপ্রসাদ সেবন ॥
 তথা হৈতে আসি সভে বিশ্রাম করিলা ।
 শ্রীজীব গোস্বামী হর্ষে নিজ বাসা গেলা ॥
 অপরাহ্ন সময়ে শ্রীজাহ্নবা ঈশ্বরী ।
 সভাসহ স্নান করিলেন শীঘ্র করি ॥
 মদনমোহন গোপীনাথালয়ে গিয়া ।
 করিলা দর্শন প্রেমে বিহ্বল হইয়া ॥
 শ্রীরাধাবিনোদ আর শ্রীরাধারমণ ।
 রাধাদামোদরের করিলা দর্শন ॥
 এসব দর্শনে যৈছে ভাবের বিকার ।
 তাহা একমুখে বর্ণিব মুক্তি ছার ॥
 সঙ্গে যে অনিলা নানা বস্তু আভরণ ।
 সে সকল সর্বত্রে করিলা সমর্পণ ॥
 শ্রীগোবিন্দ গোপীনাথ মদনমোহনে ।
 কি বলিব যে আনন্দ প্রসাদ সেবনে ॥
 লোকনাথ আদি আগে কহিলেন সব ।
 খেতরিতে হৈল যৈছে মহা মহোৎসব ॥
 যেক্রমে আইলা পথে তাহা জানাইল ।
 শুনি সব গোস্বামীর আনন্দ হইল ॥
 গোস্বামী সকলে করি বৈর্য্যাবলম্বন ।
 নিজ নিজ বৃত্তান্ত করিলা নিবেদন ॥
 শুনিয়া ঈশ্বরী অতি ব্যাকুল অন্তরে ।
 মাধবাচার্য্যাদি ধৈর্য্য ধরিতে না পারে ॥
 কতক্ষণে স্থির হইয়া কহে সর্বজন ।
 গোবিন্দের কাবা কিছু করহ শ্রবণ ॥

শুনি গোবিন্দের কাব্য প্রশংসিলা কত ।
 কবিরাজ খ্যাতি হৈল সভার সম্মত ॥
 শ্রীঈশ্বরী তাঁ সভার অনুমতি লৈয়া ।
 চলিলেন শ্রীকুণ্ডে বহুলা বন হৈয়া ॥
 আসিয়াছিলেন যঁারা শ্রীকুণ্ড হইতে ।
 চলিলেন তাঁরা সতে ঈশ্বরীর সাথে ॥
 রাধাকুণ্ড শ্রামকুণ্ড করিয়া দর্শন ।
 দেখিলেন শ্রীমানসগঙ্গা গোবর্দ্ধন ॥
 বৃষভাসু পুর হৈয়া গেলা নন্দীশ্বর ।
 দেখিলেন শ্রীজাবট গ্রাম মনোহর ॥
 বলরায় রাসসীলা কৈলা যেইখানে ।
 তাহা দেখি পুনঃ আইলেন বৃন্দাবনে ॥
 শ্রীগোবিন্দ গোপীনাথ মদনমোহন ।
 শ্রীরাধা-বিনোদ আর শ্রীরাধারমণ ।
 রাধা-দামোদর এ সভারে যত্ন করি ।
 ভুঞ্জাইলা ক্রমে পাক : করিয়া ঈশ্বরী ॥
 গোস্বামী সভার সেই প্রসাদ সেবনে ।
 না জানি কি আনন্দ উদয় হৈল মনে ॥
 ঐছে শ্রীজাহ্নবা কত দিবস রহিলা ।
 শ্রীজীব গোস্বামী কিছু গ্রন্থ শুনাইলা ॥
 পুনঃ শ্রীঈশ্বরী সঙ্গে লৈয়া সর্বজন ।
 ক্রমেতে ছাদশ বন করিলা ভ্রমণ ॥
 যথা যে দিবস যৈছে আনন্দ হইল ।
 প্রেমের বাহুল্য ভয়ে তাহা না বর্ণিল ॥
 গৌড়দেশে গমনের উদ্যোগ করিলা ।
 গোস্বামী সকল ইথে অনুমতি দিলা ॥

শ্রীগোবিন্দ গোপীনাথ মদনমোহন ।
 রাধাদামোদর আর শ্রীরাধারমণ ।
 শ্রীরাধাবিনোদ এই সভার স্থানেতে ।
 হৈলা বিদায় কহি যে ছিল মনেতে ॥
 বিদায়ের কালে যৈছে হৈলা ঈশ্বরী ।
 সহস্র বদন হৈলে বর্ণিতে না পারি ॥
 মাধব আচার্য্য আদি যত্নে স্থির হৈলা ।
 সে দিবস সতে বৃন্দাবনে স্থিতি কৈলা ॥
 গৌরীদাস পণ্ডিতের শিষ্য প্রিয়তম ।
 বড় গঙ্গাদাস নাম গুণে অল্পমম ॥
 পূর্বে তেঁহ আসিয়াছিলেন বৃন্দাবনে ।
 কভু স্থির নহে সদা রহয়ে ভ্রমণে ॥
 তাঁরে অনুগ্রহ করি ঈশ্বরী আপনে ।
 আজ্ঞা কৈলা গৌড়দেশ যাবে মোর মনে
 ঐছে আজ্ঞা পাঞা তেঁহো প্রস্তুত হইলা
 এথা গোবিন্দ গোস্বামীর বাসা গেলা ॥
 শ্রীগোপালভট্ট লোকনাথের চরণে ।
 প্রণয়িয়া নিবেদিলা যে আছিল মনে ॥
 শ্রীভট্ট শ্রীলোকনাথ অতি হৃষ্ট হৈলা ।
 শ্রীনিবাস নরোত্তমে আশীর্বাদ কৈলা ॥
 এ সভার মাথে করি চরণ অর্পণ ।
 পুনঃ যে কহিলা তাহা না হয় বর্ণন ॥
 তথা হৈতে ভুগর্ভ গোস্বামী বাসা গেলা ।
 তেঁহ এ সভারে অতি অনুগ্রহ কৈলা ॥
 তথা হৈতে গেলা জীব গোস্বামীর স্থানে ।
 কৃষ্ণদাস কবিরাজ আদি সেইখানে ॥

একত্রে হৈল অনেকের দরশন ;
 ভূমে পড়ি বন্দিলেন সভার চরণ ॥
 সভে অতি অনুগ্রহ কৈলা এ সভারে ।
 শ্রীজীব গোস্বামী স্নেহে কহে গোবিন্দেরে ।
 তথাকার সংবাদ আচার্য্যে জানাইবা ।
 নিজকৃত গীতামৃত পাঠাইয়া দিবা ॥
 অতি অল্পদিনে এই গ্রন্থ সমাধিব ।
 লোকঘারে পত্রীসহ গ্রন্থ পাঠাইব ॥
 এত কহি গোপাল বিরূদাবলি দিলা !
 কৃষ্ণদাস কবিরাজ আদি প্রশংসিলা ॥
 ঐছে সর্বত্রই সভে দর্শন করিয়া ।
 করিলা বিশ্রাম শীঘ্র বাসায় আসিয়া ॥
 ঈশ্বরী অনেক রাত্রে করিলা শয়ন ।
 স্বপ্নচ্ছলে গোপীনাথ দিলেন দর্শন ॥
 আপন গলার মালা দিলা জাহ্নবীরে ।
 লহ লহ হাসিয়া কহয়ে ধীরে ধীরে ॥
 মোর প্রিয়া দেখি মনে করিয়াছ যাহা ।
 গোড়দেশ গিয়া পাঠাইব শীঘ্র তাহা ॥
 তেঁহ বামে রহিবেন এই দক্ষিণেতে ।
 হইব যে শোভা তাহা পাইব দেখিতে ॥
 ঐছে কত কহি করে মন্দিরে গমন ।
 নিদ্রাভঙ্গ হৈলে তাহা করিলা দর্শন ॥
 শ্রীগোপীনাথের মালা রাখি সন্মোপনে ।
 চলিলেন শ্রীমঙ্গল আরতি দর্শনে ॥
 আরাত্রিক দেখি কত প্রার্থনা করিয়া ।
 আইলেন বাসা অতি উল্লাস হইয়া ॥

রজনী প্রভাতকালে অতি সুভক্ষণ ।
 শ্রীঈশ্বরী বাসা হৈতে করিলা গমন ॥
 গোস্বামী সকল আইলেন সেই ঠাঞি ।
 যে কিছু কহিলা তা বর্ণিতে সাধ্য নাই ॥
 কথোদূর গিয়া সভে ঈশ্বরী আঙ্কায় ।
 বিদায় হইয়া ভাসে নেত্রের ধারায় ॥
 শ্রীজাহ্নবা ঈশ্বরী হইতে নারে স্থির ।
 নদীর প্রবাহ প্রায় নেত্রে বহে নীর ॥
 কৃষ্ণদাস পণ্ডিত শ্রীমাধব আচার্য্য ।
 যুরারি চৈতন্য আদি হৈল অধৈর্য্য ॥
 এ সভে কান্দয়ে আর কান্দে ব্রজবাসী ।
 হইলেন স্থির সভে কথোদূর আসি ॥
 ব্রজবাসিগণ নিজ বাসায় চলিলা ।
 সভাসহ শ্রীঈশ্বরী মথুরা আইলা ॥
 সে দিবস স্থিতি করিলেন মথুরাতে ।
 মাথুর ব্রাহ্মণ ভুঞ্জাইলা যত্নমতে ॥
 তথা হৈতে গমন করিলা গোড়দেশে ।
 খেতরি গ্রামেতে আইলা কথোক দিবসে ॥
 ঈশ্বরীর আগমন শুনি লোকমুখে ।
 নরোত্তম আত্ম-বিস্মরিত হৈলা মুখে ॥
 রামচন্দ্র ডাকিয়া কহিলা সমাচার ।
 শুনি আগমন হৈল আনন্দ সভার ॥
 চলিলেন আগুসবি গোঙ্গীর সহিতে ।
 খেতরি গ্রামের লোক দণ্ড চারিভিতে ॥
 কথোদূর গিয়া দেখে অপূর্ব গমন ।
 পরস্পর হৈল মহা আনন্দে মিলন ॥

ভূমে লোটাইয়া পড়ে ঈশ্বরী চরণে ।
 ঈশ্বরী হৈলা হর্ষ দেখি সর্বজনে ॥
 খেতরি গ্রামের লোক রূপা দৃষ্টি কৈলা ।
 সভাসহ খেতরি গ্রামেতে প্রবেশিলা ॥
 উত্তরিলা শ্রীঈশ্বরী পূর্বের বাসায় ।
 হইলা অনেক লোক নিযুক্ত সেবায় ॥
 শ্রীগোবিন্দ কবিরাজ আদি হর্ষমানে ।
 উত্তরিলা পূর্বের বাসায় সর্বজনে ॥
 বড় গঙ্গাদাস আদি যত বিজ্ঞগণ ।
 উত্তরিলা দেখি অতি অপূর্ব নির্জন ॥
 রামচন্দ্র কবিরাজ অতি সাবধানে ।
 লৈয়া গেলা বিবিধ সামগ্রী স্থানে স্থানে ॥
 ঈশ্বরী সমীপে শ্রীঠাকুর মহাশয় ।
 স্নান করিবারে পুনঃ পুনঃ নিবেদয় ॥
 উষ্ণ জলে শীঘ্র স্নানাদিক ক্রিয়া সারি ।
 প্রসাদি মিষ্টান্ন কিছু ভুঞ্জিলা ঈশ্বরী ॥
 শীঘ্র পাক করি কৈলা প্রভুরে অর্পণ ।
 ভুঞ্জিলেন হাতে হর্ষ হৈলা সর্বজন ॥
 এঁছে সকা মহান্তের স্নানাদি হইল ।
 শ্রীসন্তোষ সভে নব্য বস্ত্র পরাইল ॥
 মিষ্টান্ন প্রসাদ সভে করিলা ভক্ষণ ।
 তথা একস্থানে শীঘ্র হইল রক্ষণ ॥
 কৃষ্ণে সনপিয়া ভোগ পাককর্তা গণে ।
 সকল মহান্তে ভুঞ্জাইলা হর্ষমানে ॥
 শ্রীগোবিন্দ কবিরাজ আদি সর্বজন ।
 পাককর্তাগণ সহ করিলা ভোজন ॥

প্রসাদি তাম্বুল সভে করিয়া ভক্ষণ ।
 নিজ নিজ স্থানে শুইলেন অলক্ষণ ॥
 বড় গঙ্গাদাস আদি নিজ স্থানে গিরা ।
 কিছুকাল বিশ্রাম করিলা হর্ষ হৈয়া ॥
 শ্রীঈশ্বরী কতক্ষণ বিশ্রাম করিয়া ।
 শীঘ্র সারিলেন পুনঃ স্নানাদিক ক্রিয়া ॥
 নরোত্তম রামচন্দ্র সন্তোষাদি সনে ।
 শ্রীঈশ্বরী পাশে আইলা উল্লসিত মনে ॥
 ঈশ্বরী আজ্ঞায় সভে আসনে বসিলা ।
 নরোত্তম কিছু জিজ্ঞাসিতে মনে কৈলা ॥
 জানিয়া মনের কথা জাহ্নবা ঈশ্বরী ।
 বৃন্দাবন গমনাদি কহিলা বিবরি ॥
 গোস্বামী সভার চেষ্টা মনে বিচারিতে ।
 হৈল অধৈর্যা ধারা বহয়ে নেত্রিতে ॥
 কতক্ষণে স্থির হৈয়া সভা প্রবোধিলা ।
 শ্রীগোপীনাথের আজ্ঞা ভঙ্গিতে কহিলা ॥
 যাইতে হইব শীঘ্র ইহা জানাইতে ।
 রামচন্দ্র কবিরাজ কহে যোড়হাতে ॥
 এথা কথোদিন রহিবেন মনে ছিল ।
 মো' সভার অভিলাষ বিফল হইল ॥
 ঈশ্বরী কহেন কিছু কহিতে না পারি ।
 বিচারিয়া কহ নে উচিত ভাল করি ॥
 শ্রীঠাকুর মহাশয় ধীরে ধীরে কহে ।
 তই চারিদিনে যাত্রা হৈব খড়দহে ॥
 সাফাতেই নির্মাণ হইলে ভাল হয় ।
 এসকল কার্যোত্তে বিলম্ব কিছু নয় ॥

পথে যাইতে কিছুদিন বিনয় হইব ।
 কালি প্রাতে খড়দহে লোক পাঠাইব ॥
 এছে কহি শ্রীজাহ্নবা ঈশ্বরী সাফাতে ।
 পত্নী লেখাইয়া দিলা সন্তোষের হাতে ॥
 আচার্য্য ঠাকুরে এক পত্রিকা লিখিলা ।
 ছট পুত্রী দিয়া দূতে শীঘ্র পাঠাইলা ॥
 হইল সময় সন্ধ্যা আরতি দর্শনে ।
 শ্রীঈশ্বরী সঙ্গে গেলা প্রভুর প্রাঙ্গণে ॥
 শ্রীনাথব আচার্য্যাদি সভে শীঘ্র আইলা ।
 প্রভুর আরতি হর্ষে দর্শন করিলা ॥
 শ্রীজাহ্নবা ঈশ্বরী মন্দিরে এবেশিয়া ।
 করিলেন দর্শন ভঙ্গীতে কিবা কৈয়া ॥
 কতক্ষণ করিলেন কাঁড়ন শ্রবণ ।
 শ্রীঈশ্বরী কৈলা নিজ বাসায় গমন ॥
 নাথব আচার্য্য আদি সভে বাসা গেলা ।
 প্রভুর প্রাঙ্গণে রামচন্দ্রাদি রহিলা ॥
 প্রভুর প্রসাদি পক্ষ্মাদি শীঘ্র লৈয়া ।
 ভুঞ্জাইলা সভারে পরম যত্ন পাঞ ॥
 পথশ্রমেতে সভে করিলা শয়ন ।
 শ্রীসন্তোষ আদি কৈল চরণ সেবন ॥
 রামচন্দ্র ঈশ্বরী সমীপে শীঘ্র গেলা ।
 কিঞ্চিৎ প্রসাদি ছন্দ পান করাইলা ॥
 শ্রীঈশ্বরী সঙ্গেতে যত ছিল বিপ্র নারী ।
 তা সভারে কিছু ভুঞ্জাইলা যত্ন করি ॥
 শ্রীঈশ্বরী শয়ন করিলে মহাশয় ।
 রামচন্দ্র সহ আইলা প্রভুর আশয় ॥

রামচন্দ্র গোবিন্দাদি সভারে লইয়া ।
 ভুঞ্জিলা প্রসাদি মহাশয় হর্ষ হৈয়া ॥
 অবসর যাইয়া ঠাকুর মহাশয়ে ।
 শ্রীগোবিন্দ বনিরাজ যত্নে নিবেদয়ে ॥
 গোস্বামী সকল যে কহিতে আজ্ঞা কৈলা ।
 তাহা কহি গোপাল বিরদাবলি দিলা ॥
 শুনিয়া মহাশয় রহিলেন মৌন ধরি ।
 হইলা অপৈর্যা যৈছে কহিতে না পারি ॥
 কতক্ষণে আপনা প্রবোধি স্থির হৈলা ।
 গোপাল বিরদাবলি রামচন্দ্রে দিলা ॥
 তথ্যাপি ব্যাকুল হৈয়া করিলা শবন ।
 স্বপ্নস্থলে লোকনাথ দিলা দর্শন ॥
 নরোত্তম পড়িলা গোস্বামী পদতলে ।
 পাদপদ্ম দিক্ত কৈলা নয়নের তলে ॥
 নরোত্তম গোস্বামী করিয়া আলিঙ্গন ।
 কহিলা অনৃতময় প্রবোধ বচন ॥
 নরোত্তমে মহামোদ করিয়া প্রদান ।
 মন্দ মন্দ হাসিয়া হৈল অন্তর্কান ॥
 শ্রীঠাকুর মহাশয় মহাশয় হৈলা ।
 শ্রীনাথ গ্রহণে রাত্রি প্রভাত করিলা ॥
 সভে প্রাতঃক্রিয়া করি নরোত্তমে গৈয়া ।
 মগ্ন হৈলা শ্রীব্রন্দাবনের কথা কৈয়া ॥
 এছে মহানন্দে গে ডাইলা দিন চারি ।
 পুষ্ক মত পাক আদি করিলা ঈশ্বরী ॥
 যে আনন্দ প্রকাশ করিলা চারি দিনে ।
 কে কহিতে পারে তা দোঁপনে তাগাথানে ॥

রামচন্দ্রে লৈয়া শ্রীঠাকুর মহাশয় ।
 দৌহে স্থির করিলেন গমন সময় ॥
 শ্রীগোবিন্দ কবিরাজ আদি কথোজনে ।
 পাঠাইলা বৃধি পরমানন্দ মনে ॥
 শ্রীসন্তোষে কহে কালি প্রভাতে গমন ।
 শীঘ্র করি কর গমনের আয়োজন ॥
 পূজারী সকলে কহে পরম যতনে ।
 সাবধান হবে প্রভু বৈষ্ণব সেবনে ॥
 এছে সতে সৰ্বকার্যে সাবধান কৈলা ।
 শ্রীঈশ্বরী সমীপে এ সব নিবেদিলা ॥
 এথা শ্রীসন্তোষ রায় আদি কতজন ।
 করিলেন শীঘ্র গমনের আয়োজন ॥
 শ্রীঈশ্বরী সন্তোষে দিবার যোগ্য যাহা ।
 শ্রীপরমেশ্বর দাসে সমর্পিলা তাহা ॥

রজনী প্রভাতকালে প্রকুর অঙ্গনে ।
 বিদায় হৈতে আইলেন সৰ্বজনে ॥
 করিয়া দর্শন সতে মনের উল্লাসে ।
 করিলেক কতক প্রার্থনা বৃহভাষে ॥
 পূজারী প্রসাদি মালা বস্ত্র সতে দিলা ।
 ভূমে পড়ি প্রণমি বিদায় সতে লৈলা ॥
 শ্রীজাহ্নবা ঈশ্বরী অধৈর্য্য দরশনে ।
 বিদায় হইলা কিবা কহি মনে মনে ॥
 করিয়া প্রণাম মালা বস্ত্র ধরি মাথে ।
 চলিলেন সভাসহ প্রাঙ্গণ হইতে ॥
 শ্রীঠাকুর মহাশয় বিদায় হইলা ।
 নিজকৃত শ্লোক পড়ি প্রণাম করিলা ॥

তথাহি ॥

গৌরাক্ষ বল্লবীকান্ত শ্রীকৃষ্ণ ব্রজমোহন ।

রাধারমণ হে রাধে রাধাকান্ত নমোহস্তুতে ।

যে যে সঙ্গে যাইবেন তাঁ সভারে লৈয়া ।
 রামচন্দ্র বিদায় ব্যাকুল হৈল হিয়া ॥
 খেতরি গ্রামের লোক হইয়া অস্থির ।
 চলিলেন সঙ্গে সতে পদ্মাবতী তীর ।
 শ্রীঈশ্বরী সকল লোকে প্রবোধিয়া ।
 চড়িলা নৌকায় অতি অধৈর্য্য হইয়া ॥
 শ্রীঠাকুর মহাশয় কহে কর্ণধারে ।
 শীঘ্র নৌকা লইয়া চলহ পদ্মাপারে ॥

কর্ণধার নৌকা লৈয়া পদ্মাপার আইলা ।
 এথা লোক ব্যাকুল হইয়া গ্রামে গেল ॥
 পদ্মাবতী তীরে সভা সহিত ঈশ্বরী ।
 স্নানাদি করিয়া শীঘ্র আইল বৃধি ।
 তথা যে যে নিকটে গ্রামের লোকগণ ।
 ধাইয়া আইলা সতে করিতে দর্শন ।
 সকল মহাস্তে করি দর্শন সকলে ।
 ধরিতে নায়ে হিয়া ভাসে নেত্রজলে ॥

ঐছে চেষ্টা দেখি বিজ্ঞগণ হর্ষ হৈলা ।
 তাঁ সভারে সুমধুর বাক্যে সম্বোধিলা ॥
 সভাসহ শ্রীঈশ্বরী উল্লাস অন্তরে ।
 উত্তরিলো অপূর্ব নির্জন বাসাঘরে ॥
 শ্রীগোবিন্দ কবিরাজ পাককর্তাগণে ।
 করিলেন নিবেদন যাইতে রন্ধনে ॥
 সে সকলে শীঘ্র পাক করি হর্ষ হৈলা ।
 কৃষ্ণে ভোগ সমর্পিয়া ভোগ সরাইলা ॥
 শ্রীঈশ্বরী করি অতি সংক্ষেপে রন্ধন ।
 দুগ্ধাদি সহিতে কৃষ্ণে কৈল সমর্পণ ॥
 ভোগ সরাইয়া সুখে ভুঞ্জিলা ঈশ্বরী ।
 বসিলা আসনে আসি পুনঃ স্নান করি ॥
 এথা অতি যত্ন করি পাককর্তাগণ ।
 সর্ব মহাস্তরে করাইলেন ভোজন ॥
 শ্রীঠাকুর মহাশয় আদি সর্বজনে ।
 করিল ভোজন পাককর্তাগণ মনে ॥
 সে দিবস ঈশ্বরীর কি আনন্দ হইল ।
 বড় গঙ্গাদাসের বিবাহ স্থির কৈল ॥
 বিরক্তের শিরোমণি বড় গঙ্গাদাস ।
 স্বপ্নেও নাহিক যঁার কোন অভিলাষ ॥
 বড় গঙ্গাদাস অতি সঙ্কোচিত হৈলা ।
 ঈশ্বরীর ইচ্ছামতে বিবাহ করিলা ।
 দিলেন বিবাহ যৈছে জাহ্নবা ঈশ্বরী ।
 গ্রন্থের বাহুল্য ভয়ে বর্ণিতে না পারি ।
 শ্যামরাজ নামে ঐ বিগ্রহ মনোহর ।
 কি অপূর্ব ভঙ্গিমা সে সর্বত্র সুন্দর ॥

তেঁহ স্বপ্নচ্ছলে কহে ঈশ্বরীর পাশে ।
 এবে মোরে সমর্পহ বড় গঙ্গাদাসে ॥
 স্বপ্নাদেশে ঈশ্বরী পরম হর্ষ হৈয়া ।
 বড় গঙ্গাদাসে দিলা যেন সমর্পিয়া ॥
 ভোগের নিবন্ধ করিলেন সেইক্ষণে ।
 মহামহোৎসব হৈল তার পরদিনে ।
 বড় গঙ্গাদাস প্রতি নিভূতে ঈশ্বরী ।
 কহিলেন কি তাহা বৃষ্টিতে না পারি ॥
 বড় গঙ্গাদাসে রাখি বৃধি গ্রামেতে ।
 সভাসহ আইলা কণ্টকনগরেতে ॥
 শ্রীযত্ননন্দন আদি আনন্দ হৃদয়ে ।
 আশুসরি আনিলেন প্রভুর আনয়ে ॥
 ভোজন করিয়া প্রভু করিবে শয়ন ।
 হেনকালে অগ্ননে প্রবেশে সর্বজন ॥
 দেখি গৌরচন্দ্রে অতি আনন্দ হিয়ায় ।
 সভাসহ উত্তরিলো পূর্বের বাসায় ॥
 শ্রীঠাকুর মহাশয় আদি সর্বজনে ।
 দিলেন অপূর্ব বাসা পরম নির্জনে ॥
 গঙ্গান্নান করিতে গেলেন সর্বজন ।
 এথা সব সামগ্রীর হৈল আয়োজন ॥
 জাজিগ্রামে শীঘ্র এক লোক পাঠাইলা ।
 সভা সহ শ্রীআচার্য্য ঠাকুর আইলা ॥
 এথা স্নানাদিক ক্রিয়া করি সর্বজন ।
 প্রসাদি মিষ্টান্ন কিছু করিলা ভক্ষণ ॥
 হেনকালে আচার্য্য হইলা উপনীত ।
 দেখিয়া সকলে হইলেন উল্লাসিত ॥

শ্রীনিবাস আচার্য্য সভারে প্রণময়ে ।
 সতে প্রণমিয়া শ্রীনিবাসে আলিঙ্গয়ে ॥
 স্নেহে জিজ্ঞাসিলা শ্রীনিবাসেরে কুশল ।
 শ্রীনিবাস কহে এই দর্শনে মঙ্গল ।
 শ্রীনিবাস সঙ্গিতে ছিগেন যত জন ।
 সতে বন্দিলেন সর্ব মহান্ত চরণ ॥
 সকল মহান্ত যথাযোগ্য ক্রিয়া কৈল ।
 স্নেহাবেশে যৈছে তা বর্ণিতে না পারিল ॥
 এথা পাক কর্তাগণ রন্ধন করিলা ।
 কৃষ্ণে ভোগ সমপিয়া ভোগ সরাইলা ॥
 শ্রীঈশ্বরী করি শীঘ্র পাক সংক্ষেপেতে ।
 ভুঞ্জাইয়া প্রভুকে ভুঞ্জিলা যত মতে ॥
 পুনঃ স্নান করিয়া কহয়ে সর্ব জনে ।
 বেলা অবসান হৈল বৈসহ ভোজনে ॥
 শ্রীনিবাস আচার্য্যাদি সভারে লইয়া ।
 সকল মহান্ত ভুঞ্জিলেন হর্ষ যৈয়া ॥
 আচমন করি সতে বসিলা আসনে ।
 আচার্য্য গেলেন ঈশ্বরীর দর্শনে ॥
 ভূমে পড়ি ঈশ্বরীঃচরণে প্রণমিলা ।
 স্নেহাবেশে ঈশ্বরী কুশল জিজ্ঞাসিলা ॥
 শ্রীনিবাস কহে এই চরণ দর্শনে ।
 সব অকুশল দূরে গেল এতদিনে ॥
 শ্রীঈশ্বরী পুনঃ অতি সুমধুর ভাষে ।
 আশ্রোপান্ত সকল কহিলা শ্রীনিবাসে ॥
 শ্রীনিবাস শুনিলেন উল্লাস হিয়ায় ।
 আইলেন প্রিয় নরোত্তমের বাসায় ॥

শ্রীগোবিন্দ কবিরাজ কহিলেন তাহা ।
 কহিতে কহিলা শ্রীগোবামী সব যাহা ॥
 শুনিয়া আচার্য্য মনে করয়ে বিচার ।
 প্রভুপাদপদ্ম কি দেখিতে পাব আর ॥
 রামচন্দ্র কবিরাজ কতক্ষণ পরে ।
 গোপাল বিরদাবলি দিলা আচার্য্যেরে ॥
 আচার্য্য লইয়া তাহা মস্তকে ধরিলা ।
 সন্ধ্যা আরম্ভিক শীঘ্র দেখিতে চলিলা ॥
 সকল মহান্ত মিলি আইলা প্রাঙ্গণে ।
 হইল পরমানন্দ আরাতি দর্শনে ॥
 কতক্ষণ করিলেন নাম সংকীৰ্ত্তন ।
 যে আনন্দ হৈল তাহা না হয় বর্ণন ॥
 শ্রীজাম্ববা ঈশ্বরী প্রভুর মন্দিরেতে ।
 হইলেন অধৈর্য্য প্রভুর দর্শনেতে ॥
 যত্নে স্থির হৈয়া কৈলা বাসায় গমন ।
 কতক্ষণে গৌরাম্বের হইল শরন ॥
 শ্রীনিবাসাচার্য্যে গৈয়া মহান্ত সকল ।
 গেলেন বাসায় হৈয়া আনন্দে বিহ্বল ॥
 শ্রীবৃন্দাবনের কথা কহি কতক্ষণ ।
 তইল অনেক রাত্রি করিলা শরন ॥
 শ্রীনিবাস আচার্য্যাদি গেলেন বাসায় ।
 আচার্য্য গমন কৈলা ব্যাকুল প্রিয়ায় ॥
 কিছু নিদ্রা হৈলে নিশি অবসান কালে ।
 শ্রীগোপাল ভট্ট দেখা দিলা স্বপ্ন ছলে ॥
 শ্রীনিবাস লোটাইয়া ভূমিতে পড়িলা ।
 নয়নের জলে পাদপদ্ম প্রক্ষালিলা ॥

শ্রীভট্ট গোস্বামী করি দৃঢ় আলিঙ্গন ।
 শ্রীনিবাস প্রতি কহে মধুর বচন ॥
 তোমার নিকটে আমি আছি নিরন্তর ।
 জন্মে জন্মে তুমি মোর প্রধান কিঙ্কর ॥
 ব্রহ্মে কত কহি মাথে ধরিয়া চরণ ।
 অদর্শন হইতেই হইল চেতন ॥
 শ্রীগোপাল ভট্ট পাদপদ্ম ধ্যান করি ।
 উঠিয়া বসিলা কৃষ্ণচৈতন্য সঙরি ॥
 হইল প্রভাত সভে করি প্রাতঃক্রিয়া ।
 সুরধুনী স্নানাদি করিলা হর্ষ হৈয়া ॥
 শ্রীগোরাঙ্গ দেখি দেখে ভারতীর স্থান ।
 বিদায় হইতে হৈল ব্যাকুল পরাণ ॥
 শ্রীযত্ননন্দনে কত কহি স্থির কৈলা ।
 সভাসহ শ্রীঈশ্বরী জাজিগ্রামে আইলা ॥
 আচার্য্য ঠাকুর খণ্ডে লোক পাঠাইলা ।
 শুনিয়া সংবাদ খণ্ডবাসী হর্ষ হৈলা ॥
 জাজিগ্রামে আইলেন শ্রীরঘুনন্দন ।
 শ্রীজাহ্নবা ঈশ্বরীরে করিলা দর্শন ॥
 সভাসহ মিলনে যে উল্লাস হইল ।
 তাহা বিস্তরিয়া এথা বর্ণিতে নারিল ॥
 কতক্ষণ জাজিগ্রামে অবস্থি কৈলা ।
 শুনিয়া ব্রজের কথা অধৈর্য্য হইলা ॥
 পুনঃ সঙ্গে লৈয়া আচার্য্য শ্রীনিবাসে ।
 ঈশ্বরী সমীপে নিবেদয়ে যুহু ভাষে ॥
 শুনিলুঁ সকল ইথে বিলম্ব না সহে ।
 শীঘ্র করি যাইতে হইবে খড়দহে ॥

কালি প্রাতে করিবেন খণ্ডে আগমন ।
 আঁমারে যাইতে তথা হইবে এখন ॥
 এত কহি প্রশমিরা শ্রীখণ্ডে চলিলা ।
 প্রত্যেকে সকল মহান্তরে নিবেদিলা ॥
 শ্রীনিবাস আচার্য্যাদি সভে সম্বোধিয়া ।
 শ্রীরঘুনন্দন খণ্ডে আইলা হর্ষ হৈয়া ॥
 করাইলা সকল সামগ্রী আয়োজন ।
 বাসা পরিষ্কার করাইলা সেইক্ষণ ॥
 হইল প্রস্তুত সব দেখে স্থানে স্থানে ।
 খণ্ডবাসী লোক অতি উৎকণ্ঠা দর্শনে ॥
 এথা জাজিগ্রামে সভা সহিত ঈশ্বরী ।
 তক্ষণাদি ক্রিয়া সারিলেন শীঘ্র করি ॥
 আচার্য্য করিলা গ্রন্থ পাঠক ততক্ষণ ।
 তার পর হইল অদ্ভুত সংকীর্ণন ॥
 জাজিগ্রামে সে দিন সুখের নাহি অন্ত ।
 তাহা কি বর্ণিব দেখিলেন ভাগ্যবন্ত ॥
 রজনী প্রভাত কালে প্রাতঃক্রিয়া করি ।
 সভাসহ শ্রীখণ্ডেতে আইলা ঈশ্বরী ॥
 খণ্ডবাসী লোক হৈলা আনন্দে বিহ্বল ।
 দেখিয়া শ্রীজাহ্নবার চরণ যুগল ॥
 যে আনন্দ হৈল সর্বমহান্ত দর্শনে ।
 তাহা কি বর্ণিব যে দেখিল সেই জানে ॥
 সভাসহ প্রভুর প্রাক্ষণে শীঘ্র গিয়া ।
 প্রভুর দর্শনে উল্লাসিত হৈল হিয়া ॥
 নিত্যানন্দ প্রভু যথা নর্তন করিলা ।
 প্রেমের আবেশে যথা মধু পান কৈলা ॥

যথা নরহরি নৃত্য দেখিলা নিতাই ।
 ধূলায় ধূসর হইলেন যে ঠাঞি ॥
 সে সকল স্থান দেখি উল্লাস হিয়ায় ।
 উত্তরিল সবে অতি অপূর্ব বাসায় ॥
 সে দিবস পাক ক্রিয়া অল্পে সমাধিলা ।
 প্রভুরে সমর্পি শীঘ্র সকলে ভুঞ্জিলা ॥
 ঈশ্বরীর মন জানি শ্রীরঘুনন্দন ।
 আরম্ভিলা ভুবন মঙ্গল সংকীর্তন ।
 হইল অদ্ভুত প্রেমবত্তা-সংকীর্তনে ॥
 সবে সঁতারয়ে কার ধৈর্য্য নাহি মনে ॥
 আশ্র-বিস্মরিত হইলেন সর্বজন ।
 কেহ কার পায়ে ধরি করয়ে ক্রন্দন ॥
 লুঠয়ে ধরণী তলে বিহ্বল অস্তর ।
 হইল সভার অঙ্গ ধূলায় ধূসর ॥
 যৈছে গীত বাণ তৈছে করয়ে নর্তন ।
 ইথে দ্রবে পাষণ সমান যার মন ॥
 কেহ কার প্রতি কহে রহি এক ভীতে ।
 গীত নৃত্য বাণের উপমা নাই দিতে ॥
 কেহ কহে ওহে ভাই মনে এই করি ।
 নৃত্য গীত বাণের বালাই লৈয়া মরি ॥
 কেহ কহে গীত নৃত্য বাণের পাথারে ।
 সেই সে ডুবয়ে এ সভার কুপা যারে ॥
 ঐছে কহি সিন্ধু হৈয়া নেত্রের ধারায় ।
 চারি পাশে ফিরে সবে মত্তহস্তী প্রায় ॥
 কি মধুর কীর্তনে অদ্ভুত ভাবাবেশে ।
 কিছু স্থতি নাই রাত্রি হৈল অবশেষে ॥

প্রভু ইচ্ছামতে কতক্ষণে স্থির হৈয়া ।
 করিলা বিশ্রাম সবে বাসায় আসিয়া ॥
 কিছু নিদ্রা হৈয়া রাত্রি প্রভাত হইল ।
 প্রাতঃক্রিয়া আদি সবে শীঘ্র সমাধিল ॥
 স্নানাহ্নিক ক্রিয়া শীঘ্র করিয়া ঈশ্বরী ।
 ভুঞ্জাইল প্রভুরে অপূর্ব পাক করি ॥
 মাধবাচার্য্যাদি লৈয়া শ্রীরঘুনন্দনে ।
 ঈশ্বরী আজ্ঞায় সবে বসিলা ভোজনে ॥
 ঈশ্বরী আপনে পরিবেশন করিলা ।
 না জানি সকলে কত আনন্দে ভুঞ্জিলা ॥
 শ্রীজাহ্নবা ঈশ্বরী সভারে ভুঞ্জাইয়া ।
 করিলা ভোজন সর্বশেষে প্রীত পাঞা ॥
 ঈশ্বরীর স্নেহাবেশে শ্রীরঘুনন্দন ।
 হইলা অধৈর্য্য অশ্রু নহে নিবারণ ॥
 শ্রীখণ্ড গ্রামের লোক ঈশ্বরীর গুণে ।
 হইলা বিহ্বল মুখ বাঢ়ে ক্ষণে ক্ষণে ॥
 শ্রীঈশ্বরী করি পুনঃ স্নান হর্ষ হৈয়া ।
 বসিলেন শ্রীনিবাস আচার্য্যাদি লৈয়া ॥
 সুমধুর বাক্যে কহে অতি স্নেহ করি ।
 এথা হৈতে সবে শীঘ্র যাইবা খেতরি ॥
 খড়দহে যাত্রা কালি করিব প্রভাতে ।
 শীঘ্র সমাচার পাঠাইব তথা হৈতে ॥
 ঐছে কত কহি আইলা প্রভুর প্রাক্ষণে ।
 হইল আনন্দ সন্ধ্যা আরতি দর্শনে ॥
 কতক্ষণ করি নাম কীর্তন শ্রবণ ।
 বিদায় হইয়া বাসা করিলা গমন ॥

শ্রীরঘুনন্দন আদি ঈশ্বরীর পাশে ।
 নিবেদন করে কিছু সুমধুর ভাষে ॥
 শুনিলাম কালি প্রাতে হইবে গমন ।
 প্রৌঢ় করি রাখিতেও নারিবে এখন ।
 আপনি স্বতন্ত্র নিবেদিতে পাই ভয় ।
 মধ্য মধ্য গমন হইলে ভাল হয় ॥
 মোর সম নির্লজ্জ নাহিক কোন জন ।
 ঐছে বিচ্ছেদাগ্নি দাহে আছয়ে জীবন ॥
 রঘুনন্দনের ঐছে বচন শ্রবণে ।
 ঈশ্বরী অধৈর্য্য ধারা বহে ছনয়নে ॥
 কতক্ষণে শ্রীরঘুনন্দন স্থির হৈয়া ।
 আইলেন বিনয় পূর্বক কত কৈয়া ॥
 গৌরান্বের প্রসাদি সামগ্রী সভে দিলা ।
 যত্বপি নাহিক ক্ষুধা তথাপি ভুঞ্জিলা ॥
 শ্রীঈশ্বরী সঙ্গে যে দিবেন সেইক্ষণ ।
 শ্রীমাধব আচার্য্যে করিলা সমর্পণ ॥
 হইল অনেক রাত্রি শয়ন করিলা ।
 রজনী প্রভাতে সভে বিদায় হইলা ॥
 সে সময় যৈছে চিত্ত ব্যাকুল সভার ।
 যৈছে নেত্র ধারা বর্ণিতে শক্তি কার ॥
 শ্রীমতী ঈশ্বরী পূর্বে যে পথে আইলা ।
 সভে দেখি সেইপথে খড়দহে গেলা ॥
 ঈশ্বরী গমন যৈছে লোক গতাগতি ।
 সে সকল বর্ণিতে কি আমার শক্তি ।
 এথা শ্রীঠাকুর রঘুনন্দন খণ্ডেতে ।
 আচার্য্যাদি সহ মহা বিহ্বল প্রেমেতে ॥

সে দিবস আচার্য্যাদি তথাই রহিলা ।
 প্রভাতে বিদায় হৈয়া জাজিগ্রামে আইলা
 জাজিগ্রামে ছই চারি দিবস রহিয়া ।
 ছইজন সঙ্গে শীঘ্র গেলেন নদীয়া ॥
 নবদ্বীপে ভ্রমণ করিলা যে প্রকারে ।
 তাহা বিস্তারিত গ্রন্থ ভক্তি রত্নাকরে ॥
 তথা হৈতে শ্রীআচার্য্য জাজিগ্রামে আসি
 সে দিবস সংকীর্ণনে গোঙাইল নিশি ॥
 তার পরদিন যাত্রা করিলা প্রভাতে ।
 চারি পাঁচদিনে আইল বুধরি গ্রামেতে ॥
 শ্রীগোবিন্দ কবিরাজ আদি কথো জনে ।
 তথা রাখি খেতরি আইল পরদিনে ॥
 শুনিয়া গমন লোক ধায় চারিপাশে ।
 করয়ে দর্শন অতি মনের উল্লাসে ॥
 আচার্য্য ঠাকুর শ্রীঠাকুর মহাশয় ।
 সুমধুর বাক্যে তা সভারে সন্তোষয় ॥
 সভাসহ গৌরান্বনে অতি শীঘ্র গিয়া ।
 করিলা দর্শন অতি অধৈর্য্য হৈয়া ॥
 হেনকালে খড়দহ হৈতে পত্নী আইল ।
 সকল মঙ্গল পত্নী পাঠে জ্ঞাত হৈল ॥
 পরম মঙ্গল পত্নী লিখি সেইক্ষণে ।
 খড়দহ পাঠাইলা অতি হৃষ্ট মনে ॥
 কতক্ষণ রহি তথা আইলা বাসাতে ।
 দিবানিশি মন্ত কৃষ্ণকথা আলাপেতে ॥
 প্রতিদিন মহামহোৎসব যৈছে হয় ।
 তাহা বর্ণিবারে নারি বাহুল্যের ভয় ॥

আচার্য্য শ্রীমহাশয় রামচন্দ্র তিনে ।
 না জানি প্রসঙ্গ কিবা করিলা নির্জনে ॥
 শ্রীআচার্য্য পঞ্চদশ দিবস রহিয়া ।
 কাঞ্চন গড়িয়া গেলা বৃধরি হইয়া ॥
 তথা পঞ্চদিবস পরমানন্দে ছিল ।
 বহু শিষ্য সঙ্গে করি জাজিগ্রামে আইলা ॥
 নিরন্তর ভক্তিশাস্ত্র পড়ান সভারে ।
 হেন সাধ নাহি কার বাদকল্প করে ॥
 সভামধ্যে গর্জে মহা মন্তসিংহ প্রায় ।
 শুনিয়া তর্কিক আদি দূরেতে পলায় ॥
 নানা দেশ হৈতে লোক পড়িতে আইসে ।
 ভক্তিগ্রন্থে অধ্যাপক হৈয়া যায় দেশে ॥
 দেবের দুর্লভ প্রেমভক্তি মহাধন ।
 শ্রীচৈতন্য ইচ্ছা মতে করে বিতরণ ॥
 পাপিয়া পাষণ্ডিগণ আচার্য্য কুপায় ।
 অনুক্ষণ শ্রীকৃষ্ণ-চৈতন্য গুণগায় ॥
 হেন আচার্য্যের অভিন্ন কলেবর ।
 শ্রীঠাকুর নরোত্তম গুণের সাগর ॥
 প্রাণের অধিক প্রিয় শ্রীরামচন্দ্র সঙ্গে ।
 শ্রীখেতরি গ্রামে বিলসয়ে প্রেমরঙ্গে ॥
 শ্রীমদ্ভাগবত গোস্বামীর গ্রন্থগণ ।
 নিরন্তর শিষ্যেরে করান অধ্যয়ন ॥
 ভক্তিগ্রন্থ ব্যাখ্যা শুনি কর্মী জ্ঞানিগণে ।
 হইয়া বৈষ্ণব সে নিন্দয়ে কর্মজ্ঞানে ॥
 অন্তদেশে আসি বিপ্র বৈষ্ণব একত্রে ।
 গোস্বামীর গ্রন্থ পঢ়ি পড়ান সর্বত্রে ॥

ঐছে ভক্তি-গ্রন্থরত্ন করে বিতরণ ।
 ভাগবন্ত জন ইহা করয়ে শ্রবণ ॥
 একদিন নরোত্তম রামচন্দ্র সনে ।
 বসিয়া আছেন কৃষ্ণকথা আলাপনে ॥
 হেনকালে আইলা এক বিশিষ্ট ব্রাহ্মণ ।
 মহাশয় প্রতি কহে করিয়া ক্রন্দন ॥
 মোর পাঠ শিষ্যগণ আগে দর্প করি ।
 করিলুঁ যতেক তাহা কহিতে না পারি ॥
 যে দিবস তোমারে করিলুঁ শূদ্র বুদ্ধি ।
 সেইদিন হইতে মোর হৈল কুষ্ঠব্যাধি ॥
 রোগ শান্তি হেতু কৈলুঁ ঔষধ অনেক ।
 শিব স্বস্তায়ন আদি ক্রিয়া বা কতেক ॥
 রোগ শান্তি হৈবে কি বাড়িল মহাক্লেশ ।
 মনে কৈলুঁ গঙ্গায় করিব পরবেশ ॥
 স্বপ্নে মোরে বিমুখী হইয়া ভগবতী ।
 ক্রোধাবেশে কহে হৈবে বিশেষ দুর্গতি ॥
 নরোত্তমে শূদ্র বুদ্ধি কৈলি অহঙ্কারে ।
 পড়িয়া শুনিয়া বুদ্ধি গেল ছারেখারে ॥
 নরোত্তমে সামান্য মনুষ্য বুদ্ধি যার ।
 সে পাপীর কোনকালে নাহিক নিস্তার ॥
 যদি তেঁহ তোর ভাগ্য হয়েন সদয় ।
 তবে সে হইবে রক্ষা জানিহ নিশ্চয় ॥
 ঐছে কহি তেঁহ হইলেন অদর্শন ।
 প্রাতঃকাল হৈল এথা করিলুঁ গমন ॥
 আসিতে তোমার আগে মনে হৈল ভয় ।
 পথে এক বিজ্ঞ কহে তেঁহ কৃপাময় ॥

দূরে হৈতে তোমারে করিয়া দরশন ।
 যড়াইল নেত্র যেন পাইলু' জীবন ॥
 মোর অপরাধ ক্ষমা কর এইবার ।
 লইলু' শরণ এই চরণে তোমার ॥
 এত কহি ভাসে ছই নয়নের জলে ।
 হইয়া ব্যাকুল বিপ্র পড়ে মহীতলে ॥
 শ্রীঠাকুর মহাশয় কহে বারবার ।
 মোর স্থানে অপরাধ নাহিক তোমার ॥
 বিপ্র কহে মোর মাথে ধরহ চরণ ।
 তবে সে প্রফুল্ল হয় এ পাপীর মন ॥
 নরোত্তম শ্রীকৃষ্ণচৈতন্য সঙরিয়া ।
 বিপ্রে আলিঙ্গন কৈলা প্রেমাভিষ্ট হইয়া ॥
 বিপ্র মহাহর্ষে লৈয়া চরণের ধূলি ।
 করয়ে নর্তন ছই বাহু উর্ধ্বে তুলি ॥
 কভক্ষণ পরে বিপ্র হইলেন স্থির ।
 দূরে গেল ব্যাধি হৈল নির্মল শরীর ॥
 বিপ্রচিত্তে হৈল প্রেমভক্তির উদয় ।
 ব্যাধি ভাল হৈল ইথে মনে বিচারয় ॥
 ব্যাধি দেছে থাকিলে হইত উপকার ।
 না জানিয়ে পাছে বা জন্মরে অহঙ্কার ॥
 ইছে মনে করে বিপ্র ভক্তি প্রভাবেতে ।
 হইয়া বৈষ্ণব নিজ গোষ্ঠীর সহিতে ॥

এ সকল কথা হৈল সর্বত্র প্রচার ।
 ব্রাহ্মণগণের ভয় বাড়িল অপার ॥
 কেহ কার প্রতি কহে হও সাবধান ।
 শ্রীনরোত্তমেরে না করিও শূদ্রজ্ঞান ॥
 কেহ কহে মত্ত হৈয়া বিপ্র অহঙ্কারে ।
 নরোত্তম হেন রত্ন নারি চিনিবারে ॥
 কেহ কহে নরোত্তম কৃপার আलय ।
 নিজগুণে কৃপা করি নাশে ভবভয় ॥
 কেহ কহে নরোত্তমের গুণগানে ।
 অধম উত্তম হৈল দেখিলু' নয়নে ॥
 নরোত্তম গুণের সমুদ্র কেহ কহে ।
 এত গুণ মনুষ্যে সম্ভব কভু নহে ॥
 কেহ কহে এ কেবল মনুষ্য আকার ।
 জীব উদ্ধারিতে ঈশ্বরংশ অবতার ॥
 ইছে বহু কহি বৃদ্ধ বিপ্র গুণবান ।
 নিজ নিজ গোষ্ঠীগুণে কৈলা সাবধান ॥
 শ্রীনরোত্তমের গুণ গায় অবিরত ।
 নরোত্তম চেষ্টা যৈছে কি কহিব কত ।
 মধ্য মধ্য জাজিগ্রাম গিয়া মহাশয় ।
 আচার্য্যের সহ যৈছে সুখে বিলসয় ।
 যৈছে বীর হাঙ্গীরের সহিতে মিলন ।
 ভক্তিরত্নাকর গ্রন্থে হইল বর্ণন ॥
 নিরন্তর এ সব শুনহ যত্ন করি ।
 নরোত্তম-বিলাস কহয়ে নরহরি ॥

ইতি শ্রীনরোত্তমবিলাসে নবমোবিলাসঃ ।

দশম বিলাস ।

জয় গৌর নিত্যানন্দাষ্টৈতগণ সহ ।
 এ দীন দুঃখিরে প্রভু কর অনুগ্রহ ॥
 জয় জয় দয়ার সমুদ্র শ্রোতাগণ ।
 এবে যে কহিয়ে তাহা করহ শ্রবণ ॥
 আচার্যের শিষ্য রাম শ্রীরঘুনন্দন ।
 বৃন্দাবন হইতে আইলা দুইজন ॥
 ব্রজের মঙ্গল মহাশয়ে নিবেদিয়া ।
 পুনঃ নিবেদয়ে অতি উল্লাস হইয়া ॥
 শ্রীজাহ্নবা ঈশ্বরী প্রেরিত ঠাকুরাণী ।
 কি অপূর্ব শোভা তাঁর কহিতে কি জানি
 গোস্বামী সকল গোপীনাথের আদেশে ।
 বসাইলা শ্রীগোপীনাথের বামপাশে ॥
 হৈল মহামহোৎসব দেখিলুঁ সাক্ষাতে ।
 ব্রজবাসী বৈষ্ণব উল্লাস মহাপ্রীতে ॥
 শুনি এ প্রসঙ্গ সব সবে হর্ষ হৈলা ।
 রামচন্দ্র দৌহে শীঘ্র স্থানে পাঠাইলা ॥
 শ্রীঠাকুর মহাশয় রামচন্দ্র সনে ।
 প্রেমাবেশে চলে দৌহে পদ্মাবতী স্থানে ॥
 সেই পথে আইসে দুই ব্রাহ্মণ কুমার ।
 ছাগ মেঘ মহিষ শাবক সঙ্গে তার ॥

তাহা দেখি রামচন্দ্রে কহে মহাশয় ।
 কৃষ্ণ ভজনের যোগ্য এই বিপ্রদয় ॥
 রামচন্দ্রে সেই বিপ্রে লক্ষ করি ।
 নাসা শাস্ত্র প্রসঙ্গে চলয়ে ধীরি ধীরি ॥
 কিছুদূরে সেই দুই বিপ্র বিদ্যমান ।
 শুনি শাস্ত্র প্রমাণ নির্মল হৈল জ্ঞান ॥
 দৌহে দেখি মনের উল্লাসে দৌহে কয় ।
 এই কবিরাজ শ্রীঠাকুর মহাশয় ॥
 লোকমুখে শুনিলুঁ মহিমা দূরে হতে ।
 আজি সুপ্রভাত হৈল দেখিলুঁ সাক্ষাতে ॥
 এত কহি ছাগাদিক দূরে রাখাইলা ।
 মহাসশক্ত হৈয়া নিকটে আইলা ॥
 সুমধুর বাক্যে দৌহে কহে মহাশয় ।
 কি নাম কাহার পুত্র দেহ পরিচয় ॥
 শুনি বিপ্র কহে মোর নাম হরিরাম ।
 আমার কনিষ্ঠ এই বালকৃষ্ণ নাম ॥
 শিবাই আচার্য্য মোর পিতা সভে জানে ।
 বহু অর্থ ব্যয় তাঁর ভবানী পূজনে ॥
 বলরাম কবিরাজ বৈষ্ণু ভালমতে ।
 ছাগাদি লইতে আইলুঁ পিতার আজ্ঞাতে

জীবহিংসা করিতে তাঁহার নাহি ভয় ।
 এ কৰ্ম করিলে স্বৰ্গ ভোগ সে জানয় ॥
 এত কহি নিজ লোকে কহে ডাক দিয়া ।
 পদ্মাপার যাহ সতে ছাগাদি ছাড়িয়া ॥ :
 হরিরাম আচার্য্যের বচন প্রমাণে ।
 ছাগাদিক ছাড়িয়া দিলেন সেইখানে ॥
 গেলেন সকল লোক পদ্মাবতী পার ।
 এ দৌহার আগে দৌহে করে পরিহার ॥
 ছাগাদি কিনিতে এথা আইলুঁ গুৰুক্ষণে ।
 যুচিল অজ্ঞানতম এ পদ দর্শনে ॥
 এবে এই বিপ্রধাম কর অঙ্গীকার ।
 যুচুক জগতে যশ তোমা দৌহাকার ।
 এত কহি মহীতলে পড়ি প্রণমিলা ।
 নয়নের জলে অতিশয় সিক্ত হৈলা ॥
 দেখিয়া বাকুল দৌহে করুণা বাড়িল ।
 হুঁহু দৌহে আলিঙ্গন করি স্থির কৈল ॥
 পদ্মাবতী স্নান করি দৌহে দৌহা লৈয়া ।
 প্রভুর আলয়ে গেলা উল্লসিত হৈয়া ॥
 সৰ্ব সুমঙ্গল সে দিবস শাস্ত্রমতে ।
 বিষয়ে প্রবল অনুরাগ বৃদ্ধ চিন্তে ॥
 হরিরাম আচার্য্য শ্রীকবিরাজ স্থানে ।
 করিলেন মঙ্গলীকা অতি সাবধানে ॥
 রামকৃষ্ণ আচার্য্যে ঠাকুর মহাশয় ।
 দিলা মঙ্গলীকা হৈল উল্লাস হৃদয় ॥
 হরিরাম রামকৃষ্ণ অতি ভাগ্যবান ।
 রামচন্দ্র নরোত্তমে হৈল এক জ্ঞান ॥

লোটাইয়া পড়ে দৌহে দৌহার চরণে ।
 দৌহে মহাশক্তি সঞ্চারিলা দুইজনে ॥
 রাধাকৃষ্ণ চৈতন্য চরণে সমর্পিয়া ।
 জানাইল শ্রীভক্তি সিদ্ধান্ত হর্ষ হৈয়া ॥
 হরিরাম রামকৃষ্ণ দুই সহোদর ।
 প্রেমভক্তি রসে মত্ত হৈলা নিরন্তর ॥
 বিজয়া দশমী পর একাদশী দিনে ।
 হইলা বিদায় গিয়া প্রভুর প্রাঙ্গণে ॥
 হুঁহু নিজ ইষ্টপদ ধূলি লৈয়া মাথে ।
 খেতরি হইতে আইলা গোয়াস গ্রামেতে ॥
 বলরাম কবিরাজ সহ দেখা হৈল ।
 তাঁর ঘরে গিয়া সেই রাত্রি বাস কৈল ॥
 আপন বৃত্তান্ত তাঁরে সকল জানাই ।
 শুনিলেন সকল বৃত্তান্ত তাঁর ঠাঞি ॥
 পিতামহ সাক্ষাৎ হইল প্রাতঃকালে ।
 শিবাই দেখিয়া পুত্র অগ্নি হেন জলে ॥
 তথা লোক সজ্জট সভারে শুনাইয়া ।
 পুত্র প্রতি কহে মহাক্রোধে পূর্ণ হৈয়া ।
 ওরে মূর্খ কহ দেখি কোন শাস্ত্রে কয় ।
 ব্রাহ্মণ হইতে কি বৈষ্ণব বড় হয় ॥
 ভগবতী নিগ্রহ করিলা এতদিনে ।
 বৃথাই জীবন তোর ভগবতী বিনে ॥
 বিপ্রে শিষ্য কৈল সে বা কেমন বৈষ্ণব ।
 পণ্ডিতের সমাজে করায় পরাভব ॥
 করিব উচিত শাস্তি দুর্গায় কৃপায় ।
 যেন হেন কার্য্য কভু না করে এথায় ॥

শুনি ক্রোধে হরিরাম কহে বারবার ।
 আনহ পণ্ডিত দেখি কৈছে শক্তি কার ॥
 আগে মোর পরাভব করিলে সে জানি ।
 নহিলে এ ভেক কোলাহল প্রায় বাণী ॥
 শুনি পুত্রবাক্য ক্রোধে অধৈর্য্য হইল ।
 পণ্ডিত সমাজে শীঘ্র পুত্রে বোলাইল ॥
 হরিরাম সিংহ প্রায় মহাদর্প করি ।
 সর্বমত খণ্ডি কৈলা ভক্তি সর্বোপরি ॥
 বেদাদি প্রমাণে সর্ব আরাধ্য বৈষ্ণব ।
 শুনিত্তে সে সভ সভে হৈল পরাভব ॥
 সকল লোকেতে হরিরাম পানে চায় ।
 কেহ কহে এত বিগা পড়িল কোথায় ॥
 কেহ কহে বৈষ্ণবের অনুগ্রহ হৈতে ।
 অনায়াসে সুরে বিদ্যা না হয় পড়িতে ॥
 নরোত্তম রামচন্দ্র দৌহে যৈছে হন ।
 শুনিয়া থাকিবে সে দৌহার গুণগণ ॥
 সে দৌহার কৃপাপাত্র এই ছই ভাই ।
 কোনখানে এ দৌহার পরাজয় নাই ॥
 ঐছে কত কহে দেখি পণ্ডিত সমাজ ।
 পরাজয় হৈয়া সভে পাইলা বড় লাজ ॥
 বৈষ্ণব প্রভাব বড় এতেক কহিয়া ।
 নিজ নিজ বাসা সভে গেলা নয় হৈয়া ॥
 মহাক্রোধে শিবাই আনিল মুরারিরে ।
 তেঁহ দিগ্বিজয়ী বাস মিথিলা নগরে ॥
 বহু লোক সঙ্গে বিপ্র মহাবিদ্যাবান ।
 অহঙ্কারে মত্ত অন্তে করে তৃণ জ্ঞান ॥

বলরাম কবিরাজ আসিয়া তাঁর পাশে ।
 তাঁর বাক্যে তাঁরে হারাইলা অনায়াসে ॥
 পরভাব হৈয়া দিগ্বিজয়ী সভে কয় ।
 বৈষ্ণব মহিমা কহি মোর সাধ্য নয় ॥
 এত কহি দ্রব্য সব কৈলা বিতরণ ।
 লজ্জা হেতু দেশে পুনঃ না কৈল গমন ॥
 ভিক্ষুধর্ম আশ্রয় করিলা সেই ক্ষণে ।
 মুরারেশ্বতীরঃ গস্থা কহে সর্বজনে ॥
 শিবাই পাইয়া লজ্জা মৃতপ্রায় হৈল ।
 করিয়া বৈষ্ণব ঘেষ মহাভ্রুংখ পাইল ॥
 ভগবতী তার দণ্ড দিলা যথোচিত ।
 বৈষ্ণবধর্ম্মেতে লোক হৈলা সাবহিত ॥
 এ সব প্রসঙ্গ সর্বদেশেতে ব্যাপিল ।
 শুনিয়া বৈষ্ণবগণ আনন্দ পাইল ॥
 হরিরাম রামকৃষ্ণাচার্য্য ছইজন ।
 মহানন্দে করে সদা নাম সংকীর্তন ॥
 পরম দুর্ভব ভক্তিপথে অনুরক্ত ।
 রহিয়া সংসার মাঝে পরম বিরক্ত ॥
 শ্রীকৃষ্ণচৈতন্য গুণে মত্ত দিবা রাতি ।
 বলরাম কবিরাজ সঙ্গে সদা স্থিতি ॥
 একদিনে দৌহে নিজ প্রয়োজন মতে ।
 সুরধুনী তীর আইলা গান্ধীলা গ্রামেতে ॥
 তথা বিগ্ণাবস্ত বহু তাহাতে প্রধান ।
 গঙ্গানারায়ণ চক্রবর্তী গুণগান ॥
 সাহসিক স্বভাব অতি রত সূক্রিয়াতে ।
 মহাজিতেন্দ্রিয় বিজ্ঞ বিগ্ণ প্রদানেতে ॥

তেঁহ অলক্ষিতে দাণ্ডাইয়া নিজালয়ে ।
 হরিনাম রামকৃষ্ণাচার্যে নিরীক্ষয়ে ॥
 দেখি দিব্য তেজ মনে করয়ে বিচার ।
 পূর্বেও দেখিলুঁ এবে দেখি চমৎকার ।
 কবিরাজ আর শ্রীঠাকুর মহাশয় ।
 এ দৌহে করিলা কৃপা হইয়া সদয় ॥
 হইয়া বৈষ্ণব চিত্তাকর্ষয়ে শোভাতে ।
 ক্ষুরিল সকল শাস্ত্র সেহুঁহু কৃপাতে ॥
 করিলেন পরাজয় অনেক পণ্ডিতে ।
 দ্বিধিজয়ী ভিক্ষুক হইলেন লজ্জামতে ॥
 এ হুঁহু প্রভাব হেতু সে কৃপার বল ।
 হুঁহু মহাভাগবন্ত জনম সফল ॥
 এ হুঁহু সম্বন্ধে মহাশয়ে যে নিন্দিল ।
 ভগবতী ক্রমে সে পাষণ্ডে দণ্ড দিল ।
 মুণ্ডি বিপ্র প্রধান তুচ্ছ বিচা অহঙ্কারে ।
 না বুঝি আজ্ঞা কৈলুঁ সে মহাশয়েরে ॥
 যদি মোরে অনুগ্রহ করে মহাশয় ।
 তবে মোর নরক হৈতে ত্রাণ হয় ॥
 মো পাপীরে অবশ্য করিব অঙ্গীকার ।
 গুনিয়াছি এমন দয়ালুঁ নাহি আর ॥
 ইছে মনে বিচারিলা গঙ্গানারায়ণ ।
 আপনা মানয়ে দীন করয়ে ক্রন্দন ॥
 করিতে ক্রন্দন হৈল ভক্তির উদয় ।
 করি কত খেদ পুনঃ ফুকারিয়া কয় ॥
 বৈষ্ণব ধর্মের পর ধর্ম নাহি আর ।
 এ হেন ধর্মোতে মন না হৈল আমার ॥

ধিক ধিক কিবা ফল এছার জীবনে ।
 গোড়াইলুঁ জন্ম বৃথা কৃষ্ণভক্তি বিনে ॥
 ওহে নরোত্তম প্রভু দেহ ভক্তিধন ।
 তুয়া পাদপদ্মে মুণ্ডি লইলুঁ শরণ ॥
 ইছে কত খেদে দিবারাত্রি গোড়াইল ।
 শেষ রাত্রি হৈতে কিছু নিদ্রা আকর্ষিল ॥
 স্বপ্নে দেখা দিলেন ঠাকুর মহাশয় ।
 করুণা নির্মিত মূর্তি মহাতেজোময় ॥
 মন্দ মন্দ হাসি কহে গঙ্গানারায়ণে ।
 তুমি মোর কিঙ্কর করহ খেদ কেনে ॥
 সব মনোরথ সিদ্ধি হইব তোমার ।
 কালি গঙ্গাস্নানে দেখা পাইবা আমার ॥
 খেতরি হৈতে আমি আঁঠিলাম এথা ।
 স্নানকালে তোমারে কহিব সব কথা ॥
 এত কহি অদর্শন হৈলা মহাশয় ।
 স্বপ্নভঙ্গে চক্রবর্তী ব্যাকুল হৃদয় ॥
 হইল প্রভাত শীঘ্র প্রাতঃক্রিয়া করি ।
 গঙ্গাতীর গিয়া বসিলেন ধ্যান ধরি ॥
 হরিরাম রামকৃষ্ণাচার্য্য আইলা তথি ।
 দৌহে মহাসমাদর কৈলা চক্রবর্তী ॥
 অতি দীন প্রায় হৈয়া কহে মৃদুভাষে ।
 কিছুকাল এখাতে রহিবা মোর পাশে ॥
 যদি মোর ভাগ্যে প্রভু দেন দরশন ।
 তবে তাঁরে জানাবা তোমরা দুইজন ॥
 পরস্পর ইছে বহু কহে হেনকালে ।
 সভাসহ মহাশয় আইলা গঙ্গাকূলে ॥

হরিরামাচার্য্য কহে দেখে বিগ্ৰহমানে ।
 অকস্মাৎ প্রভুর গমন গঙ্গান্নানে ॥
 গঙ্গানারায়ণ মহা আনন্দিত হৈলা ।
 যৈছে স্বপ্নে দেখে তৈছে সাক্ষাতে দেখিলা
 চক্রবর্তী কহে হরিরাম আচার্য্যেরে ।
 কি নাম কাহার মোরে চিনাই সভারে ॥
 দূরে হইতে হরিরাম সভে জানাইয়া ।
 চক্রবর্তী প্রসঙ্গ কহিলা আগে গিয়া ॥
 হাসিয়া কহয়ে মহাশয় মৃহভাষে ।
 গঙ্গানারায়ণে শীঘ্র আন মোর পাশে ।
 হরিরাম গঙ্গানারায়ণে লৈয়া আইলা ।
 গঙ্গারাম ভূমে পড়ি পদে প্রণমিলা ॥
 প্রেমাবেশে মহাশয় করি আলিঙ্গন ।
 চক্রবর্তী প্রতি কহে মধুর বচন ।
 ওহে বাপু তোমার এ সব আচরণে ।
 এথা বিপ্র বর্গ কিবা করিবেক মনে ॥
 চক্রবর্তী কহে প্রভু কৃপা কর যারে ।
 সে কি হেন ভক্তিহীন বিপ্রে ভয় করে ॥
 এত কহি রামচন্দ্র চরণ বন্দিল ।
 সভাসহ যথাযোগ্য মিলন হইল ॥
 গঙ্গানারায়ণ চেষ্টা দেখি কোনজন ।
 কহে কার প্রতি অতি করি সঙ্গোপন ॥
 এই গান্ধীলায় দেখিলাম কতবার ।
 রূপ স্বভাব কভু না দেখি ঐহ্যার ॥
 কেহ কহে বিগ্ৰহাদি মন্ত্রেতে মন্ত য়েহ ।
 অতি দীন প্রায় কৈছে হইলেন তেঁহ ॥

কেহ কহে ঐহ্যার সম্ভব কভু নয় ।
 কিরূপ হইল ঐছে ভক্তির উদয় ॥
 কেহ কহে ওহে ভাই বিচারিলু মনে ।
 সকল সম্ভব মহাশয়ের দর্শনে ॥
 কেহ কহে যারে কৃপা করে মহাশয় ।
 অনায়াসে তাঁহার সকল সিদ্ধি হয় ॥
 ধন্য ধন্য গঙ্গানারায়ণ বিপ্রবংশে ।
 হইলা বৈষ্ণব ঐছে কহিয়া প্রশংসে ॥
 চক্রবর্তী কিছু নিবেদিতে মনে করে ।
 বুঝিয়া ঠাকুর মহাশয় কহে তাঁরে ॥
 এখন ওসব কিছু না করিহ মনে ।
 স্নান করি বৃধরি যাইব এইক্ষণে ॥
 খেতরি যাইব কালি প্রভাত সময়ে ।
 আছয়ে বিশেষ কার্য্য গৌরাঙ্গ আলয়ে ॥
 হরিরাম রামকৃষ্ণ দৌহার সহিতে ।
 রহিবে যাইয়া কালি বৃধরি গ্রামেতে ॥
 কর্ণপুর আদি তথা একত্র হইয়া ।
 খেতরি যাইবে শীঘ্র প্রভাতে উঠিয়া ॥
 এত কহি স্নানাদিক ক্রিয়া শীঘ্র করি ।
 সভাসহ মহাশয় আইলা বৃধরি ॥
 গঙ্গানারায়ণ গঙ্গান্নান শীঘ্র কৈলা ।
 হরিরাম রামকৃষ্ণে গৃহে লৈয়া আইলা ॥
 সে দিবস গান্ধীলাতে রহি তিনজন ।
 অতি প্রাতঃকালে তিনে করিলা গমন ॥
 বৃধরি যাইয়া শীঘ্র উল্লাস অন্তরে ।
 রহিলেন শ্রীগোবিন্দ কবিরাজ ঘরে ॥

দিব্য সিংহ কবিরাজ গোবিন্দ তনয় ।
 তাঁর ভক্তিরীতি দেখি হইল বিস্ময় ॥
 তথা কর্ণপুর কবিরাজ আদি ছিলা ।
 প্রাতঃকালে সভে শীঘ্র খেতরি আইলা ॥
 সভে গিয়া করিলা গৌরাঙ্গ দরশন ।
 হইল সভার মহা আনন্দিত মন ।
 গঙ্গানারায়ণ চক্রবর্তী প্রভু আগে ।
 নিজ মনোরথ সিদ্ধি এই মাত্র মাগে ॥

সে দিবস সংকীর্তনানন্দে গোঙাঞিলা ।
 প্রাতঃকালে সভে প্রাতঃক্রিয়াদি করিলা ॥
 অতি সুমঙ্গল দিন বিচারিয়া মনে ।
 মহাশয় শিষ্য কৈলা গঙ্গানারায়ণে ॥
 মন্ত্রদীক্ষা দিয়া মহাশয় হর্ষ হৈলা ।
 শ্রীকৃষ্ণচৈতন্য পাদপদ্মে সমর্পিলা ॥
 নরোত্তম মহাশয় ভক্তি অবতার ।
 গঙ্গানারায়ণে কৈলা স্বশক্তি সঞ্চার ॥

তথাহি শ্রীস্তবামৃতলহর্যাং ।

নরোত্তমো ভক্ত্যবতার এব যশ্বিন্ স্বশক্তিং বিদধে মূদৈব ।

শ্রীচক্রবর্তী দয়তাঃ সগঙ্গা, নারায়ণং প্রেমরসাস্বাধিমর্মি ॥

গঙ্গানারায়ণ হৈলা আনন্দে বিহ্বল ।
 নিবারিতে নারে দুই নয়নের জল ॥
 ভূমে লোটাইয়া পড়ে পাদপদ্ম তলে ।
 দয়ার সমুদ্র নরোত্তম কৈলা কোলে ॥
 রামচন্দ্র কবিরাজে কৈলা সমর্পণ ।
 তেঁহ বন্দিলেন রামচন্দ্রের চরণ ।
 শ্রীগোবিন্দ কবিরাজ আদি সে সকলে ।
 প্রণামিতে প্রণামি করিলা সভে কোলে ॥
 সকল বৈষ্ণব মনে আনন্দ হইল ।
 গঙ্গানারায়ণে কৃপা সর্বত্র ব্যাপিল ॥
 সর্বশাস্ত্রে বিশারদ গঙ্গানারায়ণ ।
 গোস্বামীগণের গ্রন্থ কৈলা অধ্যয়ন ।
 নিরবধি সংকীর্তন সুখের পাথারে ।
 গঙ্গানারায়ণ মহা আনন্দে সঁতারে ॥

প্রেমভক্তি ধনে ধনী হৈলা চক্রবর্তী ।
 পূর্বে হৈতে হৈল মহা তেজোময় মূর্তি ॥
 গঙ্গানারায়ণ কৃষ্ণে হইলা অনন্ত ।
 ঐছে মহাশয়ে বিপ্রাদিকে করে ধন্ত ।
 জগন্নাথ আচার্য্য নামেতে বিপ্রবর ।
 ভগবতী পূজাতে সে পরম তৎপর ॥
 তারে দেবী আজ্ঞা দিলা প্রসন্ন হইয়া ।
 নরোত্তমপাদ পদাশ্রয় কর গিয়া ॥
 তবে সে ঘুচিবে তব এ ভব বন্ধন ।
 পাইবে মো সভার দুর্লভ ভক্তিধন ॥
 হইবে অনন্ত সেই প্রভুর চরণে ।
 কৃষ্ণের ভজন বিনা বিফল জীবনে ॥
 ঐছে আজ্ঞা পাইয়া বিপ্র রজনী প্রভাতে ।
 আইলা ব্যাকুল হৈয়া খেতরি গ্রামেতে ॥

বসিয়া আছেন শ্রীঠাকুর মহাশয় ।
 তাঁর আগে আসি ভূমে পড়ি প্রশময় ॥
 অশ্রুযুক্ত হৈয়া বিপ্র ব্যাকুল অন্তরে ।
 কর যোড় করিয়া কহয়ে ধীরে ধীরে ॥
 ভগবতী আজ্ঞা কৈলা আইলুঁ তুয়া আগে ।
 মোর ভাল মন্দ প্রভু তোমাতে সে লাগে ॥
 দীক্ষা মন্ত্র দিয়া মোরে করহ উদ্ধার ।
 মো পপীর সর্বস্ব এ চরণে তোমার ॥
 মোর অন্ন বুদ্ধি কিছু না জানি কহিতে ।
 শুনি বিপ্রবাক্য দয়া উপজিল চিতে ॥
 বিপ্র শিষ্য করিলা ঠাকুর নরোত্তম ।
 ভক্তিবলে হৈলা তেঁহ পরম উত্তম ॥
 ঐছে বহুজনে শিষ্য করে মহাশয় ।
 কেহ শুনে সুখে কার শুনি দুঃখ হয় ॥
 নরসিংহ নামে রাজা রহে দূরদেশে ।
 ব্রাহ্মণ পণ্ডিত বহু রহে তাঁর পাশে ॥
 ক্রোধে বিপ্র রাজা প্রতি কহে বার বার ।
 ধর্ম লোপ হৈল কেহ না করে বিচার ॥
 কৃষ্ণানন্দ দত্ত পুত্র নরোত্তম দাস ।
 লইয়া বৈষ্ণব মত কৈল সর্বনাস ॥
 না জানিয়ে কিবা বা কুহক সেই জানে ।
 অনায়াসে বিপ্র শিষ্য হয় তার স্থানে ।
 যদি কহ তার আছে শাস্ত্রে অধিকার ॥
 সে কেবল মূর্খ প্রতি মিথ্যা অহঙ্কার ॥
 মো সভার আগে কি তাহার বাক্যক্ষুরে ।
 করহ গমন শীঘ্র লৈয়া মো সভারে ॥

দেখিবে কৌতুক একা আমার ত্রাসেতে ।
 ভাব কালি লৈয়া সে পালাবে সেথা হৈতে
 সকল দেশেতে হৈবে তোমার সুখ্যাতি ।
 তোমা ঘারে রহিবেক ব্রাহ্মণের জাতি ॥
 রাজা দণ্ডকর্তা যাতে ঈশ্বরের অংশ ।
 নহিলে হইবে বহু বিপ্রজাতি ধ্বংস ।
 শুনি রাজা নরসিংহ করিলা গমন ।
 চলিলা রাজার সঙ্গে রূপনারায়ণ ॥
 অধ্যাপকগণ বহু পুস্তক লইয়া ।
 মহাদর্প করি চলে উল্লাসিত হৈয়া ॥
 খেতরি নিকট গ্রাম কুমরপুরেতে ।
 তথা আইলেন রাজা বহু লোক মাতে ॥
 এথা রাজা গমন শুনিয়া মহাশয় ।
 রামচন্দ্র প্রতি অতি ধীরে ধীরে কয় ॥
 করিতে হইবে চর্চা অধ্যাপক সনে ।
 হইব ভজন-বাদ বিচারিলুঁ মনে ॥
 শ্রীমহাশয়ের ঐছে বচন শুনিয়া ।
 রামচন্দ্র কবিরাজ কহেন হাসিয়া ॥
 অনায়াসে দর্পচূর্ণ হবে তা সভার ।
 পশ্চাৎ পড়িব আসি চরণে তোমার ॥
 এত কহি রামচন্দ্র গঙ্গানারায়ণ ।
 চলয়ে কুমরপুর গ্রামে ছই জন ॥
 কুমার বাকুই দৌছে হইলেন পথে ।
 কেহ পান কেহ হাঁড়ী লইলেন মাথে ॥
 কুমরপুরেতে প্রবেশিয়া বিক্রী স্থানে ।
 দোকান পাতিয়া বসিলেন ছই জনে ॥

এথা এক পড়ুয়া আইল পান লৈতে ।
 তেঁহ মূল্য পুছে গ্রিহ কহে সংস্কৃতে ॥
 পড়ুয়া করিয়া দর্প সংস্কৃত কয় ।
 ছুই চারি বাক্যেই হইল পরাজয় ॥
 বারুই কহয়ে মূর্খ তুমি কিবা জান ।
 যদি লজ্জা হয় তবে অধ্যাপকে আন ॥
 পড়ুয়া যাইয়া অধ্যাপক প্রতি কয় ।
 বারুই কুমার স্থানে হৈলুঁ পরাজয় ॥
 খেতরি গ্রামেতে নরোত্তম রহে যথা ।
 বারুই কুমার পান হাঁড়ী দেয় তথা ॥
 কি বলিব এ দৌহার বিত্তা অতিশয় ।
 বুঝি এই দৌহে বা করয়ে পরাজয় ॥
 যদি জিনিবারে পার বারুই কুমারে ।
 তবে যাবে খেতরি নহিলে চল ঘরে ॥
 শুনি অগ্নিমূর্তি হৈয়া কহে বারবার ।
 দেখাহ আছয়ে কোথা বারুই কুমার ॥
 এত কহি অধ্যাপক যাইয়া ত্বরিত ।
 নানা শাস্ত্রচর্চা করে বারুই সহিত ।
 ক্রমে ক্রমে তথা আইলা অধ্যাপকগণ ।
 রাজা নরসিংহ আর রূপনারায়ণ ॥
 চতুর্দিকে লোক ভীড় হৈল অতিশয় ।
 পরম্পর কি অদ্ভুত শাস্ত্রযুদ্ধ হয় ॥
 বারুই কুমার অতি মনের উল্লাসে ।
 করয়ে খণ্ডন ব্যাখ্যা সুমধুর ভাবে ॥
 মহাক্রোধে পূর্ণ হয় অধ্যাপক গণ ।
 অলৌকিক ব্যাখ্যা নারে করিতে স্থাপন ॥

এ সব প্রসঙ্গ অল্পে না হয় বর্ণন ।
 পরাভব হৈলা শীঘ্র অধ্যাপকগণ ॥
 অধ্যাপক সহ রাজা গেলেন বাসায় ।
 কেহ কার প্রতি হাসি কহেন তথায় ॥
 আইলেন অধ্যাপক সিংহের সমান ।
 পরাভব হৈয়া যেন হইলেন খান ॥
 শ্রীমহাশয়েরে মূর্খ না পারে জানিতে ।
 পার্বতীর আজ্ঞা বিপ্রে যার শিষ্য হৈতে ॥
 ইছে মহাশয়ের মহিমা সতে কয় ।
 লোকমুখে শুনিয়া রাজার হৈল ভয় ॥
 রূপনারায়ণ প্রতি কহে ধীরে ধীরে ।
 এবে কি উপায় ভাই বোলহ আমারে ॥
 রূপনারায়ণ কহে সকলের সার ।
 বৈষ্ণবের ধর্ম পর ধর্ম নাহি আর ॥
 বৈষ্ণবের নিন্দা সদা হইল শ্রবণ ।
 ইহাতে অবশ্য হয় নরকে গমন ॥
 চল গিয়া করি তাঁর চরণ আশ্রয় ।
 তবে সে হইব রক্ষা কহিল নিশ্চয় ॥
 নরসিংহ কহে এই হইল মোর মনে ।
 বিলম্বের কার্য্য নাহি চল এইক্ষণে ॥
 রূপনারায়ণ কহে অত এথা রহ ।
 কালি প্রাতে গমন করিবা গণ সহ ॥
 এই কথা সর্বত্র হইল সেইক্ষণে ।
 কালি রাজা খেতরি যাইব গণ সনে ॥
 অধ্যাপকগণের হইল মহাদায় ।
 রাজার সম্মুখ হৈতে না পারে লজ্জায় ॥

মৃতপ্রায় হইয়া আছেয়ে নিজ স্থানে ।
 পরস্পর কহে কালি কি হবে বিহানে ॥
 এথা অধ্যাপকগণে পরাজয় করি ।
 বাকুই কুমার দৌহে চলয়ে খেতরি ॥
 রামচন্দ্র কাঙ্গালে ডাকিয়া দিলা পান ।
 গঙ্গানারায়ণ হাঁড়ী করিলা প্রদান ॥
 পরম কোতুকে দৌহে খেতরি আইলা ।
 শ্রীঠাকুর মহাশয়ে সব নিবেদিলা ॥
 এথা রাজা নরসিংহ চিন্তে মনে মনে ।
 অনুগ্রহ করিব কি এ হেন দুর্জনে ॥
 করি কত খেদ কহে রূপনারায়ণ ।
 তাঁর অনুগ্রহ বিনা বিফল জীবন ॥
 অকস্মাৎ দূরে থাকি কহে এক জনে ।
 তেঁহ অনুগ্রহ করিবেন নিজ গুণে ॥
 অতি উৎকণ্ঠিত হৈলা একথা শ্রবণে ।
 মনে এই রজনী পোহাবে কতক্ষণে ॥
 হইল অনেক রাত্রি করিলা শয়ন ।
 মনে মনে তাবে এথা অধ্যাপকগণ ॥
 সভা মধ্যে শ্রেষ্ঠ অতিশয় গর্ক যার ।
 রজনীর শেষে কিছু নিদ্রা হৈল তার ।
 দেখয়ে স্বপনে দেবী হাতে খড়্গ লৈয়া ।
 সন্মুখে কহয়ে মহাক্রোধ যুক্তা হৈয়া ॥
 বুধা অধ্যয়ন কৈলি ওরে ছুটমতি ।
 বৈষ্ণব নিন্দিল তোর হবে অধোগতি ॥
 তোর মুণ্ড কাটি যদি করি খান খান ।
 তবে সে মনের দুঃখ হয় সমাধান ॥

ওরে ছুট অসুর কি দিব তোরে দীক্ষা ।
 নরোত্তম অনুগ্রহ হৈলে তোর রক্ষা ॥
 ঐছে কত কহি রক্তলোচনে চাহিয়া ।
 অন্তর্দান হৈলা দেবী ক্ষণেক রহিয়া ॥
 নিদ্রাভঙ্গ হৈল অধ্যাপক কাঁপে ডরে ।
 করি মহাঘোর শব্দ জাগায় সভারে ॥
 ক্রন্দন করিয়া বিপ্র কহে সভাপ্রতি ।
 ভাগ্যে ভাগ্যে রক্ষা মুঞি পাইলুঁ সম্প্রতি ॥
 নরোত্তমে হেয় বুদ্ধি কৈলুঁ এ নিমিত্তে ।
 মোরে সংহারিতে দেবী আইলা খড়্গ হাতে
 যদি অনুগ্রহ করে সেই মহাশয় ।
 তবে ঘোর নরক হইতে রক্ষা হয় ॥
 ঐছে করিতেই হৈল রজনী প্রভাত ।
 কহিল এ সব গিয়া রাজার সাক্ষাত ॥
 রাজা কহে পূর্বে নিষেধিলুঁ না মানিলা ।
 মহাশয়ে সামান্য মনুষ্য বুদ্ধি কৈলা ॥
 যে কার্য্য সে করে একি মনুষ্যের সাধ্য ।
 শ্রীঠাকুর মহাশয় পরম আরাধ্য ॥
 ঐছে কত কহি অধ্যাপকে স্থির কৈলা ।
 প্রাতঃকালে স্নানাদিক করি সজ্জা হৈলা ॥
 বিনা যানে রাজা অধ্যাপক আদি সনে ।
 গেলেন খেতরি শীঘ্র গৌরান্দ্র প্রাঙ্গণে ॥
 গৌরান্দ্র দর্শনে অতি দীন প্রায় হৈয়া ।
 করয়ে প্রণাম মহীতলে লোটাইয়া ॥
 মহা বিজ্ঞ রামচন্দ্র গোবিন্দাদি তথি ।
 কৈলা সমাদর সভে হৈলা ছুট অতি ॥

শ্রীঠাকুর মহাশয় আছেন নিভূতে ।
 সকলে ব্যাকুল তাঁর দর্শন নিমিত্তে ॥
 হেনকালে নিবন্ধ সমাধি মহাশয় ।
 আইসেন দূরে সভে শোভা নিরীখয় ॥
 রাজা নরসিংহ আর রূপনারায়ণ ।
 প্রাক্ষণ হইতে আগে করিলা গমন ॥
 রামচন্দ্র মহাশয়ে করি নিবেদন ।
 রাজা নরসিংহ এই রূপনারায়ণ ।
 দৌহে কহে প্রভু কিবা দিব পরিচয় ।
 বিষয়ী অধম অপরাধী অতিশয় ॥
 লইলুঁ শরণ নিবেদিতে পাই ত্রাস ।
 দীক্ষামন্ত্র দিয়া পূর্ণ কর অভিলাষ ॥
 এছে কত কহি দৌহে পড়ি ভূমিতলে ।
 প্রণময়ে বারবার ভাসে নেত্রজলে ॥
 দৌহে অতি ব্যাকুল দেখিয়া মহাশয় ।
 করি কত প্রবোধ দৌহারে আলিঙ্গয় ॥
 ভূমে পড়ি নরসিংহ রূপনারায়ণ ।
 লইলা মস্তকে মহাশয়ের চরণ ॥
 । দূরে গেল দুঃখ হৈল আনন্দ হৃদয়ে ।
 অধ্যাপকে আনি নিবেদয়ে মহাশয়ে ॥
 যত অধ্যাপক তাহে ঐহ সে প্রধান ।
 দূরে গেল দর্প এবে কর পরিত্রাণ ॥
 মহাশয় আগে অধ্যাপক দাণ্ডাইয়া ।
 কহিলা দেবীর কথা কাতর হইয়া ॥
 পুনঃ কহে অপরাধ ক্ষমহ আমার ।
 শরণ লইলুঁ মুঞি অতি ছরাচার ॥

ইহা বলি ভূমে লোটাইয়া বিপ্র কান্দে ।
 করয়ে যতন কত ধৈর্য নাহি বাঞ্চে ॥
 শ্রীঠাকুর মহাশয় করুণা বিগ্রহ ।
 বিপ্রে আলিঙ্গন কৈলা করি অশুগ্রহ ॥
 পাইয়া পরশ বিপ্র হরষ হিয়ায় ।
 লইয়া চরণধূলি ধূলায় লোটায় ॥
 রামচন্দ্র স্থির করিলেন অধ্যাপকে ।
 অধ্যাপক ধন্ত করি মানি আপনাকে ॥
 সভে হৈলা কৃষ্ণ চৈতন্তের ভক্তিপাত্র ।
 এ সকল কথা ব্যক্ত হইল সর্বত্র ॥
 মহাশয় সুখে সন্তোষিয়া সর্বজনে ।
 সভাসহ আইলেন প্রভুর প্রাক্ষণে ॥
 রাজভোগ আরাত্রিক করিয়া দর্শন ।
 হইল সভার মহা আনন্দিত মন ॥
 সভে সমাদর করি শ্রীসন্তোষ রায় ।
 লইয়া গেলেন অতি অপূর্ব বাসায় ॥
 বিবিধ সামগ্রী তথা শীঘ্র আনাইলা ।
 পাকের নিমিত্তে অতি যত্নে নিবেদিলা ॥
 রাজা নরসিংহ আদি অধ্যাপকগণ ।
 সভে কহে শ্রীপ্রসাদ করিব সেবন ॥
 ইহা শুনি সন্তোষ সঙ্কের লোকগণে ।
 প্রোঢ় করি ভক্ষ্য দ্রব্য দিলেন যতনে ॥
 রাজা নরসিংহ আর রূপনারায়ণ ।
 অধ্যাপক আদি শিষ্ট লোক কথোজন ॥
 সভে মিলি উল্লাসে গমন কৈলা তথা ।
 গোষ্ঠীসহ শ্রীঠাকুর মহাশয় যথা ॥

ভোজন আনন্দ তথা হৈল যে প্রকারে ।
 বর্ণিতে নারি এ গ্রন্থ বাহুল্যের ডরে ॥
 রূপনারায়ণ আদি প্রসাদ ভুঞ্জিলা ।
 দিবারাত্রি পরম আনন্দে গোড়াইলা ॥
 তার পরদিন অতি অপূর্ব সময় ।
 হইলেন শিষ্য মহা আনন্দ হৃদয় ॥
 শ্রীঠাকুর নরোত্তম বহু কৃপা কৈলা ।
 মঙ্গলদীক্ষা দিয়া প্রভু পদে সমর্পিলা ॥
 কথোদিনে তথাই রহিলা সর্বজন ।
 গোস্বামীগণের গ্রন্থ কৈলা অধ্যয়ন ॥
 দিনে যে আনন্দ কহিতে না পারি ।
 হইলেন সতে প্রেমভক্তি অধিকারী ॥
 সংকীৰ্ত্তন বিনা স্থির নহে কার মন ।
 সংকীৰ্ত্তনানন্দে মত্ত হৈলা সর্বজন ॥
 শ্রীগোবিন্দ কবিরাজ নিশ্চিত শ্রীগীত ।
 তাহা আশ্বাদয়ে সদা করি কত প্রীত ॥
 গঙ্গানারায়ণ চক্রবর্তীর শ্রীমুখে ।
 শ্রীমদ্ভাগবত সতে শুনে মহাসুখে ॥
 দিবারাত্রি কাহার নাহিক অবসর ।
 ভক্তি অঙ্গ যাজুনেতে সকলে তৎপর ॥
 যে বারেক আইসয়ে খেতরি গ্রামেতে ।
 হেন আনন্দ ছাড়াই না পারে যাইতে ॥
 রাজা নরসিংহ আর রূপনারায়ণ ।
 দেশে গিয়া শীঘ্র আইলেন দুইজন ॥
 রাজা নরসিংহের ঘরণী রূপমালা ।
 অতি পতিব্রতা লক্ষ্মাবতী সে সুশীলা ॥

তার ভক্তিরীতি দেখি আনন্দ হৃদয় ।
 করিলেন শ্রীমদ্ভ প্রদান মহাশয় ॥
 রূপমালা মনে বহু বাঢ়িল আনন্দ ।
 করিলেন লক্ষ নাম গ্রহণ নিবন্ধ ॥
 গঙ্গসহ রাধাকৃষ্ণ চৈতন্য চরণে ।
 হৈল মহা গাঢ় রতি বাড়ে দিনে দিনে ॥
 ঐছে শ্রীঠাকুর মহাশয় নিজগুণে ।
 করয়ে করুণাগুণ গান সর্বজনে ॥
 হরিচন্দ্র রায় নামে দস্যু একজন ।
 গুণ শুনি লৈলা মহাশয়ের শরণ ॥
 দীক্ষামস্ত দিয়া তাঁরে করিলা উদ্ধার ।
 শেষে হরিদাস নাম হইল তাঁহার ॥
 হইলেন ছল ভ ভক্তির অধিকারী ।
 ত্যাগ কৈলা সে জলাপন্থের জমীদারী ॥
 দশে অনুগ্রহ দেখি হইয়া বিশ্বয় ।
 নির্জনে বসিয়া কেহ কার প্রতি কয় ॥
 শ্রীঠাকুর মহাশয় গুণের নিধান ।
 অনায়াসে করিলা দস্যুর পরিত্রাণ ॥
 কেহ কহে দস্যুর প্রধান চান্দরায় ।
 ইহার ভয়েতে লোক কাঁপয়ে সদায় ॥
 যদি এ অধমে দয়াকরে মহাশয় ।
 তবে সর্বমতে এ দেশের রক্ষা হয় ॥
 কেহ কহে ওহে ভাই চিন্তা না করহ ।
 চান্দরায়ের অবশ্য হইব অনুগ্রহ ॥
 অনুগ্রহে এ সব দুর্কুঙ্কি দূরে যাবে ।
 গোষ্ঠীসহ চান্দরায় বৈষ্ণব হইবে ॥

কেহ কহে সর্বশেষ এই ছুরাচার ।
 মনে হেন লয় শীঘ্র হইব উদ্ধার ॥
 হেনকালে হর্ষে এক বিপ্র আসি কয় ।
 চান্দরায়ে অক্ষুগ্রহ কৈলা মহাশয় ॥
 শ্রীনরোত্তমের পাদপদ্ম করি সার ।
 সংসার সঙ্কট হৈতে হইল উদ্ধার ॥
 পূর্বে তাহে দেখিলে হইত মহাভয় ।
 এবে দৃষ্টিমাত্রে হয় আনন্দ উদয় ॥
 কি বলিব পূর্বের ছর্ষু ছি এ সব ।
 হইলা সুশান্ত কিবা অপূর্ব বৈষ্ণব ॥
 দেখিয়া আইলুঁ মুঞি প্রভুর প্রাঙ্গণে ।
 ধূলায় ধূসর অঙ্গ নাচে সংকীর্ণনে ॥
 শুনি এ সকল কথা অতি ছুট হইয়া ।
 চান্দরায়ে দেখিতে চলয়ে লোক ধাঞা ॥
 দূরে হৈতে দেখে চান্দরায় প্রেমাবেশে ।
 পড়িয়া ধরনীতলে নেত্রজলে ভাসে ॥
 সর্বাস্তে পুলক কম্প হয় বারবার ।
 দেখি সর্বলোকের হইল চমৎকার ॥
 কেহ কহে এতদিনে গেল দস্যুভয় ।
 সর্বমতে রক্ষা করিলেন মহাশয় ॥
 ব্রহ্মে কত কহি অতি আনন্দ অন্তরে ।
 শ্রীচান্দরায়ের ভাগ্য-শ্লাঘা সভা করে ॥
 হেনই সময়ে তথা আইলা কতজন ।
 নানা অঙ্গধারী সভে দূরদেশী হ'ন ॥
 অজানত রূপে জিজ্ঞাসয়ে এ সভারে ।
 চান্দরায় বৈষ্ণব কেমন কি প্রকারে ॥

ইহা শুনি সভা প্রতি কহে সংক্ষেপেতে ।
 চান্দরায় দেবীভক্ত গোষ্ঠীর সহিতে ॥
 মহাবলবান চান্দরায় জমীদার ।
 দস্যুর প্রধান অতিশয় ছুটাচার ॥
 অতি ক্রোধযুক্তা দেবী দেখিয়া হর্ষিত ।
 ব্রহ্মদৈত্য দ্বারে ছুঃখ দিলা যথোচিত ॥
 পুনঃ সেই দেবী দেখি জীবন সংশয় ।
 আজ্ঞা কৈলা কর নরোত্তম পদাশ্রয় ॥
 নরোত্তম মহাশয় অতি দয়াবান ।
 নরক হইতে তোরে করিবেক ত্রাণ ॥
 ব্রহ্মে স্বপ্নাদেশে চান্দরায় সেইরূপে ।
 লইলা শরণ মহাশয়ের চরণে ॥
 শ্রীঠাকুর মহাশয় দেখি মহাক্লেশ ।
 নিজগুণে করিলা শ্রীমন্ত্র উপদেশ ।
 যুচিল ছর্ষু ছি দীন মানে আপনায় ।
 বলে লৈয়া দিল দণ্ড যবন রাজায় ॥
 সে সকল ছুঃখ চান্দরায় নাহি গণে ।
 কেবল একান্ত মন প্রভুর চরণে ॥
 যবন আনিল হস্তী চান্দরে মারিতে ।
 পলাইল হস্তী চান্দরায়ের ডরেতে ॥
 অতি ব্যস্ত হৈয়া রাজা কহয়ে সভারে ।
 অতি সাবধানেতে রাখহ কারাগারে ॥
 মনে বিচারয়ে চান্দ হৈয়া উল্লসিত ।
 করিলুঁ কুক্তিয়া তার দণ্ড এ উচিত ॥
 কেহ কহে দেবীমুখে ছুঃখ যুচাইব ।
 চান্দরায় কহে অস্ত্র মন্ত্র না স্পর্শিব ॥

ঐছে নিষ্ঠা দেখি প্রভু হইলা সঙ্গ ।
 অকস্মাৎ যবনের হৈল মহাভয় ॥
 করিয়া প্রার্থনা রায়ে বিদায় করিলা ।
 এ দুই চারিদিনে এথায় আইলা ॥
 শুনিয়া এ সব পুনঃ জিজ্ঞাসে সভায় ।
 শ্রীঠাকুর মহাশয় আছেন কোথায় ॥
 কেহ কহে ওই দেখ বৃক্ষের তলাতে ।
 বসিয়া আছেন নিজ প্রিয়গণ সাথে ॥
 দূরে হৈতে মহাশয়ে করিতে দর্শন ।
 ভক্তিদেবী অন্নগ্রহ কৈলা সেইক্ষণ ॥
 খড়্গাদিক অস্ত্র সব দূরে ফেলাইয়া ।
 মহাশয় আগে পড়ে ভূমে লোটাইয়া ॥
 সভে অতি ব্যাকুল দেখিয়া মহাশয় ।
 সুমধুর বাক্যে কহে দেহ পরিচয় ॥
 কোথা হৈতে আইলা এথা কিবা প্রয়োজন
 শুনি অশ্রুযুক্ত হৈয়া কহে সৰ্বজন ॥
 বঙ্গদেশী দম্ভ্য মোরা বিপ্র ছরাচার ।
 প্রায় চান্দরায় কর্তা হ'ন মোঁ সভার ॥
 নৌকাপথে যাই মোরা ডাকাতি করিতে ।
 আইলুঁ রায়ের স্থানে পরামর্শ লৈতে ॥

লোকমুখে শুনিলুঁ রায়ের বিবরণ ।
 শুনিতেই মোঁ সভার কিয় গেল মন ॥
 দূরে রহি পাদপদ্ম দর্শন করিতে ।
 না বুঝিলুঁ কিবা লৈল মোঁ সভার চিতে ॥
 মোঁ সভার সমান অধম নাহি আর ।
 লইলুঁ শরণ এবে করহ উদ্ধার ॥
 এত কহি কান্দে সভে ব্যাকুল হইয়া ।
 মহাশয় স্থির কৈলা সভে প্রবোধিয়া ॥
 হেনকালে চান্দরায় আইলা সেইখানে ।
 সভে মহাহর্ষ হৈলা তাহার দর্শনে ॥
 চান্দরায় এ সভারে দেখি দীন প্রায় ।
 হইয়া পরম হর্ষ প্রশংসে সভায় ॥
 শ্রীঠাকুর মহাশয় কিছুদিন পরে ।
 কৃপা করি শিষ্য করিলেন সে সভারে ॥
 হইলেন সভে মহাভক্তি অধিকারী ।
 পরম অদ্ভুত চেষ্টা বিস্তারিতে নারি ॥
 এ সব প্রসঙ্গ যার কর্ণে প্রবেশয় ।
 ঘুচে তার ছব'দ্বি শ্রীভক্তি লভ্য হয় ॥
 নিরন্তর এ সব শুনহ যত্ন করি ।
 নরোত্তম-বিলাস কহয়ে নরহরি ॥

ইতি শ্রীনরোত্তম-বিলাসে দশমোবিলাসঃ ।

একাদশ বিলাস ।

জয় গৌর নিত্যানন্দাষ্টৈতগণ সহ ।
 এ দীন দুঃখিরে প্রভু কর অনুগ্রহ ॥
 জয় জয় দয়ার সমুদ্র শ্রোতাগণ ।
 এবে যে কহিয়ে তাহা করহ শ্রবণ ॥
 কবিরাজ ঠাকুর ঠাকুর মহাশয় ।
 লিখিলেন সকল সংবাদ পত্রীষয় ॥
 শ্রীগোবিন্দ কৃত গীত পত্রিকা সহিতে ।
 বৃন্দাবনে পাঠাইলা পরম যত্নেতে ॥
 তথাকার মঙ্গল শুনিয়া হর্ষ হৈলা ।
 এ সব সংবাদ জাজিগ্রামে পাঠাইলা ॥
 জাজিগ্রামে আচার্য্য লইয়া নিজ গণ ।
 ভক্তিশাস্ত্র আলাপে উল্লাস অনুক্ষণ ॥
 শ্রীনরোত্তমের ভক্তি দান দীনহীনে ।
 দক্ষ্য পাষণ্ডীরে উদ্ধারয়ে নিজগুণে ॥
 এ সব প্রসঙ্গ শুনি আচার্য্য অন্তরে ।
 যে আনন্দ বাড়ে তাহা কে কহিতে পারে
 খেতরি যাইব শীঘ্র করিতেই মনে ।
 বিবিধ মঙ্গল দৃষ্টি হইল সেইক্ষণে ॥
 কেহ আসি কহে বীরভদ্র আইল এথা ।
 আচার্য্য আনন্দ শুনি আগমন কথা ॥
 দেখে গিয়া গ্রামের নিকটে উপনীত ।
 দর্শন করিয়া সতে মহা উল্লাসিত ॥

প্রভু বীরচন্দ্র দেখি আচার্য্য ঠাকুরে ।
 মনুষ্যের যানে হৈতে নামিলা সত্ত্বরে ॥
 গণসহ আচার্য্য ভূমিতে প্রণময়ে ।
 বীরচন্দ্র প্রভু মহাযত্নে আলিঙ্গয়ে ॥
 জিজ্ঞাসিল কুশল অতি আনন্দ অন্তরে ।
 আচার্য্যের করে ধরি চলে ধীরে ধীরে ॥
 মহাযত্নে আচার্য্য করয়ে নিবেদন ।
 অকস্মাৎ কোথা হৈতে হৈল আগমন ॥
 প্রভু কহে খড়দহে বিচারিলুঁ চিতে ।
 জাজিগ্রাম হৈয়া যাব খেতরি গ্রামেতে ॥
 গণসহ নদীয়াদি ভ্রমণ করিলুঁ ।
 শ্রীখণ্ড হইয়া শীঘ্র এথায় আইলুঁ ॥
 ঈছে কহি ভুবন ভিতরে নিজস্থানে ।
 বসিলেন প্রভু বীরচন্দ্র নিজাসনে ॥
 প্রভুর আগমনে হৈল আনন্দ প্রচুর ।
 ঘরেতে আইলা যেন ধরের ঠাকুর ॥
 দ্রৌপদী ঈশ্বরী আর শ্রীগোবিন্দ প্রিয়া ।
 আচার্য্যের ভার্য্যা দৌহে প্রশমিলা গিয়া ॥
 সুশীতল জল আনি উল্লাস হৃদয়ে ।
 প্রভু বীরচন্দ্রের চরণ পাখালয়ে ॥
 আচার্য্যের জ্যেষ্ঠ পুত্র অতি বিচক্ষণ ।
 শ্রীজীব গোস্বামী দত্ত নাম বৃন্দাবন ॥

রাধাকৃষ্ণ শ্রীগতি গোবিন্দ এই তিনে ।
 পড়িলেন প্রভু বীরচন্দ্রের চরণে ॥
 এ তিন বালকে প্রভু আশীর্বাদ কৈলা ।
 এ তিনের মস্তকে শ্রীচরণ অর্পিলা ॥
 আচার্য্যের কন্যা তিন ভক্তি প্রেমরতা ।
 হেমলতা কৃষ্ণপ্রিয়া শ্রীকাম্বল লতা ॥
 তিনে প্রণামিলা প্রভু বীরচন্দ্র-পায় ।
 প্রভু আশীর্বাদ কৈলা বাৎসল্য হিয়ায় ॥
 গ্রামবাসী স্ত্রী পুরুষ আইলা দর্শনে ।
 সতে প্রণামিলা বীরচন্দ্রের চরণে ॥
 প্রত্যেকে সভারে প্রভু কুশল জিজ্ঞাসে ।
 সতে আত্মনিবেদন কৈলা যত্নভাষে ॥
 ঐছে কতক্ষণ প্রভু রহি সেইখানে ।
 গণ সহ পরম আনন্দে গেলা স্থানে ॥
 এথা শীঘ্র স্নান করি আচার্য্য ঘরণী ।
 করয়ে রন্ধন যৈছে কহিতে না জানি ॥
 শাকাদি ব্যঞ্জন কৈলা সিদ্ধ পক্ক আর ।
 ক্ষীর সর ননী আদি অনেক প্রকার ॥
 সুগন্ধি তণ্ডুল পাক করিয়া যত্নেতে ।
 সদ্য স্নাত সিদ্ধ করি ধরিলা খালেতে ॥
 আচার্য্যের সিদ্ধ এক অতি বিচক্ষণ ।
 শালগ্রামচন্দ্রে ভোগ কৈলা সমর্পণ ॥
 প্রভু নিত্যানন্দ দত্ত গোবর্দ্ধন শিলা ।
 প্রভু বীরচন্দ্র সেবে সঙ্গে তেঁহ ছিলা ॥
 তাঁহারেও ভোগ সমর্পণ কৈলা রঙ্গে ।
 সঙ্গরে পরম শ্রীতে দৌহে এক সঙ্গে ॥

ভোগ সাজাইয়া দিলা ছই ঠাকুরাণী ।
 কি অপূর্ব শোভা হৈল কহিতে না জানি
 গোবর্দ্ধন শিলা আর শ্রীবংশীবদন ।
 ভূঞ্জিলেন পূজারী দিলেন আচমন ॥
 তাহুল ভক্ষণ করাইয়া যত্ন মতে ।
 করাইলা শয়ন সে অপূর্ব শয্যাতে ॥
 এথা মানার্হিক সারি সতে প্রভুসনে ।
 ভোজনে বসিলা গিয়া অপূর্ব প্রাসঙ্গে ॥
 প্রভু বীরচন্দ্র শ্রীআচার্য্য প্রতি ক'ন ॥
 ভোজনে কৈসহ সঙ্গে লৈয়া সর্বজন ॥
 আচার্য্য ঠাকুর কহে ইথে পাই ভীত ।
 সর্বশেষে ভূঞ্জি আমি এই সে উচিত ॥
 শুনি প্রভু আচার্য্যের করে ধরি হাসে ।
 কহয়ে উচিত এই বৈস মোর পাশে ।
 আচার্য্য ঠাকুর আজ্ঞা না পারে লঙ্ঘিতে ।
 সভাসহ বসিলা প্রভুর আজ্ঞামতে ॥
 প্রভু বীরভদ্র সঙ্গী মহাবিজ্ঞগণ ।
 হইল সভার মহা উল্লাসিত মন ॥
 কি অপূর্ব বৈষ্ণবমণ্ডলী-শোভা করে ।
 প্রভু বীরচন্দ্রে দেখি কেবা ধৈর্য্য ধরে ।
 অপূর্ব কদলীপত্র সকলে লইয়া ।
 প্রভু পরিবেশন করিতে আজ্ঞা দিলা ॥
 ভক্তিমূর্ত্তি পতিব্রতাচার্য্য ভার্য্যাঙ্কয় ।
 করে পরিবেশন আনন্দ অতিশয় ॥
 শ্রীদাস গোকুলানন্দ ব্যাস এ তিনেতে ।
 সাজাইলা নানা দ্রব্য অপূর্ব পাত্রেতে ॥

চিনিপানা পকান্নাদি দিয়া থরে থরে ।
 বসিলেন গিয়া শ্রীপ্রসাদ ভুঞ্জিবারে ॥
 বীরচন্দ্র তাহা কিছু প্রথমে ভুঞ্জিয়া ।
 আজি এ ব্রজের মত কহয়ে হাসিয়া ॥
 তত্পরি ভুঞ্জে সিদ্ধ পল্ল সুমধুর ।
 শাকাদি ব্যঞ্জন ভুঞ্জি আনন্দ প্রচুর ॥
 পরম কোঁতুকে সভে করিলা ভোজন ।
 আচমন করি কৈলা তাষুল ভক্ষণ ।
 কিঞ্চিৎ বিশ্রাম করি আনন্দ আবেশে ।
 দিবারাত্রি গোঙাইল কৃষ্ণকথা রসে ॥
 প্রভাতে শ্রীরামচন্দ্র আচার্য্য সহিতে ।
 করিলেন যাত্রা অতি উল্লাসিত চিতে ॥
 প্রভু বীরচন্দ্রের যতক প্রিয়গণ ।
 মনের উল্লাসে সভে করিলা গমন ॥
 আচার্য্যের শিষ্যগণ আনন্দ হিয়ায় ।
 কেহ সঙ্গে চলে কেহ আগে চলি যায় ॥
 কণ্টকনগর হৈয়া আইল বৃধরি ।
 পূর্বে গোবিন্দাদি শুনি আছে আশুসরি ॥
 পথে সভাসহ হৈল অদ্ভুত মিলন ।
 গোবিন্দ আনন্দে লৈয়া আইলা ভবন ॥
 প্রভু বীরচন্দ্র অতি আনন্দিত মনে ।
 অপূর্ব বাসায় উত্তরিল গণসনে ॥
 আচার্য্য ঠাকুরগণ সহ সেই ঠাঞি ।
 পরস্পর সভার সুখের সীমা নাই ॥
 ভোজন-কোঁতুক আদি যেরূপ হইল ।
 তাহা বাহুল্যের ভয়ে বর্ণিতে নারিল ॥

দুই দিন বৃধরি গ্রামেতে স্থিতি কৈলা ।
 তথাতে আসিয়া বহু বৈষ্ণব মিলিলা ॥
 সভাসহ পদ্মাপার হৈলা স্নান করি ।
 মনের উল্লাসে প্রভু চলয়ে খেতরি ॥
 গমন সংবাদ পূর্বে শুনি মহাশয় ।
 করাইলা বিবিধ সামগ্রী পূপাদয় ॥
 দধি দুগ্ধ ছেনা আদি আত্মাদিক ফল ।
 আত্মাদি আচার সজ্জ হইল সকল ॥
 বাসা পরিষ্কার করাইয়া মহাশয় ।
 গণসহ আসি দূরে পথ নিরীথয় ॥
 তাপ তম নাশিতে উদয় চন্দ্রগণ ।
 ঐছে দূরে হৈতে দেখি জুড়ায় নয়ন ॥
 নিকটে যাইয়া অতি উল্লাসিত মনে ।
 প্রণমিলা প্রভু বীরচন্দ্রের চরণে ॥
 প্রভু বীরচন্দ্র নরোত্তমে আলিঙ্গিয়া ।
 হইলেন অর্ধৈর্য্য ধরিতে নারে হিয়া ॥
 নরোত্তম সিন্ধু হইয়া নয়নের জলে ।
 পুনঃ পুনঃ লোটাইয়া পড়ে পদতলে ॥
 যৈছে পরস্পর হইল সভার মিলন ।
 একমুখে তার লেশ না হয় বর্ণন ॥
 আচার্য্য ঠাকুর শ্রীঠাকুর মহাশয় ।
 প্রভুরে লইয়া আইলা গৌরাঙ্গ আলায় ॥
 গৌরাঙ্গ বল্লভীকান্ত শ্রীব্রজমোহন ।
 রাধাকৃষ্ণ রাধাকান্ত শ্রীরাধারমণ ॥
 বীরচন্দ্র দর্শন করিয়া এ সভার ।
 হইলা অর্ধৈর্য্য নেত্রে বহে অশ্রুধার ॥

ভ্রমেতে পড়িয়া বারবার প্রশময়ে ।
 মনে উপজয়ে যাহা তাহা কে জানয়ে ॥
 ধৈর্য্যাবলম্বন প্রভু কৈলা কতক্ষণে ।
 শ্রীমাদাপ্রসাদ দিলা পূজারী যতনে ॥
 আচার্য্য ঠাকুর মহাশয় যত্ন করি ।
 লইয়া গেলেন বাসায় যথা ছিলেন ঈশ্বরী ॥
 এখানে বৈষ্ণব সব অধৈর্য্য দর্শনে ।
 নেত্রাশু নিবারি স্থির হৈল সর্ব্বজনে ॥
 পূজারী দিলেন মালা প্রসাদ সভারে ।
 প্রভুর নিকটে গেল উল্লাস অস্তরে ॥
 শ্রীখেতরি আদি গ্রামবাসী লোকগণ ।
 চতুর্দিকে ধায় সভে করিতে দর্শন ॥
 দর্শন করিয়া সভে চলে নিজবাসে ।
 কেহ কার প্রতি কহে সুমধুর ভাষে ॥
 ভুবনমোহন নিত্যানন্দ বলরাম ।
 তাঁর পুত্র প্রভু বীরভদ্র গুণধাম ॥
 ভুবনমোহন মূর্ত্তি রসের আনয় ।
 দেখিতে আখেরি তৃষ্ণা বাড়ে অতিশয় ॥
 কেহ কহে যো সভার ধন এ জীবন ।
 অনায়াসে পাইলুঁ ছল্লভ দর্শন ॥
 কেহ কহে শ্রীঠাকুর মহাশয় হৈতে ।
 মনোরথ পূর্ণ হৈল খেতরি গ্রামেতে ॥
 ঐছে কত কহে লোক আনন্দ আবেশে ।
 বীরচন্দ্র গমন ব্যাপিল সর্ব্বদেশে ॥
 এথা বীরচন্দ্র প্রভু অপূর্ব্ব বাসায় ।
 সভাসহ বসিলেন আনন্দ হিয়ায় ॥

বীরচন্দ্র প্রভু প্রতি আচার্য্য ঠাকুর ।
 মন্দ মন্দ হাসি কহে বচন মধুর ॥
 আজি করিবেন এথা পকান্ন ভোজন ।
 হইল প্রস্তুত পূর্বে শুনি আগমন ॥
 প্রভু বীরচন্দ্র নিজ সম্পূট হইতে ।
 গোবর্দ্ধন শিলা দিলা ভোগ লাগাইতে ॥
 তাঁরে নানা সামগ্রী যত্নেতে আনি দিলা ।
 ভোগ সরাইয়া শিলা সম্পূটে রাখিলা ॥
 শ্রীমন্দির হৈতে নানা প্রসাদ আনিলা ।
 হইল প্রস্তুত সব যত্নে নিবেদিলা ॥
 আচার্য্যের বাক্য শুনি কহেন গোসাঞী ।
 হইয়াছে ক্ষুধা বিলম্বের কাজ নাই ॥
 এত কহি সভা লৈয়া বসিলা প্রাক্ষণে ।
 দেখয়ে অদ্ভুত শোভা ভাগ্যবন্তু জনে ॥
 হরিরাম রামকৃষ্ণ গঙ্গানারায়ণ ।
 শ্রীগোবিন্দ চক্রবর্তী আদি কথোজন ॥
 বিবিধ পকান্ন সব লইয়া যত্নেতে ।
 করে পরিবেশন পরমানন্দ চিতে ॥
 আত্র পনস দাড়িঘাদি নানা ফল ।
 দধি দুগ্ধ ছেনা চিনি পানাদি সকল ॥
 ক্রমে ক্রমে দিয়া শোভা দেখয়ে কৌতুকে
 আচার্য্যাদি সভা সহ ভুঞ্জে প্রভু সুখে ॥
 পুপলডুকাদি অতি মনোহর ।
 স্বাদে স্বাদে ভোজন হইল গুরুতর ॥
 করি আচমন প্রভু বসিলা আসনে ।
 প্রসাদি তাহুল খাইলেন হর্ষমনে ॥

শেষে ভুলে লোক বত লেখা নাই তার ।
 এ সকল বিস্তারি নারি যে বর্ষিবার ॥
 গগনস্থ আচার্য্য ঠাকুর মহাশয় ।
 প্রভু বীরচন্দ্রে লৈয়া আনন্দে ভাসয় ॥
 রাধাকৃষ্ণ-চৈতন্য-চরিত্র সুধাপানে ।
 কত সুখে গেল দিবা রাত্রি কেবা জানে ॥
 প্রাতে সতে প্রাতঃক্রিয়া নানাধি করিলা
 শ্রীমন্তোষ প্রভু বীরচন্দ্রে আগে আইলা ॥
 পরাইয়া অতিশুভ্র নবীন বসন ।
 দেখিয়া প্রভুর শোভা ছুড়ায় নয়ন ॥
 সঙ্গের বৈষ্ণবগণে করিয়া বিনয় ।
 পরাইয়া নব্য বস্ত্র আনন্দ হৃদয় ॥
 অপূর্ব আসন প্রভু আগে সাজাইলা ।
 তাহে বসি গোবর্দ্ধনশিলা সেবা কৈলা ॥
 ভূষিত করিয়া পুষ্প তুলসী চন্দনে ।
 বিবিধ সামগ্রী ভোগ দিলা সেইক্ষণে ॥
 ভোগ সরাইয়া বহু প্রণাম করিলা ।
 প্রসাদি সামগ্রী সব জনে বাঁটি দিলা ॥
 প্রভু বীরচন্দ্রের যে পাককর্ত্তাগণ ।
 অতি শীঘ্র করিলেন অপূর্ব রন্ধন ॥
 গোবর্দ্ধনশিলায় সে ভোগ সমর্পিলা ।
 ভোগ সরাইয়া স্বর্ণ সংপুটে রাখিলা ॥
 শ্রীগৌরচন্দ্রের করি আরতি দর্শন ।
 সভা সহ কৈল প্রভু আনন্দে ভোজন ॥
 তাহুল ভক্ষণ করি বিশ্রাম করিলা ।
 কতক্ষণ পরে সভা লইয়া বসিলা ॥

আচার্য্যের প্রতি প্রভু বীরচন্দ্রে কর ।
 সংকীৰ্ত্তন শ্রবণ করিতে সাধ হয় ॥
 আচার্য্য করয়ে সর্ব সাধ-কর্ত্তা তুমি ।
 মো সভার সাধ পূর্ণ হবে এই জানি ॥
 মনের উল্লাসে শ্রীঠাকুর মহাশয় ।
 বিলম্বে নাহিক কার্য্য সভা প্রতি কর ॥
 শ্রীমন্তোষ রায় সব সজ্জ করাইলা ।
 সংকীৰ্ত্তনারম্ভ কথা সকলে শুনিলা ॥
 ধাইলা সকল লোক চতুর্দিক হৈতে ।
 আসিয়া বেড়িল প্রাক্ষণের চারিভিতে ॥
 অপরাহ্ন কালে বীরচন্দ্রে সভা সনে ।
 বাসা হৈতে আইলেন গৌরান্দ্র প্রাক্ষণে ॥
 করিলেন উত্থাপন আরতি দর্শন ।
 পূজারী দিলেন আনি শ্রীমালাচন্দন ॥
 আচার্য্যের হৈল অতি উল্লাস অন্তর ।
 করিলা চন্দন চিত্র অতি মনোহর ॥
 নানা পুষ্পমালা পরাইয়া প্রভু-গলে ।
 দেখিয়া অপূর্ব শোভা ভাসে নেত্রজলে ॥
 মহাশয় গায়ক বাদকগণ লৈয়া ।
 সংকীৰ্ত্তন আরম্ভ করয়ে হৃষ্ট হৈয়া ॥
 গোকুল বরিষে সুধা রাগ আলাপনে ।
 দেবীদাস রায় খোল বিচিত্র বন্ধানে ॥
 খোল করতাল ধ্বনি আলাপ প্রকার ।
 ভেদয়ে গগন দেবলোকে চমৎকার ॥
 শ্রীমহাশয়ের কর্ণধ্বনি সুমঙ্গলে ।
 উথলে আনন্দসিন্ধু অধৈর্য্য সকলে ॥

চারিদিকে বৈষ্ণবমণ্ডলী মনোহর ।
 মধ্যে প্রভু বীরচন্দ্র শোভয়ে সুন্দর ॥
 কনক জিনিয়া অঙ্গ বলমল করে ।
 সুমধুর ভঙ্গীতে মদন মদ হরে ॥
 করয়ে নর্তন মহাপ্রেমের আবেশে ।
 তুলিয়া আজানু বাহু ফিরে চারিপাশে ॥
 পরিসর বক্ষে দোলে নানা পুষ্পহার ।
 অবিরল বিপুল পুলক অনিবার ।
 সুচারু বদনে হরি হরিবোল বলে ।
 ভাসয়ে দীঘল ছুটি নয়নের জলে ॥
 চঞ্চল নয়ন চারু চরণ কমল ।
 অভিনব পরশে হরষ মহীতল ॥
 ভুবনমোহন নৃত্য করয়ে কীর্তনে ॥
 হরিষে কুমুম বরিষয়ে দেবগণে ॥
 গন্ধর্ক কিস্কর মনুষ্যের বেশ ধরি ।
 অনিমিখ নেত্রে দেখে নৃত্যের মাধুরী ॥
 প্রভু বীরচন্দ্র ইচ্ছা সভার সহিতে ।
 করিব নর্তন তেত্রিঃ চাহে চারিভিতে ॥
 হেনই সময়ে শ্রীআচার্য্য মহাশয় ।
 গগনসহ করে নৃত্য প্রেমানন্দ ময় ।
 কিবা সে অদ্ভুত নৃত্য ভুবনমঙ্গল ।
 পদভরে ধরণী করয়ে টলমল ॥
 গীত নৃত্য বাণ্য নব্য নব্য ক্ষণে ক্ষণে ।
 উপমা দিবার ঠাঞি নাই ত্রিভুবনে ॥

হইলেন আশ্চ-বিস্ময়িত সর্বজন ।
 চতুর্দিকে করে মহাছকার গর্জন ॥
 বীরদর্প করে কেহ কেহ দেই লক্ষ ।
 বিছাতের প্রায়ঃকার দেহে হয় কম্প ॥
 কেহ বীরচন্দ্রের চরণে পড়ি কান্দে ।
 ধরণী লোটার কেহ ধৈর্য্য নাহি বাঞ্চে ॥
 প্রভু বীরচন্দ্র হৈলা পরম বিহ্বল ।
 ধূলায় ধূসর অঙ্গ করে টলমল ॥
 মহাসিংহনাদ প্রভু করে বারেবারে ।
 নরোত্তমে কোলে করি ছাড়িতে না পারে
 শ্রীদেবীদাসের কর লৈয়া ধরে বক্ষে ।
 কি অপূর্ব বাণ্য কহি ধারা বহে চক্ষে ॥
 গোকুলের বদনে শ্রীহস্ত ব্লাইয়া ।
 কহিলা কতক তাঁরে অধৈর্য্য হইয়া ॥
 শ্রীগোবিন্দ কবিরাজের ছুটি কর ধরি ।
 কহে তুয়া কাব্যের বালাই লৈয়া মরি ॥
 তুমি সে জানহ নিত্যানন্দের মহিমা ।
 আচার্য্যের অনুগ্রহ তার এই সীমা ॥
 এত কহি গোকুলে কহয়ে বারবার ।
 গাও গাও ওহে প্রাণ জুড়াও আমার ॥
 শুনিয়া গোকুল গায় হৈয়া উল্লসিত ।
 কিবা সে অপূর্ব কবিরাজ-কৃত গীত ॥

তথাহি গীতম্ ।

জয় জগতারণ-কারণ ধাম ।

আনন্দ কন্দ নত্যানন্দ নাম ।

ডগমগ লোচন, কমল তুলায়ত,
সহজে অথির গতি জিতি মাতোয়ার ।
ভাইয়া অভিরাম বলি, ঘর ঘন ফুকরই,
গৌর প্রেমের ভরে চলই না পার ॥
বিচিত্র বন্ধানে শ্রীগোকুল দাস গায় ।
ভাসিলা সকল লোক প্রেমের বশায় ॥
সংকীৰ্ত্তন মধ্যে যে যে হৈল চমৎকার ।
তাহা রিস্তারিয়া বর্ণিবারে শক্তি কার ॥
চতুর্দিকে হরি হরি ধ্বনি কোলাহল ।
ভেদয়ে গগন মহী ব্যাপিল সকল ॥
কত শত দীপ জলে দেখিতে সুন্দর ।
সংকীৰ্ত্তনে হৈল রাত্রি তৃতীয় প্রহর ॥
স্থির হৈয়া বৈসে সভে প্রভুর প্রাক্ষণে ।
হইল প্রভাত কৃষ্ণ কথা আলাপনে ॥
প্রাতঃক্রিয়া করি সভে স্নানাদি করিলা ।
প্রভু বীরচন্দ্রের বাসায় সভে আইলা ॥
গোবর্দ্ধন শিলা সেবা করি প্রভু বীর ।
সে আনন্দ আবেশে হইতে নারে স্থির ॥
রামচন্দ্র প্রতি প্রভু কহে বারে বারে ।
শ্রীরাস-বিলাস কিছু শুনাহ আমারে ॥
রামচন্দ্র কর্তৃক ধ্বনি অমৃতের ধার ।
ভাগবত পঞ্চ অথ কৈলা চমৎকার ॥

শুনি বীরচন্দ্রের আনন্দ অতিশয় ।
রামচন্দ্রে ধরি পুনঃ পুনঃ আলিঙ্গয় ॥
প্রভু বীরচন্দ্র ধৈর্য্য ধরি কতক্ষণে ।
আচার্য্যের প্রতি কহে মধুর বচনে ॥
এ হেন দুর্লভ সঙ্গ হইব কি আর ।
এত কহিতেই নেত্রে বহে অশ্রুধার ॥
আচার্য্যাদি সভে ভাসে নয়নের জলে ।
প্রভু ইচ্ছামতে স্থির হইলা সকলে ॥
শ্রীরূপ ঠাক আর গঙ্গানারায়ণ ।
শ্রামদাস গোবিন্দাদি ভাগবতগণ ॥
অপূর্ব পকান্ন অত্র পনসাদি যত ।
শীঘ্র সজ্জ কৈলা প্রভু আজ্ঞা অভিমত ॥
গোবর্দ্ধনশিলা আগে ধরিল যতনে ।
প্রভু বীরচন্দ্র ভোগ দিলেন আপনে ॥
সময় জানিয়া প্রভু ভোগ সরাইলা ।
তাম্বুল সমর্পি শিলা সম্পূটে রাখিলা ॥
গৌরাক্ষ দর্শন করি সভারে লইয়া ।
ভুঞ্জিলেন প্রসাদ পরম যত্ন পাঞা ॥
প্রসাদি তাম্বুল:স্থখে করিয়া ভক্ষণ ।
সভা সহ বিশ্রাম করিলা কতক্ষণ ॥
ঐছে প্রভু নিত্যানন্দ চন্দ্রের তনয় ।
প্রিয়বর্গ সঙ্গে মহারাজে বিলসয় ॥

একদিন আচার্য্যের প্রতি প্রভু কহে ।
 একচক্র হইয়া যাইব খড়্গহে ॥
 কালি প্রাতে গমন করিব কৈলুঁ মনে ।
 কথোদূর পর্য্যন্ত যাইব তুয়া মনে ॥
 আচার্য্য কহেন মনে হৈল যে তোমার ।
 ইহা কে অন্তথা করে ঐছে শক্তি কার ॥
 প্রভু বীরচন্দ্র হাসি কহে ধীরি ধীরি ।
 তোমা সভাকার বাক্য লজ্জিতে না পারি
 কহিলাম মনে যাহা হইল উদয় ।
 বুঝিয়া করহ কার্য্য যেই ইচ্ছা হয় ॥
 নরোত্তমে কহে গিয়া আচার্য্য ঠাকুর ।
 আঁমা সহ হৈবে কালি গমন প্রভুর ।
 শুনি মহাশয় অতি ব্যাকুল হইলা
 আচার্য্য ঠাকুর কত যত্নে প্রবোধিলা ॥
 আর যে প্রসঙ্গ দৌহে করিলা নির্জনে ।
 সে সকল বুঝিবারে নাহে অশুভনে ॥
 কতক্ষণে রহি তথা প্রভু পাশ আইলা ।
 গমনের আয়োজন সম্ভাষ করিলা ॥
 প্রভু বীরচন্দ্রের সঙ্গেতে যাবে যাহা ।
 ঠাকুর কানাঞি ঠাঞি সমর্পিলা তাহা ॥
 শ্রীআচার্য্য ঠাকুরের সঙ্গে যাহা চাই ।
 তাহা সমর্পিলা রূপ ঘটকের ঠাঞি ॥
 বুধরি গ্রামেতে শীঘ্র লোক পাঠাইলা ।
 পদ্মাবতী তীরে বহু নোকা রাখাইলা ॥
 হইল সর্বত্র ধ্বনি খেতরি হইতে ।
 যাত্রা করিলেন প্রভু রজনী প্রভাতে ॥

কেহ কার প্রতি কত কহে ঠাঞি ২ ।
 দিবা রাত্রি লোক গতায়াত অন্ত নাই ॥
 শ্রীনিবাসাচার্য্য লৈয়া বীরচন্দ্র রায ।
 গৌরাজ প্রাঙ্গণে গিয়া হইল বিদায় ॥
 বাসায় আসিয়া বসিলেন কতক্ষণ ।
 তথাতে একত্র হইলেন সর্বজন ॥
 গমন করিলা শীঘ্র পদ্মাবতী তীরে ।
 কেহ কোনরূপে ধৈর্য্য ধরিতে না পারে ॥
 দীনপ্রায় শ্রীমহাশয়ের শিষ্যগণ ।
 বন্দিলেন প্রভু বীরচন্দ্রের চরণ ॥
 করিলা প্রণাম বহু আচার্য্য চরণে ॥
 এ দৌহে করিলা অনুগ্রহ সর্বজনে ॥
 শ্রীমহাশয়েরে রামচন্দ্র কহি কত ।
 হইলা বিদায় কথো দিবসের মত ॥
 হরিরাম রামকৃষ্ণ গঙ্গানারায়ণ ।
 শ্রীগোবিন্দ চক্রবর্তী শ্রীগোপীরমণ ॥
 বলরাম কবিরাজ আদি কথোজনে ।
 আচার্য্য রাখিলা মহাশয় সন্নিধানে ॥
 খেতরি গ্রামেতে হৈতে আইলা ষত জন ।
 সভারে কহিলা নানা প্রবোধ বচন ।
 প্রভু বীরচন্দ্র লৈয়া আচার্য্য ঠাকুর ।
 চড়িলা নৌকার সব ধৈর্য্য গেল দূর ॥
 রামচন্দ্র আদি সভে চড়িলা নৌকার ।
 কর্ণধার নোকা ছাড়ি দিলেন ত্বরায় ॥
 উঠিল ক্রন্দনধ্বনি পদ্মাবতী তীরে ।
 যাহার শ্রবণে দারুণায়াণ বিদরে ॥

গণসহ আচার্য্য শ্রীবীরচন্দ্রে লৈয়া ।
 গেলেন বুধরি গ্রামে গঙ্গাপার হৈয়া ॥
 এথা অতি অধৈর্য্য হইয়া মহাশয় ।
 সভা সহ আইলেন গৌরাক্ষ আলায় ॥
 গৌরাক্ষ বল্লবীকান্ত শ্রীব্রজমোহন ।
 রাধাকান্ত রাধাকৃষ্ণ শ্রীরাধারমণ ॥
 দর্শনে সভার হৈল উল্লসিত হিয়া ।
 অতি শীঘ্র করিলেন স্নানাদিক ক্রিয়া ॥
 সভা লইয়া মহাশয় প্রসাদ ভুঞ্জিলা ।
 কৃষ্ণকথা-রসে দিবা রাত্রি গোড়াইলা ॥
 সেই দিন হৈতে ঐছে হৈলা মহাশয় ।
 ক্ষণে অতি স্থির ক্ষণে ব্যাকুল হৃদয় ॥
 এইরূপ কথোক দিবস গোড়াইতে ।
 রামচন্দ্র আইলেন জাজিগ্রাম হৈতে ॥
 রামচন্দ্র গমনাগমন আদি করি ।
 ভক্তি রত্নাকর গ্রন্থে বর্ণিলু বিস্তারি ॥
 রামচন্দ্রাগমনে আনন্দ মহাশয় ।
 সভার হইল অতি প্রসন্ন হৃদয় ॥
 গোবিন্দাদি লৈয়া গৌরচন্দ্রের প্রাঙ্গণে ।
 দিবা-নিশি মত্ত মহাশয় সংকীৰ্তনে ॥
 রাজা নরসিংহ চান্দরায় আদি যত ।
 সভে সংকীৰ্তন রসে হইল উন্মত্ত ॥
 কিছুদিন পরে শ্রীঠাকুর মহাশয় ।
 শ্রীগোবিন্দ চক্রবর্তী আদি সভে কয় ॥
 বহু দিন হৈল গৃহে না কৈলা গমন ।
 শীঘ্র করি একবার ঘাহ সৰ্ব্বজন ॥

যত্বপি যাইতে কার মন নাহি হয় ।
 তথাপিহ গেলা আজ্ঞা লঙ্ঘনের ভয় ॥
 শ্রীগোবিন্দ চক্রবর্তী গঙ্গানারায়ণ ।
 হরিরাম রামকৃষ্ণ শ্রীগোপীরমণ ॥
 বলরাম কবিরাজ আদি এ সভার ।
 গমন হইল যৈছে নারি বর্ণিবার ॥
 রামচন্দ্রে লৈয়া শ্রীঠাকুর মহাশয় ।
 কথোদিন পরম আনন্দে বিলসয় ॥
 একদিন দৌহে বসি পরম নির্জনে ।
 না জানি কি পরামর্শ কৈলা দুই জনে ॥
 রামচন্দ্র কবিরাজ কিছু দিন পরে ।
 জাজিগ্রামে গেলা অতি ব্যাকুল অন্তরে ॥
 তথা হৈতে সংবাদ আইলা কথোদিনে ।
 শ্রীআচার্য্য ঠাকুর গেলেন বৃন্দাবনে ॥
 রামচন্দ্র কবিরাজ সঙ্গে নিরন্তর ।
 কে বুঝিতে পারে এই দৌহার অন্তর ॥
 একদিন মহাশয় স্থির হৈতে নারে ।
 কি হইল কান্দিয়া কহয়ে বারে বারে ॥

ত্রিপদী ।

গৌরাক্ষের সহচর, শ্রীনিবাস গদাধর,
 নরহরি যুকুন্দমুরারি ।
 শ্রীরূপ দামোদর, হরিদাস বক্রেশ্বর
 এ সব প্রেমের অধিকারী ॥

করিতে যে সব লীলা, শুনিতে গলয়ে শিলা,
 তাহা মুখিঃ না পাইলুঁ দেখিতে ।
 তখন নহিল জন্ম, না বুঝিলুঁ সে না মর্শ্ব,
 এ না শেল রহি গেল চিতে ॥
 প্রভু সনাতন রূপ, রঘুনাথ ভট্ট যুগ,
 ভূগর্ভ শ্রীজীব লোকনাথ ।
 এ সকল প্রভু মিলি, কৈলা কি মধুর কেলি
 বৃন্দাবনে ভক্তগণ সাথ ॥
 সভে হৈলা অদর্শন, শূন্য ভেল ত্রিভুবন,
 আধল হইল এ না আঁখি ।
 কাহারে কহিব ছুঃখ, না দেখিও ছার মুখ,
 আছি যেন মরা পশু পাখী ॥
 আচার্য্য শ্রীশ্রীনিবাস, আছিলুঁ যাহার দাস,
 কথা শুনি জুড়াইত প্রাণ ।
 তেঁহ মোরে ছাড়ি গেল, রামচন্দ্র না আইলা
 ছুঃখে জীউ করে আনচান ॥
 যে মোর মনের ব্যথা, কাহারে কহিব কথা
 এ ছার জীবনে নাহি আশ ।
 অল্পজল বিষ খাই, মরিয়া নাহিক যাই,
 ধিক ধিক নরোত্তম দাস ॥
 এত কহিতেই সভে করিল শ্রবণ ।
 রামচন্দ্র কবিরাজ হৈলা অদর্শন ॥
 শ্রীঠাকুর মহাশয় স্থির হৈতে নারে ।
 নিৰ্জন বনেতে গিয়া কান্দে উচ্চৈঃস্বরে ॥
 ওহে রামচন্দ্র মোরে গেল কোথা ছাড়ি ।
 এতকাঁহি কণ্ঠস্থক রহে ভূমে পড়ি ॥

রাজা নরসিংহ আর রূপনারায়ণ ।
 শ্রীরাজা গোবিন্দ সন্তোষাদি কথোজন ॥
 দূরে থাকি দেখি সিন্ধু হৈয়া নেত্রজলে ।
 পড়িয়া আছেন মহাশয় মহীতলে ॥
 চতুর্দিকে বেড়ি সভে করয়ে ক্রন্দন ।
 কতক্ষণে মহাশয় হইলা চেতন ॥
 সভা লৈয়া আইলেন গৌরাজ প্রাঙ্গণে ।
 কতক্ষণ স্থির হইলা প্রভুর দর্শনে ॥
 ঐছে দিন পাঁচ সাত রহি মহাশয় ।
 গঙ্গানানে যাইব সভার প্রতি কয় ॥
 প্রভুর সেবাতে সভে সাবধান করি ।
 কথোজন সঙ্গে শীঘ্র আইল বৃধরি ॥
 তথা হইতে আইলা গাঙ্গীলা গঙ্গাতীরে ।
 অকস্মাৎ জ্বর আসি ব্যাপিল শরীরে ॥
 চিতা সজ্জা কর শীঘ্র এই আজ্ঞা দিয়া ।
 রহিলেন মহাশয় নীরব হইয়া ॥
 অত্যন্ত ব্যাকুল হইলেন শিষ্যগণ ।
 সভারে করিলা স্থির গঙ্গানারায়ণ ॥
 ব্রাহ্মণ পণ্ডিত আইসে লইয়া নিজগণে ।
 দেখা মাত্র হয় কথা নাই কার মনে ॥
 ঐছে মহাশয় তিনদিন গোঞাইলা ।
 লোকদৃষ্টে দেহ হৈতে পৃথক হইলা ॥
 মহাশয়ে স্নান করাইয়া সেইক্ষণে ।
 চিতার উপরে রাখিলেন দিব্যাসনে ॥
 পরস্পর কহে সুখে ব্রাহ্মণ সকল ।
 বিপ্রে শিষ্য কৈল যৈছে হইল তার ফল ॥

গঙ্গানারায়ণ ব্রহ্ম কিছু না কহিল ।
 বাক্যরোধ হইয়া নরোত্তম দাস মৈল ॥
 গঙ্গানারায়ণ ঐছে পণ্ডিত হইয়া ।
 হইলেন শিষ্য নিজ ধর্ম তেয়াগিয়া ॥
 দেখিল গুরুর দশা হইল যেমন ।
 না জানি ইহার দশা হইবে কেমন ॥
 পুনঃ পুনঃ গঙ্গানারায়ণে শুনাইয়া ।
 ঐছে কত কহে সভে হাসিয়া হাসিয়া ॥
 পাষণ্ডীর বাক্যে দয়া উপজিল মনে ।
 গঙ্গানারায়ণ আইলা চিতা সন্নিধানে ॥
 কড়যোড় করিয়া কহয়ে বারবার ।
 নিজগুণে কৈলা প্রভু পাষণ্ডী উদ্ধার ॥
 এবে এ পাষণ্ডীগণ মর্ম না জানাইয়া ।
 নিন্দে তোমা সভে ছুঃখ পায়েন শুনিয়া ॥
 এ সভার হইল ঘোর নরকে গমন ।
 রক্ষা কর কৃপাদৃষ্টে করি নিরীক্ষণ ॥
 গঙ্গানারায়ণের এ ব্যাকুল বচনে ।
 নিজদেহে মহাশয় আইল সেইক্ষণে ॥
 রাধাকৃষ্ণ-চৈতন্য বলিয়া নরোত্তম ।
 উঠিলেন চিতা হৈতে তেজে সূর্য্য সম ॥
 চতুর্দিকে ইরিধ্বনি করয়ে সর্ব্বজনে ।
 অকস্মাৎ পুষ্প বরিষয়ে দেবগণে ॥
 দূরে থাকি দেখি সব নিন্দুক ব্রাহ্মণ ।
 মহাভয় হৈল স্থির নহে কোনজন ॥
 কেহ কার প্রতি কহে কি কার্য্য করিলুঁ ।
 আপনা খাইয়া হেন জনেরে নিন্দিলুঁ ॥

ঐছে কত কহি শিরে করে করাঘাত ।
 কাঁপয়ে অন্তর নেত্রে হয় অশ্রুপাত ॥
 নিন্দুক ব্রাহ্মণগণ সাপরাধী হৈয়া ।
 গঙ্গানারায়ণ পদে পড়ে প্রণমিয়া ॥
 কাতরে কহয়ে রক্ষা কর মো সভারে ।
 বৃথা জন্ম গোড়াইলু বিপ্র অহকারে ॥
 শ্রীমহাশয়ের আগে যাইতে না পারি ।
 করাহ তাঁহার অনুগ্রহ কৃপা করি ॥
 শুনিয়া ব্যাকুল বাক্য গঙ্গানারায়ণ ।
 মহাশয় সমীপে গেলেন সেইক্ষণ ॥
 করযোড় করিয়া কহয়ে ধীরে ধীরে ।
 অনুগ্রহ কর প্রভু এ সব বিপ্রেরে ॥
 এত কহিতেই বিপ্রগণ ভূমে পড়ি ।
 প্রণমিয়া কাতরে কহয়ে করযুড়ি ॥
 মো সভার সম বিপ্রাধম নাহি আর ।
 করিলু যতেক নিন্দা লেখা নাহি তার ॥
 বর্ণমধ্যে শ্রেষ্ঠ এই মিথ্যা অহকারে ।
 সামান্ত মনুষ্য বুদ্ধি করিলুঁ তোমারে ॥
 হইল বিফল সভে পড়িলুঁ যে সব ।
 কভু না স্পর্শিল সে ছলভ ভক্তি লব ॥
 কৃপা করি নাশহ ছর্দৈব মো সভার ।
 লইলুঁ শরণ এই চরণে তোমার ॥
 দেখিয়া ব্যাকুল শ্রীঠাকুর মহাশয় ।
 ভক্তিরত্ন দিয়া সে সভারে আলিঙ্গয় ॥
 সভে আজ্ঞা কৈলা গঙ্গানারায়ণ মনে ।
 ভক্তিগ্রন্থ অধ্যয়ন কর সাবধানে ॥

কিছুদিন পরে সভে যাইবা খেতরি ।
 অস্ত্র আমি এথা হৈতে যাইব বুধরি ॥
 এত কহি শীঘ্র করিলেন গঙ্গানান ।
 নয়ন ভরিয়া দেখিলেন ভাগ্যান ।
 শ্রীমহাশয়ের এই প্রসঙ্গ সকল ।
 ব্যাপিল সর্বত্র হৈল সভার মঙ্গল ॥
 গঙ্গাতীর হৈতে মহাশয় সভা সনে ।
 গঙ্গানারায়ণ গৃহে গেলা কথোক্ষণে ॥
 তথা নানা মিষ্টান্ন ভুঞ্জিলা সভা লৈয়া ।
 অতি শীঘ্র বুধরি আইলা হৃষ্ট হৈয়া ॥
 শ্রীগোবিন্দ কবিরাজ কর্ণপুর আর ।
 কবিরাজ গোকুল বল্লবী মজুমদার ॥
 এ সভা সহিত গিয়া খেতরি গ্রামেতে ।
 নিরন্তর রহে কৃষ্ণ-কথা আলাপেতে ॥
 শ্রীপ্রভুগণের সেবা পরিচর্যা যত ।
 তাহাতেই নিযুক্ত হইলা অবিরত ॥
 গৌরঙ্গ অঙ্গন-ধূলি ধূসরিত হৈয়া ।
 করয়ে ক্রন্দন প্রভু মুখপানে চাঞা ॥
 হাহা প্রভু গৌরঙ্গ বল্লবীকান্ত কৃষ্ণ ।
 করুণা করহ মুঞি বিষয় সতৃষ্ণ ॥
 ওহে প্রভু রাখাকান্ত শ্রীব্রজমোহন ।
 সংসার যাতনা হৈতে করহ মোচন ॥
 হে রাখারমণ মোরে রাখহ চরণে ।
 তোমা না ভুলিয়ে যেন জীবনে মরণে ॥
 এছে কত প্রকার করয়ে নিবেদন ।
 সে সব শুনিতে কান্দে পশু-পক্ষিগণ ॥

লোক ভীড় দেখি কড়ু নির্জনে যাইয়া ।
 নাম উচ্চারয়ে মহাব্যাকুল হইয়া ॥
 ওহে নবদ্বীপচন্দ্র গৌরঙ্গ সুন্দর ।
 ওহে নিত্যানন্দ পদ্মাবতীর কুমার ॥
 ওহে সীতানাথ অদ্বৈত দয়াময় ।
 ওহে শ্রীপণ্ডিত গদাধর প্রেমময় ॥
 ওহে করুণার সিদ্ধ পণ্ডিত শ্রীবাস ।
 ওহে বক্রেশ্বর শ্রীমুরারি হরিদাস ॥
 ওহে শ্রীশ্বরূপ রামানন্দ দামোদর ।
 ওহে শ্রীআচার্য গোপীনাথ কাশীশ্বর ॥
 ওহে বাচস্পতি সার্কভৌম ভট্টাচার্য ।
 ওহে সূর্য্যদাস গৌরীদাস পণ্ডিতার্য ॥
 ওহে শ্রীপণ্ডিত জগদীশ শুক্লাধর ।
 ওহে শ্রীগোবিন্দ ঘোষ দাস গদাধর ॥
 ওহে পুণ্ডরীক বিদ্যানিধি মহাশয় ।
 মুকুন্দ মাধব বাসুঘোষ ধনঞ্জয় ॥
 ওহে শ্রীজগদানন্দ সঞ্জয় শ্রীধর ।
 ওহে শ্রীমুকুন্দ নরহরি বিজ্ঞবর ॥
 ওহে শ্রীমদ্রূপ সনাতন গুণসিদ্ধ ।
 ওহে শ্রীভৃগুর্ভ লোকনাথ দীনবন্ধু ॥
 ওহে শ্রীগোপাল ভট্ট পতিতের প্রাণ ।
 ওহে রঘুনাথ ভট্ট গুণের নিধান ।
 ওহে কুণ্ডবাসী স্বরূপের রঘুনাথ ।
 ওহে জীব গোস্থায়ী করহ দৃষ্টিপাত ॥
 ওহে গৌর নিত্যানন্দাদ্বৈত প্রিয়গণ ।
 করহ করুণা মুঞি লইলু শরণ ॥

দেখি অতি পামর মোরে না উপেক্ষিবা ।
 মোর অভিলাষ পূর্ণ অবশ্য করিবা ॥
 ঐছে কত কহিয়া নারয়ে স্থির হৈতে ।
 পুনঃ বিলপয়ে কৃপা করছে ললিতে ॥
 শ্রীবিশাখা সূচিত্রা শ্রীচম্পক লতিকা ।
 বঙ্গদেবী সুদেবী পরম গুণাধিকা ॥
 ভুঙ্গবিষ্ণা ইন্দুলেখা সখী সূচতুরী ।
 শ্রীরূপমঞ্জরী রতি মুঞ্জরী কস্তুরী ॥
 লবঙ্গ মুঞ্জরী মুঞ্জলালী সর্বজনে ।
 রাখ মোরে শ্রীরাধিকা চরণ সেবনে ॥
 হে রাধিকে কৃষ্ণ সে তোমার প্রাণেশ্বর ।
 তাঁর পাদপদ্ম সেবা দেহ নিরন্তর ॥
 তোমা দৌহা বসাইব রত্ন সিংহাসনে ।
 নেত্র ভরি দেখিব বেষ্টিত সখীগণে ॥
 সখীস্নিতে চামর ব্যঞ্জন করি সুখে ।
 সমর্পিব তাষুল দৌহার চান্দ মুখে ॥
 হইব কি পূর্ণ এ মনের অভিলাষ ।
 এত কহি মহাশয় ছাড়ে দীর্ঘশ্বাস ॥
 কতক্ষণ মৌন ধরি রহে মহাশয় ।
 নবদ্বীপ লীলাগত হইল হৃদয় ॥
 উর্দ্ধে দুই বাহু তুলি কহে বারবার ।
 দেখিব কি নেত্র ভরি সন্দীয়া বিহার ॥
 চতুর্দিকে শ্রীবাসাদি প্রভু-প্রিয়গণ ।
 সম্মুখে অধৈত দেব ভুবন-পাবন ॥
 নিত্যানন্দ দক্ষিণে বামেতে গদাধর ।
 মধ্যে বিলসিব নবদ্বীপ সুধাকর ॥

দেখিব কি ঐছে গণসহ গৌররায় ।
 এত কহি ভাসে দুই নেত্রের ধারায় ॥
 কে বুঝিত পারে মহাশয়ের চরিত ।
 দিনে দিনে বাঢ়য়ে উদ্বেগ বিপরীত ॥
 শ্রীমহাশয়ের ঐছে চেষ্টা নিরখিয়া ।
 শ্রীরাধাবল্লভের ব্যাকুল হয় হিয়া ॥
 ঐছে পরম্পর সভে ভাবে মনে মনে ।
 মহাশয় যত্নে স্থির করে প্রিয়গণে ॥
 কে বুঝে সে মনোবৃত্তি প্রিয়গণ লৈয়া ।
 সদা নাম সংকীৰ্তনে রহে মগ্ন হৈয়া ॥
 একদিন মহাশয় কহে প্রিয়গণে ।
 গঙ্গানারায়ণের বিলম্ব হৈল কেনে ॥
 হেনকালে রামকৃষ্ণ গঙ্গানারায়ণ ।
 দৌহে আইলা সঙ্গে সেই বিপ্র কথোজন ॥
 পড়িলেন শ্রীমহাশয়ের পদতলে ।
 ভক্তিরসে মগ্ন বিপ্র ভাসে নেত্রজলে ॥
 শ্রীঠাকুর মহাশয় করি অনুগ্রহ ।
 কথোজনে শিষ্য কৈলা দেখিয়া আগ্রহ ॥
 মহাশয় প্রিয় গঙ্গানারায়ণ স্থানে ।
 কৃপাকরি শিষ্য করাইলা কথোজনে ॥
 সভে গিয়া গৌরান্ন প্রাঙ্গণে প্রণমিলা ।
 শ্রীমালাপ্রসাদ শ্রীপূজারী আনি দিলা ॥
 শ্রীগোবিন্দ কবিরাজ আদি বিজ্ঞগণ ।
 দেখি বিপ্র চেষ্টা হৈল উল্লসিত মন ॥
 শ্রীশঙ্কর ভট্টাচার্য্য আদি বিপ্র যত ।
 দীন হৈয়া সে সভার পদে হৈলা নত ॥

শ্রীসন্তোষ রাজা নরসিংহ আদি সব ।
 দেখিলেন বিপ্রবর্গে পরম বৈষ্ণব ॥
 মহামহোৎসব কৈলা তার পরদিকে ।
 বিপ্রগণ উন্নত হইলা সংকীর্ণনে ॥
 সভে হইলেন প্রেমভক্তি অধিকারী ।
 ঐছে অনুগ্রহের বালাই লৈয়া মরি ॥
 শ্রীমহাশয়ের চাকু চরিত্র অপার ।
 সর্ব মনোরথ পূর্ণ করিলা সভার ॥
 একদিন মহাশয় অতি প্রাতঃকালে ।
 হৈয়া মহা ব্যাকুল ভাসয়ে নেত্রজলে ॥
 অগ্নিশিখা প্রায় দীর্ঘ নিশ্বাস ছাড়িয়া ।
 কতক্ষণ ক্ষিতিতলে রহয়ে পড়িয়া ॥
 সে হেন বদন পশু সুখাইয়া যায় ।
 গদগদস্বরে কহে কি হইল হায় ॥
 হায় হায় বিধাতা হইলা মোরে বাম ।
 আর কি পাইব হে সে হেন গুণধাম ॥

ত্রিপদী যথা ।

বিধি মোরে কি করিল শ্রীনিবাস কোথা গেল
 হিয়া মাঝে দিয়া দারুণ ব্যথা ।
 গুণে রামচন্দ্র ছিলা, সেহ সঙ্গ ছাড়ি গেলা,
 শুনিতো না পাই মুখের কথা ॥
 পুনঃ কি এমন হব, রামচন্দ্র সঙ্গ পাব,
 এই জন্ম মিছা বহি গেল ।
 যদি প্রাণ নেহে থাক, রামচন্দ্র বলি ডাক,
 তবে যদি যাও সেই ভাল ॥

স্বরূপ রূপ সনাতন, রঘুনাথ সঙ্করণ,
 ভট্টযুগ দয়া কর মোরে ।
 আচার্য্য শ্রীশ্রীনিবাস, রামচন্দ্র যার দাস,
 পুনঃ নাকি মিলিব আমারে ॥
 না দেখিয়া সে না মুখ, বিদরিয়া যায় বুক,
 বিষ শরে কুরঙ্গিনী যেন ।
 আচলে রতন ছিল, কোন ছলে কেবা নিল
 নরোত্তমের হেন দশা কেন ॥
 এত কহি নীরব হইলা মহাশয় ।
 শুনি সভে ভাবয়ে না জানি কিবা হয় ॥
 মহাশয় জানি প্রিয়গণের অন্তর ।:
 সভারে প্রবোধ বাক্য কহিলা বিস্তর ॥
 প্রভুর প্রাঙ্গণে আসি বিদায় হইলা ।
 প্রভুগণ চরণে জীবন সমর্পিলা ॥
 কে বুঝে অন্তর অতি অধৈর্য্য হইয়া ।
 চলিলা বুধরি গোবিন্দাদি সঙ্গে লৈয়া ॥
 বুধরি গ্রামেতে একদিন স্থিতি কৈলা ।
 শ্রীগোবিন্দ চক্রবর্তী আদি তথা আইলা ॥
 অতি সুমধুর বাক্যে সভে প্রবোধিলা ॥
 শ্রীনাম কীর্তনে দিব্যরাত্রি গোঙাঞিলা ।
 বুধরি হইতে শীঘ্র চলিলা গান্ধীলে ।
 গঙ্গান্নান করিয়া বসিলা গঙ্গাকূলে ॥
 আজ্ঞা কৈলা রামকৃষ্ণ গঙ্গানারায়ণে ।
 মোর অঙ্গ মার্জন করহ হুইজনে ॥
 দৌহে কিবা মার্জন করিব পরশিতে ।
 হৃৎ প্রায় মিশাইয়া গঙ্গার জলেতে ॥

দেখিতে দেখিতে শীঘ্র হৈলা অন্তর্দান ।
 অত্যন্ত ছুজের ইহা বুঝিব কি আন ॥
 অকস্মাৎ গঙ্গার তরঙ্গ উখলিল ।
 দেখিয়া লোকের মহা বিস্ময় হইল ॥
 শ্রীমহাশয়ের ঐছে দেখি সঙ্গোপন ।
 বরষে কুমুম স্বর্গে রহি দেবগণ ॥
 চতুর্দিকে হৈল মহা হরি হরি ধ্বনি ।
 কেহ ধৈর্য্য ধরিতে নায়ে ইহা শুনি ॥
 সভে শ্রীঠাকুর নরোত্তম-গুণ গায় ।
 বাপিল জগত গুণে পাষণ মিলায় ॥
 শ্রীমহাশয়ের সঙ্গে ছিলা যত জন ।
 সভে লৈয়া গেলা গৃহে গঙ্গানারায়ণ ॥
 হরিরাম রামকৃষ্ণ আদি যত জন ।
 পরম্পর কৈলা সভে ধৈর্য্যাবলম্বন ॥
 শ্রীগোবিন্দ কবিরাজ আদি সভাসনে ।
 মহোৎসব আয়োজন কৈলা সেইক্ষণে ॥
 গান্ধীলা গ্রামেতে মহামহোৎসব করি ।
 বৃধরি হইয়া শীঘ্র গেলেন খেতরি ॥
 তথা রাজা নরসিংহ রূপনারায়ণ ।
 কৃষ্ণ সিংহ চান্দরায় শ্রীগোপীরমণ ॥
 শ্রীগোবিন্দ রাজা সন্তোষাদি প্রিয়গণ ।
 সভে শীঘ্র কৈলা মহোৎসব আয়োজন ॥
 যৈছে মহোৎসব হৈল খেতরি গ্রামেতে ।
 সহস্রেক মুখেও তা না পারি বর্ণিতে ॥
 সংকীর্্তন আরম্ভে যে হৈল চমৎকার ।
 গ্রন্থের বাহুল্য ভয়ে নারি বর্ণিবার ॥

তথাপি কহিয়ে কিছু শুন দিয়া মন ।
 প্রভুর প্রাক্ষণে আরম্ভিলা সংকীর্্তন ॥
 দেবীদাস গৌরাজ গোকুল আদি যত ।
 গীত বাঞ্চে সভাই হইলা উনমত্ত ॥
 শ্রীগোবিন্দ চক্রবর্তী আদি কথোজন ।
 মহামত্ত হৈয়া সভে করয়ে নর্ত্তন ॥
 শ্রীগোবিন্দ কবিরাজ আদি ভাবাবেশে ।
 হকার গর্জন করি অটু অটু হাসে ॥
 রাজা নরসিংহ আদি ভূমে গড়ি যায় ।
 চতুর্দিকে সভে সিক্ত নেত্রের ধারায় ॥
 সংকীর্্তন রসের সমুদ্র উখলিল ।
 সেই কালে সভে আশ্চ-বিস্মরিত হৈল ॥
 গুরু কৃষ্ণ বৈষ্ণবের অলৌকিক লীলা ।
 নরোত্তম করে নৃত্য সকলে দেখিলা ॥
 সংকীর্্তনানন্দে নৃত্য করি কতক্ষণ ।
 অতি অলঙ্কিতে হইলেন অদর্শন ॥
 শ্রীমহাশয়ের প্রিয়গণ প্রেমময় ।
 হইল সভার অতি অধৈর্য্য হৃদয় ॥
 স্বপ্নছলে সভে পুনঃ দিয়া দরশন ।
 করিলেন স্থির কহি প্রবোধ বচন ।
 এমন করণাময় কেবা আছে আর ।
 নিজ পরকার ছুখ নায়ে সহিবার ॥
 শ্রীঠাকুর মহাশয় গুণে কে না বুঝে ।
 যাঁর গুণ শুনি দারু পাষণ বিদরেঃ ॥
 নিরন্তর এ সব শুনহ যত্ন করি ।
 নরোত্তম-বিলাস কহয়ে নরহরি ॥

ইতি শ্রীনরোত্তম-বিলাসে একাদশোবিলাসঃ ।

দ্বাদশ বিলাস ।

জয় গৌর নিত্যানন্দাঈতগণ সহ ।
 এ দীন হুঃখীরে প্রভু কর অনুগ্রহ ॥
 জয় জয় দয়ার সমুদ্র শ্রোতাগণ ।
 এবে যে কহিয়ে তাহা করহ শ্রবণ ॥
 শ্রীঠাকুর মহাশয় শিষ্য কৈলা যত ।
 তাঁ সভার চেষ্টা কেবা বর্ণিবেক কত ॥
 শ্রীমহাশয়ের শাখা প্রশাখা বিস্তর ।
 তার মধ্যে কহি কিছু মো মূর্থ পামর ॥
 আগে পাছে নাম ইথে দোষ না লইবে ।
 নিজ ভৃত্য জানি সভে প্রসন্ন হইবে ॥
 জয় জয় শ্রীমহাশয়ের শিষ্যগণ ।
 গৌর নিত্যানন্দাঈত সভার জীবন ॥
 জয় পূজারী বলরাম ভক্তিময় ।
 যঁার সেবা বশে প্রভু প্রসন্ন হৃদয় ॥১॥
 জয় জয় চক্রবর্তী শ্রীগোপীরমণ ।
 গণসহ গৌরচন্দ্র যার প্রাণ ধন ॥২॥
 জয় শ্রীআচার্য্য রামকৃষ্ণ গুণমণি ।
 যঁার শাখা প্রশাখায় ব্যাপিল অবনি ॥৩॥
 জয় ভক্তিদাতা শ্রীপূজারী রবিরায় ।
 মহানন্দ পা'ন যেহ বৈষ্ণব সেবায় ॥৪॥
 জয় জয় চক্রবর্তী গঙ্গানারায়ণ ।
 যঁার শাখা প্রশাখায় ব্যাপিল ভুবন ॥৫॥

জয় রাধাবল্লভ চৌধুরী দয়াময় ।
 যার প্রেমাধীন শ্রীঠাকুর মহাশয় ॥
 শ্রীমহাশয়ের জ্যেষ্ঠ ভ্রাতা রামকান্ত ।
 তাঁর পুত্র শ্রীরাধাবল্লভ মহা শান্ত ॥৬॥
 জয় শ্রীনবগৌরঙ্গ দাস গুণরাশি ।
 যেহ গৌরচন্দ্র নামে মত্ত দিবা নিশি ॥৭॥
 জয় নারায়ণ ঘোষ প্রেমভক্তিময় ।
 যঁার গানে মত্ত শ্রীঠাকুর মহাশয় ॥৮॥
 জয় কৃষ্ণ সিংহ সিংহ বিক্রম বিদিত ।
 নিরন্তর প্রেমে মত্ত সঙ্গীতে পণ্ডিত ॥৯॥
 জয় শ্রীসন্তোষ রায় বিদিত ভুবনে ।
 মহাশয় হর্ষ যার সেবা আচরণে ॥
 শ্রীগোবিন্দ কবিরাজ সহ প্রীত অতি ।
 কবিরাজ গীতে ব্যক্ত কৈলা তাঁর রীতি ॥
 শ্রীসন্তোষাদেশে কবিরাজ হর্ষ হৈলা ।
 সঙ্গীতমাধব নাম নাটক বর্ণিলা ॥১০॥
 জয় মহাবিজ্ঞ রাজা শ্রীগোবিন্দ রাম ।
 নিরন্তর যার জিহ্বা জপে হরিনাম ॥ ১১ ॥
 জয় শ্রীবিনোদ রায় বিনোদ বন্ধনে ।
 করয়ে নর্তন প্রেমে মাতি সংকীর্ণনে ॥১২॥
 জয় কান্ত চৌধুরী পরম বিদ্বান্ ॥
 গন্ধর্ব মানয়ে ধন্য শুনি যার গান ॥১৩॥

জয় জয় মহা কবি শ্রীকান্ত রায় ।
 সদা ময় রাধাকৃষ্ণ চৈতন্য-লীলার ॥১৪॥
 জয় শ্রীশীতলরায় স্বভাব নীতল ।
 যারে দেখি মহামুখী বৈষ্ণব সকল ॥১৫॥
 জয় প্রভু রামদত্ত পরম সুধীর ।
 নিরন্তর যাঁর নেত্রে বহে প্রেমনীর ॥১৬॥
 অতি জিতেন্দ্রিয় শ্রীচৌধুরী ধর্মদাস ।
 অকৈতব যাহার বৈষ্ণবে বিশ্বাস ॥১৭॥
 জয় শ্রীভকত দাস ভক্তিরসপাত্র ।
 শ্রীবৈষ্ণব যারে না ছাড়য়ে তিল মাত্র ॥১৮॥
 জয় নিত্যানন্দ দাস প্রেমভক্তিময় ।
 নিত্যানন্দ গুণে যেহ মত্ত অতিশয় ॥
 জয় চণ্ডীদাস যে মণ্ডিত সর্বগুণে ।
 পাষণ্ডী খণ্ডনে দক্ষ দয়া অতি দীনে ॥২০॥
 জয় ধরু চৌধুরী যে বিদিত ধরণী ।
 কান্দে পশুপক্ষিগণ যার গুণ গুনি ॥২১॥
 জয় বোঁচারাম ভদ্র পরম কোতুকী ।
 সর্ব বৈষ্ণবের সুখ যার চেষ্টা দেখি ॥২২॥
 জয় রামভদ্র রায় হুঃখীর জীবন ।
 নিরন্তর তাঁর কার্য্য নাম সংকীর্তন ॥২৩॥
 জয় জয় রূপনারায়ণ দয়াবান ।
 কার না দ্রবয়ে হিয়া গুনি তাঁর গান ॥২৪॥
 জয় জানকীবল্লভ চৌধুরী ঠাকুর ।
 যার চেষ্টা দেখি বাঢ়ে আনন্দ প্রচুর ॥২৫॥
 জয় শ্রীশ্রীমন্ত দত্ত ভাণ্ডারী প্রবীণ ।
 যেহ গৌরগুণেতে উন্নত যাত্রি দিন ॥২৬॥

জয় রূপনারায়ণ পূজারী ঠাকুর ।
 যার গুণ শ্রবণে ত্রিপাপ যায় দূর ॥২৭॥
 জয় জয় শ্রীবৈষ্ণব চরণ বিরক্ত ।
 সদা গৌরচন্দ্র গুণ গানে অনুরক্ত ॥২৮॥
 জয় শিবরাম দাস পরম উদার ।
 গৌর নিত্যানন্দদৈবত সর্বস্ব যাহার ॥২৯॥
 জয় জয় কৃষ্ণদাস বৈরাগী ঠাকুর ।
 যাঁর অনুরূপেই সব হুঃখ যায় দূর ॥৩০॥
 জয় রাজা নৃসিংহ পরম তেজোময় ।
 যার প্রেমাধীন শ্রীঠাকুর মহাশয় ॥৩১॥
 জয় রূপমালা নর সিংহের ঘরণী ॥৩২
 যার ভক্তি রীতে ধন্যা মানয়ে ধরণী ॥
 জয় চান্দরায় চাকর চরিত্র বিদিত ।
 বৈষ্ণব সেবায় যাঁর পরম পিরীত ॥৩৩॥
 জয় নারায়ণ রায় পরম সুশান্ত ।
 সদা মত্ত দেখি শ্রীবিগ্রহ রাধাকান্ত ॥৩৪॥
 জয় রামচন্দ্র রায় অতি অকিঞ্চন ।
 সপার্বদে গৌরচন্দ্র যাঁর প্রাণধন ॥৩৫॥
 জয় শ্রীঠাকুর দেবীদাস কীর্তনিনী ।
 বৈষ্ণব উন্নত যার কীর্তন গুনিয়া ॥৩৬॥
 জয় রাধাকৃষ্ণ ভট্টাচার্য্য দয়াবান্ ।
 অতি পূর্বে নবদ্বীপে যার বাস স্থান ॥৩৭॥
 জয় মহাবিজ্ঞ শ্রীঠাকুর কৃষ্ণদাস ।
 বৈষ্ণবের প্রতি যার পরম বিশ্বাস ॥৩৮॥
 জয় শ্রীচাটুয়া রাম দাস ভক্তিপাত্র ।
 বৈষ্ণবের পত্র অবশেষ ভুঞ্জি মাত্র ॥৩৯॥

জয় বৈষ্ণবের প্রিয় শঙ্কর বিশ্বাস ।
 গৌরগুণ গানে যেহ পরম উল্লাস ॥৪০॥
 জয় শ্রীগন্ধর্ব রায় গানে বিচক্ষণ ।
 যাঁর গানে লজ্জা পায় গন্ধর্বের গণ ॥৪১॥
 জয় শ্রীমদন রায় গন্ধর্ব তনয় ।
 যাঁর গুণ গুণিতে সভার প্রেমোদয় ॥৪২॥
 জয় গঙ্গাদাস রায় মেহের মুরতি ।
 অতি অলৌকিক যাঁর প্রেমভক্তি রীতি ॥
 জয় শ্রীগোরাঙ্গ দাস বায়ন ঠাকুর ।
 যাহার মৃদঙ্গ বাজে তাপ যায় দূর ॥৪৪॥
 জয় শ্রীআচার্য্য জয় কৃষ্ণ বিজ্ঞবর ।
 প্রভু-পাদপদ্মে যেহ মত্ত মধুকর ॥৪৫॥
 জয় জয় শ্রীবটু চৈতন্যদাস বিজ্ঞ ।
 প্রেমভক্তিময় মূর্তি পরম মনোজ্ঞ ॥৪৬॥
 জয় ব্রজরায় ভক্তি রীতি চমৎকার ।
 প্রাণ দিয়া করে যেহ পর উপকার ॥৪৭॥
 জয় রাধাকৃষ্ণ দাস রসিক অনন্ত ।
 ভক্তি প্রবর্তাই কৈলা পতিতেরে ধন্ত ॥৪৮॥
 জয় কৃষ্ণ কৃষ্ণরায় প্রেমেতে বিহ্বল ।
 নিরন্তর যার ছই নেত্রে বহে জল ॥৪৯॥
 জয় জয় ঠাকুর শ্রীদয়ারাম দাস ।
 তুলসী সেবায় যাঁর পরম উল্লাস ॥ ৫০ ॥
 জয় শ্রীপুরুষোত্তম গুণের আলায় ।
 বৈষ্ণব সেবাতে যার প্রীত অতিশয় ॥৫১॥
 জয় শ্রীগোকুল ভক্তি রসের মুরতি ।
 যাঁর পানে নাহি বৈষ্ণবের দেহ স্মৃতি ॥৫২

জয় জয় হরিদাস হর্ষ গৌররসে ।
 নিরন্তর অভিলাষ নবদীপ বাসে ॥৫৩॥
 জয় গঙ্গাহরি দাস গঙ্গাতীরে স্থিতি ।
 লোকে চমৎকার দেখি যাঁর ভক্তিরীতি ৫৪
 জয় জয় শ্রীঠাকুর শ্রীহরিদাস ।
 ভক্তিগ্রন্থ সেবনেতে সুদৃঢ় বিশ্বাস ॥ ৫৫ ॥
 জয় শ্রীজগতরায় পরম পণ্ডিত ।
 পাষণ্ডী অসুরে দণ্ড দেন যে উচিত ॥৫৬॥
 জয় রূপরায় গানে অতি বিচক্ষণ ।
 যাঁর গান শুনি প্রেমে ভাসয়ে যবন ॥৫৭॥
 জয় থিরু চৌধুরী হরয়ে হৃৎখ শোক ।
 যাঁর চেষ্টা দেখি সুখে ভাসে মর্বলোক ॥৫৮
 জয় জয় শ্রীকান্ত পরম বিদ্যাবান্ ।
 নিজ গুণে করে যেহ পতিতের জ্ঞান ॥ ৫৯
 জয় শ্রীমথুরাদাস পরম সুধীর ।
 সদা দৈন ভাব যার অন্তর বাহির ॥৬০॥
 জয় ভাগবত দাস ভক্তিরসপাত্র ।
 সাধনেতে অবসর নাহি তিলমাত্র ॥৬১॥
 জয় জগদীশ রায় জগতে প্রচার ।
 প্রভু সেবায় সদা অতি গুহ্যচার ॥৬২॥
 জয় জয় ঠাকুর শ্রীমহেশ চৌধুরী ।
 সদা অশ্রুকম্প পুলকায় সুমাধুরী ॥৬৩॥
 জয় জয় গণেশ চৌধুরী মথ গানে ।
 দিবানিশি হায় যৈছে কিছুই না জানে ॥৬৪
 জয় ভক্তিরস দাতা শ্রীচন্দ্রশেখর ।
 প্রভু-পাদপদ্মে যেহ মত্ত মধুকর ॥৬৬॥

জয় শ্রীগোবিন্দায় গুণের নিধান ।
 কৃষ্ণনাম নয় যে তাঁহারে সের প্রাণ ॥ ৬৬ ॥
 জয় অতি বিজ্ঞ মরোত্তম মহুমদার ।
 মহুমদার বিনা কেহ না কহয়ে আর ॥ ৬৭ ॥
 জয় শ্রীশঙ্কর ভট্টাচার্য্য গুণে পূর্ণ ।
 পাশ্চাত্তীগণের অহকার করে চূর্ণ ॥ ৬৮ ॥
 জয় শ্রীগোসাঞি দাস অদ্ভুত আশয় ।
 যারে প্রশংসয়ে শ্রীঠাকুর মহাশয় ॥ ৬৯ ॥
 জয় শ্রীমুরারি দাস দীনে দয়া অতি ।
 বৈষ্ণব উচ্ছিষ্টে যার পরম পীরিতি ॥ ৭০ ॥
 জয় জয় প্রেমময় শ্রীবসন্ত দত্ত ।
 শ্রীগৌরগোবিন্দ প্রেমরসে সদা মত্ত ॥ ৭১ ॥
 জয় শ্রীঠাকুর শ্যামদাস সদা সুখী ।
 হুঃখীগণ ভাসে প্রেমানন্দে যারে দেখি ॥ ৭২ ॥
 জয় শ্রীজীব গোপাল দত্ত যারে ।
 তিলার্দ্ধ বৈষ্ণবগণ ছাড়িতে না পারে ॥ ৭৩ ॥
 জয় রাম দেবদত্ত দীনে দয়া যার ।
 সংকীৰ্ত্তন রসেতে উন্নত অনিবার ॥ ৭৪ ॥
 জয় গঙ্গাদাস দত্ত হুঃখীর জীবন ।
 নিরন্তর করে যেহ নাম সঙ্কীৰ্ত্তন ॥ ৭৫ ॥
 জয় মনোহর ঘোষ ক্রিয়া মনোহর ।
 শ্রীগৌরচন্দ্রের গুণ গায় নিরন্তর ॥ ৭৬ ॥
 জয় শ্রীমুকুট মৈত্র অতি শুদ্ধরীতি ।
 রাধাকৃষ্ণ-চৈতন্য চরণে দৃঢ় রতি ॥ ৭৭ ॥
 জয় শ্রীবিধাস মনোহর মহাশাস্ত ।
 যাহার সর্বদা গৌর শ্রীবল্লবীকান্ত ॥ ৭৮ ॥

জয় জয় অর্জুন বিশ্বাস বলবান্ ।
 প্রভু পরিচর্য্যায় পরম সাবধান ॥ ৭৯ ॥
 জয় শ্রীভাগ্যবান্ গোবর্দ্ধন ভাগ্যবান ।
 যেহ সর্বমতে কার্য্য করে সমাধান ॥ ৮০ ॥
 জয় শ্রীবালকদাস বৈরাগী ঠাকুর ।
 সদা বালকের চেষ্টা করুণা প্রচুর ॥ ৮১ ॥
 জয় শ্রীগৌরাজ দাস বৈরাগী প্রবীণ ।
 সদা আপনাকে যেহ মানে অতি দীন ॥ ৮২ ॥
 জয় শ্রীবিহারীদাস বৈরাগী ঠাকুর ।
 অতি অকিঞ্চন বেশ চরিত্র মধুর ॥ ৮৩ ॥
 জয় শ্রীগোকুলদাস বৈরাগী প্রবল ।
 নবদ্বীপ বৃন্দাবন বাসে যে বিহ্বল ॥ ৮৪ ॥
 জয় শ্রীপ্রসাদ দাস বৈরাগী প্রধান ।
 স্থিতি শ্রীশ্রীতরিনিবিনা যেনা জানে আন ॥ ৮৫ ॥
 এ সভার চরিত্র বর্ণিতে নাহি সীমা ।
 জগৎ ব্যাপিল এই সভার মহিমা ॥
 মনে এই অভিলাষ করিলে সদাই ।
 নিশ্চয়ের হৈয়া এ সভার গুণ গাই ॥
 সংক্ষেপে কহিলু এই শাখাগণ নাম ।
 যে নাম শ্রবণে পূর্ণ হয় সব কাম ॥
 জয় জয় উপশাখা বিখ্যাত জগতে ।
 নামমাত্র কহি কিছু আপনা শোধিতে ॥
 রামকৃষ্ণাচার্য্য শাখা বহু শিষ্য তাঁর ।
 কহি কিছু সংক্ষেপেতে নারি বর্ণিবার ॥
 আচার্য্যের ভার্য্য নাম কণকলতিকা ।
 ভক্তিমুক্তিমতী গতিব্রতা গুণাধিকা ॥ ১ ॥

আচার্যের সোঁচপুত্র রাধাকৃষ্ণাচার্য্য ।
 অকালে মহোপন হৈলা মহা আর্ঘ্য ॥২॥
 বেতুল্যা নিবাসী রাধাকৃষ্ণ চক্রবর্তী ।
 তক্তি অঙ্গ সাধনে যাহার মহা আর্তি ॥৩॥
 শ্রীকৃষ্ণ চক্রবর্তী বিজ্ঞ সর্বমতে ।
 শ্রীগোবিন্দ সেবা বাস হসেন পুরেতে ॥৪॥
 কুমর পুরেতে শ্রীগোকুল চক্রবর্তী ।
 সকল লোকেতে যার গায় গুণকীর্তি ॥৫॥

ইহে শাখা উপশাখা-লেখা নাহি যার ।
 শ্রীকৃষ্ণ-চৈতন্য প্রাণ জীক্স-কতার ॥
 শ্রীমহাশয়ের শাখা যার গঙ্গানারায়ণ ।
 শ্রীঠাকুর চক্রবর্তী খ্যাতি সতে ক'ন ॥
 কেবা না বুঝয়ে গঙ্গানারায়ণ গুণে ।
 অগ্যাপিহ বিজ্ঞে যশ গায় বৃন্দাবনে ॥

তথাহি শ্রীস্ববামৃতলহর্যাং ।

বৃন্দাবনে যন্ত যশঃ প্রসিদ্ধমদ্যপি গীয়েত সতাং মহঃস্ব

শ্রীচক্রবর্তী দয়তাং ন গঙ্গানারায়ণঃ প্রেমরসাস্বধির্দ্যাম্ ॥

মহা বিজ্ঞাবস্তু অতি কৃষ্ণার ধাম ।
 তাঁর বহু শাখা এথা কহি কিছু নাম ॥
 শ্রীচক্রবর্তীর গঙ্গীনাম রামনারায়ণী ।
 জগৎ বিদিতা বিষ্ণু প্রিয়ার জননী ॥
 বিষ্ণুপ্রিয়া কন্ঠা কৃষ্ণপ্রিয়া ভক্তিরশি ।
 শ্রীরাধার অনুগৃহীতা যে রাধাকুণ্ডবাসী ॥
 শ্রীকৃষ্ণচরণ চক্রবর্তী দয়াময় ।
 রামকৃষ্ণ আচার্যের কনিষ্ঠ তনয় ॥
 শ্রীকৃষ্ণচরণ গুণ না পারি বর্ণিতে ।
 যৈছে শিষ্ট হৈলা তাহা কহি সংক্ষেপেতে ॥
 রামকৃষ্ণ গঙ্গানারায়ণ এক প্রাণ ।
 দেহ মাত্র ভিন্ন লোকে করে একজ্ঞান ॥
 শ্রীঠাকুর চক্রবর্তী মস্তান রহিত ।
 কে বুঝিতে পারে তাঁর অকথ্য চরিত ॥
 আচার্য্য জানিয়া মনোবৃত্তি হই মনে ।
 অকালে দিলা পুত্র গঙ্গানারায়ণে ॥

শ্রীকৃষ্ণ চরণ ভক্তিরস আশ্বাদনে ।
 তার্কিকাদি পাষণ্ডীগণেরে নাহি গণে ॥
 শ্রীমধুসূদন চক্রবর্তী শাখা আর ।
 গঙ্গানারায়ণ প্রাণ জীবন যাহার ॥
 রঘুদেব ভট্টাচার্য্য পরম প্রবীণ ।
 শ্রীঠাকুর চক্রবর্তী যার প্রেমাধীন ॥
 শ্রীচক্রবর্তীর শাখা উপশাখাগণ ।
 কেবা বর্ণিবারে পারে ব্যাপিলা ভুবন ॥
 আর যে শাখা উপশাখার শাখাগণ ।
 গ্রন্থের বাহুল্য ভয়ে না কৈলু বর্ণন ॥
 শ্রীমহাশয়ের শাখাগণ মনোহর ।
 সংকীর্ণম আনন্দে আবেশ নিরন্তর ॥
 এ সব শাখার পূর্ণ কৈলা অভিলাষ ।
 শ্রীমহাশয়ের অতি অদ্ভুত বিলাস ॥
 ইহা যে বর্ণিয়ে মোর কোন সাধ্য নাই ।
 কেবল ভরসা ইথে বৈষ্ণব গোসাঞী ॥
 নিরন্তর এ সব গুনহ যত করি ।
 নরোত্তম-বিলাস কহয়ে নরহরি ॥

ইতি শ্রীনরোত্তম-বিলাসে স্বাদশোবিলাসঃ ।

ইতি শ্রীনরোত্তমবিলাসসম্পূর্ণম্ ॥

